





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.247





FRANCISCI
CAESARIS AVGVSTI
MVNIFICENTIA.

2.3.247



2 3 247

IO. ANTONII
PETRAMELLARII

BONONIENSIS,

SS. Mauritij, & Lazari Hierosolymit. Equitis.

A D

LIBRVM ONVPHRII
PANVINII

DE SVMMIS PONTIF.

ET S.R.E. CARDINALIBVS.

*A Paulo Quarto ad Clementis Octavi
Annum Pontificatus Octauum.*

CONTINVATIO.



BONONIAE

Apud Hæredes Ioannis Rosij. MDIC.

Superiorum permissu.

Laud. Savoy. Flo

IO. ANTONI

PETRAMELLARI

BONONIENSIS

22 Martij & Festi Hieronymi Episcopi

A. D.

LIBRARIUM ONVPHRII

RAVINII

DE SUMMIS PONTIF.

ET S. R. E. CARDINALIBUS

A. F. de C. de C. de C. de C. de C.

N. de C. de C. de C. de C. de C.

CONTINUATIO



BONONIAE

Apud Hieronymum Episcopum, M.D.C.

Superius in fine

Handwritten signature or mark, possibly 'L. de C.'

ILLVSTRISSIMO,

AC REVERENDISSIMO
DOMINO,

D. LAVRENTIO

BLANCHETTO

S.R.E.CARD. AMPLISSIMO,

PATRONO COLENDISS.

Io. Antonius Petramellarius felicitatem.



QVOD adea, quæ de Patribus
amplissimis ab Onuphrio Pan-
unio viro apprimè erudito, et
eloquenti scriptis mādāta sue-
rūt; modica hæc facta sit Conti-
nuatio, id mei fuit ocij. Quod
lucubrationes hæ inter suos cancellos pudenter cōti-
nerētur, id mei erat propositi. Quod res manuscri-
ptis exēplarib. in amici promortui gratiā vulgata,
non incōsulto authore excuderetur, id exhortationis
fuit multorū. Quod verò nōmine tuo illustriss. cōde-
coratum prodire laborem hunc meum statuerim, id
optati est perfugij. Video nō tam probari electionem,
quam reprehendi audaciā: ut. n. negotio patronum

†

2

selege-

selegeram eximium, qui usquequaq; posset; & au-
toritate fouere, & nomine tueri, & dignitate con-
firmare, qua verè magis, quam comptè narrantur;
ita oblatio nimium tenuis suppetebat, pro tanti viri
protectione ex postulanda. Sane; si munus hoc ex
scribentis conditione spectetur, est perexiguum; si
ex viribus ingenij, dixerim mediocre; si ex animi
propensione, magnum; si ex rei, de qua agitur, condi-
tione, non ineptum, quod Cardinali offeratur. Ac-
cipe igitur (Cardinalis Illustriss.) & aspice. Sat hoc
dixisse. Nihil. n. accipit tua isthac humanitas, quod
non boni consulat; nihil aspicit, quod non latificet.
In hoc clientuli tui perlegito deuotione; & ubi-
que elanguescat argumentū, vel desit ornatu; tua
ipsius merita in cuiuslibet laudibus diffusa augebūt
argumentum; splendor tuus faciet ad ornatum; cu-
pidoq; mea tibi placendi cuncta colorabit.




AMICO

AMICO LECTORI.



NUPERIVS Panuinius, vir ad ecclesiasticas antiquitates ex tenebris eruendas, natus; cum librum, quem ille de summis Pontificibus, & S. R. E. Cardd. summo labore cōscribebat; tunc informē, ac innumeris erroribus scatentē, & cui nondum extremā manum imposuerat (vt ipse testatur) sibi pręreptū, cum eorundē insignibus impressum; sui tamē nominis titulo, intellexisset; alterū integrū, emendatū, erroribusq; purgatū, ac; vt homines cognoscerent; non quem sibi sublatum affirmat: sed nouissimū, qui sine insignibus editus est, suum esse germanū foetum, qui. s.ē sua prodijisset officina, publicare maturauit. Ad hūc igitur; non ad priorem illum hæc à me continuatio facta est, quamuis appositis insignibus, videar priorem illum fuisse æmulatum, & cū de Cardinalium morte agitur, nonnulla de rebus ab ijs gestis adiecerim. Alterum. n. de nonnullorum consilio feci. Alterum, vt facerem animū induxi, quo posteris liqueret, etiam nostra tempestate in sacro Cardinalium Collegio viros; morum integritate, vitæ sanctimonia, rerum ciuiliū vſu, humanarum contemptu, desiderio diuinarū, ac laboribus pro S. R. E. exantlatis, librisq; in ea defendenda, ac propaganda, necnon rep. literaria adiuuanda conscriptis, insignes, ac dignos floruisse, qui cum priscis illis Ecclesię Patribus possint comparari. De his (benignē Lector) te monitū volui, quem; vt æquo animo hæc perlegas etiam, atq; etiam rogo.



INDEX SUMMORVM PONTIFICVM.




C LEMENS Papa VIII.	P. 378.
Gregorius Papa XIII.	180. 270
Gregorius Papa XIV.	346. 363
Innocentius Papa IX.	364. 372
Paulus Papa IV.	1. 53
Pius Papa IV.	60. 124.
Pius Papa V.	128. 177
Sixtus Papa V.	271. 336
Vrbanus Papa VII.	338. 343



INDEX

INDEX S.R.E. CARDINALIVM.



A.	P. N.	P. N.
<i>Lbertus ab Austria.</i>	189. 4.	443. 23.
<i>Albertus Bolognetius.</i>	195. 28.	295. 3.
<i>Alexander Cribellius.</i>	75. 37.	216. 9.
<i>Alexander Farnesius.</i>	7. 44.	328. 23.
<i>Alexander Medices.</i>	195. 17.	453. 9.
<i>Alexander Perettus.</i>	276. 1.	471. 49.
<i>Alexander Riarius.</i>	190. 5.	298. 5.
<i>Alexander Sfortia.</i>	75. 35.	250. 28.
<i>Alfonsus Carafa.</i>	27. 16.	115. 23.
<i>Alfonsus Gesualdus.</i>	67. 17.	450. 1.
<i>Fr. Aloysius Corneliuss.</i>	8. 53.	260. 36.
<i>Aloysius Estensis.</i>	67. 12.	310. 12.
<i>Aloysius de Guisa.</i>	190. 7.	325. 21.
<i>Aloysius Pisanus.</i>	74. 28.	169. 18.
<i>Andreas ab Austria.</i>	188. 3.	470. 46.
<i>Andreas Bathorius.</i>	201. 34.	471. 48.
<i>Andreas Perettus.</i>	385. 20.	476. 57.
<i>Angelus Nicolinius.</i>	74. 27.	149. 6.
<i>D. Anna de Cars de Giuri.</i>	385. 10.	465. 37.
<i>Annibal Bozzutus.</i>	74. 24.	120. 25.
<i>Antonius Carafa.</i>	135. 5.	351. 1.
<i>Antonius Crechius.</i>	74. 30.	215. 7.
<i>Antonius Fachinettus.</i>	369. 2.	473. 53.
<i>Antonius Granuellanus.</i>	67. 6.	306. 10.
<i>Antonius maria Saluiatus.</i>	195. 24.	454. 12.
<i>Antonius maria Gallus.</i>	280. 13.	457. 19.
<i>Antonius de Medon.</i>	6. 9.	58. 22.
<i>Antonius Saulius.</i>	284. 20.	457. 20.
<i>Antonius Triuulcius.</i>	26. 10.	52. 18.
	† 4	Fr. Ar-

INDEX.

<i>Fr. Archangelus de Blanchis.</i>	138. 14.	242. 24.
<i>Ascanius Columna.</i>	280. 17.	472. 50.
<i>Augustinus Cusanus.</i>	288. 28.	445. 24.
<i>Augustinus Valerius.</i>	195. 25.	454. 13.

B.

B <i>Artholomæus Cæsius.</i>	385. 17.	475. 56.
<i>Bartholomæus de la Cueva.</i>	6. 17.	96. 11.
<i>Benedictus Iustinianus.</i>	280. 16.	459. 26.
<i>Benedictus Lomellinus.</i>	75. 42.	235. 20.
D. <i>Bernardinus Scotus.</i>	23. 3.	162. 13.
<i>Bernardus Nauagerius.</i>	68. 20.	114. 22.
<i>Fr. Bernardus Saluiatus.</i>	66. 4.	157. 10.

C.

C <i>Cæsar Baronius.</i>	385. 13.	466. 40.
<i>Camillus Burghesius.</i>	385. 12.	466. 39.
<i>Carolus Borbonius de Vendosme.</i>	7. 27.	334. 25.
<i>Carolus Borbonius de Vendosme.</i>	195. 19.	405. 7.
<i>Carolus Borromæus.</i>	65. 3.	262. 38.
<i>Fr. Carolus Carafa.</i>	22. 1.	91. 8.
<i>Carolus de Grassis.</i>	137. 12.	173. 21.
<i>Carolus Lotharingus.</i>	6. 23.	218. 10.
<i>Carolus Lotharingus.</i>	190. 12.	321. 18.
<i>Carolus Lotharingus.</i>	289. 32.	472. 51.
<i>Carolus à Rambouilletto.</i>	137. 13.	314. 14.
<i>Carolus Viccomes.</i>	75. 38.	123. 27.
<i>Christophorus Madrucius.</i>	6. 12.	231. 18.
<i>Christophorus de Monte.</i>	7. 28.	110. 19.
<i>Claudius à Bauma.</i>	190. 6.	261. 37.
<i>Claudius de Giuri.</i>	6. 7.	85. 3.
<i>Fr. Clemens Dolera.</i>	27. 15.	151. 7.
<i>Fr. Constantius Sarnanus.</i>	280. 14.	417. 13.
<i>Cynthius Aldobrandinus.</i>	383. 4.	475. 55.

D. De-

INDEX.

D.
D Ecius Azolinus.
 Didacus Spinosa.
 Diomedes Carafa.
 Dominicus Pinellus.
 Durantes de Durantibus.

277. 8. 319. 17.
 135. 2. 203. 1.
 24. 4. 86. 4.
 277. 6. 456. 17.
 6. 19. 46. 13.

E.
E Vangelista Pallotus.

284. 21. 458. 21.

F.
F Abius Mignanellus.
 Federicus Borromaeus.
 Federicus Cæsius.

7. 35. 38. 6.
 284. 26. 462. 32.
 6. 18. 111. 20.

Fr. Federicus Cornelius.
 Fr. Federicus Gonzaga.
 Fr. Felix Perettus.

277. 5. 344. 1.
 73. 22. 113. 21.
 138. 15. 271.

Ferdinandus Medices.
 Ferdinandus Nino.
 Ferdinandus de Toletto.
 Flaminius Platus.

73. 23. 323. 20.
 385. 16. 468. 43.
 190. 10. 251. 29.
 349. 5. 462. 31.

Flavius Vrsinus.
 Franciscus Abundius *Castillonensis.*

75. 36. 253. 30.
 75. 41. 158. 11.

Franciscus Alciatus.
 Franciscus de Anila.

75. 43. 246. 26.
 285. 15. 468. 42.

Franciscus Cornelius.
 Franciscus Crassus.

385. 9. 438. 20.
 75. 46. 143. 1.

Franciscus Gonzaga.
 Franciscus de Ieyense.

67. 15. 126. 28.
 195. 20. 454. 11.

Franciscus Mantica.
 Franciscus Maria ex March. Montis.

385. 18. 469. 44.
 288. 29. 460. 27.

Franciscus Maria Taurinus.
 Franciscus de Mendoza.

385. 7. 464. 35.
 6. 14. 148. 5.

Franciscus Pacieeus.
 Franciscus Pisanus.

67. 11. 240. 22.
 7. 40. 170. 19.

Franciscus Sfortia.

196. 33. 470. 47.

Frans-

INDEX.

Franciscus de S. Georgio.	385. 11.	465. 38.
Franciscus Toletus.	382. 2.	423. 16.
Franciscus de Turnone.	5. 3.	94. 10.
Fulvius Corneus.	7. 29.	256. 32.

G.

G abriel Palaeotus.	75. 45.	429. 18.
Gaspar Ceruantes.	137. 8.	224. 13.
Gaspar Quiroga.	193. 14.	409. 9.
Gaspar de Stunica.	137. 7.	172. 20.
Georgius de Arminiaco.	6. 13.	297. 4.
Georgius Draconicius.	277. 3.	312. 13.
Georgius Radziuil.	195. 29.	455. 14.
Gherardus à Grosbeck.	190. 8.	241. 23.
Fr. Gregorius Petrochinus.	289. 31.	459. 24.
Guido Ascanius Sfortia.	7. 45.	109. 18.
Guido Ferrerius.	75. 39.	292. 2.
Guido Pepulus.	289. 33.	447. 25.
Guilielmus Alanus.	283. 18.	406. 8.
Fr. Guilielmus Peytous.	30. 19.	46. 12.
Guilielmus Sirletus.	75. 44.	300. 6.

H.

H enricus Caetanus.	277. 1.	456. 16.
Henricus Portugalia Rex.	6. 20.	244. 25.
Hercules Gonzaga.	7. 41.	99. 13.
Hieronymus de Auria.	7. 42.	45. 11.
Hieronymus Austriacus.	68. 21.	204. 2.
Fr. Hieronymus Bernerius.	280. 12.	457. 18.
Hier. Capoferreus.	8. 50.	56. 20.
Hier. Dandinus.	7. 38.	57. 21.
Hier. Matthæius.	280. 15.	461. 29.
Hier. Rusticucci.	138. 19.	452. 6.
Hier. de Ryvere.	280. 10.	374. 3.
Fr. Hier. Seripandus.	66. 5.	101. 14.
Hier. Simoncellus.	8. 55.	452. 7.
D. Hier. Socherius.	135. 3.	176. 23.

Hier.

INDEX.

Hier. Verallus.	7. 24.	32. 1.
Hippolytus Aldobrandinus.	277. 9.	378.
Hippolytus Estensis.	8. 48.	206. 3.
Hippolytus Rubens.	277. 7.	360. 4.
Hugo Boncompagnus.	75. 34.	180.
Fr. Hugo Verdala.	284. 25.	413. 11.

I. Iacobus Denebault.	6. 15.	37. 5.
Iacobus Putens.	7. 33.	103. 15.
Iacobus Sabellus.	8. 49.	321. 19.
Innocentius de Monte.	8. 52.	229. 16.
Innicus Aualos.	67. 16.	450. 2.
Io. Aldobrandinus.	138. 17.	211. 5.
Fr. Io. Aluari de Toledo.	6. 6.	39. 7.
Io. Andreas Mercurius.	7. 32.	89. 6.
Io. Angelus Medices.	7. 25.	60.
Io. Ant. Capisuccus.	24. 8.	164. 14.
Io. Ant. Fachinettus.	194. 15.	364.
Io. Ant. Sorbellonius.	65. 1.	356. 2.
Io. Baptista Castanea.	195. 16.	338.
Io. Baptista Castrucci.	277. 4.	416. 12.
Io. Baptista Cicada.	7. 37.	168. 17.
Io. Bapt. de Consiliarijs alias Ghislerijs.	27. 18.	54. 19.
Io. Bellaius.	6. 4.	82. 1.
Io. Bertrandus.	27. 13.	88. 5.
Io. Franciscus Commendonius.	74. 32.	267. 39.
Io. Franciscus Gambar.	68. 18.	316. 15.
Io. Franciscus Maurocenus.	287. 27.	419. 14.
Io. Groperius.	24. 7.	43. 10.
Io. Hier. Albanus.	138. 20.	357. 3.
Io. Medices.	65. 2.	97. 12.
Io. de Mendoza.	284. 24.	373. 2.
Io. Michael Saracenus.	7. 30.	152. 8.
Io. Moronus.	6. 11.	247. 27.
Io. Paulus ab Ecclesia.	135. 4.	221. 11.
Io. Petrus Carafa.	5. 1.	1.

Io. Peg-

INDEX.

<i>Io. Poggius.</i>	7.	36.	33.	2.
<i>Io. Reumanus.</i>	24.	6.	144.	2.
<i>Io. Riccius.</i>	7.	31.	212.	6.
<i>Io. Silicæus.</i>	23.	2.	41.	8.
<i>Fr. Io. Vincentius Gonzaga.</i>	190.	13.	371.	1.
<i>Iulius Antonius Sanctorius.</i>	137.	10.	451.	5.
<i>Iulius de Aquaiua.</i>	138.	21.	215.	8.
<i>Iulius Cananius.</i>	195.	22.	391.	1.
<i>Iulius de Ruere.</i>	8.	51.	234.	19.

L.

L <i>Aurentius Blanchettus.</i>	385.	14.	467.	41.
<i>Laurentius Priulius.</i>	384.	6.	363.	34.
<i>Laurentius Strozius.</i>	27.	11.	175.	22.
<i>Lucius Saxus.</i>	382.	1.	463.	33.
<i>Ludouicus Borbonius.</i>	5.	2.	37.	4.
<i>Ludouicus Madrucus.</i>	67.	13.	451.	4.
<i>Ludouicus de Guisa.</i>	8.	54.	230.	17.
<i>Ludouicus Simoneta.</i>	67.	9.	154.	9.

M.

M <i>Arcus Antonius Amulius.</i>	68.	19.	166.	16.
<i>Marcus Antonius Boba.</i>	75.	33.	223.	12.
<i>Marcus Antonius Columna.</i>	74.	25.	428.	17.
<i>Marcus Antonius Maffeus.</i>	137.	6.	257.	33.
<i>Marcus Sithicus de Altaemps.</i>	67.	14.	411.	10.
<i>Marianus Perbenedictus.</i>	289.	30.	458.	23.
<i>Matthæus Contarellus.</i>	196.	30.	302.	7.
<i>Fr. Michaël Bonellus.</i>	134.	1.	434.	19.
<i>Fr. Michaël Ghislerius.</i>	27.	14.	128.	
<i>Michaël Syluius.</i>	6.	10.	35.	3.
<i>Michaël à Turre.</i>	195.	21.	303.	8.

N.

N <i>Icolaus Caëtanus.</i>	7.	47.	192.	1.
<i>Nicolaus de Pelleue.</i>	137.	9.	403.	6.
<i>Nicolaus Sfondratus.</i>	195.	23.	346.	

Obtanius

INDEX.

O.

O ctavius Aquaviva.	349.	4.	461.	30.
Octavius Bandinus.	385.	8.	465.	36.
Octavius Paravicinus.	349.	2.	460.	28.
Odettus de Castillione.	7.	43.	104.	16.
Odoardus Farnesius.	349.	3.	473.	52.
Otho Truchses.	6.	16.	208.	4.

P.

P aulus Aretius.	138.	16.	225.	14.
Paulus Sfondratus.	348.	1.	459.	25.
Petrus Aldobrandinus.	382.	3.	474.	54.
Fr. Petrus Bertanus.	7.	34.	42.	9.
Petrus Dexa.	190.	9.	452.	8.
Petrus Donatus Cæsius.	137.	11.	308.	11.
Petrus Franciscus Ferrerius.	67.	8.	147.	4.
Petrus Gondius.	284.	22.	458.	22.
Petrus Pacietus.	6.	21.	84.	2.
Petrus Talliania.	7.	39.	47.	14.
Philibertus Naldius.	67.	10.	165.	15.
Philippus Boncompagnus.	186.	1.	305.	9.
Philippus ex Ducibus Bavaria.	390.	21.	441.	22.
Philippus de Lenoncourt.	280.	11.	393.	2.
Philippus Segæ.	369.	1.	421.	15.
Philippus Spinula.	195.	27.	401.	5.
Philippus Vastanillanus.	187.	2.	318.	16.
Pompeius Arrigonius.	385.	19.	469.	45.
Prosper Sanctacrucius.	74.	29.	332.	24.
Ptolemaus Gallius.	74.	26.	451.	3.

R.

Fr. R anucius Farnesius.	6.	22.	122.	26.
Reginaldus Polus.	7.	46.	47.	15.
Renatus Biragus.	190.	11.	258.	34.
Robertus de Lenoncourt.	6.	8.	90.	7.
Robertus Nobilis.	8.	56.	50.	16.

Red

INDEX.

Rodericus de Castro.
Rodolphus Pius.

195. 18. 453. 10.
6. 5. 106. 17.

S.

S *Scipio Gonzaga.*
Scipio Lancellottus.
Scipio Rebiba.
Silvius Sabellus.
Simeon Pasqua.
Simeon Talliaua.
Stanislaus Hofius.
Fr. Stephanus Bonuocius.

284. 19. 399. 4.
196. 32. 440. 21.
24. 5. 227. 15.
384. 5. 448. 26.
75. 40. 117. 24.
196. 31. 455. 15.
67. 7. 236. 21.
284. 23. 327. 22.

T.

T *Hadaus Gaddus.*
Tiberius Crispus.

26. 9. 93. 9.
7. 26. 146. 3.

V.

Fr. V *Incentius Iustinianus.*
Vincentius Laureus.
Virgilius Rosarius.
Vitellotius Vitellius.

138. 18. 254. 31.
195. 26. 395. 3.
27. 12. 51. 17.
27. 17. 161. 12.

Z.

Z *Acharias Delfinus.*


74. 31. 161. 12.



PAV.



ANNO CHRISTI MDLV
IN PAULI CARPI
...
...
...
...
...
...
...



PAVLVS QVARTVS
PONT. MAX.



ANNO CHRISTI MDLV.

SIGNVM PAVLI QVARTI.

DOMINVS MIHI ADIVTOR.



N Italia regione, quæ ad Campaniam per-
tinet sita est nobilis Vrbs Neapolis, in qua
in primis clara est Caratarum familia, cu-
ius familiæ Princeps Ioan. Antonius Mata-
lunæ Comes, ac Dominus; in matrimoniũ
ducta Victoria Camponesca, æque clari generis femina,
A multas

multas ex ea suscepit foeminas, mares duos; quorum alter natu maior Ioannes Alfonsus Montorij Comes; alter natu quidem minor: sed factis longe maior ante Pontificatum, nomine non minus, quam numine quodam Io. Petrus; natus siquidem anno 1476. 4. Kal. Iulij die Veneris: ipso Petri Apostolorum Principis peruigilio; post ipsum verò Pontificatū Paulus diuina prouidentia Pontifex II. nuncupatus est. Is, vt erat iuuenis bonæ indolis, & qui pietatem ipsam, quasi cum lacte materno suxisse videbatur; Prædicatorum habitum sumere meditabatur, quod vbi (vt fit) præsenferunt parentes, ac cognati, imbecilliori tenerioris adolescentis ætate diffidentes; vt animum à proposito instituto abalienaret blanditijs pertentabant; tum egregius iuuenis, vt aliquid parentibus, atq; etiam consanguineis suis concederet, consilium à proposito auocat, & vt eos consolaretur animū literis, quod ipsos in votis habere non ignorabat, appellit, in quibus tanta claruit admiratione; vt ingenuas artes, ac disciplinas; tū verò maxime sacrarū literarū, latinę, grecę, immo verò etiā hebraicę linguę cognitionē, cui à pueris egregiam nauarat operam, non didicisse: sed diuinitus accepisse, publica omnium confessione diceretur. Imbuto iam animo, non minus, & humanioribus literis, & grauioribus disciplinis, quam bonis moribus exornato, Romam proficiscitur; quò, vbi peruenit ab Oliuero Carafa Cardinale, atq; Neapolitano Archiepiscopo sacri Cardinalium Collegij, tunc temporis Decano, perhumane exceptus, ibi magno cum omnium applausu commoratur. enimvero tam claros virtutis suę radios sic sparsit, vt vel ad ipsum Pontificem Iulium II. illos ipsos diffuderit, qui, vt dignis tantas virtutes afficeret præmijs, eū inter ipsa Pontificatus primordia Episcopum Theatinū crearit, sed quoniā accepta hac dignitate, lumen virtutum illius in dies magis, ac magis, cœpit

pit elucescere, haud ita multo post Neapolim Legatus est, vtpotè qui à Summo Pontifice idoneus videbatur, qui Ferdinandum Regem Catholicum, ex Hispania eò accedentem, Apostolicæ Sedis nomine suscipiens dignis cohonestaret honoribus. His peractis adfuit Concilio Lateranensi, inter multos alios Præfules ipse excellens in eo, quod inchoatum à Iulio Pontifice; Leo X. successor felicissimè conclusit. Aliquot annis post, Apostolicæ Sedis Nuncius in Angliam ad colligendū (vt moris erat) S. Petri vectigal, à Leone X. mittitur, qui tribus annis exactis, inde in Hispaniam ad Ferdinādi Catholici Hispaniarum Regis Aulam se cōferens, à benignissimo Rege, iam tum gratissimæ illius sibi Neapoli factæ ab eo exceptionis memore, ad cōsilia admittitur, nec hoc cōtētus ille ipse Rex Ferdinandus maximi sacelli regij Sacerdotis Vicarium elegit, in quo sane munere, tam egregie se gessit; vt mortuo Ferdinando in illo ipso à Carolo Rege (qui postea Imperator nomine Quintus) fuerit confirmatus. Sed tandem Pontifex, qui tunc successor Leonis X. Hadrianus Sextus erat, non poterat ob tantū virū Hispanis quodāmodo non invidere, aut certe æmulari, quiq; in Hispania ob literarum, morumq; similitudinem arctam contraxerat necessitudinem, eum ex Hispania Romam euocat; vt Christianæ Reipubl. res lapsas erigat, confirmet labentes, qua in re talem, ac tantum; vt in omnibus solebat, se præbuit spectatæ virtutis virum; vt si, quæ impedit omnia mors Pontificem non impedisset, proculdubio eum tantorum laborum spes non esset frustrata, quin ad Cardinalatus fastigium euectus fuisset, qua dignitate; quamvis vel maxime dignus esset: tamen eam, tantum abest, vt quæsiuerit; vt potius, quæ admodum paulò post videre erit, fugisse videatur. Mortuo igitur Hadriano, ecce creatur Clemens VII. à quo non modo (o eximium virtutum omnium exemplar, ac

simulacrum) à quo (inquam) non modo Episcopatum Brundusinum, quo tam enixè Cæsar Carolus V. eum studebat exornare, non accepit: verū etiam sua sponte eas, quibus exornabatur, dignitates summa animi demissione dignioribus se (sic ille dicebat) dispensandas renunciavit. His ita constitutis, in montem Pincium se contulit; ut humili casa, seueriori; victu, liberius sibi Deo; vacare liceret, ubi non paucos annos religiosè trāsegit, donec direpta, ac depopulata alma Vrbe, Veronam perire coactus est, & inde Venetias, ubi nouam quandam Regularium Clericorum cōstituit Congregationē, quos de nomine Ecclesiæ, quā prius obtinebat vocauit Theatinos, quod institutum Clemens postea approbavit. Mortuo verò Clemente, Paulus III. ad Pontificatum assumptus; ut iacentibus Christianæ Reipub. rebus consulat, ac prouideat, Romam vocat viros doctrina, vitæ moribus, ac religione insignes ad hoc munus obeundū. Electi ergo sunt Contarenus, Sadoletus, Cortesius, Polus, Fregosius, qui postea Cardinales, & hic, de quo sermonem habemus, Io. Petrus, qui Venetijs Romam semel, atq; iterum ad hoc ascitus, demum ab ipso Pontifice in tertia Cardinalium creatione; data, quam prius renunciarat Theatina Ecclesia, in sacrum Cardinalium Collegiū anno salutis 1536. Pontificatus III. XI. Kal. Ianuarij, die Veneris, Presbyter Cardinalis tt. S. Pancratij, mox Sancti Clementis adscriptus est. Emergo autem ex infernis lacubus, pestifero illo monstro (Lutherum dico, quem nominem indignissimum) atq; in Italiam irrumpente hæretica peste; ut tanto totius Italiæ periculo consuleret, in primis author est Pontifici, ut ad sacrum sanctæ Inquisitionis tribunal Iudices præstantissimi, totius Collegij Cardinales deligantur, qui diligenter membra Ecclesiæ, pestifero illo morbo (hæresim intelligo) infecta sanarēt, aut, si curari, sanariuē non possent, amputarent; ut hac

Paulus Papa Quartus.

5

vt hac rätione tota Italia imminenti periculo libera, in
pristinam reuocaretur sanitatem. Quæ res, & illi in hoc
munere, præ cæteris delecto, & alijs foelicissimè proces-
sit: dimissò vero titulo S. Clementis, titulum S. Mariæ
Transtiberim adoptauit; ad Episcopatum Albanen. &
Sabinen. atq; hinc porrò ad Neapolitanæ Ecclesiæ digni-
tatem ascendit. Sub Iulio III. Episcopus Card. Tuscu-
lanus fuit, ac demum obeunte Io. Dominico Cardinale
Tranense, Ostiensis, & Veliternus Episcopus, sacriq; Car-
dinalium Collegij Decanus factus, paulo post mortuo
Marcello Pontifice, suffragantibus quadragintaquatuor
Cardinalibus ad summum honorum omnium fastigium
Pontificatum euectus est, cum annū natus esset septua-
gesimum nonum, die Iouis festo Ascensionis Domini,
X. Kal. Iunij, anno Domini 1555. Vocatus igitur Pau-
lus III. fuit de more ante Basilicam Vaticanam foelici,
ac fausto auspicio per manus Frâcisçi Pisani S. R. E. Ar-
chidiaconi coronatus. Vixit annos Pontificatus quatuor,
menses duos, dies viginti quatuor. Carolo foelicis me-
moriæ V. & Ferdinando Imperatoribus.

*Cardinales 56. viui, quando PAVLVS
Papa IIII. creatus est.*

Episcopi Cardinales VI.

PAVLVS PAPA III.

- 1 Io. Petrus Carafa Episcopus Card. Ostiensis, & Ve-
liternus, sacriq; Collegij Decanus.

LEO X.

- 2 * Ludouicus Borbonius Episc. Card. Prænestinus.

CLEMENS VII.

- 3 * Franciscus de Turnone Episc. Card. Sabinus.

A 3

PAV-

6

Paulus Papa Quartus.

PAVLVS III.

- 4 Ioannes Bellaius Episcopus Cardin. Portuenfis, & S. Rufinæ.
- 5 Rodolphus Pius Carpenfis Episcopus Cardinalis Tusculanus.
- 6 Fr. Ioannes Aluari de Toletto Episcopus Cardin. Albanus.

Presbyteri Cardinales XXXIII.

CLEMENS VII.

- 7 * Claudius de Giuri tt. S. Agnetis in Agone. S. R. E. Archiepresbyter.

PAVLVS III.

- 8 Robertns de Lenoncourt, tt. S. Apolinaris.
- 9 * Antonius de Medon, tt. S. Chrysogoni.
- 10 * Michaël Syluius, tt. S. Mariæ Transtiberim.
- 11 Ioannes Moronus, tt. S. Laurentij in Lucina.
- 12 Christophorus Madrucus, tt. S. Cæsarij in palatio.
- 13 Georgius de Arminiaco, tt. SS. Io. & Pauli.
- 14 Franciscus de Mendoza, tt. S. Eusebij.
- 15 * Iacobus Denebault, tt. S. Susannæ.
- 16 Otho Truchses, tt. S. Sabinæ.
- 17 Bartholomæus de la Cueva tt. S. Bartholomæi in Insula.
- 18 * Fridericus Cæsius tt. S. Priscæ.
- 19 Durantes de Durantibus Basilicæ SS. XII. Apost.
- 20 * Henricus de Portugallia tt. SS. Quatuor Coronatorum.
- 21 Petrus Paciecus tt. S. Balbinæ.
- 22 Fr. Ranuius Farnesius, tt. S. Angeli S. R. E. maior Poenitentarius.
- 23 Carolus Lotharingus, tt. S. Cæcilie.

24 Hic-

Paulus Papa Quartus.

7

- 24 Hieronymus Verallus, tt. S. Marcelli.
- 25 Ioannes Angelus Medices tt. S. Stephani in monte Coelio.
- 26 Tiberius Crispus, tt. S. Agathæ.
- 27 Carolus Borbonius, tt. S. Sixti.

IV LIVS III.

- 28 Christophorus de Monte, tt. S. Praxedis.
- 29 Fulvius Corneus, tt. S. Mariæ in Via.
- 30 Ioannes Michaël Sarracenus, tt. S. M. de Aracoeli.
- 31 Ioannes Riccius S. Vitalis, tt. Vestinæ.
- 32 Io. Andreas Mercurius, tt. S. Cyriaci in Thermis.
- 33 Iacobus Puteus, tt. S. Simeonis.
- 34 Fr. Petrus Bertanus, tt. SS. Marcellini, & Petri.
- 35 Fabius Mignanellus, tt. S. Sylvestri.
- 36 Io. Poggius, tt. S. Anastasiæ.
- 37 Io. Baptista Cicada, tt. S. Clementis.
- 38 Hieronymus Dandinus, tt. S. Matthæi.
- 39 Petrus Taliaui S. R. E. Presb. Card.

Diaconi Cardinales XVII.

LEO X.

- 40 Franciscus Pisanus S. Marci S. R. E. Archidiaconus.

CLEMENS. VII.

- 41 Hercules Gonzaga S. Mariæ Nouæ.
- 42 Hieronymus de Auria S. Thomæ in Parione.
- 43 * Odettus de Castellione S. Hadriani.

PAVLVS III.

- 44 Alexander Farnesius S. Laurentij in Damaso S. R. E. Vicecancellarius.
- 45 Guido Ascanius Sfortia S. Mariæ in via Lata S. R. E. Camerarius.
- 46 * Reginaldus Polus S. Mariæ in Cosmedin.
- 47 Nicolaus Caetanus S. Eustachij.

A 4

48 Hip.


- 8 *Paulus Papa Quartus.*
 48 Hippolytus Estensis S. Mariæ in Aquiro.
 49 Iacobus Sabellus S. Nicolai in Carcere.
 50 Hieronymus Capoferreus S. Georgij ad Velum aureum.
 51 Iulius de Ruere S. Petri ad Vincula.

IV LIVS III.

- 52 Innocentius de Monte S. Onuphrij.
 53 Fr. Aloysius Cornelius S. Theodori.
 54 Ludouicus de Guisa S. R. E. Diaconus Card.
 55 Hieronymus Simoncellus SS. Cosmæ, & Damiani.
 56 Robertus de Nobilibus S. Mariæ in Domnica.

*Insignia S. R. E. Cardinaliū qui viuebant, quando
 PAVLVS Papa llll. creatus est.*

I.



II.



III.

III.



IV.



V.




VI.




VII.

VII.



VIII.



IX.



X.



XI.

XI.



XII.



XIII.




XIV.



XV.

XV.




XVI.



XVII.



XVIII.



XIX.

XIX.




XX.



XXI.



XXII.




XXIII.

XXIII.



XXIV.



XXV.



XXVI.



XXVII.

XXVII.



XXVIII.



XXXI.



XXX.



XXXI.


XXXI.



XXXII.



XXXIII.



XXXIV.



XXXV.

XXXV.



XXXVI.



XXXVII.



XXXVIII.



B

XXXIX.

XXXIX.



XLI.



XL.



XLII.




XLIII.

XLIII.



XLIV.



XLV.



XLVI.



XLVII.

XLVII.




XLVIII.



XLIX.



L.



LI.

LI.



LII.



LIII.



LIV.




B 3

LV.

LV.

LVI.

*Primacreatio unius Cardinalis.*

*Anno Domini MDLV. Pontificatus primo
die Veneris 7. Idus Iunij Romæ.*

PAVLVS Papa IV. primò unum creauit
Cardinalem, qui fuit.

3 **F** Carolus Carafa Neapolitanus, Papæ fratris filius,
Ordinis S. Ioannis Hierosolymitani Miles, Bailiuius
Neapolit. Diaconus Card. SS. Viti, & Modesti in
Macello Martyrum.

Secur-

I.



Secunda creatio VII. Cardinalium.
Anno Domini MDLV. Pontificatus primo
die Veneris 13. Kal. Ianuarij Roma.
PAVLVS Papa IV. secundò creauit septem
Cardinales, qui fuerunt.


- 2 I Oannes Siliceus ex oppido Villagarcia de Lexena, Dice-
cesis Basadocensis Hispanus, Archiepiscopus Toletan.
& Hispaniarum Primas, Presbyt. Card. tt. SS. Nerei,
& Archilei, absens.
- 3 Don Bernardinus Scotus ex oppido Malliani Sabinus, Or-
dinis Clericorum Regularium Theatinorum, Archiepisc.
Tranensis, Presbyt. Card. tt. S. Matthæi in Merulana.

B 4

4 Dio-

- 4 Diomedes Carafa Neapolitanus, Papæ affinis, Episcopus Arianensis, Presbyter Card. SS. Sylvestri, & Martini, tt. Equitij, alias S. Martini in Montibus.
- 5 Scipio Rebiba ex oppido S. Marci, Siculus, Episcopus Motulensis, Almæ Urbis Gubernator, Presbyter Card. S. Pudenticianæ, tt. Pastoris.
- 6 Ioannes Suavius Reumanus Vasco Gallus, Auditor Rotæ, Episcopus Mirapicensis, Presbyt. Card. tt. S. Ioannis ante portam Latinam.
- 7 Ioannes Groperius Germanus, Bonæ Præpositus, & maioris Colonienfis Ecclesiæ Archidiaconus, Presbyter Card. tt. Sanctæ Lucie in Silice, qui gratias agens, dignitatem remisit.
- 8 Io. Antonius Capisuccus Romanus, Auditor Rotæ, Presbyter Card. tt. S. Pancratij.

II.




III.



IV.

IV.




V.




VI.



VII.



VIII.



Tertia creatio decem Cardinalium.

*Anno Domini MDLVII. Pontificatus secundo
die Luna Idibus Martij Romæ.*


PAVLVS *Papa IV. tertio creauit decem
Cardinales, qui fuerunt.*

- 9 **T** Hadæus Gaddus Florentinus I. V. D. Archiepiscopus Consentinus, Presbyter Card. tt. S. Syluestri in campo Martio.
- 10 Antonius Triuultius Mediolanensis I. V. D. & vtriusq; Signaturæ Referendarius, Sedis Apost. apud Rempub. Venetam Nuncius, Episcopus Tolonensis, Presbyt. Cardin. tt. SS. Io. & Pauli, absens.

11 Lau-

- 11 Laurentius Strotius Florentinus, Episcop. Biterensis, Presbyt. Card. tt. S. Balbinæ, absens.
- 12 Virgilius Rosarius Spoletanus I. V. D. Episcopus Isclanus, Papæ Vicarius, Præby. Card. tt. S. Simeonis.
- 13 Ioannes Bertrandus Tolofanus Gallus, Regni Galliæ Sigillorum Custos, Archiepiscopus Senonensis, & Galliarum Primas Presbyt. Card. tt. S. absens.
- 14 Fr. Michaël Ghislerius Alexandrinus origine Bononiensis, Ordinis Prædicat. Magister in sacra Theologia, Episcop. Sutrinus, & Nepesinus, sanctiss. Inquisitionis Officij Commissarius, Presbyt. Card. tt. S. Mariæ super Mineruam.
- 15 Fr. Clemens Dolera, ex oppido Monilia Ligur, Ord. Minorum Obseruantium Generalis Minister, Presby. Card. tt. S. Mariæ de Aracoeli.
- 16 Alfonsus Carafa Neapolitanus, Papæ fratris pronepos, Protonotarius Apostolicus, Diaconus Card. S. Nicolai inter Imagines.
- 17 Vitellotius Vitellius ciuis, & electus Episcopus Tiphernas, I. V. D. Camere Apostolicæ Præsidens Clericus, Diaconus Card. SS. Sergij, & Bacchi.
- 18 Io. Baptista de Consiliarijs Romanus, origine Bononiensis, familia Ghisleria oriundus, Protonotarius Apostolicus, Camere Apostolicæ Præsidens Clericus, Diaconus Card. S. Luciae in Septisolio.


IX.



X.



XI.



XII.




XIII.

XIII.



XIV.



XV.




XVI.



XVII.

XVII.

XVIII.


*Quarta vnius Cardinalis creatio.*

*Anno Domini MDLVII. Pontificatus tertio,
die Luna, 18. Kal. Iulij Roma.*

*PAVLVS Papa IV. quarto creauit vnum
Cardinalem, is fuit.*

19 **F.** *Guilielmus Pæytous Anglus, Ordinis Minorum de
Obferuantia, Archiepiscopus Sarisburiensis, Pres-
byter Card. & in Regno Angliæ de latere Legatus
declaratus, absens.*

XIX.



Ne bis eadem repetere videremur (benigne Lector) non nihil degenerantes ab Onuphrij via; depositiones, atq; assumptiones titulorum à S. R. E. Cardinalibus, sub vnoquoq; Pontificatu factas (quia in Elogijs eorundem eas posuimus) noluimus iterum recensere.

PAVLVS Papa IIII. quatuor Ordinationibus, mensibus Martio, Iunio, Iulio, & Decembre factis; nouem, & decem Cardinales creauit, videlicet Presbyteros quindecim, & Diaconos nouem.

Alexander Farnesius Diaconus Cardinalis S. Laurentij in Damaso, S. R. E. Vicecancellarius sub Paulo Papa Quarto.

*Cardinales numero vigintiduo mortui, octuodecim
scilicet sub Paulo Papa IV. quatuor
verò Sede vacante.*

- | | |
|-----------------------------|------------------------------|
| 1 Hieronymus Verallus. | 15 Reginaldus Polus. |
| 2 Ioan. Poggius. | 16 Robertus Nobilis. |
| 3 Michaël Syluius. | 17 Virgilius Rosarius. |
| 4 Ludouicus Borbonius. | 18 Antonius Triultius. |
| 5 Iacobus Denebault. | |
| 6 Fabius Mignanellus. | |
| 7 Fr. Io. de Toletto. | |
| 8 Io. Siliceus. | |
| 9 Fr. Petrus Bertanus. | |
| 10 Ioan. Groperius. | |
| 11 Hieronymus Auria. | 19 Io. Bapt. de Confiliaris. |
| 12 Fr. Guilielmus Peytous. | 20 Hieronym. Capoferreus. |
| 13 Durantes de Durantibus. | 21 Hieronymus Dandinus. |
| 14 Pet. Aragonius Taliauia. | 22 Antonius de Medon. |

Pauli IV. obitus.

*Cardin. quatuor mortui
vacante Sede.*

I.



HIERONYMVS Verallus natione Italus, patria Romanus, filius Ioannis Baptistæ, & Iuliæ sororis Dominici Iacobatij Cardinalis: vbi excessit ex ephelis literis, operam dedit præcipuè Iuris vtriusque prudentiæ, in qua grandes fecit progressus, ob cuius singularem in ea excellentiam; cum antea vtriusque Signaturæ Referendarius esset; Episcopus Fori Truentinorum (Bertinorum vocant) primò; mox Casertanus, sacræq; Romanæ Rotæ locum tenens; post perpetuus Administrator Archiepiscopatus Rossanensis electus est. Hic Venetijs Sedis Apostolicæ Nunciū agens, anno 1536. sub Paulo Papa III. cum ad eius pedes, tanquam Legati Apostolici procidentes, septem primi socij Ignatij

tij Loiole Societatis Iesu fundatoris voluntariam paupertatem professus fuisset, eisdem sacris initiauit, atq; eundem Ignatium post, ac socios à multis criminationib. contra ipsos ea in Vrbe falsò (iniquorū opera in vulgus sparsis, necnō etiam ad eundem legatum delatis) veritate cōperta, honorificè absoluit. Hinc Romam reuersus; iterum eiusdem Sedis ab eodem Paulo in Germaniam ad Ferdinandū Imperatorē successor Io. Moroni Episcopi Mutinē. postea Card. & paulo post ad Carolum V. Imperatorem, religionis ergo internuncius missus; tantarum virtutum, ac susceptorum laborum præmiū ab eodem Paulo in decimaquarta Cardinaliū promotione, anno salutis 1549 Pontificatus 15. 6. Idus Aprilis, Romæ habita, Cardinalatū; creatus Presbyter tt. S. Martini in Montibus, consequitur. Iulio III. Pontifice Legatus mittitur ad Henricum Gallorum Regem; ut finem bello Parmensi, ac Mirandulano apud eum, & principii paci imponeret, habuitq; in hac legatione absigmandis libellis præpositum Io. Baptistam Castaneam Nepotem suum, virum sanè magnæ expectationis, qui Archiepiscopus Rossanen. ipso Card. post renunciente, à Gregorio XIII. Cardinalis creatus; in Pontificatu Sixto V. Urbanus nomine VII. successit. Peracta legatione Romam reuertitur Hieronymus, ibiq; è Presbytero S. Martini in Montibus, factus Presbyter tt. S. Marcelli, signaturæq; præfectus, è terrestri ad Cœlestem patriā migravit. Obijt anno Domini 1555. Pontificatus primo. 5. Idus Octob. sepeliturq; ibi in S. Augustini apud Eremitanos.

II.

Ioannes Poggius natione Italus, patria Bononiensis, patrem habuit Christophorum à secretis Ioannis secundi Bentiuoli Reipubl. Bonon. Principis; matrem verò Franciscam familia, & patria Mantuanam, natusq; est septimo Kal. Februarij an. MCCCCLXXXIII. Is recta vitæ, morumq; ratione instituta, adulta iam ætate, & mortua vxore, ex qua filios susceperat, Romam; quia, vel iam tum ingentia sibi animus polliceba-

C

ceba-

cebatur, se confert, ubi Protonotarius, & Thesaurarius Apostolicus electus, à Paulo III. in Hispaniam, quò annos natus sexdecim antea iuerat, ad Carolum V. Imperatorem Nuncius, spoliisq; Regni Collector mandatur, quod Nuncij munus, tantum pro dignitate sustinuit; ut in magna, & quasi incredibili, & apud Pòr. & apud Imp. teneret existimatione. Missis igitur Roma à Pontifice literis; ut summa, qua pollebat prudentia, Francisco Borgia Gandiensium Duci, postea Societatis Iesu Præposito persuaderet; ut Cardinalitiam dignitatem, quam ei; tum ob singulares animi dotes, ac merita; tum ob supplices Caroli Quinti preces offerebat, qui Carolus indignum ratus, tam dignas Francisci virtutes in tenebris iacere, de Cardinalitia dignitate, continuis Pontificem, per Oratorem suum precibus exorarat. Acceptis Ioannes Pontificijs literis, & perlectis, nulla mora Borgiam adire, de Pontificis voluntate commonefacere, & grauitè ad accipiendam Cardinalatus dignitatem persuadere, hortari, obsecrare; cui Franciscus talibus respondere. Gratias se immortales Pontifici summo, Imperatori Augusto, Ioanni agere, atq; habere; se iam pridem sæculo renunciaisse, impares humeros tantæ prouinciæ demonstrare, tanti beneficij, se apud Deum nunquā immemorem fore. Ex Hispania in Germaniam anno 1544. missus religionis causa, quò etiā Ioan. Moronus Sedis Apostolicæ Nūcius, eadē de causa fuerat profectus; post multos hinc inde pro fide Orthodoxa exantlatos labores, à Iulio III. Pauli successore, qui eum Episcopum Tropiensem, mox Anconitanum elegerat, quæ sacerdotia postea Ioan. Matthæo, & Vincentio Luchis ex sorore Nèpotibus resignauit, in tertia 14. Cardinalium creatione, habita Romæ, anno Domini 1551. Pont. II. 13. Kal. Ianuarij Presb. Card. tit. S. Anastasiæ creatus est in gratiam eiusdem Caroli. Cum ergo ex Hispania (absens. n. creatus fuerat Cardinalis) in Italiam redisset; Bononiæ amplum, superbūq; palatium extruxit; atq; ut summam erga Deum, religionem, ac pietatem præseferret, in Templo D. Iacobi, Ordinis Fratrum S. Augustini Eremit. D. Ioanni Bap-

ni Baptistæ sacrum facellum, multis exornatum Reliquijs erigendum, curauit. Romã postea cum venisset, à Pontifice perbenignè excipitur, atque in arduis summi sacerdotij negotijs, consiliorum adiutor accipitur, ibiq; pulcherrimum palatium construit; Vineta etiam extra portam, quæ de Populo dicitur, in delitijs habuit, illis Iulij III. contigua, visu pulcherrima, & palatij, quod in illis erat, mole, ac magnitudine, & rerum præciosissimarum varietate celeberrima; in quo palatio præter cætera, extat Occasio excellentissimi pictoris manu depicta, quã Ioannes, præter stemmata, pro insigni gestabat. Quæ Vineta Põtificali (quod illi placere sciret) pro sua liberalitate dono dedit. Cæterũ cum iam munia vitæ compleuisset; Bononiæ, quo se contulerat, visendæ patriæ causa, obiit anno Domini 1556. Pontificatus I. pridie Idus Februarij, sepeliturq; in eodem sacello.

III.

MICHAEL Syluius, natione Lusitanus, nobilissima ex Portalegri, videlicet Comitibus prole satus, cum adoleuisset; vt ingenio à natura dotatus fuerat acutissimo; præ cæteris disciplinis, Poëseos, ac literarum, quæ ab humanitate nomẽ acceperunt studio, in quo triumphabat, Senis in Hetruiria se commisit, in quo tantum profecit; vt ab Emanuele Lusitanorum Rege, in cuius regia diu versatus, rerum gerendarum experientia insignis euaserat; fuerit postea ad Summum Pontificem Leonem X. missus Orator, quod munus tanta obiit maiestate; vt, non modo per eum quicquid Emanuel Rex petebat, (multa quippe, eaq; summa auebat) impetrauerit; verum etiam tam facundam viri eloquentiam, eloquentem facundiam, singularem in rebus tractandis spirantem prudentiam, non potuerit Summus Pontifex non præconijs exornare, non obseruare, non admirari. Mortuo Emanuele; cum idem Oratoris Regij officium apud Hadrianũ VI. & Clementem VII. diu exercuisset, in Lusitaniam reuertitur, qui à Ioanne III. Emanuelis filio

C 2

non

non minoribus; quam à Patre, honoribus excipitur; quinimo Episcopali Vifensis Ecclesiæ dignitate, ac scribæ Puritatis munere (sic eum appellât) donatur, quod non nisi nobilissimis Regni viris datur. Romam postea reuersus, ob singularia virtutum præconia; ecce à Paulo III. anno 1541. 4. Nonas Decēbris Presbyt. Basilicæ Sanctorum duodecim Apostolorū; paulo post vero tt. S. Praxedis Cardinalis; mox Marchiæ Anconitanæ Legatus de latere creatus; paulo post subijt vices Gasparis Cardinalis Contareni, qui cum in Hispaniam ad Carolum V. Cæsarem Legatus mitteretur, ad ineundam pacem cum Francisco Galliarum Rege, ad quem eadem de causa Iacobus Cardinalis Sadoletus legabatur, Bononiæ mortē cum vita cōmutarat. Acta legatione, vbi diuertit Romam, Vifensem Ecclesiam Alexandro Farnesio Cardinali administrandam tradidit. E viuis eripitur is Romæ Nonis Iunij, an. Domini 1556. Pont. II. eiusq; corpus sepelitur in Ecclesia titulari S. Mariæ Transtiberim, quam loco S. Priscæ prius optauerat. Præter cætera egregij huius Viri extant Romæ carmina in Capitolio S. P. Q. R. iussu marmoreis tabulis insculpta, in quibus continentur Consules, & cæteri magistratus, quæ quia posteritati consecrantur, hic quoq; censuimus apponenda.

*Marmora præclaros testantia fronte triumphos,
Atq; Magistratus, incluta Roma, tuos
In medio mansere foro, dum Roma manebas.
Postq; Deos Orbi iura secunda dabis.
Ast, vbi te indignis fregit fortuna ruinis,
Obruerat titulos alta ruina tuos.
Tamq; diu in tenebris tantis latuisse videntur
His veluti fato debita temporibus.
Quæ modo Alexander patria te dignus, Auoq;
Paulo inuenta tibi marmora restituit.
Tu Capitolinū meliora in sede reponis.
Et legeris magni munere Farnesij.*

IV. Lv.

IV.

LUDOVICVS Borbonius Gallobelgicus, è stirpe Regia, Frā-
cisci Vendosmi Comitis, & Mariæ Lucemburgensis, ter-
ræ S. Pauli Dominæ filius, obeunte Philippo Cardinale
Lucemburgensi, Episcopatum Cœnomanensem obtinuit, quo
munere, ac dignitate, cum piè, ac religiosè diù perfunctus, mul-
ta in eius administratione nobilibus; nec non multa popu-
lo reliquisset, quæ; cum probitatem; tum etiam pietatem af-
fatim testarentur suam; Laudunensis, perpetuusq; Lucionen-
sis Episcopatus factus est administrator. Leone Decimo Pon-
tifice in quinta 31. Cardinalium ordinatione, anno Domini
1517. Pontific. V. Kalēdis Iunij creatus est Cardinalis tt. San-
cti Sylvestri in campo Martio, quæ Ecclesia tunc temporis hu-
iuscemodi Cardinalatus titulo aucta fuit. Mortuo Antonio
Cardinale de Prato Archiepiscopo Senonense, Ecclesiā illam
Metropolitanam obtinuit, fuitq; primus Par Gallix. Insuper,
cum esset S. Dionysij Parisiensis Abbas, eo præsentē tanquam
Prorege anno 1556. cum bellum contra Hispanos Henricus II.
Gallorum Rex suscepisset; è proprio loco extracta corpora Sā-
ctorum Dionysij, & sociorum, super Altare maius ad populum
collocantur, quod de more factum est, quo populi preces, vi-
gente bello, meritis illorum Sanctorū apud Deum forent gra-
tiores. His actis, Ludouicus ex S. Sylvestri ad titulum S. Sa-
binæ translatus, post mortem Matthæi Langi Cardinalis Cur-
censis S. R. E. Archipresbyt. fuit, & ex Presbytero factus Epi-
scopus Cardinalis Prænестinus, obiit in Gallijs anno Domini
1557. Pontificat. Pauli IV. secūdo, die Veneris 6. Idus Martij,
ibiq; sepelitur.

V.

IACOBVS Denebault Gallus Lugdunensis, cum multò tem-
poris spatio in sacrarum literarum studio ætatis florem im-
pendisset, euasissetq; humanarum, ac diuinarum disciplina-
rum cognitione, necnō vitæ, morumq; probitate illustris; Io-
anni de Veneur, virō virtutum omnium vndequa; exornatō,

C 3

Cle-

Clementis VII. Cardinali dignissimo affini suo, in Episc opatu Lexouiesi, mirifico cum omnium applausu anno 1543. Paulo Papa III. concedente, deferenteq; successit; in qua Episcopatus administratione, cum præclare se gessisset, & in rebus gregis sui gerendis humanitatem, cum seueritate miscuisset; ob eximias illius animi dotes, & singularem in rebus gerendis prudentiam; in decima 13. Cardinalium ordinatione, anno Domini 1544. Pontif. XI. 14. Kal. Ianuarij ab eodem Paulo III. Presbyter Cardinalis tit. S. Susannæ creatus est. Cæterum, quæ in hac dignitate postea egerit; cum mihi non satis comperta sint, lectori aperire non valeo; hoc tantum de eodem dixero, audax facinus, Iacobi nomē in aula Romana diu conseruaturū, quod pensionem Albricensē Rodulfo Pio Cardinali Carpēsi debitam, prætendens nullam, ex quo à prædecessore sine consensu Regis, stantibus concordatis, reseruata fuerat, soluere recusabat, de qua re multum in tribunali Rotæ actum est, vt decisionibus eiusdem parte tertia libro 2. patet. Qui obiit Rothomagi in Gallijs 8. Idus Iunij die Veneris anno 1557. Pontificatus III. ibiq; sepelitur.

VI.

FABIVS Mignanellus, natione Tuscus, patria Senensis ortus est anno Domini Nonagesimo sexto supra millesimum quadringentesimum 7. Kal. Maij. Is data, non paucis annis legum studio opera; uxorem in matrimonium duxit, atq; ex ea legitimos liberos suscepit, inter quos vnus nomine Io. Paulus; cum in præclaro illo, ac nunquam satis commendato nauali bello Pio V. Pontifice cōmuniter à Principib. Christianis contra Turcas suscepto, naualibus copijs præesset, fortiter occubuit anno 1569. cuius egregiæ virtutis, deuoti q; erga fidem catholicā animi æternū memoriæ monumentū in Aede Diuæ Mariæ Nouæ Romæ conseruatur. Fabius cum vxor obijisset, Romam venit, vbi cum, & ob singularem ciuiliū rerum cognitionem, & ob præstantem prudentiam, consiliumq; apud
Sum-

Summos Pontifices in summa haberetur existimatione; legatur primum ad Venetam Rempub. tum ad Carolum V. Cæsarem; hinc porro in agri Piceni administratione præficitur; postremo anno 1541. Bononiensis nostræ Ciuitatis Prolegatione iniit, legato Bonifacio Card. Ferrerio, in qua Ciuitate honestissimè excepit Paulum III. Pontificem, qui Lucæ Carolū allocutus; inde Bononiam accesserat, qua Prolegatione peracta; ab eodem Pontifice Episcopus Lucerinus electus; ad sacrosanctāq; Tridentinā Synodum missus, sententias; non minus religioso, quam docto Patre dignas dixit. Paucis post annis, ex Lucerino, factus Episcopus Grossetanus; à Iulio III. anno Domini 1551. Pont. II. 13. Kal. Ianuarij, Presbyt. Card. tt. S. Syluestri creatur, & Signaturæ iustitiæ præficitur, qui anno sequenti à Pontifice ad pacandum inter Senenses ortum dissidiū mandatur. Paulo I V. Pontifice, cum ob inuasionem Urbis, & castrorum S. R. E. subiectorum à militibus Proregis Neapolis factam, atq; ob populationem multorum prædiorum hinc inde discordiæ essent exortæ; ad decisionem earundem, ac terminū, Fabius, vna cum Cardinale Reumano deputatur; amplius ab eodem Pontifice Annalibus, & quinquennijs S. R. E. debitis cum Io. Michaële Cardinale Sarraceno præficitur. Multis igitur ob præstantem disciplinarum cognitionem, consilij, & prudentiæ maturitatem, & dignitatibus, ac diuitijs comparatis, nec non longis, ac crebris pro S. R. E. legationibus, atque itineribus actis, magis quam ætate fessus; in Domino quieuit Presbyt. tt. Pamachij, quem, loco S. Syluestri prius optauerat. Obijt Romę anno Domini 1557. Pontif. III. 4. Idus Augusti. ætatis 61. sepeliturq; in D. Mariæ de Pace.

VII.

FIOANNES Alvarez natione Hispanus ex nobilissima Tolletana familia, quæ (secundum graues authores) originē traxit è gente Paleologa olim Constantinopolis, ac totius Græciæ Imperium obtinente; Federici Alvarez Albæ Ducis,

cis, & Elisabethæ Pimételæ mulieris religiosissimæ, ac sanguinis nobilitate inter Hispanos primariæ filius fuit, ac frater Magni Petri, Villefranchæ Marchionis, ac Proregis Neapolitani, natusq; est an. 1488. 5. Idus Iulij. Is cū adhuc adolefceret Ord. Prædicatorum nomen dedit, ubi in primis vitæ, morumq; probitate, & literis politioribus, Philosophiæ, sacræq; Theologiæ eam nauauit operam; vt non modo apud omnes ordinis eiusdē fratres singularis eius doctrinæ, ac pietatis: sed etiam ad Carolū Quintum fama peruaferit, qui huic à Pontifice; primò Cordubensem Episcopatum; Burgensem post, ob præstātes animi doctes impetrauit. Notis Pontifex Paulus III. Fr. Ioannis excellentibus dotibus anno 1538. Pōtificatus V. 13. Kal. Ianuarij, hunc ad Cardinalitiam creatum Presbyt. tt. S. Sixti; post Sancti Clementis promouit dignitatē. Mortuo Cardinale de Auailos S. Iacobi Compostellani Archiepiscopo, Archiepiscopatū Compostellanum administrandum suscepit; vnde Cardinalis S. Iacobi; Cum Burgos antea diceretur, nomen est consecutus. Hic instituto sanctissimæ Inquisitionis tribunale, ob emergentes hæresis pestes, vt supra, cum de Paulo Papa I V. inter sapientissimos illos Iudices è purpuratorū Patrum numero ad id muneris delectos; si vnum Cardinalem Carasam, quo cum huius instituti, ipse etiam author fuerat, excipias, primas tenuit. Idē Iulio III. Pontifice ex Presbytero tt. S. Clementis, factus Presbyter tt. S. Pancratij; tandem ex Presbytero Episcopus Cardinalis Albanus creatus, Paulo I V. sedente, ex Albanense, ad Ecclesiam Tusculanam translatus; obiit Romæ anno Domini 1557. Pont. III. ætatis 69. 17. Kal. Octobris, die Iouis, ex illiorum doloribus. Corpus in S. Mariæ super Mineruam depositum; postea translatum est in Hispaniam in sepulcro maiorū sepeliendum. An autem in Ecclesia S. Mariæ prope oppidū Albæ à Garfia ipsius Cardinalis auo incepta; postea à Federico patre, vna cum monasterio absoluta; an in Ecclesia S. Francisci Villæfranchæ Asturicensis Diocesis à Petro illius loci Marchione Cardinalis vterino fratre elegāter exornata, cuius Iustro-

patro-

patronatus, penes dictam Illustrissimam gentem est; vel alibi; nam & Orepeſſæ in maiori S. Mariæ facello, & Toleti in Sancti Michaëlis Regij, & in D. Iuſti Cœnobio apud Hieronymianos (quos vocant) propè Ciuitatem Placentinam, & alibi; & iuſpatronatus, & ſibi conſtructa ſepulchra, hæc Illuſtriſſima familia habet; adhuc apud me incertum.

VIII.

IOANNES de Guifo, alias Siliceus cognominatus, natione Hispanus, ex oppido Villagarſia de Lexena Baſadocenſis Dioceſis, Martini filius, humili loco, obſcuriſq; ortus eſt parentibus. Hic dum in Salmanticenſi ſtudio rudioribus literis operam daret, quod ſibi natura non fuerat impertita; ſtudio, paruo temporis ſpatio; ſibi, maxima cum omnium admiratione comparauit. Admiſſus. n. propter ſingularem doctrinam in illo ipſo ſtudio; ad moraliſ philoſophiæ lectionē; non tam ſtipendiaria pecunia; quam ingenti honore fuit cohoneſtatus. Accitus poſtea à Carolo V. Imperatore in præceptorem filij ſui Philippi, qui nuper ſenio conſectus eſt; poſtquam diù in Hiſpania regnauerit; quaſi alter Ariſtotelis Alexandri Magni Philippi filij Macedonum Regis Didascalus, quoniam tendit, (vt ait quidam) tendit in ardua virtus; Epiſcopus primum Carthaginienſis electus; mox ob mortem Taueræ Cardinalis Archiepiſcopus Toletanus, & Hiſpaniarū Primas declaratus eſt. & quoniam ſumma dignitas, ſumma etiam facinora poſtulabat, prudentem in rebus fidei introducendis ſeueritatem oſtendit periculofis illis temporibus; præſertim erga quandam religionē, in illis partibus primas radices agere tentantē, quod quia breuitati noſtræ non confert; lectori in multis, qui de hoc agunt, videndum committimus. Cum verò Eccleſiam illam per multum tempus; tamq̃ optimus, ac peruigil Paſtor, ſumma prudentia gubernaret, acerrimuſq; eccleſiaſtica iuriſdictionis defenſor, multa prædia ab illa Eccleſia abalienata, eidem reſtituenda curaret, à Paulo IV. anno Domini 1555. Pont. I. 13. Kal.

Ianua-

Ianuarij Cardinalis Presbyter tt. SS. Nerei, & Archilei creatur, qui Decretis in Ecclesia Toletana edixit; ne vlla ratione Hebræorum, aut Maurorum descendentes officio, aut beneficio afficerentur. Amplum ibidem sacrarum virginum Monasterium erexit, necnon Collegium, infantium dictum, ædificauit, magnificisq; redditibus dotauit; & vt erat in B. Virginem maxime pius, eidem in Metropolitana sacellum, magnis sumptib. honorificum erexit, alijsq; actionibus futurorum sæculorū memoria dignis, Ecclesiam Toletanam insigniuit. Multis ergo rebus scitu dignissimis actis; conscripto de nomine Iesu libro, quod pro insigni gestabat, cū hac eleganti inscriptione lingua Hispana: eslaun me es toda cosa, quod latinè, omnia ex me ignem eijciunt, significat, necnon Dominica, & Angelica Salutatione mirificis locupletata hieroglyphicis, atq; (si in nomen non cadit æquiuiocatio) nonnullis, ijsq; pulcherrimis de Arithmetica disciplina libellis relectis; Toleti ex dolore calculi moritur anno Domini 1557. pridie Kal. Iunias, ibiq; in Ecclesia Monasterij Virginum corpus sepulturæ demandatum est. In maiori autem Ecclesia Toletana super sacrarij portā, inter alia nonnullorum dictæ Ecclesiæ præsulū elogia, extat & Silicei Epitaphium, quod hic apponendum duxi.

Ioannes Siliceus Sextus Cardinalis, Philippi II. Magister. Pater pauperum, & in Ecclesia Toletana Sanctarum Legum Restaurator. Obijt 31. May 1557.

IX.

F P E T R V S Bertanus, natione Italus, patria Mutinensis, ortus est anno Domini 1501. pridie Non. Nouemb. Hic cum adoleceret, vbi diuini numinis faces illuxerunt, Dominicanis Patribus se adscripsit, qui breui quidem: sed mirifico quodam modo artiū, sacræq; Theologiæ Magister euadens, extitit ignitus Dominici verbi prædicator. Electus postea Fanensis Episcopus, ad sacrum Concilium Tridentinum à Paulo III. mox ad Carolum V. Imperatorem Nuncius mittitur. à Iulio

lio III. qui Paulo successerat anno 1551. Pontificatus II. 13. Kal. Ianuarij Presbyter Card. tt. SS. Petri, & Marcellini creatur. sede vacante, ob mortem Marcelli II. cum Cardinales, conclauē ingressi, de Pontificis noui electione deliberarent; parum defuit, quin hunc communi omnium consensu Marcelli successorem prædicarent. Obijt anno Domini 1558. Pontificatus III. ætatis 57. 8. Idus Martij Romæ, sepultusq; est in Ecclesia S. Sabinæ; atq; non tam elogio; quam celeberrimo tumultu ad omnem æternitatem donatus, quod elogium, ne huius honori, aliquid detrahere velle videamur, curauimus apponendum.

D. O. M.

Petri Bertani Mutinēsis Cardinalis corpus hic situm est, qui cum adolescens in D. Dominici familiam nomen dedisset; doctrina, & virtutis ergo factus est Episcopus Fanensis, tum à Paulo III. Nuncius missus est ad Carolum V. duobus memoriæ nostræ prudentissimis Principibus incredibiliter satisfecit. A Iulio III. in Cardinalium numerum adlectus, sub Paulo IIII. mortalitatem, cum immortalitate commutauit. Benè precare quisquis es, ita tibi quoq; alij benè precentur. Vixit annos 56. Mēses 4. dies 4. Obijt anno salutis 1558. Guronus frater frauri vita cariori posuit.

X.

IOANNES Groperius, natione Germanus, fuit insignis Pontificij, Cæsareiq; Iuris; nec non egregius sacræ Theologiæ Doctor, Præpositus Bonæ, & Colonienſis Ecclesiæ Archidiaconus, qui synodi Prouincialis per Adulphum Colonien. Archiepiscopū celebratę, descriptas leges in quatuor, & decē libros, admirabili ingenij acumine, præclara prudentiæ, eloquentiæ (& quod caput est) Christianæ pietatis laude, redegit. Hic idem coactō Ratisponæ Conuentu, religionis ergo coram Carolo V. Augusto, & æternæ memoriæ digno virō, Gaspare Cardinale Contareno Pauli III. Pont. legato; à Catholicis inter

ter coeteros electus est; vt viua voce, ac scriptis protestantium hæreticorum dogmata, magna vi argumentorum sterneret, qui, cum se acerrimum in illis insectandis, atq; exagitandis fidei catholicæ propugnatorem demonstrasset, & pro defendenda, apud Colonien. Diocesim religione postea; ingentes suscepisset, prouincias: quinimo vitam ipsam mortis periculo exposuisset, meruit anno Domini 1555. Pont. I. 13. Cal. Ianuarij, ob deuotum erga S. R. E. animum, & conscripta volumina, sacra purpura donari; quam dignitatem scriptis ad Pontificem literis, non quidem propter obedientiam recusabat: sed propter humilem animi demissionem renuere conabatur. Quid dicam de singulari eius continentia? qui cum aliquandò (ò facinus æterna seculorum memoria dignissimum, ò continentia magnitudo. Quid non efficis, vbi semel candida pectora occupasti?) qui, inquam, cum aliquandò Domum reuersus vidisset Mulierculam lectum suum sternentem; tantum continentia suæ signum cunctis reliquit, vt nò modò Mulierculam illam è cubiculo durioribus verbis, ac minis propulsarit: sed lectum ipsum tactu mulieris, ob magnam continentia reuerentiam, quasi pollutum ratus, ipsemet è fenestris, videntibus; atq; admirantibus omnibus præcipitarit. Cum ergo tam egregium facinus, ac æternum continentia monumentum posteris reliquisset, obiit Colonia anno Domini 1558. Pont. III. 7. Idus Martij, sepultus in Metropolitana. Romæ anno sequenti vita functum, & ad pedes optimi patris Hadriani VI. Pontificis in Ecclesia S. Mariæ de Anima nationis Theutonicæ sepultura demandatum, quidam affirmant; rectè, an perperam non disputo, hoc certè affirmare possum, in illa Ecclesia huius præclarum elogium conseruari, quod nolumus silentio præterire.

D.

O.

M.

Ioanni Groperio religionis, fideiq; Catholica propugnatori acerrimo, post incredibiles summis cum periculis pro Ecclesia, ac Religionis

gionis conseruatione, magno semper, ac inuictō animo exanilatos, multaq; praeclara literarum monumenta edita, ob perpetuam fidei, pietatisq; constantiam, incomparabilem doctrinam, summasq; virtutes absenti, nec quicquam minus cogitanti in sacrum S. R. E. Cardinalium Collegium cooptato praematura adhuc morte, & quando sui opera imprimis desiderabatur ex humanis excepto, fratri pyssimo, atq; optime merito Godofredus, ac Gaspar Groperij fratres alumno maxime posuere vixit annos LVII. dies XVIII. obiit V II. Idus Martij MDLVIII.

XI.

HIERONYMVS Auria, natione Italus, patria Genuensis, sanguine nobilissimus, Cremolini Comes, ac Dominus, vxorem adolescens duxit, qui in Patriae Reipubl. administratione, cum multa ingenij, consilij, maturæq; prudentiae signa dedisset; vnus ex duodecim viris dilectus est, qui patrias leges promulgaret, & rerum omnium status, non nihilum labentes reformaret. Is vita functa vxore, in gratiam Andreae Auriae Principis à Clemente VII. anno Domini 1529. Pontificatus VI. 13. Kal. Octobris solus creatus est Cardinalis Diaconus S. Thomae in Parione. Assistens fuit Carolo Quinto Augusto, vna cum Hyppolito Card. Mediceo Bononiae ferrei dia dematis (quae auream praecessit) coronationi; & post ex Diacono S. Thomae, ad Diaconatum S. Mariae in porticu translatus; primas inter Cardinales Diaconos obtinuit. A Paulo postea Papa IV. Episcopus Tarraconensis electus, Ecclesiam illam suo nomine adeo cohonestauit; vt dubium sit, an plus illi dignitas illa attulerit ornameti, an ipse dignitati. Obijt Is in patria anno Domini 1558. Pont. III. Mense Martij, sepeliturq; in maiorum suorum monumento extra portam S. Thomae in Ecclesia S. Mariae, quae de Cella dicitur, cui Ecclesiae; quo fratres Sancti Augustini Eremit. qui eam incolunt pro ipsius anima quotannis parentarent, nonnulla pie legauit.

XII.

XII.

F. GVILIELMVS Peytous, natione Anglus, Ordinis Minorū Observantium, quem alij Petrum vocant; obscurioribus ortus parentibus: sed virtute, ac pietate illustris, cum multos in religione gradus honoris obtinuisset, & in Italia nonnullos annos cum Reginaldo Card. Polo (de quo paulo infra) fuisset commoratus, visus est Paulo III. Pont. ob egregia virtutum merita dignus, qui Episcopus Sarisburiensis renunciaretur. A Paulo postea Quarto anno Domini 1557. Pontificatus III. 18. Kal. Iunij Presbyter Cardin. S. R. E. & Legatus de latere in Regnum Angliæ, loco Cardinalis Poli ad id delegati; postea reuocati, quis indignante Maria Regina declaratus; Cardinalatus, & Legationis honores oblatos, quoniā erat annis grauis, ætate iam fessus, & in vitæ decursu morte præuentus, non potuit obtinere. Obijt in Anglia anno Domini 1558. Mense Aprili, ibiq; sepulchro mandatur.

XII.

DVRANTES de Durantibus, natione Italus, patria Brixienfis, natus est anno Domini 1487. 3. Nonas Octobris, qui cum ex studio humaniorum literarum Iurispræditiq; animum appulisset, factus est secreti cubiculi Pauli III. assistent, mox ab eodem Episcopus Algarensis electus; ac paulò post ab eodem, à quo summo opere diligebatur in Decima Cardinalium promotione, anno salutis 1544. Pōtific. XI. 14. Kal. Ianuarij Presbyter Card. Basilicæ SS. 12. Apostolorum creatus; atq; anno sequenti Vmbriæ, Cameriniq; de latere Legatus designatus est; in qua legatione obeunda, ac negotijs eorum populorum pertractandis, tantam adhibuit moderationē; vt non modo, quod scriptis, hoc. s. axiōmate; *moderata durā*: sed etiā re ipsa confirmarit, ex quo magnam sibi apud illos populos beneuolentiam conciliauit. Huic eidem Ecclesiam Brixiensem, ob mortem Andreæ Cardinalis Cornelij eiusdem Ciuitatis electi, Iulius Papa III. commisit. Neque quenquam perturbarent;

rint Petri Pauli Vergerij Iunioris iurgia in Durantem, quippè tantum abest, vt is de huius laudibus detraxerit, vt potius au- xerit, præterquam quod non solum falsa dixit: verum etiam, quod peius est à vera religione apostatauit. Obijt Durātes Bri- xiæ anno sal. 1558. Idibus Maijs annos natus LXXI. sed non obierunt præclara eius facinora, quæ perpetuo durabunt. se- pelitur ante gradus Aræ in Cathedrali.

XIV.

PETRVS Taliauia de sanguine Aragonio Siculus, Panor- mitanus, illustrissimis editus parentibus (Simeonis Car- dinalis Terrænouæ, nostræ ætatis, patruus) Archiepisco- pus Panormitanus fuit; in cuius administratione duæ res, quæ in vnum eundemq; perarro, ac vix vnquam convenire solent, præstans ingenium, ac summa animi moderatio; hæ ambæ ita in Petro enituerunt, vt de illo exornando certasse quodā- modò videantur. Accedit præterea regia in omnibus rebus maiestas, ac magnificentia, quæ vigentes virtutes mirificè de- corarent. Neq; verò indefessa virtus, aut labore vnquam fra- cta est, aut negotiorum multitudine succubuit, aut postremò tædio, ac satietate relanguit. Cæterum in celeberrimo, ac sa- cro Christiani Orbis theatro Cōcilij Tridentini sessionibus 5. & 8. sub Paulo III. celebratis interfuit. Quem postea eximia eius virtute perspecta, Iulius Papa III. anno Domini 1553. Pont. IV. 11. Kal. Ianuarij, in quarta quatuor Cardinalium creatione Romæ habita, Presbyterū Card. tt. S. Calixti crea- uit. Obijt Panormi. anno salutis 1558. Pontificatus IV. die Veneris, Nonis Augusti, ibiq; in Metropolitana sepelitur.

XV.

REGINALDVS Polus Britannus, Ricardi Poli, Henrici VIII. Angliæ Regis Consobrini fratris, necnon Marga- ritæ Georgij Clarenſiensis Ducis, & Sarisburiensis Do- minæ, à Regio item sanguine genus trahentis filius; natus est anno Domini 1500. Mense Martij. Is latinæ, græcæ, hebraicæq; linguæ

linguę comparata cognitione in studio Oxoniensi, in Dialecticam, ac Philosophiam incubuit. Decanus Oxoniensis factus, in Italiam se contulit, vbi Patavij per quinquennium literis, ac pijs moribus animum expoliuit. Hinc Romam profectus; Roma ad patriam reuertitur: sed ob repudium Catherinę legitimę vxoris, quod nefarię Henricus VIII. Rex machinabatur, in Galliã concessit. Hinc rursus in Angliã reuersus, multas pecunias, plures honores, plurimas dignitates, inter quas Episcopatum Vintoniensem, & Archiepiscopatum Eboracensem, ex quorum vno quoq; quotannis triginta millia aureorum colligebantur, si repudio suffragaretur à Rege oblatas, constanti, infra octoq; animo repudiavit. Rursus porrò in Italiam veniēs, Patavij; paulò post Venetijs theologici studij causa commoratur, vbi; non modo illius scientiæ cognitionē assequitur: verum etiam cum Bembo, Contareno, Io. Petro Carafa, alijsq; viris celeberrimis pyladeã cōtraxit amicitia, ibiq; in respōsione Epistolę Regis Angli, qua cū iam à S. Matris Ecclesię unitate discessisset, & se Ecclesię Anglicanę supremū caput declarasset; de hoc recenti titulo sententiam ab eo requirebat, præclaros quatuor illos pro ecclesiastica vnitatem libros, qui typis sunt impressi, conscripsit, eosq; ad Regem ipsum perferendos vni ex suis familiaribus dedit. Accitus Venetijs Roman à Paulo III. præficitur rebus Ecclesię redintegrandis, atq; alio eodem anno Domini 1536. Pont. III. 11. Kal. Ianuarij, inuitus, & renitens, creatus est Cardinalis Diaconus SS. Nerei, & Archilei, & post S. Marię in Cosmedin, sacra exornatus purpura. In Galliamq; & in Belgas non multò post; vt qui adhuc in Anglia Catholici essent, eos in Ecclesię fide retineret, Legatus mittitur: sed ante auditam Henrici fratris sui minoris, & matris mortē, cui à scelestissimo illo Anglorū portento; quod Catholici essent addicti sunt; is animo (vt talem virum decebat) pertulit inuictus. Lutetijs ergo, quo petiuerat, Romam se conuertens, rursus ad Belgas, ac paulò post ad Imperatorem, atq; Gallorum Regem legatur. Cæterum cum Romam reuertisset;

tisset; vt in otio honesto aliquando acquiescat; Pontifex, non molestam, neq; longè ab Vrbe Viterbiensem ei defert legationem. Non multò post anno Domini 1542. Parisio, & Morono Cardinalibus, tertius adiungitur, qui in Synodo Tridentina Legati munere perfungatur. Insuper secundò cum duobus alijs Legatis Montio, & S. Crucis Cardinalibus ad idem Concilium mittitur. Mortuo verò Pontifice; cum Cardinales conclaue (vt fit) ingressi de successore deliberarent; duo ei tantum ad summum Pontificatum defuerunt suffragia, in quo tantam præstulit animi constantiam; vt omnes non possent non admirari, atq; in primis S. Iacobi Cardinalis Toletanus, qui narrabat ea re Polum nihil prorsus fuisse commotum. Accedit præterea, quod hoc magis confirmat; quod nò defuere ex Aulicis, qui quodam die ambitionem ei obijceret, cumq; intempestiuè Pontificatū ambire asseueraret, quibus Reginaldus sapienter (vt in omnibus semper) respondit; summi illius sacerdotij, & sacrosancti magistratus onus, non tam sibi leue videri; vt non pertimescendum potius, quam appetendum putaret. Mortuo Edoardo Rege, Henrici VIII. filio, Polus ad Mariam, quæ fratri successerat, à Iulio Papa III. legatur, qui deuotam Reginae erga fidem Catholicam voluntatem adiuuaret, & religionem veram, antea eleuatam erigeret, ac confirmaret: sed antequam in Angliam proficiscatur, mittitur ad Imperatorem, & Gallorum Regem; quo inter illos pacem componeret. Acta hac legatione, Maria ad se accersit Polum, in cuius ditionibus, ac statu perhonorificè excipitur; vbi Regnum illud, tanquam mēbra capiti Ecclesiae Romanae; assentiētibus, atq; approbantibus illis, reducit. Quibus actis, ex Diacono Presbyter tr. S. Mariae in Cosmedin factus; mox S. Priscæ Pauli IV. Pontifice consentiente, Reginaq; deferente Archiepiscopus Cantauriensis, & Angliae Primas, consilijq; regij Praefidēs declaratur. Onus arduū humeris nostris imponeremus, si legationes ab illo obitas pro Ecclesia, & libros in Catholicae fidei confirmatione vellemus recensere; sed oratione nostra super.

D

fede bi.

sedebimus; vt nulla vnquam ætas de istius laudibus contice-
 scat; & qui hæc copiosius tractata requirit, legat Ludonicum
 Beccatellum Archiepiscopum Ragusinū Bononiensem, qui eius
 vitam italicè; ab alio postea latine conscriptam composuit.
 Obijt Reginaldus anno Domini 1558. 12. Kal. Decembris, eo
 ipso die, quo Maria (& quod miserrimum est) fides ipsa in il-
 lo Regno obijt, dumq; abrogata illi à Paulo Pontifice, non sine
 magna omnium admiratione, Reginæq; molestia Anglicana
 legatione, Romam ab eodem Pontifice accersitus iter arripere
 parat. Corpus eius in Arca plūbea inclusum per 40. dies do-
 mi, de more illarum nationum asseruatum, Cantauriam depor-
 tatum; in sacello D. Thomæ sacro, in quo sacerdotia instituit,
 quæ alternatim pro anima sua sacrificium offerrent, cōditur.

XVI.

ROBERTVS Nobilis, natione Italus, patria Policianus,
 Vincentij Equitis filius, ex Nepte Iulij III. anno Domi-
 ni 1541. Nonis Septembris natus est; is cum esset iuue-
 nis bonæ indolis, & morum (propè dixerim) Angelicorum ra-
 dios effundens, necnō signa magnæ præseferens expectationis;
 annos natus 13. ab Auūculo Iulio Pōtifice anno Domini 1553.
 11. Kal. Ianuarij creatus est Cardinalis Diaconus S. Mariæ in
 Cosmedin; in qua dignitate retinens in animo puritatem; in
 actionibus prudentiam; in vestitu modestiam; in cultu Dei, &
 religione peruiilem diligentiam; ad eam vitæ perfectionem
 deuenit, vt posthabita, qua cohonestabatur, Cardinalitia di-
 gnitate, aliquando; quò melius Christo vacaret, ac seruiret, he-
 remum petere cogitarit, de quo cum Rodolphus Card. Car-
 pen. sermonē in frequētissimo honestissimorū virorū cōuentu
 instituisset, post multas ipsius laudes; in eam deniq; vocem, fer-
 tur, erupisse; vt egregiū adolescentē annos vix dū septēdecim
 natum, ad emendandos mores, ac totius sacri Collegij Card.
 ritus reformandos maximè idoneum, non dubitaret affirmare;
 vtpotē qui cum perpetuis vigilijs, verberibus, ac veste cilicina
 animum

Paulus Papa Quartus.

51

animum erigere, ac corpus deprimere non ignorabat. Rober-
tus ergo propter ieiunia, ac continuam corporis castigationē;
cum tenuis esset naturæ, in morbū incidit, à quo cum non pos-
set liberari; nisi amissa (vt ait Thomas Bozius congregationis
Oratorij Presbyter in libro, quem de signis Ecclesiæ Dei in-
scripsit) virginitate, voluit potius animæ sanitatē corporis præ-
ferre, sicq; magno mortis contemptu, tristes parentes consola-
tus; ad lauream virginitatis habendam, mortalitatem cum im-
mortalitate commutauit. Obijt Romæ anno Domini 1559.
16. Kal. Februarij hora 13. matutina, sepultus in D. Petri de
Monte aureo in marmoreo sepulchro, in quo etiam eius imago
extat depicta, hoc eleganti elogio à Patre Donatus.

Iesu Christo Resurrectori, salutis Auctori.

*Roberto Nobili Politiano S. R. E. Diacono Cardinali, qui 13. An-
nos natus, ob egregiam virtutis indolem à Iulio III. Pontifice Ma-
ximo eius magno Auunculo; patribus vniuersis approbantibus, in
amplissimum Collegium cooptatus, ardentissimo cum esset religionis,
& literarum studio; sese tri tunc summa patientia confectus, dum
se iucundissimam mortem sentire affirmaret, suosq; extremo spiritu
mirificè consolaretur; in cælestem vitam, quam assidue meditaba-
tur, commigrauit 16. Kal. Februarij 1559. Vix. annos 17. Men-
ses 4. dies 12. Hor. 16. Vincentius Pater filio optimo, ac dulcissi-
mo P.*

Hæc sunt, quæ de hoc integerrimo adolescente mihi breuita-
ti student, occurrerunt; quod si quis plura quærat, legat Ora-
tionem Francisci Scätij in eius funere habitam; Epistolam in-
certi authoris, inter clarorum virorum literas; Io. Franciscū Ga-
rimbertum; & alios authores.

XVII.

VIRGILIUS Rosarius, natione Italus, patria Spoletanus,
natus est anno Domini 1499. Hic, post operam egregiè
nauatam Pontificij, necnon Cæsarei Iuris studio, virtu-

D 2

te, atq;

te, atq; prudentia nullo ex superioribus inferior; Episcopus Insulæ Isclanensis à Paulo IV. electus est, quod in nonnullis muneribus obeundis seuerè ageret; eiusmodi. n. vitæ institutū Paulus Christianam seueritatem identidem solebat appellare; & paulò post ab eodem in tertia decem Cardinalium promotione anno Domini 1557. Pont. II. Idibus Martij Presbyter Cardinalis tt. S. Simeonis, eiusq; perpetuus in Vrbe Vicarius declaratus est, vnusq; ex quatuor primis Cardinalibus fuit, qui causæ Ioannis Cardinalis Moroni præsideret. Cum Tranense & Consiliario Cardinalibus à Paulo IV. Pontifice Spoletanum delectum Onuphrius in vita Pauli, qui cum Camilli Vrsini cōsilio ditionis Ecclesiasticæ causas, regia potestate cognosceret affirmat; verum Spoletani loco; Ioannem Cardinalem Reumanum, loco Camilli; Io. Antonium Vrsinum, ipsius Pontificis constitutione decima nona, quæ in Bullario tom. 1. reperitur, deputatos inuenio. Obijt is ob venam in pectore fractā vnus horæ spatio Romæ in Palatio Apostolico anno Domini 1559. 10. Kal. Iunij, sepultus in Ecclesia Sactæ Mariæ super Mineruā, vbi in sepulchro eius marmoreo cum ipsius effigie, æternū virtutum suarum monumentum extat, cum hoc Epitaphio.

D.

O.

M.

Virgilio Rosario Spoletano S. R. E. Presbytero Cardinali Summi Pontificis perpetuo Vicario. Flavius Rosarius Patruo optimo pos. Vix. annos 60. Ob. 10. Kal. Iunij 1559.

XVIII.

ANTONIUS Triuultius, natione Italus, patria Mediolanensis, nobilissima, & illustrissima familia ortus, quæ tunc temporis à Leone Decimo duobus donata Cardinalibus; præter cæteros armis, togaq; claros viros illustrabatur. Patrem habuit Hieronymum Scaramutiæ Triuultij Cardinalis Comensis fratrem. Is cum in studium diligenter incubuisset,

buisse, excellensq; vtriusq; Iuris Doctor euasisset; Romā veniens vtriusq; Signaturæ Referendarius; mox Episcopus Tolenſis; opera Augustini Triuultij Cardinalis affinis ſui factus eſt. Prolegatus poſtea, Auenionem miſſus à Paulo III. Pontif. dum Alexander Farnesius Cardinalis ipſius nepos ditionis illius ageret legationem; eos populos tanta per triennium prudentia moderatus eſt; vt omnes quicquid diceret, & quicquid præciperet ab aliquo, veluti oraculo eum accepiſſe arbitrarentur. Cum igitur in aliquibus ditionis ſuę partibus, Apocalypſi eus ille Draco ſuum euouiſſet venenum, ac præcipuè infecto oppido Gabriere, & alijs; peſſimi eius Miniſtri in illis partibus graſſaturi viderentur. Antonius magno exercitu comparato, adiuuantibus etiam Gallorum Regis Miniſtris; audaces illorum conatus fregit, quibus deuictis, proſtigatis, & funditus deletis; Pontificis iuſſu, illa oppida igne primum exuſit, ferroq; poſtea eadem ſolo adæquauit. Miſſus porro ſedis Apoſtolice Internuncius ad Remp. Venetorum; anno 1557. à Paulo Papa III. pontificatus II. Idibus Martij in 3. Cardinalium promotione; Cardinalitia dignitate donatus, Presbyter Card. tt. SS. Ioannis, & Pauli creatur; Signaturæ itē iuſtitie præſicitur, à quo etiam legatus in Galliam miſſus eſt; vt Henricum II. Gallorum Regem ad pacem cum Philippo II. Hiſpaniarum Rege, etiam, atq; etiā adhortaretur, qui biennio exacto; nobili, & memoratu digna illa per eum comparata pace; Italiam petens, in Oppido, quod S. Maturini vocant, à laboribus quieuit ſubita apoplexia præuentus, anno Domini 1559. 8. Kal. Iulij. Eius corpus ibi ſepulturæ traditum eſt.

Mors Pauli IIII.

A NNO. 1559. XV. Kal. Septembris die Martis, hora XXII. Romæ in Apoſtolico palatio obiit Paulus Papa IIII. Corpus in Eccleſia S. Petri Lateritio tumulo ſepultum ad tem
D 3 pus

pus sub Pio V. septimo post mortem anno ad S. Marię super Mineruam translatus; in nobilissimo marmoreo sepulchro, quod ipsi in maiorum suorum sacello D. Thomę Aquinati dictato, quod etiam dotauit idem Pius V. Pontifex extruxerat, conditum est; vbi sequens Elogium legitur.

Iesu Christo spei, & vitę fidelium.

PAVLO IIII. Carafa Pont. Maximo: eloquentia, doctrina, sapientia singulari; Innocentia, liberalitate, animi magnitudine præstantissimo; scelerum vindici integerrimo; catholica fidei acerrimo propugnatori. Pius V. Pont. Maximus grati, & pij animi monumentum pos. vix. annos LXXXIII. mensem I. dies II. Ob. 1559. XV. Kal. Septembris. Pontificatus sui anno V.

Vacauit Sedes menses 4. & dies 7.

Eodem anno 14. Kal. Septemb. eius exequię, ac funeralia more maiorum in Basilica S. Petri celebrari à Cardinalib. cępta sunt. Eodem anno, nonis Septembris Missa Sancti Spiritus ab Episcopo Cardinale Portuense cantata est, & Cardinales numero 44. in Vrbe præsentes; Conclauē in Vaticano Palatio præparatum ingressi sunt, qui VII. Kal. Ianuarij ineunte anno 1560. diuini numinis afflatu; ad Pontificatum assumpserunt Ioannem Angelum Medicum Mediolanensem Presbyterum Cardinalem it. S. Priscę, qui postea Pius IIII. dictus est.

Cardinales quatuor mortui Sede vacante.

XIX.

IOANNES Baptista de Consiliarijs patria Romanus, origine Bononiensis fuit ex nobilissima Ghislieriorum familia, quorū maiores an. 1445. orta inter ciues seditione, è patria expulsī; in varias dispersi partes, varijs Italię locis habitauerunt; non nulli enim in Boschem, agri Alexandrini oppidum se contulerunt, vbi Fr. Michaël Ghislierius ortus est; qui à Paulo IIII. creatus Cardinalis Alexandrinus nuncupatus, nostris postea temporibus, ad Pontificatum assumptus; Pius V. vocatus est; Qui-

Quidam Romæ; vt Auus, & pater Ioannis Baptista: commorati sunt, qui; vt inimicis laterent, ita prima cognominis elementa cominutarunt, vt qui Ghislerij prius; postea Consiliarij (retento tamen stemmate) cognominarentur, quod quidem, an verum sit; ex eo colligi maximè potest, quod Pius V. anno sui Pontificatus extremo, de vno ex gentilitijs suis ad Cardinalatus fastigium promouendo cogitans, quod postea; morte præuentus, consequi minimè potuit; Ioannem Petrum vtriusq; Signaturæ Referendarium Ioannis Baptista, de quo hic sermo, nepotem, quò fuerat vsus in multis administrationibus, nec non in sacra consultatione, non obstante hac primorum elementorum varietate, gentilem suum esse affirmans; diplomate hac de re conscripto, hunc ipsum in posterum non amplius de Consiliarijs; sed de Ghislerijs vocari voluit. Fuit ergo Ioannes Baptista Protonotarius Apostolicus; mox Apostolicæ Cameræ præsidens clericus, qui sanctimonia, atq; integritate morum cunctis probatus, latinæ, & græcæ linguæ peritissimus, & in omni studiorum genere versatus, qui ob id, vel quod Pauli fuerat Nepos (is. n. eiusdem Pontificis socius nouæ religionis Clericorum Regularium Theatinorum, ab eodem olim institutæ habitu sumpto eisdem se addixerat) summo Pontifici carus, & multo in pretio habitus; præter cætera amoris sui erga ipsum signa data, ab eodem anno Domini 1557. Pontificatus II. Idibus Martij, Diaconus S. Lucie in Silice; postea vero S. Nicolai in Carcere vocatus, in Cardinalium numerum cooptatur. Cum ergo Pontifex singulari eius in rebus administrandis prudentiæ, consilio, ac sapientiæ tribueret multum; elegit eum, qui vna cum Bernardino Tranense tt. S. Matthei, Ioannē Reumano tt. S. Ioannis ante portam latinam Presbyteris Cardinalibus; accedente consilio Ioannis Antonij Vrsini Domicelli Romani, & Aloyfij Lipomani Bergomensis Episcopi, præsideret rebus Romæ, totiusq; Ecclesiasticj status cognoscendis, ac terminandis. Obijt Ioannes Baptista Romæ anno 1559. VIII. Kalendas Septembris, sepeliturq; in suo Diaconatu Sancti Nicolai in Carcere.

XX.

HIERONYMVS Capoferreus, natione Italus, patria Romanus Recanatis filius, natus est X. Cal. Iulij anno Domini 1502. ab ipsis ætatis suæ primordijs, à patre seruituti Alexandri primi Cardinalis Farnesij commissus; ingenio perspicaci, & disciplinis literarum perquam eruditus; sub eodem Farnesio, postea summo Pontifice renunciato; vt antea etiam se dente Clemente Papa VII. in varijs Curia muneribus, nec non in diuersis ad Principes grauissimis de rebus legationibus vitã egit, in quibus; cum ex votis & ipsorum Pontificum, & Principum, ad quos legatus fuerat, se gessisset; ab eodem Pontifice Thesaurarius Apostolicus declaratus, vna cum Guidone Ascanio Cardinale Sfortia Pontificis Nepote, ad sustinendum bellum, quo Turcæ in Pannoniam, Germaniæ fines, atq; Italiam inuadendam se se accingebant; deputatus est, cum facultate extinguendi canones, census, & alia huiusmodi Camera Apostolicæ, Ecclesiæ Romanæ, & alijs Ecclesijs, & pijs locis in statu, & dominio S. R. E. existentibus debita, atq; etiam de nouo locandi, & infæudandi bona Ecclesiastica. Electus postea Nicensi Episcopus, & Papæ Datarius; cum vtrobiq; sapientissime se habuisset; in X. XIII. Cardinalium ordinatione anno Domini 1544. Pontificatus XI. XIII. Cal. Ianuarij habita; Diaconus Cardinalis S. Georgij ad velum aureum creatus est, ac paulo post legatus missus in Galliam; vt Franciscum primum Gallorū Regem, Pontificis nomine rogatum vellet suæ ditionis Episcopos Bænoniam, ad Concilium è Tridento eo translatum; mitteret, quo etiam iterum post venit ad Henricum Regem Francisci filium, pro rebus Senensiū, & pace inter ipsum, & Cæsarem componenda à Iulio III. Pont. missus, quo regnante, & Marcello II. Pont. vt antea etiam sub Paulo Papa III. honestissimam Romandiolæ legationē multos annos prudenter egit, extantq; ad huc constitutiones pro bono eiusdem prouinciæ regimine ab ipso editæ, quæ passim ab omnibus obseruantur, & commendantur.

dantur. Ad Morinensem postea Episcopatum translatus; diem suum extremum clausit Romæ in Conclauē; dum comitia pronouo deligendo Pontifice fiunt, die Veneris Calendis Decembris anno Domini 1559. hora noctis X. dum ætatis annum ageret 57. sepultus in templo S. Marię de pace. De Hieronymi Cardinalis virtutibus præclara in Epistola Iacobi Card. Sadoleti anno 1543. VI. Idus Augusti ad Paulum III. ex Feliciano Carpeſtoratenſis Diœceſis miſſa, in qua hunc, & Thomam Campeggium Bononię. Episcopum Feltrenſem Pontifici commendat, illiq; narratis illorum virtutibus; ſacra eos purpura dignos demonſtrat. Extat nunc etiam Romæ regio ſumptu fabricatum ab eodem Palatium, de nomine huius Capoferreum dictum, præclaris inſigne lapidibus, ac imaginibus.

XXI.

HIERONYMVS Dandinus Nobilis Cæſenas, Anſelmi Dandini, & Ioānē Muratini Foroliuienſis filius, natus eſt anno Domini 1509. qui; cum legibus in ſtudio Bononię operam dediſſet; Pontificij Cæſarei; iuris lauream conſecutus eſſet; Romam ſe recepit, ubi per multos honorum gradus ad Episcopatum Imolenſem peruenit. Cum poſtea Iulij III. à ſecretis eſſet, Internunciuſ ad Carolum V. Imperatorem; ut ipſius auxilium (quod obtinuit) ad bellum Parmenſe ſuſcipiendū imploraret mittitur, qua legatione peracta, in Italiā reuerſus; huic bello præſicitur; legato Ioanne Angelo Cardinale Mediceo. Anno poſtea 1551. Pontificat. II. in 3. Cardinalium creatione XIII. Kal. Ianuarij Romæ habita; ab eodem Pontifice Cardinalitia, Preſbyter tt. S. Matthæi, donatur dignitate, qui Bononię purpureum Pileum à Hieronymo Saulio Genuę. Archiepiſcopo Ciuitatis Prolegato accepit, honorificaq; paulò poſt ad Carolum V. pro pace cum Henrico Gallorum Rege cõponenda legatione cohoneſtatur, in qua legatione Ioannem Franciſcum Commendonum, qui poſtea Cardinalis à Pio III. factus eſt, obſignandis libellis præpoſitum (Datarium vocant) apud

apud se habuit; sub Paulo III. è tt. S. Matthæi, ad tt. S. Marcelli translatus; Monachorum ordinis Montis Oliueti, & Seruitarū Protector extitit. Obijt Hieronymus Romæ anno Domini 1559. pridie Nonas Decembris, die lunæ, hora noctis 3. extra conclaue, ex quo ægrotus exierat; sepeliturq; in Ecclesia sua titulari ante gradus Altaris maioris in pauimento. Sepulturæ eius monumentum extat, cum hoc elogio.

Hieronymus Dādinus Cardinalis Cefenas, Episcopus Imolensis, qui vixit annos 50. Obijt pridie Nonas Decembris 1559. Et in pariete aliud.

D. O. M.

Hieronymo Dandino Cefenati S.R.E. Card. huiusce Ecclesie titulari, & ordinis Protectori. Anselmus Protonotarius Apostolicus, & utriusq; Signaturæ Referendarius Patruo optimè merito; annuo redditu fratribus assignato, ut pro eius anima pridie nonas Decembr. quo die obijt anniuersarium celebrent. Ob. 1559. ætatis 50.

XXII.

ANTONIUS de sanguine, seu de Medon, claro sanguine inter Gallofrancos natus, vir celeberrimus, & in Aula Regum Galliæ magnæ existimationis, quippe qui ingenio pollens; senatorijs, forensibusq; causis optimè exercitatus fuerat; Francisco Rege instante, & Clemente Papa Septimo concedente Aurelianensis Ecclesiæ Episcopus anno Domini 1533. decedente Ioanne Aurelio eiusdem Clementis Septimi Cardinale; summa Cleri, populiq; illius Ciuitatis alacritate electus est. Hunc Paulus Tertius anno 1539. Pontif. VI. 14. Kal. Ianuarij; Comitijs septimò Romæ habitis, in gratiā eiusdem Regis; Cardinalem Presbyterum tt. S. Mariæ in Porticu creauit. Pro eodem postea Rege, cuius opera in Regni administratione vel maximè utebatur; Lutetiæ Parisiorum Gubernator

Paulus Papa Quartus.

59


nator adfuit, quando Carolus Imperator, cum Henrico Angliæ Rege foedere iunctus, Galliam magno inuadens exercitu; multa oppida, terras, castraq; coepit; ferro, flammaq; vastauit, quo nuncio Parisinus populus excitatus, metuq; percussus, cū sermonibus vulgi circumferretur Cæsarem; vt Lutetiam depopularetur transfretare; summa vigilantia, ciuibus in fide retētis, urbem ab hostibus defendit, Regi intactam coueruauit. Verum pace inter eosdem Imperatorē, & Regem, in qua multum insudauit secuta; vna cum Lotharingiæ Cardinale, & alijs Regni Proceribus, eiusdem pacis initæ, obses datus est. Qui à Iulio Tertio è titulo, de quo supra, ad tt. S. Grisogoni translatus; sub Paulo I V. Pontif. Archiepiscopalem Ecclesiam

Tolosanam administrandā suscepit. Moritur in Gal

lia an. Domini 1559. die Veneris 11. Kal. Ia-


nuarij, dum comitia pro nouo deligendo

Pont. Romæ in conclaue celebrantur, ibiq; sepelitur.



PIVS

PIVS QVARTVS
PONT. MAX.



ANNO CHRISTI MDLIX.
SIGNVM PII QVARTI.

Si mei non fuerint dominati, tunc immaculatus ero.



PIVS Papa Quartus, Ioānes Angelus antea vocatus,
ex Medicea nobili, & antiqua familia Mediolani,
inter Infubres anno Domini 1499. pridie Kalen.
Aprilis Sanctissimo Paschatis die, natus; patrem
habuit Bernardinum; matrem Cæciliam Sorbel-
loniam, mulierem honestissimam, nobilissimamq;. Adolescēs
Ticini

Ticini, & Bononiæ; Philosophiæ primum, deinde verò legum studijs, sub Caroli Ruini V. I. consultissimi disciplina totum se addixit, vbi Doctoratus lauream consecutus, in patriam reuersus; non modò magnas controuersias inter Principes Ciuitatis exortas, cum illum communi consensu causæ Iudicæ constituissem; sapientissime dirimit: verum etiam sedatis, inter Franciscum Sfortiam Mediolani Ducem, & Io. Iacobum fratrem suum discordijs; pacem Ciuibus suis insperantibus restituit. Romam profectus anno Domini 1527. 8. Kal. Ianuarij, eadem circiter hora, & die primum ingressus est, quibus trigesimo tertio anno post Romanū Pontificatum obtinuit. A Clemente Septimo Summo Pont. non tam studio, & ope fratris Marchionis; quam præclaris virtutū suarum meritis; inter Protonotariorum (quos Participantes vocant.) numerum adscitus est; deinde à Paulo Papa Tertio multis publicis muneribus cohonestatus; Aſculanis primum; secundò Tyfernatibus in Vmbria, tertio Parmensibus; post hos etiam Fanensi Ciuitati iuridicūdo præficitur; terq; Ecclesiastici exercitus Quæstor (Cōmissarium vocant) bis in Pannonia contra Turcas; in Germania semel; amplius limitum inter Ferrariensem Ducem, & nostram Bononiensem Rempub. terminandorum sapientissimus arbiter extitit, ac disceptator. Ex Anconitana præfectura; Archiepiscopus Epidaurensis, seu (quod nostris temporibus dicitur) Ragulinus creatus; Prolegationem Bononiensem sibi commissam, Legato Ioanne Card. Morono 1547. suscepit. Cæterum audita Petri Luisij Parmæ Ducis morte; collecta militum manu, eo aduolat, & vigili diligentia; & suis, & amicorū opibus, quos ibi habebat non paucos, adiutus; urbem valido satis firmatam præsidio, in Ecclesiæ Romanæ fide confirmauit. Idem Perusiæ, Vmbriæq; Prolegatus designatus; quia fuerat de Repub. Christiana, & Sede Apostolica benemeritus; absens à Paulo Tertio anno 1549. Pont. XV. 6. Idus Aprilis, die Veneris in vltima Cardinalium creatione, Presbyter Card. S. Pudentianæ tt. Pastoris declaratus est; Qui indicto Octauio Far-

nelio

nesio Parmensi Duci bello; Ecclesiasticarū copiarū Legatus à Iulio Tertio præficitur; nec multò post à Cæsare Cassanenti Episcopatu ornatus; sub eodem, & Paulo Quarto Signaturæ gratiæ præfuit. Postremò tr. Pastoris relicto; S. Stephani in monte Cœlio; mox S. Anastasię; vltimò S. Priscæ titulum nactus; mortuo Paulo Quarto, Rom. Pontifex, suffragijs quatuor, & quadraginta Cardinalium, qui comitijs interfuerant; hora inter septimam, & octauam eius noctis, quę diem Natalis Dominici consecuta est, ineunte anno salut. 1560. in Apostolica Sede fuit collocatus. Festo sequenti Epiphanię per manus Alexandri Farnesij S. R. E. Cardinaliū Diac. in Vrbe tūc præsentium primi, coronationis sumens insignia, PIVS Papa Quartus voluit nuncupari. Sedit Imperatoribus Ferdinando I. & Maxiliano II. electis annos 5. menses 11. dies 15.

Cardinales 52. viui, quando PIVS

Papa IIII. creatus est.

Episcopi Cardinales VI.

PAVLVS PAPA III.

* Ioannes Bellaius Episcopus Card. Ostiensis, & Veliternus; Sacriq; Collegij Decanus.

CLEMENS VII.

Franciscus de Turnone Episcopus Cardinalis Sabinus.

PAVLVS III.

Rodolphus Pius Carpē. Episc. Card. Portuē. & S. Rufinæ.

LEO X.

Franciscus Pisanus Episcopus Card. Tusculanus.

PAVLVS III.

Federicus Cæsius Episcop. Card. Prænестinus.

Petrus Paciecus Episcop. Card. Albanus.

Præ-

Presbyteri Cardinales XXXIII.

CLEMENS. VII.

- * Claudius de Giuri tt. S. Agnetis in Agone S.R.E. Archipresbyter.

PAVLVS III.

- Robertus de Lenoncourt, tt. S. Apollinaris.
- Ioannes Moronus, tt. S. Mariæ Transiberim.
- Christophorus Madrucius, tt. S. Cæsarei in Palatio.
- Georgius de Armeniaco, tt. S. Laurentij in Lucina.
- * Franciscus de Mendoza, tt. S. Eusebij.
- Otho Truchses, tt. S. Sabine.
- Bartholomæus de la Cueva, tt. S. Crucis in Hierusalem.
- * Henricus Portugallensis, tt. SS. 4. Coronatorum.
- Fr. Ranutius Farnesius, tt. S. Angeli S. R. E. maior Pœnitentiarius.
- * Carolus de Lotharingia, tt. S. Cæcilie.
- Io. Angelus Medices, tt. S. Priscæ.
- * Carolus Borbonius, tt. S. Sixti.
- Tiberius Crispus, tt. S. Agathæ.

IVLIVS III.

- Christophorus de Monte, tt. S. Praxedis.
- Fulvius Corneus, tt. S. Bartholomæi in Insula.
- * Io. Michaël Sarracenus, tt. S. Anastasie.
- Ioannes Riccius, tt. S. Vitalis.
- Io. Andreas Mercurius, tt. S. Marcelli.
- Iacobus Puteus, tt. S. Mariæ in Via.
- Io. Bapt. Cicada, tt. S. Clementis.

PAVLVS IV.

- Don Bernardinus Scotus, tt. S. Matthæi.
- Diomedes Carafa, tt. S. Martini in Montibus.

Scipio

Pius Papa Quartus.

Scipio Rebiba S. Pudentianæ, tt. Pastoris.
 Io. Suavius Reumanus, tt. S. Io. ante portam Latinam.
 Io. Antonius Capisuccus, tt. S. Pancratij.

CLEMENS VII.

Hercules Gonzaga, tt. S. Marię nouæ.

PAVLVS IV.

Thadæus Gaddus, tt. S. Syluestri.
 Laurentius Strotius, S. R. E. Presbyt. Card.
 Io. Bertrandus, S. R. E. Presbyt. Card.
 Fr. Michaël Ghislerius, tt. S. Mariæ super Mineruam.
 Fr. Clēmens Dolera, tt. S. Mariæ de Aracoeli.

PAVLVS III.

Iacobus Sabellus, tt. S. Mariæ in Cosmedin.

Diaconi Cardinales XIII.

CLEMENS VII.

* Odettus de Castillione S. Hadriani, S. R. E. Archidiac.

PAVLVS III.

Alexander Farnesius, S. Laurent. in Damafo S. Rom. Eccl.
 Vicecancell.

Guido Ascanius Sfortia, S. Mariæ in via Lata, S. R. Eccl.
 Camerarius.

Nicolaus Caëtanus, S. Eustachij.

Hippolytus Estensis, S. Mariæ in Aquiro.

Iulius de Ruere, S. Petri ad Vincula.

IVLIVS III.

Innocentius de Monte, S. Onuphrij.

Fr. Aloysius Cornelius, S. Theodori.

Ludouicus Lotharingus de Guisa, S. Thomæ in Parione.

Hieronymus Simoncellus SS. Cosmæ, & Damiani.

PAVLVS IV.

Fr. Carolus Carafa, SS. Viti, & Modesti.

Alfonfus Carafa, S. Mariæ in Porticu.

Vitellotius Vitellius, SS. Sergij, & Bacchi.

Prima


Prima creatio trium Cardinalium.

*Anno Domini MDLX. Pontificatus primo
die Mercurij, pridie Kal. Februarij Roma.*


P I U S Papa IV. primò creavit Card.
tres, qui fuere.

- 1 **I** O A N N E S Antonius Sorbellonius Mediolanensis Papæ
Fratr patrueis Episcopus Fulginatensis Presb. Card.
tt. S. Georgij ad Velum aureum.
- 2 I o a n n e s Medices Florentinus Tuscus, Cosmi Florentiæ, &
Senarum, Magni postea Hetruriæ Ducis filius, Diac. Car.
S. Mariæ in Domnica.
- 3 C a r o l u s Borromæus Mediolanensis Papæ ex sorore Nepos,
V.S. Referendarius, Diaconus Card. SS. Viti, & Modesti

I.



II.



E

III.



Secunda creatio XV III. Cardinalium.

*Anno Domini MDLXI. die Mercurij 4 Kal.
Martij, Pontificatus secundo Romæ.*

*PIVS Papa IV. secundò creauit octo, & decem
Cardinales, qui fuerunt.*

- 4 **F.** BERNARDVS Saluiatus Florentinus eques S. Ioan-
nis Hierosolymitani, Almæ Urbis Prior, Episcopus
Claromontanus, & S. Papuli, Presbyter Card. tt. S.
Simeonis absens.
- 3 Magister Fr. Hieronymus Seripandus Neapolitanus ordi-
nis S. Augustini Eremit. olim eiusdē religionis Prior Ge-
neralis

neralis, Archiepiscopus Salernitanus, Presbyter Card. tt. S. Sufannæ.


- 6 Antonius Perenottus Granuelanus Burgundus Episcopus Atrebatensis, Presbyter Card. tt. S. Siluestri, absens.
- 7 Stanislaus Hofius Polonus Episcopus Varmien. Sedis Apostolicæ apud Ferdinandum I. Imperatorem electum Nuncius, Presb. Card. tt. S. Sabinæ, absens.
- 8 Petrus Franciscus Ferrerius Ciuis, & Episcopus Vercellensis Pedemontanus, Sedis Apostolicæ apud Rempub. Venetam Nuncius, Presbyter Card. tt. S. Cæsarei in Palatio, absens.
- 9 Ludouicus Simoneta Mediolanensis Episcopus Pisauriensis, Papæ Datarius, Presb. Card. tt. S. Ciriaci in Thermis.
- 10 Philibertus Naldius à Burdesia Gallus Episcopus Engolismensis, Caroli IX. Francorum Regis apud Sedem Apostolicam orator, Presbyter Card. tt. S. Sixti; mox S. Martini in Montibus.
- 11 Franciscus Paciecus de Toletto Hispanus, Diac. Card. S. Sufannæ, absens.
- 12 Aloysius Estensis Herculis Ferrariæ Ducis filius, electus Episcopus Ferrariensis, Diaconus Card. SS. Nerei, & Archillei, absens.
- 13 Ludouicus Madrucius Ciuis, & electus Episcopus Tridentinus Germanus, Imperij Princeps, Diaconus Card. Sancti Calixti.
- 14 Marcus Sitticus ex Comitibus Altempfij Germanus, Papæ sororis filius, Eques Militiæ S. Iacobi de spata, electus Episcopus Cassanensis, Diaconus Card. S. Angeli; post Basilicæ SS. duodecim Apostolorum.
- 15 Franciscus Gonzaga Mantuanus Protonotarius Apostolicus, Diaconus Card. S. Nicolai in carcere Tulliano.
- 16 Innicus Aualos de Aragonia Neapolitanus, Diac. Card. S. Lucie in filice.
- 17 Alfonsus Gesualdus Neapolitanus Protonot. Apostolicus, Diaco-

Diaconus Cardinalis S. Cæcilie.

- 18 Io. Franciscus Gambara Brixienſis Abbas S. Laurentij
Cremonenſis dioceſis, Camerę Apoſtolicę Clericus Prę-
ſidens, Diac. Card. S. Petri, & Marcellini.
- 19 Marcus Antonius Amulius Venetus, eiufdem Reip. apud
Sedem Apoſtolicam orator, Diaconus Card. mox preſb.
rt. S. Marcelli.
- 20 Bernardus Nauagerius Venetus Diaconus Card. S. Nico-
lai inter Imagines.
- 21 Hieronymus Auſtriacus de Corrigio Diaconus Card. S.
Anaſtaſie.



IV.



V.



VI.

VI.



VII.



VIII.



IX.



E 3

X.

X.



XI.



XII.



XIII.



XIV.

XIV.



XV.



XVI.



XVII.




E 4

XVIII.


XVIII.




XIX.



XX.



XXI.

*Tertia*

Tertiã creatio duorum Cardinalium.

Anno Domini MDLXIII. die Mercurij,

8. Idus Ianuarij, Festo Epiphaniæ Domini,

Pontificatus IV. PIVS Papa IV.

in Congreg. Gener. Romæ, tertio

creavit duos Cardinales,

ij fuere.


22 **F**EDERICVS Gonzaga Federici Mantuæ Ducis fili-
us, Episcopus Mantuanus, Presbyt. Card. tt. S. Ma-
riæ Nouæ, absens.

23 Ferdinandus Medices Cosmi Florentiæ, & Senarum, po-
stea Hetruriæ Magni Ducis filius, Diac. Card. tt. S. Ma-
riæ in Domnica, absens.

XXII.



XXIII.



Quar-

Quarta creatio XXIII. Cardinalium.
Anno Domini MDLXV. Pontificatus VI. die
Lunæ, 4. Idus Martij, Feste S. Gregorij
Papæ, in Congreg. Gener. Romæ.
 PIVS Papa IV. quarto creavit 23. Cardi-
 nales, qui fuerunt.

- 24 **A** N NIBAL Bozzutus Neapolitanus Archiepiscopus
 Auinionensis, Camera Apostolicæ Præsidens Cle-
 ricus, Presbyter Card. tt. S. Sylvestri.
- 25 Marcus Antonius Columna Romanus Archiepisc. Tarē-
 tinus, Presbyter Cardin. Basilicæ Sanctorum duodecim
 Apostolorum.
- 26 Ptolemæus Gallius Nouocomensis, olim Episcopus Mar-
 torani; deinde Archiepiscopus Sypontinus, Papæ à se-
 cretis, Presbyter Card. tt. S. Theodori.
- 27 Angelus Nicolinius Florentinus Archiepiscopus Pifarū,
 Presbyter Card. tt. S. Calixti, absens.
- 28 Aloysius Pisanus Venetus Camera Apostolicæ Clericus
 Præsidens, Episc. Patavinus, Presb. Card. S. R. E. absens.
- 29 Prosper Sanctacrucius Romanus Episcopus Chisamenfis,
 Rotæ Auditor, Sedis Apostolicæ apud Carolum Nonum
 Gallorū Regem Nuncius, Presb. Card. S. R. Eccl. absens.
- 30 Antonius Crecchius Gallus Episcop. Ambianensis, Pres-
 byter Card. S. R. E. absens.
- 31 Zacharias Delphinus Venetus Episcopus Pharensis, Sedis
 Apostolicæ apud Ferdinandum I. Imperatorem electum
 Nuncius, Presbyter Card. tt. S. Mariæ in Aquiro, absens.
- 32 Io. Franciscus Commendonus Venetus Episcopus Zacyn-
 thi, & Cœphalonix, Sedis Apostolicæ Apud Sigisfmu-
 dum Poloniæ Regem Nuncius, Presbyter Card. S. R. E.
 absens.

33 Mar-

- 33 Marcus Antonius Boba Casalensis Montis Ferrati Episcopus Augustensis, Presbyter Card. S. R. E. absens.
- 34 Hugo Boncompagnus Bononiensis Episcopus Vestanus, Presbyter Card. tt. S. Sixti.
- 35 Alexander Sfortia de S. Flora Romanus Camerae Apost. Praesidens Cler. Episc. Parmensis, Presby. Card. tt. Sanctae Mariae in Via.
- 36 Flavius Vrsinus Romanus Camerae Apostolicae Generalis Auditor, Episcopus Muranen. Presbyter Card. tt. S. Io: ante portam Latinam.
- 37 Alexander Cribellius Mediolanensis Episcopus Geroni-
nensis, & Cariatensis, Nuncius ad Philippum II. Hispaniarum Regem, Presbyter Card. S. R. E. absens.
- 38 Carolus Vicecomes Mediolanensis Episcopus Albiu-
miliensis, Presbyter Card. tt. SS. Viti, & Modesti in
macello martyrum.
- 39 Guido Ferrerius Ciuis, & Episcopus Vercellensis Pede-
montanus, Sedis Apostolicae apud Remp. Venetam Nun-
cius, Presbyter Card. tt. S. Euphemiae, absens.
- 40 Simon Pasqua Genuensis Episcopus Lunensis, Presbyter
Cardinalis tt. S. Sabiniae.
- 41 Franciscus Abundius Castillionæus Mediolanensis Episco-
pus Bobiensis, Presbyter Card. S. R. E. absens.
- 42 Benedictus Lomellinus Genuensis Camerae Apostolicae
Praesides Clericus, Presbyter Card. tt. S. Mariae in Aquiro.
- 43 Franciscus Alciatus Mediolanensis electus Claremonta-
nus; mox Ariensis; post Ciuitatis Episc. Papae Datarius,
Diac. Card. S. M. in porticu; mox S. Luciae in septifolio.
- 44 Guilielmus Sirletus Stilenfis Calaber Prot. Apost. de nu-
mero participantium, Diac. Card. S. Laur. in pane, & perna.
- 45 Gabriel Palæotus Bononiensis Rotae Auditor, Diaconus
Card. SS. Nerei, & Archilei.
- 46 Franciscus Crassius Mediolanensis Prot. Apost. Bononiae
Guber. Diac. Card. S. R. E. absens.

XXIV.



XXV.



XXVI.



XXVII.



XXVIII.


XXVIII.



XXIX.



XXX.



XXXI.



XXXII.

XXXII.



XXXIII.



XXXIV.



XXXV.



XXXVI.

XXXVI.



XXXVII.



XXXVIII.



XXXIX.



XL.

XL.



XLI.



XLII.



XLIII.



XLIV.

Pius Papa Quartus.

81

XLIV.

XLV.



XLVI.



F

Pius

Pivs Papa I V. quatuor ordinationibus Mensibus, Ianuario, Febuario, & Martio factis, sex, & quadraginta Cardinales creauit, Presbyteros videlicet nouem, & viginti, & Diaconos septemdecim.

Alexander Farnesius Episcopus Card. Tusculanus S. R. E. Vicecancellarius sub Pio Papa IV.

*Cardinales 28. mortui sub Pio Papa IV. inter quos
vnus sacra purpura priuatus.*

- | | |
|------------------------------|----------------------------|
| 1 Ioannes Bellaius. | 17 Rodolphus Carpenfis. |
| 2 Petrus Paciecus. | 18 Guido Ascanius Sfortia. |
| 3 Claudius de Giuri. | 19 Christophorus Montius. |
| 4 Diomedes Carafa. | 20 Federicus Cæsius. |
| 5 Ioannes Bertrandus. | 21 Federicus Gonzaga. |
| 6 Io. Andreas Mercurius. | 22 Bernardus Nauagerius. |
| 7 Robertus Lenoncourt. | 23 Alphonsus Carafa. |
| 8 Carolus Carafa. | 24 Simon Pasqua. |
| 9 Tadeus Gaddius. | 25 Annibal Bozzutus. |
| 10 Franciscus Turnonius. | 26 Ranutius Farnesius. |
| 11 Bartholomæus Cueva. | 27 Carolus Viceco mes. |
| 12 Ioannes Medices. | |
| 13 Hercules Gonzaga. | |
| 14 Hieronymus Seripandus. | |
| 15 Iacobus Puteus. | |
| 16 Odettus Colignius Castil- | |
| lionius dignitate priuatus. | |

*Pij Papa Quarti obitus
Comitia.*

28 Franciscus Gonzaga Sede vacante.

I.

IOANNES Bellaius Gallofrancus; nobili, ac illustri natus propagine; cum adhuc adolefceret, iuniores annos omnibus quidem disciplinis; cum primis tamen poëticae (vt videre est ex ipsius carminibus, quæ circumferuntur) in Parisiensi Academia

demia commisit, quam postea ipse cum Guilielmo Budeo viris doctis affatim destitutam; à Francisco I. Gallorum Rege, apud quem & ipse, & Budeus magnæ erant auctoritatis; accerlitis, stipendioq; donatis vnde quaque insignis literaturæ viris, erigendam curauit. Ille cum multa munera in Regis Aula obuiisset, Parisiensis Episcopus, ob mortem Francisci dū Ponthier electus est; anno verò 1533. cum Clemens VII. Catherinam Mediceam Laurentij iuniores filiam Henrico eiusdem Francisci Regis secundogenito in matrimonium collocasset; Malsiliæ, vbi Pontifex, & Rex Gallus conuenerant pulcherrimam hac de re latino sermone habuit orationem, dum solennes ibi nuptiæ, regali pompa celebrarentur. Episcopatum item Semouicensium idem Ioannes rexit, obeunte Ioanne de Langiaco, sub quo Monaci S. Martialis facti sunt Canonici. Apud Paulum III. orator pro eodem Rege Romæ existens, à Pontifice, ipsius Frâncisci gratia, Cardinalium Comitij secundo habitis anno Domini 1535. 12. Kal. Iunij, Presbyter Cardinalis tt. S. Vitalis; mox tt. S. Cæcilie; post tt. S. Hadriani, cuius Ecclesiam restaurauit; postremò S. Chrysogoni factus est hic, cum Carolus, postea Cardinalis, Ioannis Petri Cardinalis Carafæ Nepos, S. Ioannis Hierosolymitani habitum à Paulo III. anno Domini 1548. accepit; Crucem eidem Sūmo Pontifici in hac cerimonia ministravit. Sub Iulio III. Ecclesiam Parisiensem Eustatio Bellaio renunciavit, & ex Presbytero tt. Sancti Chrysogoni factus Episcop. Card. Albanus; ex Albano ad Portuensem Ecclesiam translatus, Burdegalensem Archiepiscopatum administravit. Inter cæteros, fratrem habuit Guilielmum Dominum de Langè, olim Taurini pro Francisco Gallorum Rege Governatorem, & Renatum Episcopum Cenomansensem, quo vita functo; ipse Ioannes eandem Ecclesiam postea moderatus est. Ioanne Petro Cardinale Carafa Episcopo Ostiense, & Collegij Decano ad Pontificatum assumpto, antiquioribus à curia absentibus Ludouico Borbonio Episc. Prænestino, & Francisco de Turnone Episcopo Sabino Cardinalibus;

bus; cum Summus Pontifex voluisset eum esse sacri Collegij Decanum, qui decedente priori Decano, Principem locū inter degentes Romę Cardinales obtineret; aut ex causa publica, & per Pontificem extra Curiam destinatus abesset; efficitur Episcopus Cardinalis Ostiensis, & Veliternus, sacriq; Senatus Princeps. Moritur Romę in hortis suis in Quirinali, die Veneris, 14. Kalen. Martij, hora 5. anno salutis 1560. Pont. I. ætatis LXVIII. sepultus in Ecclesia Sanctissimę Trinitatis in Monte Pincio.

II.

PETRVS Paciecus Hispanus, ex nobilissimo sanguine Villenę (scilicet Marchionum) ortus; ex Pampilonensi electus Episcopus Gienensis, Conc. Tridenti sub Paulo III. celebrato, interfuit. Hunc Carolus V. Imperator tanti fecit; vt, cum idem Summus Pontifex anno 1544. præter cæteros Gasparem de Aualos, Franciscum de Mendoza, & Bartholomęum de Cueva Card. Hispanos creasset, quod eundem promouere tunc renuisset, pro quo idem Carolus, etiam atq; etiam institerat; purpura per certū tempus noluit eos indui, nec aliud dignitatis delatę insigne gestare; donec Petrus & ipse anno sequenti, Pontificatus XII. 17. Kal. Ianuarij, in eorundem purpuratorum Patrum numerū, altera creatione adscriptus est. Hoc idem Francisco Pacieco; postea Pij Quarti Cardinali accidisse, scribunt nonnulli: sed eos hallucinari crediderim. Cum regni Neapolitani pro Cæsare Vicarius nobilitati inuisus, multis apud eundem Cæsarem accusaretur; hac de causa Petrus mittitur Neapolim ab Imperatore cum amplissima potestate, vt rē cognoscat, multa emendet, & Magistratuum voluntates certis legibus cohibeat. Hic à Iulio Tertio, cum nondum titulū habuisset; S. Balbinę accepit, sub quo; cum Petro Toletō bellū Senense mandatū esset, Petrus Neapoli Prorex mansit, donec Toletus rediret, quo vita functo, ibidem per biennium moras egit. Ex Gienensi, postea Episcopus Saguntinus renunciatus;

tus; natis inter Pontificem, & Philippum Hispaniarum Regē quibusdam diffensionibus; cum magna polleret auctoritate, nullum officium, quod ad pacem componendam idoneum cēferet prætermisit. Ex Presbytero, ad Episcopatum Albanensem translatus, Paulo Quarto mortuo; parū abfuit, quin Pont. Summus à Patribus declararetur. Electo tandem Pio Quarto, eodem sedente, obiit Romæ anno salutis 1560. Pontificatus Primo, pridie Nonas Februarij, hora septima noctis sequentis, dum sexagesimum annū ætatis ageret. Corpus eius in Tēplo D. Mariæ de Araceli collocatum; in Hispaniam transfertur, sepeliturq; in Ecclesia Monialiū S. Claræ oppidi de la Puebla Montis Albani nuncupati, quod Illustrissimæ familiæ suæ iurisdictioni subest, cuius Monasterium pro 32. sacris Virginitibus ibidem alendis, à Ioanne Pacieco anno salutis 1522. fuerat ædificatum, ipsaq; Ecclesia à Petro Cardinale regijs (propè dixerim) sumptibus, in cuius maiori sacello, sepulchrum sibi, & Comitibus dicti Castri erexit, extructa est, & quadringentis frumenti modijs, & mille quadringentis aureis coronatis quotannis, certis quibusdā legibus splendidè dotata existit, inter quas hæc; vt perpetuò Monialis vna ante sacrosanctum, venerabile, atq; augustissimū Eucharistiæ Sacramentū orationi instet.

III.

EXIMIAE laudes, clara scilicet generis nobilitas, acerrima ingenij vis, diuinaq; quædam mentis acies ad omnia quamuis ardua, & implicata expedienda, atque ad foelicem exitum perducenda, nomen Claudij de Giuri à Longouico Gallosequani commédant. Is Philippi Sciabotti, pro Frācisco Francorum Rege Regni eiusdem (sic eum vocant) Admiralijs, Annæ Decars Epif. Card. Lexouiēsis de Giuri à Sanctissimo Domino Clemente VIII. sacra purpura donati ex sororibus Auunculus; Episcopus Lingoniensis, & Par Gallix, Mafsilix anno Sal. 1533. septimo Idus Nouembris à summo Pontifice Clemente VII. qui eo venerat; quia cum Francisco Christianissi-

mo amicitiam inierat; ut Catherina Medicea, quae Henrico Regis filio nupserat, solenes dapes celebraret; à summo, inquam, Pontifice cum alijs tribus creatus est Presbyter Cardinalis tit. S. Agnetis in Agone. Pictaviensis postea Episcopus. electus; cum qua disciplina populos sibi commissos formare contenderet; eius ipse praeclarum specimen; vita, & moribus exprimeret; officio perugilis Pastoris impigre obito; Ecclesiam illam Ioanni Dumoncourt administrandam commisit; Paulo postea III. Pontifice, Ambianis Episcopus datus, ob mortem Caroli Cardinalis Matisconensis; & demum sub Iulio III. Marcello II. & Paulo IV. Pontificibus, Primas inter Presbyteros S.R.E. Card. tenuit. Cum ergo summa pietate, ac religione multos in terris populos rexisset, & dignus Deo videretur, qui aeterna consolatione in Coelis cum Sanctis regnaret, in supremum illud beatarum mentium domicilium, ut pie credendum est, aduolauit octuagénarius Mussey in Gallia quintò Idus Augusti, anno Sal. 1560. Pij IV. Pont. I. in sepulchro conditur apud Lingonium in Cathedrali.

IV.

DIO MEDES Carafa Italus Neapolitanus Pauli IV. consanguineus, qui; tum ob singulares egregiae indolis doctes; tum ob Ciuiliū rerum cognitionem; ut nihil esset in usu Romanae curiae, quod scientiam suam effugeret; Episcopus Arianensis electus; ab eodem Pontifice in II. septem Cardinal. promotione Romae anno 1555. Pont. I. 13. Kal. Ianuarij habita, Presbyter Cardinalis SS. Syluestri, & Martini tit. Equitij, alias S. Martini in Montibus creatus est. Cuius; si, non dicam, omnes virtutes enumerare: sed percurrere velimus; maris arenas facilius dinumeremus. Hoc satis fuerit lectori; ex ipsius elogio, quod inferius ponemus, tamquam ex vngue Leonem, multas virtutes cognoscere; nobis quidem satis erit tantum ipsius tituli Ecclesiam ab eodem reparatam; à Paulo vero IV. in eius gratiam ad antiquum stationum (sic vocant,) honorem

norem restitutam fuisse dixerimus; in cuius ædibus è vita decessit pridie Idus Augusti anno salutis 1560. Pont. I. sepultus ibidem in monumento, quod sibi viuens posuit, vbi cum ipsius effigie; præter quæ sequuntur elogia lapidi insculpta, ad animi quoq; sui, in gloriæ cupiditate frænanda, moderationem de monstrandam; Stateram, quam præter domestica, pro stemmate, cum inscriptione; *Moderata durant*, gessit, apponendam curauit. Cæterum, mortuo eodem Paulo IV. cum à populo Romano, omnes statues, insignia, vmbonesq; Carafæ familiæ vbiq; locorum in alma Vrbe posita dissipata essent; hoc vnum tantum Diomedis monumentum intactum, populus; vt benignâ ipsius Cardinalis mentem, atq; animi moderatam compositione, & ipse contestaretur, reliquit.

Diomedis Carafæ Cardinalis Arianensis
Tumulus.

*Cum pietas, cum vera fides, cum conscia recti
Mens cum Religio, cura, timorq; Dei.
Cælestem possint animis promittere vitam;
Hanc superos inter nunc Diomedes habet.*

Obijt anno Domini 1560. die 12. Augusti. Vixit annos 68.
Menses 8. dies 5.

D. O. M.

*Diomedis Carasio Presbyt. Card. Arianensi tt. huius Ecclesiæ, viro
moribus virtute, doctrina, ac sanctimonia exculpto, sacrarum adiū
restauratori religiosissimo, qui hoc templum deformatum in melio-
rem faciem; quam dudum fuerat reduxit. Fratres Carmelitæ ex
Elisæi schola oriundi, ob instauratam sui Cænoby partem insimq; hor-
to contiguam, necnon ob facta detrimenta, quæ illis ex testamento*

F 4

dona-

donauit, ad nominis perpetuitatē, ad integritatis, & honoris, virtutisq; fidem, eius Illustrium Carasie, & Vrsina familia insignia, & hunc insculptum lapidem, plurimis effusis lacrymis, constituerunt; atq; ; ut inde posterī Carmelita, dum agnouerint, quam de instituto Carmelitico optimus ille pater fuerit benemeritus, non obliuiscantur, qua debent; debent autē singula (ita loquuntur) septimana Missam funebrem, & quotannis pridie Idus Augusti, supremi illius diei exequias repetere, ac iterare. 1561. die 14. Octobris.

V.

IOANNES Bertrandus Tolofanus Gallus, vir paruus quidē corpore: sed magnus virtute; in Parisiensi (quod vocant) Parlamento versatus; primo Episcopus Cōmingæ, & Archiepiscopus Senonensis, Ludouico Borbonio Card. Senonēsi vita functo, anno salutis 1557. & Galliarum Primas factus est, atq; in gratiam Ducis Guisij, qui in Italiam; superatis alpium iugis, ab Henrico Secundo Gallorū Rege missus; in Pauli I V. subsidium, pro Palliano bello copias decem millium peditum, & duorum millium equitum Francorum adduxit; eodem anno Idibus Martij, dum esset Regni Franciæ sigillorum Custos; creatus est Presbyter S. R. E. Card. In Italiam postea veniens; quia absens sacram purpurā acceperat; Comitij, quibus Pius Quartus renunciatus est Pontifex Summus, interfuit; à quo titulum S. Priscæ accepit, vnusq; ipse inter octo eiusdem ordinis Patres integritate, & iustitia insignes, qui Urbis Gubernatori (quem vocant) & Fiscī procuratori, in causa Caroli Cardinalis Carasæ assisterēt, fuit ab eodem Pontifice deputatus. Qui postea Venetijs in Galliam rediens; pridie Nonas Decembris anno salutis 1560. Pōtificatus primo; moritur sepeliturq; sub organo in Ecclesia S. Stephani ad Augustinianos, vbi ipsius monumentum, cum hoc elogio extat, quod reliqua ipsius præclara facinora lectori aperiet.

D.O.M.

D.

O.

M.

*Ioanni Bertrando Tolosano, Senonensi Archiepiscopo, Card. Primario illis optimis, & maximis duobus Gallie Regibus Francisco Primo, & Henrico Secundo carissimo; magistratus, & honores amplissimos, quos soli excellentiss. I. C. consequi possunt in patria, cum-
Etq; Gallia honorifice adepto; in Germaniam Legato; in Sabaudia Protege misso; tandemq; Procancellario facto; Cancellario etiam designato; cum Romam Pont. Maximi deligendi causa profectus; in Galliam Pio Quarto Pont. creato rediret, senio iam confecto; Venetijs morbo pridie Nonas Decembris oppresso. Iacob. Faber Tolosanus Casadei Abbas libellorum supplicum Regius Magister, summus amicus, & Boschedonius Nepos M. P. quousq; heredes pro tanti viri dignitate rescien. curabunt. M. dictante E. Palmelio Audisore suo anno 1560.*

VI.

IOANNES Andreas Mercurius Messanensis; non quidem, ut Ioannes (de quo supra) corpore: sed sanguinis nobilitate parvus; eruditione verò, atq; cum primis singulari epistolarum rectè componendarum, ac grafice scribendarum ratione, magnus, qui; quasi alter Demosthenes; studio, & industria, quæ sibi natura bona fortunæ (quæ vocant) non dederat, comparauit; ut rectè dici de hoc possit, quod Valerius de illo. Alterum Ioannem Andream in matrem; alterum industriam enixam fuisse. Is cum è patria; nata inter se, & quendam Tabellionem, sub quo literas exarabat contentione; Romam versus decessisset, ad Ioannem Mariam de Monte S. Sabini, tunc Sipontinum Archiepiscopum diuertit, qui hominis ingenium perscrutatus; non modo eo usus est in conscribendis Epistolis, dum esset Archiepiscopus. & postea Cardinalis: verum etiam, & in pertractandis quibusuis grauissimis ipsius negotijs, in quibus (erat. n. rerum gerendarum gnauus, & innata virtute animi conspi-

conspicius) cum apud omnes omnia sibi, ex voto feliciter cōtingerent, gratiam Montani consecutus; meruit, ipso cedente, & apud Summum Pōtificem pro eodem instante, à Paulo Tertio Sipont. Eccles. administrationē acciperet, quo Paulo vita functo, in eiusq; locum suffecto eodemmet Cardinale Montano Iulio Tertio nuncupato, Ioannes Andreas Messanenſis Archiepiſcopus; mox anno 1551. 13. Kal. Ianuarij S. R. E. Presbyt. Card. tt. S. Barbaræ; post tt. S. Cyriaci ab eodem Pont. renunciatus est, qui cum præſaga quadam polleret prudentia, (vt dictum est) tanti semper fuit apud eundem Iulium Tertium; vt nulla res eſſet, quam non Pontifex, de eius consilio perageret. Sub Paulo Quarto, ex S. Cyriaci, ad tt. SS. Quirici, & Iulitæ ascendens, anno salutis 1561. Pij Quarti Pont. II. ætatis quinquagesimo, 4. Nonas Februarij, die Dominico, noctis hora tertia, Romæ in Apostolico palatio diem suum clauſit, ſepeliturq; in D. Marcelli. Inter innumera, quæ eius vitam cōhonestant facinora; hoc præ cæteris inſigne memoriæ proditum est, quod ante obitum; vt ſuam erga pauperes, quibus ſe in Coelis ſenerari non ignorabat; oſtenderet charitatē, octuaginta millia aureorum ipsis distribuenda, teſtamento ferunt reliquiſſe.

VII.

ROBERTVS Lucemburgenſis de Lenoncourt Gallus, nobiliſſimo natus ſanguine, vir literarum cognitione, morum grauitate, vitæq; ſanctimonia inſignis; ex Priore (quem vocant) Charitatis, poſt Aegydiū Lucemburgenſem; Epiſc. Catalaunenſis electus eſt. Non dicam innumeras eius virtutes; patientiam, humanitatem, grauitatem, animi moderationem, & cæteras dotes, quas in bono Epiſcopo Doctor ille gentium requirit; vt iure meritò Iob patientia; humanitate Aegydiū Abbatem; grauitate Agabitum Pontificem; ac poſtremo præ cæteris, inſigni animi moderatione, atque doctrina Auguſtinos, Baſilios, Hieronymos adæquaſſe communi omnium confeſſione diceretur. Quis verò poſſit egregia in eius mune-

muneris administratione facta, non dicam complecti scribendo: sed per censere numerando? Profecto quanti ea faceret Paulus Tertius, non obscure significauit, quando eum in sexta Cardinalium electione anno 1538. 13. Kal. Ianuarij absentē Presbyterum Card. tt. S. Anastasie; mox tt. S. Apolinaris creauit; qui postea ad Romanam Curiam profectus; ex Presbytero electus Episcopus Sabinus; Philippo de Lenocourt ipsius ex fratre Nepoti, qui à Sixto Quinto postea, vt huius de Sede Apostolica tam benemeriti memoriam interpolaret, factus est Sanctæ Rom. Eccl. Card. Catalaunensem Ecclesiam renunciavit; quod ipse defuncto Ioanne Cardinale de Lotharingia, Metensem Episcopatum à Iulio Tertio moderandum accepisset, in quo administrando, tam benignè, tam modestè, tamquē prudenter se habuit; vt boni Roberti nomen sit consecutus, & de ipso Metenses; vt de integerrimo, ac maximè pio Præsule, vsq; nunc, & sentiant, & colloquantur; qui rectè etiam administratis Cathedralibus Ecclesijs Arelatensi, & Belluacensi, necnon post mortem Antonij Card. de Medon Metropolitana Tolosana; sanctissime vt vixerat moritur in Ciuitate Metensi anno salutis 1561. Pont. II. 4. Nonas Februarij, sepeliturq; in sacello, quod in Eccl. Maiori idem sibi construxerat, ac dotarat.

VIII.

CAROLVS Carafa Io. Alfonsi Montorij Comitiss; inter Neapolitanos, sanguinis nobilitate longè Principis, nec non Pauli Papæ III. fratris filius natus est anno Sal. 1517. 4. Kal. Aprilis. Adoleuit is in familia Pompei Cardin. Columnæ; hoc mortuo, inter familiares Petri Aloysij Farnesij Ducis Castri adscitus est; deinde sub Marchione Vastij in bello Pedemontano; tum sub Octauio Farnesio Duce, in bello Sueuiæ, ac Germaniæ, meruit, militari insignitus dignitate pugnare; sed orta (vt fit) inter ipsum, & equitem quendam Hispanum, de familia Manrica, de milite captiuo Ducis Albæ contentione; cum in Italiam rediret, Caroli V. Imperatoris mandato

dato, ob id Tridenti detinetur per aliquot Menses: sed liber se transtulit ad exercitum Galli Regis, & sub Petro Strocio in Bello Hetrusco militauit. Romam reuersus habitū Militarem S. Ioannis Hierosolymitani, de manu Pauli III. 3. idus Octobris sumens; Bailuius Neapolitanus eiusdem Militiæ, Io. Petri Card. Patruī rogatu, factus; nunquam hanc (quam vocant) Commendam pacificè (quia eandem Magnus Equitum Magister Fr. Georgio Adurno contulerat) possedit. Hunc idem Patruus ad Pontificatum assumptus, & Paulus III. dictus, anno 1555. VII. Idus Iunij, Cardinalem Diaconum SS. Viti, & Modesti in macello Martyrum, totius rerum summæ præpositum, Legatum etiam Bononiensem, & Cancellarię Regentem declarauit; Legatus de latere postea in Galliam ad Henricum II. bis missus; vt nisi pacem inter ipsum, & Philippum II. Hispaniæ Regem componere posset; ad opem saltem pro Palliano bello Pontifici ferendam; etiam, atq; etiā adhortaretur; ab eodem non solum auxilium decem millium peditum, & duorum miliū equitum obtinuit; sed etiam ditissimum Episcopatum Conuennarum. In Italia è Gallis reuersus; à Patruo Legatus de latere ad omnes Christianæ Reipub. Principes, & ad singula quę declinaret loca designatus; Venetias; vbi nobilitatis priuilegio donatus fuit, petijt; vt Rempub. illam contra Hispanos armaret; Sequenti porrò anno, pace inter Pontificem, & Albæ Ducem composita; in Belgas ad eundem Philippum Regem, pro pace inter hunc, & Henricum Galliæ Regem, vel inducijs componendis, & domesticis de Ducatu Palliano negotijs tractandis mittitur; in quo munere obeundo secum habuit Hugonem Boncompagnum, qui à Pio IV. Cardinalis creatus; Pontifex tandem maximus Gregorius XIII. dictus, euasit, & Benedictum Lomellinum ab eodem Pio III. S. R. E. Cardinalem creatum. Cum postea Romam reuertisset, atq; ipse, & alij Nepotes apud Pontificem male audiuisent; Pontifex conuocato Patrum conuentu, in eos vehementi oratione inuectus; reliquos Nepotes dignitatibus priuatos, in sua Castella; Carolum verò

verò à rerum cura, & Bononiensi legatione reuocatum; Vrbe exactum apud Lanuuium dimittit. Instante verò summi Pontificis morte; Romam veniens, in gratiam recipitur, atq; à semiuuo benedicitur. Mortuo Pontifice conclaue ingreditur, ibiq; eo potissimum, & Alfonso Carafa suffragantibus, Pius Papa IIII. Pontifex denunciatur, quo mandante 7. Idus Iunij 1560. quo die, quinto anno ante Carolus fuerat sacra purpura indutus; ipse, & Alfonso ad Consistorium profecti; Ioannes item Caroli frater Alifanus Comes, cū Leonardo Cardine, in Hadriani molem coniecti sunt, qui prater vnum Alfonso, cū quo paulo mitius actum est; rei capitis, ac lese Maiestatis damnati sunt. Carolus in primis omnibus honoribus, ac dignitatibus priuatus; cum hoc à præpotentis Dei dextra commissorum vitæ antea scelerum, poenas sibi datas, animo ferret libenti; expiata conscientia, atq; in criminum veniam fuis ad Deum suspirijs, ac lacrymis; strangulatus; antea vitam, pacifica morte aliqua ex parte correxit. reliqui in Turris Nonæ carcere, capitali supplicio damnati; publicè ad Pontem Aelium expositi; & paulo post ad damnatorum sepulchra mandati; Romano populo (vt verbis aliorum vtar) maximè memorabile spectaculum præbuerunt. Cardinalis corpus in Aede publica S. Mariæ Transpontinæ sepulchro datum; mox ab eius familiaribus, ad S. Mariæ super Mineruam translatum, in familiæ sacello D. Thomæ Aquinati sacro conditum est. Horum causa iterum, sedente Pio V. cognita, agitataq; iure medio; Carolus, ac reliqui in secreto Patrum Consistorio, eiusdem Summi Pontificis sententia pristinae dignitati sunt restituti.

IX.

THADARI Gaddij Aloysij filij Hetrusci Florentini, Nicolai Clementis PP. VII. Diaconi Cardinalis S. Theodori Nepotis ea fuit legū scientia, & Doctoratus laureæ gloria; vt non multum sit illi, ad nomen illustrandum, de alienis studijs accersendū; quam Pontificij, & Cæsariani iuris scientiam

tiam comitantur singularis prudentia, rerum usus, & ad publicas, ac magnas res tractandas in primis aptum ingenium, & ad omnia magna à natura constitutum; ut virum præstantiorem, pluribusque, aut maioribus animi bonis, magis ornatum vix illa sæcula habuerint neminem. Ex Archiepiscopo is Consentino, à Paulo IV. anno sal. 1557. Idibus Martij, in 3. 10. Cardinalium creatione Presbyter Cardinalis tit. S. Sylvestri in Campo martio renunciatur. Fuit hic Castrum Riani Dominus, quod postea; ipso vita functo, Petrus Donatus Cæsius, Episcopus Narniensis S. R. E. Pij V. Pont. Cardinalis, pretio septuaginta millium nummorum ab hæredibus emit. Obijt Thadæus Cardinalis in ea Italiæ regione, quæ Mari Hadriatico contermina, Apulia nominatur in Abbatia S. Leonardi Ordinis militum S. Mariæ de Pruscia Theutonicorum, quæ ipsi; dum vivebat, commendabatur, die Lunæ 11. Kal. Ianuarij anno 1561. Pont. II. ex profluvio ventris, vomitus, & pituita. Corpus, ibi depositum; Florentiam postea translatus in Ecclesia S. Mariæ novellæ Ordinis prædicatorum in pulcherrimo suæ familiæ sacello sepelitur, ubi hoc Epitaphium.

Thadæo Gaddio Aloysij filio S. R. E. Presbytero Card. quem ob eximias eius virtutes Pontifices maximi, cæteriq. Principes mirifice dilexerunt, maximosq. illi honores habuerunt. Nicolaus Gaddius fratri patrueli amantissimo, benevolentiæ causa hoc sepulchrū statuit, anno 1577. Vixit annos XXXXI. Menses XI. Obijt 1561. 11. Kal. Ianuarij.

X.

FRANCISCUS de Turnone Gallus Lugdunensis nobilissimus Galliæ Regum affinis, ob singulares; præsertim, quæ in Christiano Præsule requiruntur, virtutes; post Franciscum de Budè, concedente Summo Pontifice, necnon Francisco I. Rege, Bituricensis Archiepiscopus electus est, quæ dignitas illi ad maiores aditum patefecit; nam in eiusdem Regis gratiam, Bononiæ absens à Clemente Septimo, qui eò venerat, coro-

coronandi Caroli V. Imperatoris causa, anno 1530. 14. Kal. Aprilis, Presbyter Card. tt. SS. Marcellini, & Petri creatur. cuius opera; & ante, & post adeptam dignitatem (erat. n. prestantis ingenij, singularis prudentiæ, eximioq; rerum forensiũ vſu præditus) idem Franciscus Rex, & eius successores, ita vſi sunt; vt totius Galliæ summa apud ipsum constituta videretur. Omitto Legationes apud Clementem VII. Paulum III. & Paulum IV. Summos Pontifices; ad Carolum V. Imperatorem, in diuerſas Orbis partes; ad alios Principes, innumeras, quās; si narrem, dies me deficiet. Pietatis verò, religionisq; studiũ, quis vnquam, vt par est; & copia verborum, & sententiarum pondere queat; non dicam apertè demonstrare: sed sub obscurius adumbrare? Profectò; vt cætera prætermittam, illud mihi insigne facinus; nulla ratione tacendum videtur; cum enim esset Lugduni; Alfonso Salmeronem, & Paschasium Broeth Patres Societ. Iesu, qui cum ex Ibernia, quo à Pontifice Paulo III. Nuncij Apostolici missi fuerant, reuerterentur; quod vigente bello inter Gallos, & Hispanos, exploratores falso habitii essent, in vincula fuerant coniecti; non modò carcere liberavit; perhumaniter in domum suam suscepit; verbis amplissimis exornauit: sed etiam Societati in Gallijs Collegium erexit. O Heroem omni sæculorum memoria dignissimum. meritò, te viuo, respub. Christiana floruit; meritò te Iulius Pontifex, ex Presbytero SS. Marcellini, & Petri, Episcopum Sabinum creatum; Archiepiscopũ Lugdunensem, cedente Hippolyto Estense Cardinale Ferrariense elegit; meritò te Pius IV. ex Episcopo Sabinense, Episcopum Cardin. Ostiensem, & Veliternum, Collegijq; Decanum ob mortem Cardinalis Bellaij, denunciavit. Hic tandem à Catherina matre, & Francisco II. filio Regibus, ad Regni consultationem; & vt vnus ex ipsius, & Caroli postea Noni Regis, ex tutoribus, quos vocant, esset, qui summo viri ingenio, atq; admirabili consiliorum prudentia, & diuina (propè dixerim) rerum Ciuiliũ, ac forensiũ administratione, gaudere, ac frui, desiderabāt; in Galliam accersit.

cerfuit, itineribus defatigatus, & curarum molestijs preffus, annisq; 79. grauis, ibi moritur mense Aprilis anno sal. 1562. Pont. III. Turnoniq; in Cathedrali sepelitur. Ferunt, cum aliquando è Gallia in Italiam maritimo itinere pergeret; ipsius nauem velocissimè maria sulcantem à perexiguo pisciculo, Remora dicto, retentam fuisse, huncq; captum illi demonstratum fuisse; quo viso, ille intellexit, quanta esset humanæ naturæ fragilitas, ac miseria, quam res perexigua, facillimo negotio ab incepto cursu faceret desistere. Francisci Cardinalis laudes in Oratione Ioannis Pellisonis Condricensis, & Iacobi Cardinalis Sadoleti Epistolarum lib. 6. lectori, quia multæ, relinquimus videndas.

XI.

BARTHOLOMÆVS de la Cueva Hispanus, Illustrissimi Alburquerque Ducis, primariæ, inter Hispanos nobilitatis viri, filius natus anno 1499. 9. Kal. Septēbris; cum multorum patrum laudes, quorum pietas, & prudentia in Christiana repub. gerenda enituit æmulatus; virtute, & ingenio Sedi Apostolicæ summo vsui, ac decori in patria fuisset; à Paulo III. in decima 13. Cardinalium creatione, 14. Kal. Ianuarij anno 1544. Presbyter Cardinalis tit. S. Matthæi pronunciatus; Cordubensem Ecclesiam Cathedralem regendam suscepit, in qua administratione; Diœcesi lustrata; moribus emendatis; collapsa Ecclesiæ disciplina erecta; pijs locis ædificatis; egentium inopia subleuata, in omnibus, quæ sunt Pastoralis numeris explicandis ita ipsius religio, pietas, liberalitas, prudentia, industria enituit; vt Philippus Hispaniarū Rex, cuius ingenij opera ipse, vt Carolus V. pater in maximis rebus, ad Regnorum gubernationem vsi fuerant antea, eundem post Ferdinandum Toletanum Albæ Ducem, qui Neapolitanam Ciuitatem, ditionemq; Prorege cum summa omnium rerum potestate gubernaret, elegerit. Ibi Caroli V. Imperatoris vita functi funus amplum ipse faciendum curauit; Fr. Hieronymo Seripando
Ordin.

Ord. Eremitani S. Augustini Archiepiscopo Salernitano, qui postea à Pio IV. Cardinalitia dignitate donatus fuit, in Cæsaris laudem orante. Sed, vt omiffa singulari huius scientiarum cognitione, aliquid de ipsius religione, liberalitate, ac erga pauperes charitate dicamus; sciendum est, Bartholomæum; cum Archihospitalis Incurabiliū S. Iacobi in Augusta de Vrbe Protector esset; viuentem multum illi profuisse; moriturum verò, maximam pecuniæ summam legasse, & vt in eadem Vrbe opus insigne, stultorum. f. Hospitale erigeretur, auctorem fuisse. Accedunt præterea, quæ Bartholomæi virtutes non mediocriter exornant, ipsius monumenta pietatis, quæ in Ecclesia S. Crucis in Hierusalem; cuius titulū, post S. Bartholomæi in Insula optauerat, extant. Qui Arelatensis, per obitū Cardinalis de Lenôcourt vacantis; mox Sipontini Archiepiscopatus administrator electus; quæ ipsius virtus in alijs rebus gerendis clara extitit, in ijs Ecclesijs moderandis longè magis enituisse; cum ætate. n. crescebat pietas, religio, animi moderatio, ac prudentia; ni subita morbi vi oppressus Romæ pridie Kal. Iulij in ortu Solis, anno salutis 1562. Pōt. III. vitā cum morte, quinimò mortem cum vera vita commutasset. Eius corpus in Ecclesia S. Iacobi nationis Hispanæ sepultum est, vbi in ipsius Templi aditu extat lapis æneis literis insculptus, cum hoc epitaphio.

D. O. M.

Bartholomæus Cueva ab Illustriss. Ducibus de Alburquerque ortus, S. Crucis in Hierusalem Presbyter Cardinalis, hunc locum sibi ad ipsa Templi limina optauit.

Dominus propitius esto mihi peccatori. Vixit annos 62. Mens. 10. dies 6. Obijt anno salutis 1562. pridie Kal. Iulij.

XII.

IOANNES ex Serenissima, & semper clara ortus familia Medicea præclaris gestis, & multis viris; toga, & armis insignibus, & victorijs ornata, quæ diuersas olim Græciæ Ciuitates,

G

tes,

tes; nunc autem Hetruriam feliciter moderatur; Cosmū Florentiæ, & Senarum Ducem, & Eleonoram Toletanam parêtes habuit, in cuius gratiam; præterquam quod ingenio ipse valeret, & in iuuenili admodum ætate constitutus, præclarissimarū virtutum suarum rutilantes radios emitteret, quæ magnum virum euasurū prædicebant; à Pio IV. Pont. Maximo, item Mediceo, anno Domini 1560. pridie Kal. Februarij, Diac. Card. S. Mariæ in Domnica creatus; Cardinalitium Pileum Florentiæ, præsentibus Guidone Ascanio Sfortia Camerario, & Ludouico Lotharingo de Guisa S.R.E. Cardinalibus, qui; vt Cosmū viferent, eò venerant; accepit; à quo etiam electus Archiepiscopus Pisarum, cedente Scipione Rebiba Presbytero Card. tit. S. Matthæi, ipsam Ecclesiam, de venia Pontificis Archiepiscopo Ragusino; donec sibi per ætatem eam liceret administrare, commendauit; cum verò, propter Tyrrheni litoris aërem infectum, quò se contulerat; vt cum parentibus, Senarum statū viferet, vel ex potione aquæ in cuiusdā rustici tegete apud Cāpilliam inuentæ; dum æstum, & sitim expellere tentat, in morbum mortale incidisset; moritur Pisis anno salutis 1562. ætatis nouemdecim 12. Kal. Decembris, die Veneris. Corpus illius Florentiam delatum; in sacrario Ecclesiæ S. Laurentij, quā maiores sui ædificarant, sepultum est; vbi, & ipsius, & Garciae fratris, & Mariæ epitaphium, quod sequitur, videre est.

Maria Saluiata Cosmi Medicis Florentia, & Senarum Ducis Mater; & Ioannes S. R. E. Cardinalis; vna cum Garciae fratre, ambo mirifica indolis adolescentes, & eiusdem Cosmi filij hic ad tēpus quiescunt.

In Cardinalis funere 7. Kal. Decembris in festo S. Catherinæ eiusdem anni, in eadem D. Laurentij Aede celebrato; Petrus Victorius Orator egregius latinam habuit orationem, quæ est inter ipsius epistolas, & orationes, quam si quis legat; non poterit in egregij adolescentis laudes non venire.

HER-

XIII.

HERCULES Gonzaga Italus Mantuanus, Francisci clarissimi Mantuæ Marchionis, necnon Isabellæ Estensis filius, natus est anno Domini 1505. 10. Kal. Decemb. die Sabbathi, hora 6. post meridiem. Is Bononiæ Philosophiæ, ac Theologiæ studijs operam dedit, & adhuc iuuenis (nondum enim secundum, & vigesimum annum attigerat) Ecclesiâ Mantuanam administrandam suscepit, quam; & si iuuenili ætate: tamen, senili maturitate felicissimè rexit, ac de nouo redintegratam restaurauit, cuius præclaram administrationē cum audiuisset Clemens Septimus, anno 1527. 5. Nonas Maij, die Veneris; eum in amplissimum Cardinalium Collegium cooptauit, fecitq; Diaconum Cardinalem S. Mariæ nouæ. Is interfuit cum sapientissimis viris in conuentu Parmæ habito, qui pro liberatione Sûmi Pontificis, à militibus nefarij Borbonij Ducis in Hadriani mole obsessi, deliberabant. Cum verò eiusedē Clementis apud Carolum Quintum Legatum ageret, eundem Carolum Bononia, vbi aureum Imperij Diadema de manu Pontificis susceperat; Genuam vsq; comitatus est. Anno 1540. mortuo Federico I. Mantuæ Ciuitatis Duce; Ducatus, & filiorum defuncti tutor relictus; eum Statum, ac Nepotes sibi commissos, prudenter annis sexdecim gubernauit, cuius administrationis modum accepit à Iacobo Cardinale Sadoletto, conscripta epistola, quæ in lib. 15. epistolarum extat, in qua multa Sadoletus de Herculis virtutibus, qui sub Paulo Quarto Presbyter tit. S. Mariæ nouæ, & Archiepiscopus Tirafonensis factus; ipso Pontifice vita functo, dum Comitia Romæ, pro successore deligendo, haberentur; parum absuit, quin Summus Pontifex eligeretur, quo anno. s. 1559. & sequētibus duobus; cum in Gallia Cisalpina rerum omnium annonæ caritas esset exorta; Hercules; vt erat pius, & in pauperes liberalis, quinquaginta millia aureorum, in ipsorum inopia subleuāda erogauit. Episcopa tus etiam Fanensis administrator declaratus, quā Eccl. F. Pe-

tro Bertano Ord. Prædic. postea S. R. E. Card. renunciavit. Legationis Campaniæ anno 1561. munus obiuit. Demum à Pio Quarto successore, qui Synodū vniuersalem in Tridentina Ciuitate iterum conuocarat; primus Legatorum, & Præsidentium pro sancta Sede Apostolica, cum Fr. Hieronymo Seripando Neapolitano, & Stanislao Hosio Polono S. R. E. Cardinalib. quibus non multo post Pontifex Iacobum Simonetam, & Marcum Sitticum Altempfium sororis filium Cardinales ab ipso creatos, Legatos adiunxit; illuc missus, 15. Kal. Februarij anno 1562. quo die indictum fuerat Concilium, Oratoribus Principum, & Patribus, qui eo loci conuenerant; elegantissimam habuit orationem, qua eos; prout fidei necessitas urgebat, ad Concilium ritè incundum adhortabatur, ibi tandem febri correptus anno 1563. 6. Nonas Martij, die Mercurij, hora noctis sequentis 4. ætatis 58. sanctissime, vt vixerat, moritur; scripto antea (quod vocant) testamento, quo sex millia aureorum Monti Pietatis, cui antea septē millia dederat, quatuor millia patrib. Societatis Iesu, & viginti quinque millia familiaribus distribuenda legauit, cuius corpus Mantuam delatum, in Sacrario S. Petri sepelitur, affixo in marmore sequenti elogio. Oravit in ipsius funere Bernardinus Perciuallus I. C. sua ætate clarissimus.

Herculis Gonzagæ Cardinalis, & Episcopi Mantuani magni cōsiliij, magnæq; prudentiæ viri, dum sacro Concilio Tridentino Præsides vita functi, cadaver.

Hic vir, vt verbis Sadoleti vtar, in maxima nobilitate mansuetudinem; in amplissimis, domesticisq; copijs modestum earum vsum; in corruptis temporum moribus æquitatem, temperantiam, moderationemq; animi præstitit, & exhibuit semper.

HIERO.

XIV.

HIERONYMVS Seripandus Italus Neapolitanus nobilis, patrem habuit Io. Ferdinadum; matrē verò Isabellam Galeottam. Adolefcens adhuc Ordini Eremitarum Sãcti Augustini se adscripsit, vbi omnium disciplinarum; præsertim sacrarum literarum, & linguarum latinæ, hebraicæ, græcæ, caldaicæ, cognitioni, ac studio; his omnibus adiuncta morum integritate, vitæq; sanctimonia, operam dedit. Romam postea cum venisset, apud Egidium, tunc religionis Generalē Priorem, deinde S. R. E. Cardinalem, à secretis fuit; & mox totius Religionis Cancellarius. Bononiæ in Philosophiam, ac Theologiam incubuit, vbi suscepta Doctoratus laurea; in priuato fratrum studio Lector, ac Magister euasit. Omitto eius in sacra Theologia excellentiam, & in Dominico verbo prædicando vehementiam, ob quas singulares virtutes, mortuo fratre Ioã. Antonio Theatino, Ordinis Magistro, Paulus Papa III. Generalem hunc ipsius Ordinis Vicarium Comitij, quæ futura erāt, denunciat, quæ Comitija, cum habita essent Neapoli an. 1539. 8. Kal. Iunij; in his Prior Generalis declaratus est, cui etiã ob eximias dotes annis 1543. & 1547. in Comitij Romæ, & Recineti tunc celebratis, bis per quadriennium idem officiũ prorogatum est. Anno 1551. cum in paraliticũ morbum ob exantlatos labores incidisset, & Bononiæ, quo conuenerant Patres; interesse non posset; literis, & nuncio eo munere se abdicauit, cuius abdicationis causas, quas in illis Comitij Aurelius Rocca recitauit, apud Signiæ Episcopum in ipsius Ord. Eremitani chronico, videre est. Quieti igitur, atq; vero otio vacãs; oblatum sibi à Carolo V. Romanorum Imperatore Aquilanũ Episcopatum, constanter recusauit, apud quem postea, cum in Belgas Neapolitanæ Ciuitatis esset Orator; Salernitanum Archiepiscopatum, ob mortem Alóysij de Torres vacantem suscipere; ipso Carolo V. instante, coactus est, in cuius Imperatoris defuncti laudes Neapoli, dum ibi anno 1559. solenes exe-

G 3

qui-

quæ celebrarentur; Bartholomæo Cardinale de la Cueva Ciuitatis Prorege mandante, elegantissimam habuit orationem italicè, quam postea latinè compositam posteritati reliquit. Hieronymus Romam à Pio IV. vocatus anno Domini 1561. Pont. II. 4. Kal. Martij, die Mercurij, Presbyter Card. r. Sanctæ Susannæ; & paulò post sacri æcumenici Concilij Tridentini ab ipso iterum indiæti, vna cum Cardinalibus, de quibus supra, pro Sede Apostolica Præsicens, & Apostolicus de latere Legatus creatur, cui Cõcilio antea sub Paulo Tertio an. 1546. Tridenti, Bononiæq; anno sequenti, quo translatum illud fuerat; dum Prior Eremitarum esset, interfuerat. Ibi pestifera febre correptus, anno 1563. 16. Kal. Aprilis, die Martis, hora 23. dimidiata, dum annum ætatis septuagesimum, & ultra ageret; animã egit, cuius corpus in D. Marci Templo apud eiusdem Ordinis Fratres depositũ, cum elogio, de quo infra; translatum postea Neapolim, in D. Iacobi de Carbonaria Eremitani Ordinis, Templo conditum est.

Hieronymo Seripando Cardinale Concilij Tridentini Legato, Christophorus Patavinus Sodalitij Eremit. Magister P. Vix. annos LXX. Mens. 5. dies 11.

*Si quis honos Tumuli, quantum Sol lampade lustrat,
Terrarum, Cæliq; tuum est Seripande sepulchrum.*

Hieronymus doctè, & eleganter Cõmentaria in omnes Diui Pauli, & septem Canonicas Epistolas; Expositionẽ in Quadragesimalia Euangelia; Quæstiones aduersus nostri temporis hæreses; De hominis iustificatione; De peccato originali; Orationes; Sermones; & diuersarum materiarum prædicabilium libros nonnullos conscripsit, quæ opera Neapolis apud Patres Eremitanos in Bibliotheca S. Ioannis de Carbonaria ab ipso extructa, & libris scientiarum omniũ, & impressis, & manuscriptis referta, extare affirmat Episcopus Signius in Ordinis

nis, Eremitani chronico, ex quo huius laudes, à Hieronymo Garimberto, & ex epistola Hieronymi Roselli ad Philippum Secundum Hispaniarum Regem scripta, quæ lib. 3. epistolarum Principum extat, quivis poterit delibare.

XV.

IACOBVS Puteus Gallonarbonensis nobilis Niciensis, ortus anno Dom. 1497. 5. Idus Februarij, die Mercurij, ubi sapere coepit; legum studio, ita se dedit; vt paruo temporis interuallo I. V. Doctorum sui temporis longè Princeps extiterit. Hic post multa officia, privatosq; honores in Romana curia apud quosdam Cardinales; præsertim apud Petrum Acoltum Cardinalē Anconitanum, cuius diu Auditor fuerat, honorificè susceptos, à Paulo Tertio Auditor Rotæ delectus; munus idem per quindecim annos obiuit, maxima sui cum laude; donec à Iulio Tertio, cui ante Pōtificatum, amica necessitudine se adiunxerat. Ex Rotæ Decano Archiepiscopus Barenfis electus est, eiusq; opera in rebus perarduis, & difficillimis Pontificatus negotijs vsus est, quæ omnia cum sacra Pontifex purpura digna videret; anno Domini 1551. 13. Kal. Ianuarij; Iacobum creatum Presbyterum tt. S. Simeonis, ad Cardinalatus fastigium euexit; & vna cum Io. Baptista Cicada tt. S. Clementis Card. ad reuendendas, & recidendas bonorum Ecclesiasticorum alienationes, contra formam constitutionis, olim fœlicis record. Pauli Papæ II. factas, & anno 1554. ad liberanda bona emphyteotica, census, & canones quarumcunq; Ecclesiarum, & piorum locorum in Dominio S. R. E. existentium, deputatus est. Sub Paulo IV. ad titulum S. Mariæ in via translatus; Signaturæ, modo Gratia, modo Iustitiæ ab eodem Pont. & successore præficitur, qui etiam mortuo Pontifice parum defuit; quin Pontifex summus declararetur. Sub Pio Quarto Protectiones Regni Poloniæ; item Ordinis Militaris S. Ioan. Hierosolymitani, & Religionis Carmelitanae suscepit; ad sacrosanctamq; Tridentinam Synodum Legatus, & Præfens pro

Sede Apostolica, in Hieronymi Seripandi Cardinalis mortui loco designatus; dum itineri se accingit, subita aurium reuerberatione oppressus; Rome anno 1563. 6. Kal. Maij, die Lunæ moritur, & in Ecclesia S. Mariæ super Mineruam sepultus est, vbi in paupum ante Altaris Maioris gradus in lapide marmoreo sequens elogium cęlatum legitur.

D.

O.

M.

Iacobo Puteo Niciensi S. R. E. Presbytero Card. præcipuo, ac integerrimo viro, qui summā l. v. scientiam, ita, cū summa probitate coniunxit; ut vnus Reipub. constituenda, disciplinaq; veteris reuocanda præcipuus auctor, votis bonorum expeteretur. Vixit ann. LXVIII. Mens. 2. dies 15. Obijt 6. Kal. Maij. 1563. Antonius Puteus Archiepiscopus Barenfis Nepos posuit.

Qui copiosius Cardinalis Putei descriptas virtutes requirit; Francisci Scantij I. C. Mediolanensis laudationem in ipsius funere habitam legat.

XVI.

QUID modo dicam de Odetto sanguine quidem maxime nobili: sed factis, ac rebus gestis summe ignobili? non.n. video, cur malè gesta veritati debeant anteponi; quandoquidem elogia hæc nostra sunt quędam specula, quibus homines; non modo eorum, quorum laudes insinuamus, virtutes debent imitari; sed etiam vitia detestari. Odettus igitur Collinius de Castillione Gallofrancus nobilissimus natus est anno salutis 1523. Kal. Februarij, die Dominico, Patrem habuit Marefcallum Castillioneum; matrem verò, sororem Annei Memoransij Magni equitum Magistri Gallię Regis; fratres Gasparem ordinis S. Michaelis equitē Dynastam Regni, & Andelottum Collinios Primarię nobilitatis viros, præcipuosq; Hugonotarum fautores. Is post Carolum de Villers; quia

quia erat vir multiplicis doctrinæ; peritia admirabilis; industria, & ingenio singularis; & cum primis ad omnia quæq; munia; præsertim verò ad populos ritè cõstituendos, maxime idoneus; Ecclesiã Bellouacensem, summo Pont. ac Francisco I. Rege deferētib. administravit, factus Ciuitatis Comes, & Par Fraciæ, qui eodem Rege petente, à Clemente VII. Massilię, quò vt solennibus Henrici Regis filij, & Catherinæ Mediceæ Laurentij filia; inter quos matrimonium fuerat contractum, nuptijs interesse venerat, cum alijs tribus in Purpuratorum Patrum numerum adscriptus anno 1533. 7. Idus Nouembris, die veneris Diaconus Cardinalis SS. Sergij, & Bacchi; postea à Iulio III. S. Hadriani, creatus; Archiepisc. Tolosanus electus est. Hic, vt erat ingenio temerario; fratribus suis, & Ludouico Borbonio Condensi Principi; Antonij Vendosmi Nauarræ Regis fratre adhæsit, qui ab Henrici Regis infauista morte, Francisci II. & Caroli IX. Regum puerili ætate abutentes; quia ægreferrebant Guisiorum remis, qui Regis tutores erant, & Consiliarij; toram Regni nauim impelli, atq; secunda eorum voluntate, tanquam suauis Zephyro spirante, felici cursu vehi, perturbandæ; necnon etiam, auitæ religionis mutandæ auidi; nefariè Catholica loca rapinis agitare; incendijs minuere; cædibus, & cladibus, multorum internicione euertere labefactare cœperunt, & idem anno 1562. Hugonotarum labe maculatus, cum illorum protector factus esset, sacram purpuram (proh summū scelus) despiciens, ac Principis secularis nomen sumens, Comes Bellouacensis, communi consensu, voluit appellari: qua re Pius IV. audita; literis sæpè de errore monere; de Archidiaconatus Ecclesiastici dignitate hortari; atq; vt tandem resipisceret, orare, cuius literas, cū; non minus, quam Fidem orthodoxam ille negligeret; Pontifex anno 1563. Pridie Kal. Aprilis, die Mercurij, secreto Patrum consistorio Romæ coacto, Cardinalitia dignitate, Bellouacensi, S. R. E. Archidiaconatu, & alijs Sacerdotijs priuatum; censurarum Ecclesiasticarum vinculis innodatum; atq; hæreticum declarauit, quibus intellectis Odet-

tus;

ius; purpuram sacram, quam antea dimiserat, iterum suscipit, atq; illo habitu in contemptu Ecclesiæ Apostolicæ (facinus indignum) vxorem duxit. Verum Pij V. diligentia factum est, vt non modo habitum dimiserit, atq; ab incepto scelere destiterit; sed etiam loco à Consilijs regijs fuerit priuatus. Tandem in Anglia, quo se contulerat; non sine veneni suscipione perijsse dicitur, anno 1568. die Sabathi. 16. Kal. Martij, ætatis annorum 46. Cantaurieq; sepultum.

XVII.

INTER illustres Prælatos, & S. R. E. nominis celebritate, rerum præclarè gestarum gloria Antistites insignes, merito celebrandus est Rodolphus Lionellij filius, ex illustrissima Pia familia, quæ in Carpensibus, Meldulanis, & Sarfinesibus Italiæ populis per multos annos dominata est, qui quâ; si quam tamen Ordini: immo sibi ipsi, dum Ecclesiastica dignitate pollet, maculæ notam inurit Odettus; virtutum suarum splendore ad omnem obliuionem propulsauit, natus anno 1500. die Lunę 6. Nonas Martij. Is à primis, vt dicunt, vnguiculis, in disciplinis liberalibus patris studio educatus, Patauij commoratus; breui scientiarum gloria, morum suauitate, & vitæ integritate omnes suos coætaneos in Gymnasio commorantes superauit. Romam tantarum virtutum fama, quæ iam extremas orbis terræ partes peruaferat, accersitus à Clemente VII. cum Lionelij patris opera, ipse, & Leo Pontifex in perarduis Ecclesiæ negotijs, & maximè in Piceni Prouincia in Romanæ Ecclesiæ fide retinenda, vti essent; post alios Ecclesiastici ordinis minores gradus, Legatione apud Cæsarem, & Episcopatu Faentino condecoratus est. Hunc Paulus III. Clementis successor, cui Rodulphi dotes non erant ignotæ, quem in Galliam; vt cum Francisco Rege, de indicendo Concilio ageret, miserat, 11. Kal. Ianuarij anno 1536. ex Episcopo Agrigentino, Presbyterum Cardinalem tt. S. Priscæ; mox tt. S. Clementis; post S. Mariæ Transiberim tt. Calixti creauit, à quo Legatus etiam, quin-

quinquies declaratus. Primò, anno 1537. pro componenda pace ad Imperatorem; Secundò sequenti, ad eundem Francorum Regem, vt eandem pacem inter ipsum, & Cæsarem, vel saltē inducias componat, in Galliam proficiscitur, cuius opera Nicææ Rex Pontificem adiit, quo etiam Cæsar se contulerat, inter quos per nouē annos induciæ firmatæ sunt; Tertiò ad Piceni Prouinciā moderandā anno 1539. vbi nonnulla suæ industriæ, & pietatis monumenta reliquit; & in propugnaculo portus Anconitani; & in S. Lauretana Domo sacellum constructum, ornatum, dotatumq; ; præter id, quod silentio prætereundum nullo pacto mihi visum est, quod Constitutiones ab Egidio Albornotio Episcopo Card. Sabinensē pro ipsius Prouinciæ trāquillo statu editas; ipse, vt Prouinciæ, & subditorū vtilitati prouideret correxit, deliniuit, dilucidioresq; reddidit, ac faciliores; has Paulus confirmauit, non mediocri laudabilē Rodulphi operam afficiens commendatione; Quartò Ponfice Lucam ad Imperatorem, pro summis rei Christianæ negotijs profecto; Romæ Legatus ab eodem relinquitur; & Quintò eadem Almæ Urbis Legatione ornatur anno 1543. quando Pontifex eūdem Carolū apud Buxetū excepit, pro felici Regnorum statu, necnon Catholicæ fidei exaltatione, in quibus legationibus talem se præbuit; vt eximiam virtutem, prudentiam, & rerum gerendarum experientiam omnes magnopere fuerint contestati. Sub Iulio III. ex Presbytero tt. Calixti, factus Episcopus Cardinalis Albanus; mox Tusculanus; Legatus ad Carolū Imperatorē pro rebus Parmensibus designatus, quo non se contulit; in Patrimonij Legatione Ranutio Farnesio S. Angeli Cardinali successit. Quid multis? tanta quarumcunq; dignitatū gloria dignum se præbuit; vt Pontifices ipsi (propēdixerim) de honoribus illi deferendis certasse videantur; a Paulo. n. IV. ex Tusculano Episcopus Portuensis, & S. Rufinæ; sub Pio IV. Ostiensis, & Veliternus, sacriq; Collegij Decanus, ob mortem Francisci Cardinalis Turnonij, & Archiepiscopus Salernitanus post Hieronymum Cardinalem Seripandum, supremusq;

musq; Hæreticæ prauitatis Inquisitor factus est. Rodolphus sacrae Lauretanæ Domus Protector, ibi; vt Patres Societatis Iesu, ob præclaras res alijs in locis gestas; peregrinorum confessiones audirent, &; vt eisdem Patribus Collegium extrueretur, auctor fuit. Extitit hic idem Protector Hospitalis S. Hieronymi Illicorum, atq; Ordinis S. Francisci; Patres Capucinos fouit, eorumq; institutum in ipsius enascentis primordijs inuida detractiōe depressum erexit, ac apud summū Pontificem, Cardinalesq;; donec approbatum est, indefessa cura, atq; auctoritate defendit. Vir; vt semel omnia complectar; eximie in Deū pietatis, & maximo rerum vsu præditus, Pontificatuq; dignissimus ab hominibus habitus; & si hanc dignitatem, quam omnes illi concedebant, morte præuentus non potuit obtinere. Obijt Romę die Martis 6. Nonas Maij, hora XXII. anno Domini 1564. Pont. IV. sepultusq; est in templo Sanctissimę Trinitatis in Monte Pincio, vbi marmoreum extat sepulchrum cum hoc elogio, atq; ipsius ad viuum expressa effigie. quo eum Pius V. vt quanti hunc faceret demonstraret, donauit.

Qui dormiunt in terræ puluere,
euigilabunt.

Rodulpho Pio Card. Carpensī, Principi Senatus, amplissimis Ecclesie Dei muneribus, singulari prudentia perfuncto, iuris Ecclesiastici defensori; à gratia, terrore, voluptatum illecebris, & aduersis sensibus aquè inuicto; ad beneficentiam nato, in summa gravitate iucundissimo; Pius V. Pont. Max. salutaris Officij in custodia Catholica veritatis consorti, perpetuis de Christiana Rep. sensibus, studijsq; coniunctissimo; hoc amoris, & iudicij sui monumentum posuit anno salutis 1568. Pont. III. Vix: annos 64. Menses 2: dies 8. Obijt anno salutis 1564. 6. Nonas Maias.

XVIII.

RODOLPHO succedit seculi nostri splendor, Guido Ascanius Sfortia illi nullatenus sanguinis nobilitate, aut virtutum præstantia inferior; nobilitate siquidem fuit Romanus, Bosij S. Floræ Comitis, & Constantiæ Petri Aloysij Farnesij, Parmæ, & Placentiæ postea Ducis sororis, filius; Alexandri Pij Papæ Quarti Card. frater; Frâcisçi Gregorij XIII. item Cardinalis patruus, natus anno 1518. 7. Kal. Decembris, die Iouis, qui ob virtutum præstantiâ ab Auo Pontifice Paulo Tertio, dum 16. tantum ætatis ageret annum, Bononiæq; in Collegio Farnesianæ familiæ, à Petro Ancarano eiusdem familiæ I. C. olim instituto, literis operam daret; in Cardinalium numerum anno Domini 1534. 15. Kal. Ianuarij, die Veneris Diaconus SS. Viti, & Modesti in Macello Martyrum; post S. Mariæ in Cosmedin; deinde S. Eustachij, adscitus est; & sequenti; ut potè integritate singularis, humilitate conspicuus, pietate incomparabilis, & quouis honorum genere maximè dignus; administrator Ecclesiæ Parmensis, Bononiæq; , & Aemiliæ Legatus; & defuncto Augustino Cardin. Spinola, S. R. E. Camerarius factus est. Accedit ad pacis, togæq; artes; incredibilis etiam rei militaris peritia; & mirificus ad populos, ac Principes consiliandos modus; & ob id anno 1540. ab eodem Pontifice, vna cum Hieronymo Capoferreo Thesaurario generali, postea Cardinale, ad bellum contra Turcas Pannoniam, fines Germaniæ, & Italiam inuadere tentantes, sustinendum; & extinguendum ad hoc Canones Camerae Apostolicæ, Ecclesiæ Romanæ, & aliorum piorum locorum in dominio existentium, deputatur; à Iulio III. ex Diacono S. Eustachij, ad S. Mariæ in via lata Diaconatum translatus; ab eodem Parmam ad Octauium Farnesium fratrem, mittitur, ut pro rebus Parmensibus, antequam Pontifex bellum susciperet, aliquid consilij capiat. Paulo IV. sedente, cum protectionem Hispaniæ suscepisset, ipsius opera tandem pax inter summum Pontificem, & Philippum II. Ca-

II. Catholicū Regem inita est, atq; composita. Omitto varias in Ecclesia ei delatas dignitates, sub Pio. n. IV. primus inter Sanctæ Rom. Ecclesiæ Diaconos Cardinales; fuit, & S. Mariæ Maioris de Vrbe Archipresbyter, quo in Templo sacellum pulcherrimū ædificare, & ornare incœpit, quod postea, cum morte præuentus esset, Alexander Cardinalis perfecit; cui etiam in Cremonensi territorio: in Dioecesi tamē Parmēsi, seu in oppido Cāneti agri Mantuani (vt alijs placet) ætatis annorum 46. dum loca suæ Ecclesiæ subiecta visit. Nonis Octobris an. 1564. Pont. V. vita functo; nobilissimum marmoreum tumulum, cum effigie, & epitaphio, de quo infra, vbi, & ipsius corpus Romā portatum, cōdidit, fraternæ pietatis non immemor, & è regione aliud simile sibi ipsi idem Alexander poni curauit.

D.

O.

M.

Guidoni Ascanio Sfortiæ Cardinali Pauli III. Pontificis Max. nepoti, Bononia, & Flaminia Legato, atq; huiusce Basilicæ Archipresbytero; Alexander Card. Sfortia fratri desideratissimo. Vix. annos XLV. Menses 10. dies 12. Obijt anno Salutis 1564. nonis Octobris.

XIX.

ET quoniam de celeberrimis Præsulibus sermo cœpit; se se mihi offert, omni encomiorū genere celebrādus, **CHRISTOPHORVS** Hetruscus Aretinus ex familia de Monte, Iulij Papæ III. patruelis frater, qui ab eodem Iulio, ex Calij Episcopatu; post Massiliensi; & Patriarchatu Alexandrino, quibus eum dignitatibus insigniuerat, quia; non diligendus modo: sed complectendus, colendusq; ab omnibus erat, ob summā religionem, ingenij acumen, ad studia ardorem, mansuetudinem in omnes, & singularem quandam liberalitatem in ege-
norum inopia subleuandā, anno 1551. Pontificatus II. 13. Kal. Ianuarij, die Veneris, in tertia Cardinalium ordinatione Presbyter

byter tr. S. Praxedis creatus; meruit ad Cardineæ dignitatis apicem sublimari; & cum esset vir eruditus, ac rerum usus atque experientia insignis semper in consilijs, & curis Põtificatus eidem Iulio extitit. In Domino quieuit is in oppido S. Angeli in Vado propè Vrbinu, die Mercurij, 8. Kal. Nouembris, anno à partu Virgineo 1564. Pont. V. ætatis octuaginta, & amplius. Corpus ibi ante gradus Maioris Aræ Ecclesiæ S. Angeli, cuius fuerat Archipresbyter, sepelitur; in qua nõ pauca ipsius in Deum monumenta extant, & inter hæc, sacellum ab eodem splendide ædificatum; Turris, Domusque ipsius restituta; & extra Castrum, Oratoriũ S. Rocho dicatum, ad elegantem formam redactum, vbi in marmore insculpta hæc leguntur.

*Hæc requies nostra in sæculorum sæcula.
Et erit in pace memoria eorum.*

XX.

Sequitur modo FEDERICVS ex nobilissima familia Cæsia, inter Romanos primaria natus anno 1500. Kalendis Iulij. Hic, adolescens legum studijs, omnibus (quod aiunt) nervis incubuit; sciebat videlicet magnã omnino vim, magnũque momentũ positum esse in literis; præsertim verò in legibus, ad cõseruandas, bonisque omnibus cumulandas Ciuitates; cum felicitas publica, ad quã humana omnia referenda sunt, è singulorum Ciuium felicitate constet; singulorum autem felicitas, in exercenda, excolendaque virtute sita sit; & propterea in illis, (si quid Andreæ Alciato Iuris consultissimo credimus) admirabiliter excelluit, huius frater fuit Paulus Cæsius, ipse etiam S. Eustachij Leonis Papæ X. Cardinalis, ob cuius singularia, ac Illustrissimæ suæ familiæ in Sedem Apostolicam merita; Federicus ex Episcopo Tudertino; à Paulo Tertio anno 1544. in 10. Cardin. ordinatione 14. Kal. Ianuarij, sacra purpura cohonestatus, S. Pancratij titulum; & post sub Iulio Tertio Cremonensem Episcopatum, Francisco Cardinale Sfondrato, cedente,

dente, vel (vt alijs placet) decedente, administrandum suscepit; atq; è titulo S. Pancratij, ad S. Priscæ ab eodem translatus; à Paulo IV. ex Presbytero electus Episcopus Cardinalis Prænestinus; à Pio IV. ex Prænestino, Albanensis; mox Tusculanus; postremò Portuensis, & Sanctæ Rufinæ factus est; primusq; electus est inter octo purpuratos Patres, qui causæ Caroli Cardinalis Carafæ Iudicibus assisteret. Pontifice, hoc idem permittente, Cremonensem Ecclesiam Nicolao Sfondrato, quem à Gregorio XIII. Card. creatum; Urbano postea VII. vita functo, vidimus successisse; renunciavit. Sed, vt facilius vnusquisque cognoscat, quam dignè, & quam meritò, quos recensuimus, habuerit honores; in mentem sibi reuocet præclaras illas Federici virtutes, singularem in homines humanitatem; in pauperes liberalitatem, & eximiam in Deum pietatem, quam qui dem, vel ipsum Templum D. Catherine virginis, & martyri sacrum, in Alma Vrbe, Virginibus miserabilibus (quas vocant) incolendum ab eo instructum, satis loquitur, satis prædicat, satis in omnem æternitatem commendat. Silentio inuoluo in eadem Vrbe sacella duo, quorum alterum in S. Mariæ Maioris, vbi Paulo Cardinali fratri, de quo supra; marmoreū cum ænea effigie posuit monumentum; alterum in S. Mariæ Annunciatæ de Pace, statuis, parijs columnis, necnon pulcherrimis ab excellentissimis artificibus pictis imaginibus, ornatum, dotatūq; videre est. His virtutum, atq; in primis pietatis suæ æternis testimonijs relictis; Obijt Romę 5. Kal. Februarij, hora noctis 8. anno Salutis 1565. Pontificatus Pij Quarti, Sexto. Corpus eius delatum ab Aede D. Catherine; sepulturę traditur in D. Mariæ Maioris Tépli sacello ab eodem erecto, mausoleo marmoreo, cum ænea effigie, atque hoc elogio ab Angelo Cæsio Nepote donatus.

D.

O.

M.

*Federico Cæsio S. R. E. Cardinali Portuensi, qui hoc sacellum, &
alserum*

*alterum in Aede D. Mariae Virginis, ac Templum D. Catharinae Vir-
ginum miserabiliū fundavit, & dicavit. Angelus Casius patris o-
ptimo posuit. Vixit annos LXIV. Menses 6. dies 27. Obijt 5. Kalē.
Februarij 1565.*

XXI.

Occurrit etiam post Federicū, natura, ingenio præditus,
eruditus studijs liberalium doctrinarum; diuturno, af-
siduoq; magnarum rerum vsu peritus, alter FEDERICVS
GÓZAGA clarissimæ editus sanguinis propagine Federici Primi
Mantuae Ducis, & Margaritæ Pæcologæ Montisferrati Domi-
næ filius, natus an. 1540. Posthumus, & ob id patris nomine
vocatus. Hic sub Herculis Gonzagæ Cardinalis, & Episcopi
Mantuani patruī tutela relictus, eius virtutes imitatus, Bono-
niæ, vbi literis operam dedit, brevi liberalibus disciplinis eru-
ditus; sic disciplinas, cum virtutibus coniunxit; vt sacris iam
initatus; non modò dignissimus habitus sit, qui à Pio Quar-
to, anno 1563. 8. Idus Ianuarij, die Mercurij, Festo Epiphaniæ
Domini, in Congregatione Generali factus Presbyter tt. S. Ma-
riæ nouæ in cœtu Cardinaliū cooptaretur; verum etiam ido-
neus sit iudicatus, cui; quamvis esset annorum vigintiquatuor
tantum, Cathedralis Ecclesia, quæ non nisi ætate maturis patri-
bus præscribitur; cui inquam, Ecclesia Mantuana, quæ ob mor-
tem Herculis patruī, qui Pontificis Legatus in Synodo Triden-
tina mortuus fuerat, Pastore destituebatur; cōmitteretur. Ro-
mam postea veniens 6. Kal. Aprilis, Cardinalitium pileum ac-
cepit; tandem ab eodem Pont. perhonorifica insignitus Lega-
tione est, Montisq; ferrati Cardinalis, ad differentiam Franci-
sci Gonzagæ, qui in eodem tempore vivebat, eiusdem Pij IV.
Cardinalis dictus est. Dolebit fortassis quispiam tantam Rei-
publicæ Christianæ iacturam, & quidem meritò; quid.n. si dum
vix incoeperat, tanta, tamq; egregia facinora reliquit, quid fa-
cturum fuisset, si vixisset, existimamus? Sed soletur se ille, neq;
de huius æterna felicitate aliquid detrahare velle videatur; nō

H

.n.in

.n.in terras missus,quò terras relinquens, reuersus est, illum ita liberalissimis studijs florentē,& sanetimoniam vitę laudabilē animi simul,& corporis bonis omnibus affluentem (O conditionē humanam, clamat vir eloquens, nasci,dolere,mori, heu hominum fragilis status, cita, & volucris ad interitum vita) vnus pene diei, lāguor extinxit Mantuę die Mercuij, nono Kal. Martij, anno 1565. Pontificatus VI. etat. 25. hora 13. Corpus sepultum est in Cathedrali D. Petro dicata, cum hoc elogio.

Federico Federici Ducis filio Posthumo Gonzaga Mantua Episcopo, Card. Legato, acerbissima morte erepto anno etat. 25. Salut. humana 1565.

XXII.

PRæclarè olim, quanti literæ essent mihi videtur intellexisse Mythelenæi, qui præcipuam esse in Republica vim literarum animaduertentes; quos populos bello deuicerant, nullam eis aliam poenam irrogabant, nisi, vt ne liberos suos literas edocerent; sciebant videlicet eas tantum Ciuitates florere, in quibus literarum studia vigerent, quam veritatem, Republica præ cæteris Veneta, & in primis intellexit BERNARDVS Nauagerius Italus Eques, & Senator Venetus, vir humaniorū præsertim literarum, & Reipub. gerendæ scientia, insignis; vt nonnulla ipsius carmina, & orationes ab ipso conscriptæ; Patruij, & aliarum Ciuitatum Prætura, Legationesq; complures, quas, magna semper cum gloria ad magnos Principes; præcipuè verò ad Franciscum II. Gallorum Regem, & apud Paulū Quartum Pontificē obiuit; satis apertè declarant. A Pio IV. is in secunda 18. Cardinalium ordinatione anno 1561. Pontificatus Secundo, 4. Kal. Martij, Diaconus Cardin; post Presbyt. tt.S.Pancratij; mox tt.S.Nicolai inter Imagines; vltimò tt.S.Susannæ creatus; sequenti Episcopatum Veronensem, maximo cum omnium applausu administrandum suscepit. Anno verò 1563. ad Concilium Tridentinum; non in Seripandi Cardina-

dinalis, & Legati mortui, vt ferè omnes affirmât: sed in Marci Sittici Cardinalis Altempſij loco, de latere Legatus miſſus; 4. Kal. Maij Tridentum ingreſſus eſt, cui Concilio impoſito ſine, Veronam venit, vbi in corrigendis ſacerdotum moribus, diſciplinaq; Eccleſiaſtica reſtituenda non parû elaborauit, maioraq; quotidie feciſſet; ni ſubita oculorum cœcitate oppreſſus, ipſius regimen relinquere coactus fuiſſet. Coadiutore igi- tur ex permiſſione Summi Pont. ſibi factò, cum futura ſucceſſione Auguſtino Valerio Patritio Veneto ſororis filio, quem vitæ integritate, literarum cognitione celeberrimum; Gregorius XIII. meritò in purpuratorum Patrum numerum adſciuit; ipſe ſubita correptus morte; Veronæ, pridie Kal. Iunij, anno 1565. Pontificatus VI. die Iouis obdormiuit in Domino, cuius corpus ibi in pauimento Eccleſiæ Cathedralis ante chorum ſepulturæ traditum, marmoreo lapide, in quo iuſculptum legitur ſequens epitaphium cooperitur.

Bernardi Nauagerij Cardinalis, perpetui Eccleſiæ Veronēſis Adminiſtratoris, oſſa.

XXIII.

PRæclare ſanè, & vt ſemper ſapienter ſeuerus ille morum cenſor (Catonem intelligo) eam Remp. fore maximam, felicemq; dicebat, vbi claro loco nati, primas virtutum partes minimè ignobilibus concederent, & plebèi homines ordinis, cum nobilibus, & primarijs; non de generis gloria: ſed de virtutum laudibus concertarent, quòd dictum, velut oraculum: quantum intellexerit, ALFONSVS Carafa Italus nobilis Neapolitanus Eques, Antonij Montisbelij, poſtea Marchionis, Caroli Card. fratris, & Pauli Quarti Nepotis filius, natus anno ſalutis 1540. idibus Auguſti, non obſcurè ſignificauit. Is. n. ſub Pauli, de quo paulò antea, tunc S. R. E. Cardinalis, diſciplina educatus, qui ſtudiorum ſocium ipſi adiunxerat Antoniũ

H 2

de

de eadem familia, quem literis, & vitæ sanctimonia celebrem, Pius V. in Cardinalium Collegium adscripsit; huius exemplo, atq; æmulatione inflammatus; virtutibus ita animum applicauit; vt in ipso integritas vitæ, modestia, humanitas summa, in rebus gerendis admirabilis prudentia, iustitiæ cultus, Ecclesiasticæ rei zelus, atq; aliæ innumeræ virtutes elucerent, quibus motus Paulus, iâ Pontificatum adeptus; Alphonsum ex Proto-notario Apostolico, anno Domini 1557. Pont. II. idibus Martij, Diaconum Cardinalem SS. Ioannis, & Pauli; post S. Nicolai inter Imagines creauit; Ecclesiæq; Neapolit. paulo post ipsi administrationem commisit; atq; officij Auditoris Cameræ nomine deletus; Francisco Alberico vltimo Auditore, anno sequenti, vita functo, idq; officium in Cameræ Apostolicæ Regentatus nomen conuersum, maximisq; priuilegijs auctum, & quod vni ex Cardinalibus, adinstar Camerariatus conferri debere decreuerat, Alfonso addixit; quem vnum anno 1559. cum cæteros fratris sui filios, necnon etiam Antonium Alphonfi patrem honoribus priuasset, atq; in exilium relegasset, apud se innocentem retinuit: cui tamen; ne cum extorribus ageret, ne ve pro illis aliquid intercederet, vetitum est. Iste postea; ex S. Nicolai, ad S. Mariæ in Porticu; mox sub Pio Quarto ad Sæctorum Ioannis, & Pauli Diaconatum translatus; eodem Pontifice mandante, vna cum Carolo Cardinale patruo ad Consistorium proficiscens; captus, & in Hadriani molem, cum alijs propinquis 3. idus Iunij, anno 1560. coniectus; carcerē illum summa patientia sustinuit; verū Carolo Cardinale, & reliquis maiestatis reis morti addictis; Alphonfus accusatus, tātum, quod mortuo Paulo Pont. bona abstulisset, in centum millium aureorum solutione, & Cameræ Apostolicæ Regentatus muneris priuatione, quod tunc eius nomine Pio Quarto Vitellotius Card. Vitellius celsit, cuius studio, cum ipso aliquanto micus Pontifex egit, multatus; hac tamen conditione, ne Vrbe egredia-tur, dimittitur; cæterum, cum ipsius redditus adeò tenues essent; vt nullo pacto soluere posset tantam pecunię summā; hu-
ius in-

ius innocentiae misertus facer purpuratorum Patrum Senatus, pro eo decem millia aureorum persoluit, cuius exemplo excitati Romanorum Proceres; cum certam aliquam Summus Pontifex illi condonasset partem, & ex Antonij patris bonorum venditione collecta pecunia, persoluerunt. In gratiam postea Pij cum redisset, factus Presbyter tt. SS. Ioannis, & Pauli, ab eodem impetrata venia, anno 1562. Neapolim ad curandum gregem veniens; ibi animi morore confectus, à terrena hac morte ad coelestem vitam se transtulit, die Mercurij, 4. Kal. Septembris, anno Salutis 1565. Pontificatus VI. etatis 25. hora noctis tertia, ibique in Choro Metropolitanæ propè Altare Maius sepelitur, ubi à Pio V. Summo Pontifice, grati erga Carasam familiam animi causa, & in ipsius adolescentis innocentiae testimonium, honorifico Sarcophago marmoreo donatus est, in quo Alfonsi Cardinalis statua celeberrimi artificis manu sculpta, & elogium extat.

D. O. M.

Alfonso Carafa S. R. E. Cardin. Archiepiscopo Neapolitano adolescenti; non minus virtute sua, quam maiorum splendore, claro, patris Pauli IV. Pont. Max. religionem integritatemque referenti, ea sapientia praedito; ut in secundis rebus, summam eius temperantiam, in aduersis miram constantiam, omnes laudauerint, Pius Quintus Pontifex Max. posuit. Vixit an. 25. dies 15. Obijt 1565. IV. Kal. Septemb.

XXIV.

Tva sunt omnia, sapientissime Plato, & dicta, & cogitata praeclare. Tu dicere solebas. Tum demum Respublicas beatas fore, cum eas, aut Philosophi coepissent regere, aut qui regerent Philosophari, cui veritati Genua, & Sedes Apost. cum alias quam sepius; tum demum visa est assentiri, quoniam SIMONE Pasqua Genuense nobili loco nato Galeatij filio, Art. & Medicinae

H 3

dicinae

dicinæ Doctore, inter suæ ætatis Philosophos primarios, annu-
merato; literarum præsertim græcarum cognitione maximè
prædito, sacræq; Theologiæ non ignaro, vñ est. Is post pa-
trios honores, & Legationes ad Principes à Republica de-
mandatas, felici obitus auspicio; à Pio IV. cui medicorum pri-
mus inferuit, cum primum Pontificatum adeptus est, Episcop.
Lunensis, & Sergianensis electus, atq; ad sacrosanctam Triden-
tinam Synodum missus, anno 1565. Pont. Quarto, die Lunæ,
4. idus Martij, propter excellentem doctrinam, admirabilem
erga superos pietatem, & acerrimam, contra hereticos insecta-
tionem; Presbyter Card. S. Sabinæ, denunciatur, qui eodè an-
no, die Martis, pridie Nonas Septembris, hora noctis tertia,
Rom. in Apostolico palatio; ex huius fluctuâtis vitæ naufragio,
ad cœlestem patriam, repentino cursu adductus est, & vt erat
vir frugi, sexaginta millia aureorum in pecunia numerata reli-
quit. Eius corpus in suo titulo, transferendum in patriam, de-
ponitur, ibiq; ad dexteram Portæ collateralis ipsius Ecclesiæ;
extat in pariete lapis, in quo sculptum legitur hoc elogium.

D.

O.

M.

*Simoni Pasqua Patricio Genuensi, viro omni doctrina, probita-
te, morum suauitate ornatissimo, S. R. E. Presbytero Card. S. Sa-
binæ, qui annos agens 72. menses 10. dies 7. anno salutis 1565.
pridie Nonas Septemb. relicto omnibus incredibili sui desiderio, ad
meliorē vitam commigravit. Octavius Pasqua Referendarius Apo-
stolicus fratris filius, mœrens posuit.*

Translatum postea in oras patrias; ad Ecclesiam S. Mariæ de
Pace, apud Minores de Obseruantia, extra Genuæ portam, quæ
ab Arcu nuncupatur, vbi in Choro ad Maioris Altaris dexte-
ram monumentum, cum sequenti epitaphio cernitur; ibi sepul-
tum est.

Qui

Qui dormiunt in terræ puluere
euigilabunt.

*Simoni Galeatij F. Pasqua Theologo, & Philosopho, romana, græ-
cæq; facundia clarissimo, S. R. E. Presbytero Card. S. Sabine; qui
cum præclarè domi, forisq; de Republ. meritis esset; Romam à Pio
Quarto Pont. Max. accitus; Lunensis primum Episcopus factus;
ac post egregiè nauatam Dei Ecclesiæ Tridentino in Concilio operâ;
in amplissimum Ordinem est cooptatus. Viro integerrimo, & in sum-
ma grauitate iucundissimo. Stephanus frater germanus n. ærens P.
Vixit annos 72. Menses 10. dies 7. Obijt Roma, pridie Nonas Se-
ptembris. 1565.*

M. Antonij Bobæ Card. de Simone, apud Vbertum Folie-
tam virum eloquentissimum in clarorum Ligurum elogijs, nō-
nulla carmina leguntur, quæ cum animi, & corporis ipsius do-
tes, breuiter, & eleganter effingant; hæc non superfluum, duxi-
mus apponere.

*Egregio Pasquam fluxit Dens ore Simonem,
Eximysq; animum virtutibus imbuit; ut, quas
Candidis insignes præstanti in pectore dotes;
Protinus exprimerent oculi sub fronte decori
Ingenua, è liquido ceu picta corallia fulgent
Cristallo, nullam rosei perpeffa nitoris
Lacturam, mittuntq; suos illæsa colores.
Illustri quantum is patria; celeberrima tantum
Vrbs Lugurum; claro felix latatur alumno,
Consiliumq;, operamq; haud rarò experta fidelem,
Quem modo, purpureo ornatum venerata Galero est,
Inclita Roma sacri columenq;, decusq; Senatus,
Virtutis propria nitentem. Fortibus alis,*

H. 4

Dum

*Dum sublime volas, mors abstulit inuida terris
Ingenio pollentem acri, viridique senecta.*

XXV.

Occurrit ANNIBAL Bozzutus Italus Ioannis, quondam S. Mariæ in porticu Hadriani Pontificis IV. Diaconi Cardinalis, de quo infra in Epitaphio, consanguineus, nobilis Neapolitanus, legalis sapientiæ Doctor, Annibali illi Amilcaris filio, rerum præclare gestarum fama necquicquam secundus; vt. n. illum adhuc impuberem iureiurando ante Aras Pater adstrinxisse, fertur, vt; cum primum per ætatem liceret, arma contra Romanos sumeret; ita hic ab ipsis incunabulis institutus videatur, vt contra hostes Patriæ irrueret, & patrios Penates conseruaret, quanquam in hoc non multum laudandus, quia maiorum decretis identidem restitit. Is. n. tam viuida ingenij acie; in consilijs capeffendis polluit mentis celeritate; vt adhuc iuuenis, eius rebellionis tempore, quo Neapolitani Petrum Toletum, qui pro Carolo V. Imperatore illius Regni clauū tenebat, questionem religionis Hispanico more, in eodem Regno instituere conantem, multis seditionibus, & tumultibus fatigatum, ab incepto consilio desistere coegerunt; electus sit, qui, cum nōnullis alijs constanter se Proregi opponeret, & ad eundē Petrum, hac de re orationē Ciuitatis nomine (id. n. negotij ipsi publicè datum est) vehementē, liberāq; haberet, qui postea armis depositis, pacatāq; vrbe, cum alijs, quorum in tumultibus animus magis excanduerat exilio essent damnati; ipse postea à Cæsare, ad quem, eadem de causa à patria missus fuerat orator, vt exulum numerus ad viginti tantum reduceretur, obtinuit; cum ijsq; & si non multo post patriæ etiā ipse esset restitutus; voluntarium tamen exilium sibi consciiuit, & sic Romam veniens, perbenignè à Paulo III. acceptus Protonotarius Apost. & Bononiam Prolegatus anno 1548. Ioanne Maria Cardinale de Monte Legato, missus est; & vita functo Paulo III. cum idem Cardinalis Montius Pontifex electus

Aut esset, dictusq; Iulius III. Annibalem hunc Auinionensi Ecclesie præfecit, quo; vt Marcello II. vita functis, dum comitia pro futuro Pontifice deligendo habentur; bis gubernatione Burgi, & Conclauis præfectura à sacro Cardinalium Collegio cohonestatus est. Apud Paulum Quartum, à quo vnicè est dilectus, tanti fuit is; vt inter eos patres electus sit, quorum opera, & consilio summus Pont. ad causas totius rei Ecclesie cognoscendas vteretur; ab eodem etiam Camera Apostolicæ clericatu, quod munus triginta millibus aureis emi solet, summa liberalitate donatus. Tandem ex Camera Apostolicæ Præsidente; & Auinionense Archiepiscopo, à Pio III. Pontice Maximo IV. Idus Martij, anno Domini 1565. in quarta Cardinalium electione Presbyter Cardinalis tt. S. Siluestri creatus, eodem anno, pridie Nonas Octobris die Sabathi, hora 23. in suburbio Chiaia propè Neapolim, dolore calculi obiit. Eius corpus Neapoli in Metropolitana propè Chorū in sepulchro marmoreo conditur, vbi & ipsius effigies ad viuū expressa, instar orantis ante Christum, & elogiū, quod sequitur, cernitur.

Annibal Bozzutus Patritius Neapolitanus ex familia annos ante 410. Cardinalitia, Orator ad Carolum V. Cæs. Aug. anno etatis suæ 26. summis de rebus à patria missus, Bonon. Prolegatus à Paulo III. Pont. Max. prepositus; Archiepiscopatu Auinionensi à Iulio Tertio decoratus. bis vacua Sede; primum Iulij Tertij, deinde Marcelli Secundi, cui carus in primis fuit, Vaticano, & Conclauis præfectus, rerum omnium maximarum, deligendorumq; vniuersæ diuionis Ecclesiasticæ Magistratum potestate, Clericatu etiam Camera Apostolicæ gratuita Pauli Quarti liberalitate honestatus; demum à Pio Quarto Presbyter Cardinalis tt. S. Syluestri creatus, intra septem menses dolore calculi, Salutis anno 1565. etatis 44. Mense 8. die 4. ex hac vita ereptus est.

Fabritius Bozzutus Frater ex testamento heres C. L. P.

Restat

XXVI.

R Estat nobis in hoc genere laudis elogijs exornare *Fratrē* *RANVTIVM* Italum Romanum Petri Luyfij Farnesij ex Alexandro; postea Paulo Tertio Pont. nati, filium, ortum 3. idus Augusti anno 1530. Alexandri Cardinalis Farnesij, Octauijq; Parmæ, & Placentiæ Ducis fratrem. Is adolescēs Bononiæ, Patauijq; literis operam dedit, in quas totis (quod aiunt) neruis intendens; mirifica claruit eruditione. Habitū, & Crucem militarem S. Ioannis Hierosolymitani Religionis suscepit, Priorq; Venetus factus, Commendam Bononiensem, & alias eiusdem Religionis Præceptorias consecutus, nulla habita ætatis ratione; sed propter mores in eo seniles, multiplicemq; rerum cognitionem, ac Christianam pietatem; electus est Archiepiscopus Neapolitanus ab Auo Summo Pontifice, quod non fuit ei præmium; sed calcar, & stimulus ad maiorem virtutem; annos quippe natus quindecim ab eodē 17. Kal. Ianuarij, an. 1545. Pontificatus XII. Diaconus Cardinalis Sæcæ Lucie in Silice; & paulò post Presbyter tt. S. Angeli; & sequenti Piceni Legatus; & anno 1547. ob mortē Roberti Pucij tt. SS. Quatuor Coronatorum; S. R. E. maior Pœnitentiarius; Religionis Camaldulensis Patronus; & Constantinopolitanus Patriarcha Latinus; Marino Cardin. Grimano, vita functo, quam dignitatē anno 1550. postea dimisit, quando in Benedicti Accolti, tt. S. Eusebij Card. demortui locum successus Ecclesiæ Rauennatenfis Archiepiscopus, in Ordine centesimus sextus, annumeratus est. Hic cum idem Paulus Pontifex Iuliū de Ruere Guidonis Vbaldi Ducis fratrem, anno 1549. Diaconum Cardinalem S. Petri in Vincula, creasset; Pisauri purpureum Pileum; Aui nomine, solenni pompa capiti eius imposuit; dum eo tempore; studiorum comes Hieronymus Ruereus Taurinensis, in huius ritus celebri cœremonia, latinam haberet orationem; qui postea Patriæ Archiepiscopus, Cardinalitia dignitate, ob multas insignes partes, nostra ætate insignitus est.

Ranu-

Ranutio Iulius III. anno 1551. defuncto Andrea S. Theodori Card. Cornelio, Patrimonij Legato; eam Legationem contulit. Sub Pio Quarto, cum eiusdem Ordinis Patribus Politiano, Sabello, Amulio, & Vitellio, ad coercendas Tyberis inundationes præfuit; qui ex Presbytero tt. S. Angeli, ad Sabinensem Episcopatum translatus; patrocinium Confraternitatis Sanctissimi Crucifixi in Ecclesia Sancti Marcelli de Vrbe, suscepit, Archiepiscopatuq; Rauēnæ dimisso; Bononiensem Episcopatum, Ioanne Campeggio vita functo, ipso Pio deferente, 4. Kal. Maij 1564. administrandum suscepit. Sequenti ad Ecclesiam ante Dominicam Palmarum venit, & Festo S. Petri Bononiæ celebrato, Parmam ad Octauium Ducem Fratrem profectus; ibi 5. Kal. Nouembris eiusdem anni, Pontificatus VI. die Lunæ, hora 17. ætatis annorū 35. immatura morte, ex hac vita decessit, cuius corpus in Cathedrali depositum; ad S. Marthæ in Vulfiniensis Lacus Insula, in maiorum suorum monumentum translatum est. Ranutius (vt cætera silentio inuoluam) vir fuit placidissimus, omnibus gratus, purpurei Senatus splendor, & clarissimum Italiæ decus; pietatis quidem suæ nonnulla monumenta in Ecclesia Bononien. insignia, scilicet Ecclesiæ ornamenta, quæ, simul atq; Episcopatum suscepit, reliquit; de qua restauranda etiam cogitauit. Extat in Lateranen. Basilica, cuius dum viueret Archipresbyteratus munere functus est, propè Altare, in quo sacra Sanctorum Petri, & Pauli capita feruantur marmoreum, multis columnis, & statuis mirificè elaboratum, atq; hoc epitaphio inscriptū monumentum.

D.

O.

M.

Ranutio Farnesio Pauli III. Pont. Max. Nepoti, Episcopo Card. Sabinensi, maiori Penitentiario, huius Eccl. Archipresbytero.

XXVII.

CAROLVS ex Illustrissima Vicecomitum familia, Italus nobilis, & Regius Senator Mediolanensis, vir doctrina, & prudentia insignis, eiusdemq; Ciuitatis anno 1560. apud

apud Catholicum Hispaniarum Regem Philippum II. Orator.
 à Pio Papa IV. ob ipsius virtutes anno 1561. mense Nouem-
 bris Protonotarius Apostolicus; mox Vintimillensis Ecclesiæ
 Episcopus electus; Concilio Tridentino (quo quicquid floris
 habuit Christiana Resp. constat conuenisse) interfuit; & maxi-
 mis de rebus ad ipsum Concilium pertinentibus, à Cardinali-
 bus Legatis Præsidentibus, Romam ad ipsum Pium Pont. mis-
 sus; ab eodem anno 1565 Pontificatus VI. 4. idus Martij Car-
 dinalitia dignitate insignitus, Presbyter tt. SS. Viti, & Mode-
 sti in Macello Martyrum, creatus est; cui etiam post, Ferenta-
 nam Ecclesiam administrandam commisit; qui eo ipso anno
 Romæ, immatura morte in Quirinali, præuentus, die Sabbathi,
 idibus Nouembris, hora 2. noctis obiit, sepeliturq; ibi in suo
 titulo, vbi ad dexteram in maiori Ara marmoreum caput, &
 sepulchrum sequenti elogio conscriptum cernitur.

D.

O.

M.

*Carolo Vicecomiti Mediolanensi S. R. E. Cardinali, qui Pio IV.
 Pont. Max. ex Senatu regio ad Episcopatum; inde ad Cardinala-
 tum prouectus; multis ad Reges, Imperatoresq; Legationibus, sum-
 ma cum laude functus, vetustissima gentis sue nobilitati præclare,
 omni parte respondit. Vix. annos XLII. Ob. Romæ idibus Nouemb.
 anno salutis 1565. Carolus Vicecomes, Abiæti Comes, magno Pa-
 truo B. M. P.*

Pij Quarti Papæ obitus.

ANNO Domini 1565. 5. idus Decembris; hora noctis,
 quæ diem Dominicum secuta est, secunda, Romæ in Pa-
 latio Apostolico; Iunctis Ecclesiæ Sacramentis Chri-
 stiano ritu, & vt Summum Sacerdotem decebat, maxima ani-
 mi demissione, ac religione susceptis; Palæoto, & Syrleto,
 Cardinalibus extremas preces, quas animæ commendationem
 voca-

vocamus, lectulo astantibus, religiosissimè recitantibus; è mortali miseriarum carcere, ad immortale felicitatis domiciliū migravit, PIVS Papa IV. ætatis annis 66. mensibus 9. Pont. anno 5. mens. 11. die 15. Corpus in Basilica S. Petri ad tempus in lateritio sepulchro depositum; translatum postea hora noctis 7. quæ pridie nonas Ianuarij, anno 2583. secuta est, ad S. Mariæ Angelorum in Thermis apud Carthusianos, ibiq; in marmoreo sepulchro à Cardinalibus S. Georgij, Sorbellono, Borromeo, & Altaempio posito, vbi sequens elogium legitur, conditum est.

PIVS IV. Pont. Max. Medices Mediolanensis, sedit annos V. menses 11. dies 15. Vixit annos LXVI. 10 Antonius Sorbellonus Episcopus Prænestinus, Consobrino, Carolus Borromeus tt. S. Prædicator Mediolanensis, Marcus de Altaemps Germanus Constantiensis, tt. S. Maria Transiberim Presbyteri Cardinales S.R.E. Aduocato, posuerunt. Vacavit Sedes 29. dies.

Eodem anno die Martis 3. Idus Decembris, eius iusta, ac parentalia incœperunt celebrari. Rursus eodem anno, die Iouis 13. Kal. Ianuarij, missa Spiritus sancti cantata ab Episcopo Cardinale Sabino, Cardinales numero 52. in loco consueto, Conclauē ingressi sunt, qui diuino afflati numine, nemine dissentiente, die Lunæ septimo Nonas Ianuarij anno Domini 1566. Pij IV. successorem ad Pontificatum assumpsērunt Fr. Michaelē Ghislerium, origine Bononiensem: natum tamen in oppido Boschi Agri Alexandrini ordinis Prædicatorum Presbyterum Cardinalem tt. S. Mariæ super Mineruam, qui Pius Papa V. appellatus est.

Car-

Cardinalis mortuus sede Vacante.

XXVIII.

FRANCISCUS è serenissima Gonzaga familia natus patrè habuit Ferrantem Federici Mantuæ Ducis fratrem Ducem Arriani; matrè vero Isabellam Capuanam Molfetæ Dominam, & inter ceteros fratres, Cæsarem Arriani Ducem, & Io. Vincentium militiæ Rhodiæ equitem, Baruliq; Priorem, quem postea Gregorius XIII. sacra purpura insigniuit. Nollem in huius laudum oceanum incidere; sed quia eæ sunt, quæ se ipsæ prodant; non possum non illas delineare. Fuit igitur iuuenis morum elegantia, scientiarum, forensium præsertim rerum cognitione, vitæq; integritate, ac sanctimonia perinsignis, & dignus Herculis Cardin. Mantuani Nepos; qui ex Abbate Aquenigræ, & Protonotario Apostolico à Pio Quarto to anno 1561. Pont. II. 4. Kal. Martij, Diaconus Card. S. Nicolai in Carcere Tulliano; post Presbyter tt. S. Laurentij in Lucina; & sequenti Campaniæ Prouinciæ de latere Legatus; Archiepiscopusq; Cōsentinus, ob mortem Cardinalis Gaddij creatus Titulum, & Palatium ipsi Titulo contiguum restaurauit, ornavitq; , maiora in dies factururus; ni tertia earum, quæ per antiphrasim, quod nulli parcant, Parcæ sunt cognominatæ, filum vitæ, inuido forcipe abscidisset. Obijt Romæ in Conclau, dum Comitia pro Pij IV. functi vita, successore deligendo, haberentur; 8. idus Ianuarij, die Epiphaniæ Domini, hora 21. Præter virtutes, quas scripsimus; eius diuinam propè, mentis sagacitatem quidam mirificè exornant; atq; in primis Hieronymus Catena insignis author in vita Pij V. præfagium Francisci de eodem Pontifice eloquentissimè narrat. Scribit. n. Franciscum Cardinalem, cum in Conclau morbo elaboraret; paulò ante obitum, quadam nocte semiuuium, è somno excitatum, de suis familiaribus conquestum fuisse, quod de creato Sūmo Pontifice Cardin. Alexandrino nemo commonefaceret; familiares,

liares, cum nihil scirent, veritate paulò post intellecta, miram
Francisci mentis sagacitatem, non mediocriter sunt admirati:
Corpus in paupum suum tituli sub marmoreo lapide æneis tro-
phæis, elogio, de quo infra ornato, sepelitur.

D.

O.

M.


*Francisco Gonzaga, qui si ad senectutem pervenisset, cum Her-
cule Gonzaga Cardinale eius Patruo, cuius disciplina fuerat alum-
nus, conferri iure potuisset, tanta iam in eo religio, prudentia, om-
niumq. virtutum indoles fulgebat. Vixit annos 28. menses 6. dies
25. Obijt anno Salutis 1565.*

Præter familię nota stemmata, Franciscus ad demonstrandã
animi sui tranquillitatem, Aquilam oliuę ramo insidentẽ, hoc
adiuncto elogio: *Bella gerant alij; pro insigni gestabat.*



PIVS

PIVS QVINTVS
PONT. MAX



ANNO CHRISTI MDLXVI.
SIGNVM PII QVINTI.

*Vtinam dirigantur viae meae, ad custodiendas
iustificationes tuas.*

PIVS Papa V. Michaël antea vocatus, ex oppido Boschi agri Alexandrini, è familia Ghisleria, quæ Bononiæ inter Patritias locum tenet; à qua Ciuitate maiores ui, ob ciuiles discordias, anno 1445. expulsi sunt. Patrem

trem habuit Paulum Ghislerium, matremq; Dominam Augeriam; natusq; est die Mercurij, 16. Kal. Februarij, Festo S. Antonij, anno 1504. Cum adhuc esset annorum 14. quia de eo præpotens Deus summa statuerat, ipso inspirante; Prædicatorio instituto se addixit, & Bononiæ Philosophiæ, ac Theologiæ studijs operâ dedit; vnde magistri gradum assumens, easdem disciplinas multis in locis publicè; sub lectoris munere professus est; & præter cœtera; semper vitæ innocentiam, religionisq; obseruantiam, cum scientiarum cognitione coniunxit. In Capitulo (quod vocant) Generali sui Ordinis 1543. Parmæ coacto, suas Theses mirificè defendit, & cum, non minora doctrinæ; quam pietatis signa præferret, Prior Albæ, Sôcini, Viglebaniq; fuit; sacras Conciones multis in partibus habuit; & Alfonsi Dauali Vuastij Marchionis confessiones audiuit. Qui Nouocomensis factus Inquisitor; ibi, cum quæstionem cum ipsius vrbis Vicario, & capitulo, vacante Episcopali Sede de nonnullis hæreticorum libris habuisset; magnam ex eo munere laudem apud S. R. E. Cardinales, qui Sanctissimæ Inquisitionis Congregationi Romæ præpositi tunc erāt, adeptus est. Cœterum inter Rethios; postea Bergomum bis ab ipsis Cardinalibus missus, contra Bergomatum Episcopum hæretica infectum peste, non sine ipsius vitæ discrimine, quam vltro pro religione exponere nunquam destitit, capitis iudicium habuit. Anno 1551. à Io Petro Carafa Cardinale Neapolitano, inter Sanctæ Inquisitionis Cardinales præpositos Primas tenente, cui Fr. Michaëlis virtus, & in eo genere industria, ac labores non erant ignoti, Iulio III. Pontifice permittente, de aliorum collegarum consilio; generalis Commissarius Inquisitionis eligitur, à quo etiam electo Pontifice, & Paulo III. dicto; Episcopus primum Nepesinus, & Sutrinus electus; anno postea sal. 1557. Pont. II. die Lunæ Idibus Martij, Presbyter Card. tt. S. Mariæ super Mineruam, quæ Ecclesia tunc temporis, in eius gratiam tituli decore fuerat cohonestata; post tt. S. Sabinæ creatus, & sanctæ Inquisitionis officio (congregationis

I

loco)

loco) in collegium Cardinalium introducto; Fr. Michael Card. Alexandrinus anno 1558. 19. Kal. Ianuarij supremus Inquisitor deputatus est, quod officium; Pontifex postea renunciatus, deleuit, & Congregationem; vt antea sub Paulo III. fuerat, cui Cardinales præsunt, quorum, qui in ordine primus est summus Inquisitor dicitur, restituit. Is à Pio Papa III. præpositus S. Spiritus de Columbella, Mediolanensis dioecesis, & Episcopus Montis Regalis in Pedemontana prouincia renunciatus; sacri Concilij Tridentini decreta, cum alijs eiusdem ordinis Patribus ab ipso summo Pont. ad hoc deputatis, diligenter examinauit. Anno tandem 1564. ardore vrinae percussus; cum se in vitæ discrimine videret periclitari, de morte, & resurrectione cogitans, ante gradus maioris sacelli Ecclesiæ S. Mariæ super Mineruam in pauimento sepulturæ locum elegit, in quo Epitaphium in marmore insculptum.

Ad laudem Dei Optimi Maximi.

Fr. Michael Ghislerius, ex oppido Boschi Agri Alexandrini, Ord. Predic. diuina miser. it. S. Sabine S. R. E. Presbyter Cardin. noscens terram, terræ se redditurū. ob certam resurrectionis spem in Virg. Dei Genitricis Templo, cuius & sanctorum piorum viuētium cupiens adiuuari suffragijs; locum hunc sibi viuens, in quo cadauer; cum suum obierit diem poni cur. annum agens ætatis LX. & humane Salutis 1564.

Translatus postea ab eodem Pio ad pristinum S. Mariæ super Mineruam titulum; ipso Pont. vita functo, nono, ac vigesimo Sedis vacantis die; cum nihil tale cogitaret, publica Patrum confessione, ac diuino numinis afflatu, ad summum omnium honorum fastigium die Lunæ, 7. idus Ianuarij, an. 1566. Pij Quinti nomine sumpto, ad Dominici gregis infestos hostes extirpandos, & ad Christianam Rempub. non dicam collapsam, sed nutantem erigendam, & erectam, in summo felicitatis

Pius Papa Quintus.

131

is statu conseruandam admirabiliter euectus est. Sedit in Apostolica Sede, Maximiliano II. electo Imperatore, annos VI. menses 3. & dies 23.

Cardinales 69. viui, quando PIVS

Papa V. creatus est.

Episcopi Cardinales VI.

LEO X.

Franciscus Pisanus Episcopus Card. Ostiensis, & Velitern.
ac sacri Collegij Decanus.

PAVLVS III.

Ioannes Moronus Episcopus Card. Portuenfis, & Sanctæ Rufinæ.

Christoforus Madrucus Episcopus Card. Prænестinus.

* Otho Truchses Episcopus Card. Albanus.

Alexander Farnesius Episcopus Card. Tusculanus.

Tyberius Crispus Episcopus Card. Sabinus.

Presbyteri Card. LIV.

PAVLVS III.

* Georgius de Arminiaco, tt. S. Nicolai, S. R. E. Archipref.

* Franciscus de Mendoza, tt. S. Eusebij.

* Henricus Infans Portugalliæ, tt. SS. Quatuor Coronatorū.

* Carolus de Lotharingia, tt. S. Apollinaris.

* Carolus Borbonius, tt. S. Chrysogoni.

IVLIVS III.

Fulvius Corneus tt. S. Laurentij in Lucina.

Io. Michaël Sarracenus, tt. S. Mariæ Transtiberim.

Io. Riccius, tt. S. Angeli.

Io. Baptista Cicada, tt. S. Clementis.

I 2

PAV-

- * Don Bernardinus Scotus, tt. S. Matthæi.
- Scipio Rebiba, tt. S. Anastasiæ.
- Ioannes Suavius Reumanus, tt. S. Priscæ.
- Io. Antonius Capisuccus, tt. S. Clementis.
- * Laurentius Strocus, tt. S. Balbinæ.
- Fr. Michaël Ghislerius, tt. Mariæ super Mineruam.
- Fr. Clemens Dolera, tt. S. Mariæ de Aracoeli.

Iacobus Sabellus, tt. S. Mariæ in Cosmedin.

Io. Antonius Sorbellonius, tt. S. Mariæ Angelorum
in Thermis.

Fr. Aloysius Cornelius, tt. S. Marci.

- Fr. Bernardus Saluiatus, tt. S. Simeonis.
- * Philibertus Naldus Burdesius, tt. S. Martini in Montibus.
- Ludouicus Simoneta, tt. S. Cyriaci.
- * Antonius Perenottus Granuelanus, tt. S. Bartholomæi
in Insula.
- * Stanislaus Hofius, tt. S. Theodori.
- * Petrus Franciscus Ferrerius, tt. S. Agnetis in Agone.
- Franciscus Paciecus, tt. S. Crucis in Hierusalem.
- * Marcus Antonius Amulius, tt. S. Marcelli.
- Hieronymus Austriacus de Corrigio, tt. S. Stephani
in Monte Coelio.
- Io. Franciscus de Gambara, S. Pudentianæ, tt. Pastoris.
- Carolus Borromæus, tt. S. Praxedis.
- Marcus Sitticus de Altaemps. tt. S. Georgij ad Vellus
aureum.
- Alfonfus Gesualdus, tt. S. Cæcilie.

Nicolaus Caëtanus, tt. S. Eustachij.

* Hip-

Pius Papa Quintus.

133

- Hippolytus Estensis, tt. S. Mariæ Nouæ.

PIVS IV.

- Innicus Aualos de Aragonia, tt. S. Hadriani.
- Marcus Antonius Columna, SS. Basilicę duodecim Apost.
- Prothomæus Gallius, tt. S. Pancratij.
- Angelus Nicolinius, tt. S. Calixti.
- Aloyfius Pifanus, tt. S.
- Prosper Sanctacrucius, tt. S.
- Zacharias Delphinus, tt. S. Mariæ in Aquiro.
- Hugo Boncompagnus, tt. S. Sixti.
- Alexander Sfortia, tt. S. Mariæ in Via.
- Io. Franciscus Commendonus, tt. S.
- Flavius Vrsinus, tt. SS. Marcellini, & Petri.
- Alexander Cribellius, tt. S.
- M. Ant. Boba, tt. S.
- Antonius Crechius, tt. S.
- Guido Ferrerius, tt. S.
- Franciscus Abundius Castellionęus, tt. S.
- Benedictus Lomellinus, tt. S. Sabinæ.
- Gulielmus Sirlettus, tt. S. Laurentij in pane, & perna.
- Gabriel Palæotus, tt. SS. Ioannis, & Pauli.
- Franciscus Crassus, tt. S.

Diaconi Cardinales IX.

PAVLVS III.

- Iulius de Ruuere, S. Petri ad vincula S. R. E. Archid.

IVLIVS III.

- Innocentius de Monte, S. Mariæ in Porticu.
- Hieronymus Simoncellus, SS. Cosmæ, & Damiani.
- Ludouicus de Guifa, S. Thomæ in Parione.

PAVLVS IV.

- Vitellotius Vitellius, S. Mariæ in via lata S. R. E. Camer.

I 3

PIVS

Aloysius Estensis S. Lucie in Silice.

Ludouicus Madrucus S. Onuphrij.

Ferdinandus Medices S. Mariæ in Domnica.

Franciscus Alciatus S. Lucie in Septisolio.

*Prima creatio unius Cardinalis.**Anno Domini MDLXVI. Pontificatus primo
die Mercurij, pridie nonas Martij Roma.*

PIVS Papa V. primò creauit unum

Card. Is fuit.

3 F. MICHAEL Bonellus Alexandrinus, ord. Prædicatorū, Papæ ex sorore pronepos, Presbyter Card. et S. Mariæ super Mineruam.

I.



Secur-


Secunda creatio IV. Cardinalium.

*Anno Domini MDLXVIII. Pontificatus
tertio, die Mercurij, nono Kalen.*

Aprilis, Roma.

*PIVS Papa V. secundò creauit quatuor
Cardinales, qui fuerunt.*

- 1 **D** Idacus Spinosa Hispanus Inquisitor Generalis in Re-
gnis Hispaniarum, Regis eiusdem consilij Præses,
Episcopus Saguntinus, Presbyter Card. tt. S. Ste-
phani in Cœlio monte, absens.
- 2 Don Hieronymus Socherus Aruernus Theolog. Parisinus,
Abbas Clareuallensis, & Generalis Magister Cisterci-
ensiu, Presbyter Card. tt. S. Matthæi in Merulana, absens.
- 4 Io. Paulus ab Ecclesia Dertonensis, Protonotarius Aposto-
licus, Diaconus Card. S. Calixti.
- 3 Antonius Carafa Neapolitanus, Papæ intimus Cubicula-
rius, Basilicæ S. Petri de Vrbe Canonicus, Protonota-
rius Apostolicus, Diaconus Card. S. Eusebij.



II.




III.



IV.



V.



VI.

Tertiã creatio XVI. Cardinalium.

*Anno Domini MDLXX. Pontificatus V.
die Mercurij, 16. Kal. Iunij Roma.*

*Pius Papa V. tertiò creauit 16. Cardinales,
qui fuerunt.*

- M** Arcus Antonius Maffeus Romanus Archiepiscopus.
Theatinus, S.D.N. Papæ Datarius, Presby. Card.
tt. S. Calixti.
- 7 Gaspar de Stunica, & Auellaneda Hispanus, Archiepiscopus
Hispalensis, Presbyt. Card. tt. S. Barbaræ, absens.
- 8 Gaspar Ceruantes de Gaète ex oppido Caceres Placenti-
næ, Diocesis Hispanus, Archiepiscopus Tarraconensis,
Presbyter Card. tt. S. Vitalis, absens.
- 9 Nicolaus de Pelleue ex oppido Iouij Rothemagensis Dioc-
cesis Normandus Gallus, Archiepiscopus Senonensis, ac
Galliarum Primas, & in secreto Regni Franciæ Consilio
supremus Cancell. Presbyter Card. tt. S. . . absens.
- 10 Iulius Antonius Sanctorius Casertanus, Archiep. S. Seueri-
næ, Presbyt. Card. tt. S. Bartholomæi in Insula.
- 11 Petrus Donatus Cæsius Romanus, Episcopus Narniensis, Ca-
meræ Apostolicæ Præsident Clericus, Presbyter Cardin.
tt. S. Vitalis.
- 12 Carolus de Grassis Bononiensis, Episcopus Montis Falisco-
rum, Cameræ Apostolicæ Præsident Clericus, ac Urbis
Gubernator, Presbyter Card. tt. S. Agnetis in Agone.
- 13 Carolus Danges à Rambouilletto Gallus, Episcopus Cœ-
nomanensis, & Caroli Noni Francorum Regis apud Se-
dem Apostolicam Orator, Presbyter Cardin. tt. Sanctæ
Euphemie.

14 Fr.

- 14 Fr. Archangelus de Blanchis Viglebanensis Ord. Prædicatorum, Papæ à sacris Confessionibus, Commissarius sanctissimæ Inquisitionis Officij, Episcopus Theanensis, Presbyter Card. tt. S. Casarii in Palatio, absens.
- 15 Fr. Felix Perettus de Monte Alto Picenus, Ord. Conventualium S. Francisci, Episcopus S. Agathæ, Presbyter Card. tt. S. Hieronymi Illircorum.
- 16 Don Paulus Arretius de Itrio, Ord. Clericorum Regularium Theatinorum, Episcopus Placentinus, Presbyter Card. S. Pudentianæ, tt. Pastoris, absens.
- 17 Ioannes Aldobrandinus Florentinus, Rotæ Auditor, Episcopus Imolensis, Presbyter Card. tt. S. Simeonis.
- 18 Magister Frater Vincentius Iustinianus, ex Dominis Insule Chij Genuensis, Ordin. Prædicatorum Generalis Magister, Presbyter Card. tt. S. Nicolai inter Imag. absens.
- 19 Hieronymus Rusticuccius Fanensis, Protonotarius Apostolicus, Episcopus Senogaliensis, Papæ intimus Secretarius, Presbyter Card. S. Susannæ.
- 20 Io. Hieronymus Albanus Bergomensis, Protonotarius Apostolicus, ac Piceni Gubernator, Presbyter Card. tt. S. Io. ante portam Latinam, absens.
- 21 Iulius de Aquaviva, & Aragonia Neapolitanus, V.S. Referendarius, Diaconus Card. S. Theodori.



VI.



VII.



VIII.



IX.



X.

X.



XL



XII.



XIII.



XIV.

XIV.



XV.



XVI.



XVII.



XVIII.

XVIII.



XIX.



XX.



XXI.



Pius

Pius Papa Quintus tribus ordinationibus mensibus Martij, & Maij factis, vnum, & viginti Cardinales de nouo creauit, videlicet Presbyteros 18. & Diaconos tres.

*S. R. E. Cardinales XXIII. mortui
sub Pio Papa Quinto.*

- | | |
|------------------------------|-------------------------------|
| 1 Franciscus Crassus. | 13 Ioannes Bernardinus Sco- |
| 2 Ioannes Reumanus. | tus. |
| 3 Tyberius Crispus. | 14 Ioannes Antonius Capi- |
| 4 Petrus Franciscus Ferre- | fuccus. |
| rius. | 15 Philibertus Naldius à Bur- |
| 5 Franciscus Mendoza. | desia. |
| 6 Angelus Nicolinius. | 16 M. Antonius Amulius. |
| 7 Fr. Clemens Monilia. | 17. Io. Baptista Cicada. |
| 8 Io. Michaël Sarracenus. | 18 Aloysius Pisanus. |
| 9 Ludouicus Simoneta. | 19 Franciscus Pisanus. |
| 10 Frater Bernardus Saluia- | 20 Gaspar de Stunica. |
| tus. | 21 Carolus de Grafsis. |
| 11 Franciscus Castillionæus. | 22 Laurentius Strocus. |
| 12 Vitellotius Vitellius. | 23 Hieronymus Socherius. |

I.

Nobilitas sanguinis, & legalis sapientiæ Panegyrica commendatio in causa est, vt nullatenus supprimatur **FRANCISCVS** Italus, è familia Crassa natus, inter Mediolanenses nobilissimus, ex qua diuersis temporibus; præter ceteros domi, ac foris, nominis claritate insignes; cum primis tres ipsius Ciuitatis Mediolanenses Episcopi, Thomas, Alipertus, & Landulfus florere, quorum primus etiam, in Diuorum Catalogo adscriptus est, qui patrem habuit Petrum Antonium. Incunte ætate primos annos literarum cognitioni; post legibus, commisit; vnde, tam præstanti forensium rerum cognitio-

nc

ne excelluit, vt Mediolanensis Senator; Ducalis fisci Præfident; Regiusq; Consiliarius fuerit designatus. Is in funere Caroli V. Imperatoris; apud quem semper magni fuit, & cuius mirificam, ac (propè dixerim) diuinam in summis, atq; arduis Imperij negotijs, Augustus adhibuerat prudentiam; eloquentissimè ad præconia tanti Imperatoris, posteritati consideranda; in Patria anno 1559. declamauit. Romanam Curiam postea adiens, vxore defuncta, à Pio IV. summo Pontifice; cum quo magnā contraxerat necessitudinem, Protonotarius Apostolicus; mox Bononiæ Gubernator; tandem anno 1565. Pontificatus VI. 4. Idus Martij, S.R.E. Diaconus S. Lucix in Septifolio; post tt. S. Cæcilix Cardinalis Presbyter creatus est. Qui obiit Romæ anno sequenti, Pij Papæ V. Pontificatus primò in ipso Kalendarum Septembris limine, mane. Corpus in eius titulo depositum, translatumq; in Patriam; in Ecclesia de Pace, quam Minores Obseruantes incolunt, in sacello, quod Diuo Francisco ipse antea dicauerat, sepelitur; vbi in læuo pariete extat lapis Albus, in quo elogium nigris caracteribus insculptum, legitur.

Francisco Crasso Petri Antonij filio I. C. Aduocato Fisci, præfectorum rerum capitalium, Senæ Prætori, Urbini tertio Magistro Questuræ ordinariorum Senatori, Consiliario principali. Questori præfecto urbis Senarum, & Bononiæ; Cardinali, qui vixit annos 66. mortuus est Romæ Kalendis Septembris, anno 1566. & in monumentum Celle huius, quam Diuo Francisco viuens fecit, inferri voluit. Petrus Antonius, & Hippolytus parenti optimè merito PP.

II.

Celebrandus est post hunc, vir egregius, ac spectatæ virtutis IOANNES Suauius Reumanus Vasco Gallus, qui; tanta valuit Pontificij, ac Cæsariani iuris scientia, vt in Rom. Aula pro Gallica Natione; inter sacræ Rotæ Patres adscriptus; Episcopus Mirapicensis eligeretur, què postea Paulus Quartus Pontifex

Pontifex, cum flammanti fidei Catholicæ zelo videret ardere, & animo esse immobili, atque inuicto, S. R. E. Cardinalem anno Dom. 1555. Pontificatus I. in secunda promotione; Presbyterum, tit. Sancti Ioannis ante portam Latinam, creauit; cui etiam, & Fabio Mignanello differentias super locationibus, & pensionibus casalium, & domorum, & nonnullorum locorum S. R. E. subiectorum, ob inuasionem Urbis à militibus Hispanis Proregis Neapolitani factam, multis concessis facultatibus summam decidendas, commisit. Et cum ingrauescente iam ætate, multis alijs negotijs Pontifex distraheretur; Ioannem hunc, cum Bernardino Transe, & Ioanne Baptista Consiliario Cardinalibus, adhibitis etiam Ioannis Antonij Vrsini; & Aloylij Lipomani Bergomensis Episcopi consilijs; ad Almq Urbis, ac totius Ecclesiasticæ ditionis negotia examinanda deputat. Quem Pius Quartus; perspecta eius mentis sagacitate, singulari in rebus pertractandis prudentia, ingenioq; ad omnia; quamuis ardua, ac difficilia, idoneo; è S. Ioannis, ad S. Priscæ titulum translatus; sanctissimæ Inquisitionis Tribunali, Canonizationiq; B. Didaci præposuit. qua prouincia commissâ; cû Signaturæ Iustitiæ esset præfectus; Romæ dolore calculi extinctus est anno Salutis 1566. Pontificatus I. 3. Kal. Octobris, sepelitur in ingressu Ecclesiæ S. Spiritus de Saxia; sed postea translatus propè Altare Maius, à Scipione Rebiba S. R. E. Card. de Pisis dicto, amico, & testamenti executore in eodem marmoreo monumento, quo prius, cum hoc epitaphio contumelatur.

Iesu Christo spci vitæ futuræ.

Ioannes Suanius Remmanus Gallus, tit. S. Priscæ, Presbyter Cardinalis, ob animi candorem, & eximiam iuris prudentiam; duodecimuratus litibus iudicandis, ascitus, ac propter humanitatem, & innocentiam; Pauli IV. beneficentia, Patrum Senatû meritis copulatus; LXIII. agens annum sanctissimè, ut vixerat; ita Christi-
stianis-

*Rianissimè decessit. Die 29. Septembris 1566. Scipio Rebiba t̃p̃
S. Angeli, Cardinalis de Pisis, testamenti executor, absolui curauit.*

III.

SVbnectendus est his viris doctis, & celeberrimis Ecclesiæ
Præsulibus, TYBERIVS Crispus Italus Romanus, natus an-
Domini 1498. pridie Kal. Februarij, hora 15. in quo; tam
celeris animi, atq; ingenij motus, ad excogitandum acuti, ad
explicandum, ornandumq; vberes, & ad memoriam firmi, at-
que diurni extiterunt; vt, cum Philosophiæ operam dedisset;
de hoc in Philosophicis assertionibus, quod de Pythagora in
naturæ peruestigationibus dicebatur, iure posset affirmari. Ty-
berij igitur ingenij acumine, atq; in retinenda Ecclesiastica di-
gnitate, graui maiestate Paulus Tertius, cui etiam famulatus
fuerat ante Pontificatū è Perusina Ciuitate; Tyrannide ad ex-
tremas Orbis terræ partes propulsata, noua quasi illius Ciuita-
tis redintegratione constituta, atq; ad bonorum Ciuium quie-
tem, & ad seditiosorum molestiam (melius dixerim) ad frenū
sceleribus abstinendis, Arce à fundamentis erecta; hunc illius
præfectum; & paulò post Ciuitatis Gubernatorē, suffecit; cu-
ius præfecturæ monumentum; præter Arcem, cui opera à Ciui-
bus præstita, perbreui temporis spatio, extremas manus impo-
suit; Templum dicatum Beatæ Virg. (de Populo vocant) ipso
mandante, constructa, satis superq; attestatur. Cum verò ma-
iori cohonestandus dignitate, videretur; Romam à Pontifice
acceffit, & Hadriani moli præficitur. In quo officio, cum di-
gnè, & laudabiliter se gessisset, anno 1544. Pont. II. 14. Kalē.
Ianuarij, in Cardinalē S.R.E. Diaconum S. Agathæ; & in eius-
dem Perusina Ciuitatis Legatū promouetur. Iulio Tertio Pon-
tif. ex Diacono, factus Presbyter tt. S. Agathæ; suaue iugum,
ac leue onus Dominici gregis Amalphitani Archiepiscopis-
patus pascendi, humeris impositum, suscepit. Hic à Marcel-
lo Secundo ad Pontificatum assumpto, summis honoribus, &
Sacerdotijs cohonestatus; ex tt. Sanctæ Agathæ, Pio IV. se-
dente.

dente, ad S. Mariæ Transiberim translatus, cedente Fr. Michaële Ghislerio Card. Alexadrino, Ecclesiæ Sutring, & Nepesinæ Pastor extitit. Ex Presbytero S. Mariæ Transiberinæ tt. Calixti, Episcopus Suesanensis, & Cardin. Sabinensis electus. Obijt Sutri die Dominico, pridie nonas Octobris, Anno Domini 1566. Pont. I. ætatis 68. mense 8. die 5. sepeliturq; in Cathedrali.

IV.

EGregium etiam ingenij, doctrinæ, & pietatis specimen posteris reliquit PETRVS FRANCISCVS Pedemōtanus Vercellensis, è familia Ferreria Illustrissima, Bugellæ, & aliorum locorum Domina; quam, eandem esse cum Acciaiola Florentinam, item nobilissima, Authores omnes affirmant. Is Patrem habuit Loffredum Casalis Valoni Dominum, Mediolaniqu; Senatus pro Francisco Gallorum Rege Præsidem; patruos Ioannem Stephanum Episcopum Bononiensem, Alexandri VI. & Bonifacium Eporidiensem etiam Episcopum, Leonis X. Fratrem verò Filibertū Pauli Papæ III. S. R. E. Cardinales, à quo Paulo Pontif. Petrus Franciscus; & ipse; ex Abbate S. Stephani in patria, dum Romanam Curiam sequitur, post Augustinum patrum; Episcopus Vercellensis electus est, quam Ecclesiam, nouè in ea (quas vocant) Capellanijs institutis, & dotatis, & Palatio reædificato; ad pristinam restituit dignitatem. Eodem Pont. patruo Bonifacio Cardinale Eporidienſe Ciuitatis de latere Legato; Bononiam Prolegatus mittitur. Venetias tandem legatus missus à Pio IV. anno salutis 1561. Pontificatus II. 4. Kal. Martij; Presbyter Cardinalis tt. S. Cæsarei in Palatio; mox S. Agnetis in Agone creatus in familiam suam quartus hūc honorē intulit, qui propter eximia ipsius in Sedē Apostolicam merita, Guidonem Nepotem suum sacra etiam purpura ab eodem Pontifice insignitum quintum familiæ Cardinalis videre dignus habitus est; sub quo, è S. Agnetis ad S. Anastasiæ tt. trāslatus, anno Domini 1566. Pont. I. pridie Idus

Nouembris Romæ moritur, sepeliturq; in S. Mariæ Maioris Basilica; vbi in læua Templi parte, marmoreum è pauimento erectum à supradicto Guidone Card. Nepote, cum effigie atq; elogio sepulchrum conseruatur.

D.

O.

M.

Petro Francisco Ferrerio tt. S. Anastasia S. R. E. Presbytero Card. Ioannis Stephani Bonon. & Bonifacj Portuen. Cardd. ex fratre Nepoti, Philiberti Eperidensis Card. fr. Guido Card. Vercellensis patruo optimo, atq; optimè de se merito, Posuit. Vix: annos LIII. Obijt anno sal. 1566. pridie 1dus Nouembris.

V.

Illustri decorandus encomiorum exornatione mihi videtur summus ille orator Demosthenes, qui plus se debere industria, à qua summus orator factus fuerat, quam matri, à qua esse susceperat, dicebat. Dictum tali oratore dignum; sed illustriori celebrandum approbatione illud ipsum est Francisci de Mendoza, & Bobadilla Hispani Conchenfis Illustrissimi de Cagnete Marchionis filij præclarum facinus, qui non contentus mendaci (sic eam vocabat) maiorum suorum nobilitate, voluit veram virtutum nobilitatem sibi comparare, quam comparatam; Archidiaconæ u primum Toletanæ Ecclesiæ; deinde, Fr. Francisco Quignonio tt. S. Crucis in Hierusalem Cardinale cedente, deferenteq; Põtifce Clemente VII. Episcopatu Cauriensi, coepit illustrare. Hic se se mihi campus aperit latissimus, Francisci virtutum indicandarum: non laudandarum. Quis.n. tanta ingenij vbertate, tanta dicendi copia præditus reperitur, qui, cum de huius laudibus plurima dixerit; plura tamen se omisisse non fateatur? neq; nostrum est singula quæq; minutatim recensere, quod si quis scire percupiat; quantæ illius virtutes essent; satis inde colligere potest, quod ei Paulus III. anno 1544. Põt. XI. 14. Kal. Ianuarij in decima Cardinaliũ promotione-

motione; Presbytero tt. S. Mariæ de Aracoeli; & post tt. S. Ioannis ante portam Latinam, creato; sacrae purpuræ detulit honorem. Qui sequenti, cedente Fratre Ioanne Toletano Card. Episcopatus Burgenfis administratione suscepta; ipsius Ecclesiæ iura defendit, auxitq; , & longam super hoc cum Burgenfi Capitulo quæstionem habuit, de qua in Decisionibus Romanæ Rotæ prima parte, decisione 777. vbi etiã, ob litem super pensionem Cauriensem, quam cum Ioanne Quignonio habuit; tertia parte decisionibus 149. & 244. multa videre est. Franciscus anno 1548. Philippo Secundo Hispaniæ tunc Principi Italiam petenti, occurrit, huncq; per eandem Prouinciam iter agentem comitatus est, & Iulio Tertio Pontif. ex Presbytero tt. S. Ioannis ante portam Latinam; ad tt. S. Eusebij translatus, anno 1555. vita functo Francisco Toletano Senarum Governatore; ipsius Ciuitatis ab eodem Philippo Rege clauum suscepit; donec ipsa vrbs Cosmo Mediceo Florentiæ Duci, annuo imposito tributo addicta est. Archiep. Valentinus postea electus, ætate confectus; obiit Burgenfi in Ciuitate, 3. Nonas Decēbris, anno 1566. Pont. I. Huius corpus Concham delatum; in nobilissimo familiæ Mendozziæ sacello, quod in Cathedrali erectū fuerat ante, sepelitur.

VI.

Semper mihi placuit celeberrima illa prudenter excogitata, sapienter prolata atheniēsis Antisthenis sententia, qui; homines virtute præditos fontem in se habere, ex quo nobilitatem sibi affluenter hauriant, dicere solebat, quæ; eo mihi magis placuit; quò eam non verbis, sed re ipsa confirmasse videtur ANGELVS Nicolinius Florētinus, nobilit. parentibus natus, qui quidem tantã; quia in Senarum Gymnasio legalem sibi scientiam compararat, ex se hausit, nobilitatem, vt à Cosmo Mediceo Florentiæ Duce accersitus, apud eum præstantissimi I. C. Senatoris, & Confiliarij nomen sit consecutus; neq; verò, solum Põtificij, ac Cæsariani iuris præstitit cognitione: sed

K 3

etiam

etiam vir eloquentissimus; tanto valuit aureo, quasi verborū flumine; vt de eo sine vlla dubitatione dici possit, quod narratur de illo Hercule Ogmio, quem prudentiæ, atq; eloquentiæ Deum Celtæ existimabant, atq; ideò eius simulacrum ita pingebant; vt ab eius lingua quamplurimæ catenæ aureæ profluerent, quæ maximam hominum multitudinem auribus alligatâ ita traherent; vt tamen omnes libentissimè sequi viderentur. Quæ; quam verè de Angelo dici possint; ex eo apparet, quod Oratoris munere apud Paulum Tertium Pontificem Maximū; & anno 1538. apud Carolum V. Imperatorem functus, apud quæ maximis quidem de rebus; sed præcipuè de causa, quæ inter Cosmum, & Margaritam ipsius Caroli Cæsaris filiam; olim Alexandri Medicei Florentiæ Ducis, sine liberis vita functi, vxorem, quæ multa; ratione dotis; tam profectitiæ, quam aduētitiae, ex Neapolitano statuto in bonis patrimonialib. dicti Alexandri, quorum maior pars fideicōmisso erat supposita; prætendebat. De hac (inquam) causa apud Cæsarem multis agēs; omnia per eloquentiam suam, ad fauorem dicti Cosmi impetravit. Cæterum anno 1557. Senarum Ciuitatis, quæ in ipsius Ducis potestatem annuo, vt diximus, tributo imposito, peruenerat; Gubernator, & Locumtenens designatus; anno 1559. Montis Alcini, & reliquæ Senarum ditionis, pro eodem, possessionem adipiscitur. Enimuerò quoniam, & Ecclesiasticarū dignitatum honoribus dignus videbatur; ecce defuncta vxore, ex qua filios susceperat, anno 1563. ad Archiepisc. Pisarū administrationem, post Ioannē Cardinalē Medicē, à Pio IV. euectus est; & anno 1565. 4. idus Martij; in eorundem Principū grā, apud quos plurius istius virtus, erat; illi ipsi tt. S. Calixti dato, sacræ purpuræ honos est delatus. Moritur is Senis, repentina morte, 11. vel vt alij 18. Kal. Septembris, anno Domini 1567. Pont. II. hora 18. Eius corpus Florentiam deportatū, in Ecclesia S. Crucis, in ornatissimo gentilitio sacello, honorifico sepulchro à Ioanne filio, donatus, in quo epitaphium hoc conditum est.

Ange-

Angelo Nicolino Matthæi filio, Angeli Nepoti, I. C. ac Senatori clarissimo, Cosmi Hetruriae Magni Ducis Consiliario, qui primò ad Paulum Tertium Pontificem Maximum, & Carolum Quintum Imperatorem Legationibus egregiè functus; deinde Senarum Gubernationi, præpositus; itemq; Pisane Ecclesiae Archiepiscopus; postremò à Pio IV. in Cardinalium Collegium cooptatus; integritate, & innocentiam suam, omnibus probavit. Obijt anno Salutis 1567. ætatis 66. Ioannes filius legitimo matrimonio procreatus, Patri optimo posuit.

VII.

IN hoc quoq; sermonis genere floruit Fr. CLEMENS Dolera Italus, ex Moniliano oppido Genuë. Diocesis, natus anno Dom. 1501. 12. Kal. Iulij, à meridie hora XIX. Qui adolescens ad Fratrum Minorum de Obseruantia, familiam se contulit; cumq; literarum studio, quæ ab humanitate nomen inuenerunt; deinde Dialecticæ, Philosophiæ, ac Theologiæ se dedisset; Magister euadens, eas scientias, multis in Gymnasijs, publicè, summa cum laude, professus est; ob quarum singularem præstantiam; ab inferioribus religionis suæ munerib. Salmanticæ in Hispania anno 1553. ad summi Ministerij apicem conscendit, ipsiq; per sex annos, summa cum omnium approbatione, præfuit. Hoc sibi ad maiores honores aditu patefacto; à Paulo Quarto, apud què; & gratia valebat; & auctoritate, anno 1557. Pontificatus Secundo, idibus Martij, Presbyter Card. tit. S. Mariæ de Aracœli creatus est, fuitq; sacri Romani Imperij Protector; cui etiam Pius IV. quod in eodem ad oēs administrationes suscipiendas aptitudinem videret, Episcopatum Fulginatensem, anno salutis 1560. cômisit. Sanctiss. Inquisit. Tribunali Clemens, cum alijs octo Cardinalib. doctrina, & pietate conspicuis præpositus, & inter alios octo Patres, qui Tridentini Cõcilij Decreta seruari curarent, delectus; pro Canonizatione Beati Didaci, eiusdem Ordinis sancti viri, deputatus. Tandem, naturæ; ex hac vita sublatus, celsit Romæ ad S. Petrum

K 4

in Monte

in Monteaureo, die Martis, in sanctissimæ Epiphaniæ Domini Festo, hora 17. anno salutis 1568. Pont. II. heredibus sibi ex testamento institutis, S. Iacobi de Vrbe pauperibus incurabilibus. Eius corpus in suo titulo, ante Altare Maius, sub lapide marmoreo, in quo literis æneis insculptum extat hoc epitaphium; tumulatur.

D.

O.

M.

Clementi Moniliano Cardinali Araceli, summa doctrina, & religionis viro, prudentia documento per omnes honorum gradus, ad summam, in Ordine Fratrum Minorum de Observantia dignitatē elato, à Paulo Quarto Card. creato; liberalitatē, quam semper uiuens exercuerat; meritis cōprobauit. Pauperes Incurabiles Hospitalis Sancti Iacobi, ex testamento heredes, beneficij accepti ergo B. M. P. Vixit annos 66. menses 6. dies 16. Obijt 8. idus Ianuarij 1568.

Ipsius singularis doctrinæ, non obscura testimonia posteritati consecrata, extant. Compendium Catholicarum institutorum, & duo perutiles tractatus. Alter de peccatis, & eorum differentijs. Alter de Sacerdotum Cœlibatu; & quædam alia. Quæ hic de Clemente desunt, apud Vbertum Folietam in clarorum Ligurum Elogijs, inueniet Lector.

VIII.

ET si tam celebris viri Io. MICHAELIS, è nobilissima inter Neapolitanos familia, olim Girifalca; ob victoriam postea de potentissimo hoste sarraceno à fortissimo equite gentile reportatam Sarracena dicta, nati Kal. Nouembris anno 1498. hora 4. post meridiē; & si (inquam) huius tã præclari viri memoria, minime cum lacrymis recensenda est; huius tamen; vt fuit vita omnibus laudibus plena; ita debet semper esse, eius

se, eius festiua, iucundaq; recordatio. Is; quia egregiæ indolis erat Philosophiæ, ac Theologiæ grauioribus studijs animum appulit, quibus id primum consecutus est; vt in Archiepiscopum Acheruntinum, & Materanum in Apulia promoueretur; & à Paulo III. anno 1546. ad celeberrimum Christiani Orbis theatrum (Tridentinum Concilium intelligo) quo non nisi eruditissimi quiq; & religiosissimi conuenerunt; mitteretur, Quem; cum Iulius III. eius præclaras dotes, & præstantem quandam in rebus forensibus modum, admiraretur; non potuit, non eum Romanis rebus rite gubernandis præficere, in cuius administratione; cum omnibus, tum verò maximè ipsi Pontifici admirabilem se præstitit, à quo anno 1551. Pontificatus II. 13. Kal. Ianuarij, Presbyter Card. tt. S. Mariæ de Aracœli creatus, Archiconfraternitatis Neophytorum protector, vna cum Innocentio Cardinale Montio, & à Paulo IV. in causis annatarum, & quindennij Camera Apostolicæ, cum Fabio Cardinale Mignanello eligitur. Et titulo verò S. Mariæ de Aracœli; ad S. Anastasiæ translatus, à Marcello II. simul atq; Pontificatum ascendit; altero ex sacerdotijs, quibus ipse in minoribus dabatur, decoratus est. Cum inter Canonicos Regulares S. Augustini Congregationis Lateranensis, & Monachos S. Benedicti ordinis Cassinensis, lis esset exorta; Pius Pont. rem totam Sarraceno, Cicadæ, & Tranensi, Cardinalibus, qui pro Canonicis retulerunt, commisit; hunc etiam, cum septem alijs eiusdem ordinis patribus, Caroli Cardinalis Carafæ quæstioni adesse voluit; & quod magis est; Iudicibus assistere, cui idem, & Morono, Cicadæ, & Alexandrino, Cardinalibus, oblata Concilij Tridentini decreta inspicienda, atq; examinanda; eosdem, & alios, qui ea seruari curarent deligendo, tradidit. Tribunali sanctissimæ Inquisitionis, præposuit; & cum Philippus Hispaniarum Rex, Beati Didaci Canonizationem expeteret; Sarracenum; præter ceteros Cardinales, qui rem examinarent, constituit, qui ex Presbytero tt. S. Anastasiæ; Presbyter tt. S. Agathæ; & mox S. Mariæ Transiberim, tt. Calixti factus; Episcopa-

scopatus Liciensis administrationem non repudiavit. Pio V. Pontifice; ut Archiconfraternitatis Hospitalis, & Monasterij Cathecumenorum, & Neophytorum Protector; vna cum Ioanne Card. Politiano, Monasterium Monialium Virginū Neophytarū angustum nimis redditum, propter magnam Iudeorū quantitatem, qui sub Pio V. ad fidem conuertebantur; à B.M. Annunciatę ad Ecclesiam S. Basilij; in regionem montiū Vrbis satis commodam transtulit. Et ex Presbytero Episcopus Cardinalis Sabinus creatus; obiit Romę die Martis, 5. Kalē. Maij, anno 1568. Pontif. III. ætatis 69. mense 5. die 26. hora 16. sepultusq; est ad S. Marię super Mineruam, vbi ante Maiores ipsius Ecclesię fores, in pauimēto extat lapis, in quo Card. insignia, & infra scripta insculpta leguntur. Ossa postea ipsius Neapolim trās lata, ibi in maiorū suorū sepulchro cōdita sūt.

D.

O.

M.

Ioannes Michaël Episcopus Sabinensis, Card. Sarracenus Neapolitanus, annum agens 69. Obijt 5. Kal. Maij.

IX.

VT cætera præclara; cum verò illud, quasi quoddam oraculū, edidisse mihi videtur Gallus ille, qui dicere identidem solebat. Tantum, in literis, & præsertim in legali sapientia positum esse; ut eas si quis sustulerit, Solem quodāmodo ipsum de mūdo sustulisse videatur. Quæ præclara sententia, videtur arrisisse Lvdovico Simonetę Italo Mediolanēsi nobilissimo, qui adeo illius se radijs illustravit, ut cum I. V. Doctor Romanam Curiam secutus fuisset, ad Episcopatum Pisauriensem, quem Iacobus item Simoneta Pauli III. Card. gentilitius, multis annis sanctissimè rexerat, ob ipsius quidem Iacobi in Sedem Apostolicam, merita; sed præcipuè ob Ludouici legalem sapientiam, morum grauitatem, & vitæ integritatem, fuerit assumptus, quas virtutes; non solū in Concilio Tridenti
no,

no, sub Paulo III. anno 1546. sed etiam in alijs muneribus, à Pontificibus sibi demandatis, summa cum integritatis, humanitatis, & iustitiæ laude demonstravit. A Pio idem Quarto ex Datario anno 1561. Pont. II. 4. Kal. Martij in Card. Presbyter. tt. S. Cyriaci in Thermis promotus; & sequenti anno, cū Pontifex vniuersale Christianorum Concilium Tridenti prosequēdum esse, & iterum inchoandum indixisset; Apostolicæ Sedis Legatis Præsidentibus, Hercule Gonzaga Mantuano, Hieronymo Seripando Neapolitano, & Stanislao Hosio Polono Cardinalibus, missis; his, haud ita multo post; Ludouicus, & Marcus Sitticus Altaempsius, adiuncti sunt, cui Concilio, cum postea finis esset impositus, idem Simoneta, & Ioannes Card. Moronus, duo ex ipsis Legatis; quibus id publicè fuerat à Patribus Concilij demandatum, Romam reuersi, ipsorum nomine omnium in ipso Concilio actorum confirmationem à Summo Pontifice petierunt, & diplomate eiusdem, dato Romæ 8. Kal. Februarij, anno 1564. obtinuerunt. Nec me præterit, eundē Ludouicū in octo Patres, qui ipsius Concilij Decreta seruari, debebant curare, delectum; & inter nouem eiusdem Ordinis, qui sanctissimæ Inquisitionis tribunali præpositi erant, deputatum; Signaturæ tandem Iustitiæ præfectum fuisse; qui ex Presbytero S. Cyriaci factus Presbyter tt. S. Anastasiæ, ab hominibus, ad superos feliciter demigrauit Romæ die Veneris, pridie Kalend. Maij, hora noctis prima, anno Sal. 1568. Pij Papæ V. Pôt. III. sepeliturq; ad S. Mariā Angelorū in Thermis apud Carthusianos; Et hæc de Ludouico Simoneta.

Verū non abre fuerit; scelestū facinus, patratū à nefario quodā hominē, qui Simonetæ Card. facie persimilis; ipsius nomē, habitumq; usurparat, in memoriā reuocare. Erat iuuenis infimæ conditionis; ex patre tamen Dei timorem præ oculis habente, natus, qui (vt pleriq; malorum) spreto ipsius consilio; hortabatur. n. hūc pater quotidie, vt ad artem aliquam exercendam, qua victum sibi pararet, animum induceret; prædonibus comitem se addixit, & talem se in latrocinij ostendit; vt breui inter ip-

ter ipsos, primum locum sit consecutus, & eò temeritatis venit, vt; quò facilius furari sibi liceret; cum Ludouicum Simonetam facie representaret, Cardinalis habitum indutus, & ipse Card. simulata grauitate, sibi Legati nomen arrogans, magna latronū caterua insequente, quasi honesta familia, qui ipsi in diuersis officijs coram inseruiebant coronatus, multis in locis in Ciuitatum finibus, in montibus præsertim vagans; impedimenta Matrimonij in tertio, & secundo affinitatis gradu, & dispensationes concedendo, renunciationibus beneficiorū admissis; excommunicationis vinculo annexis, liberatis; indulgentijs cōcessis; & alijs similibus, vel etiam multò maioribus, quæ Legatus de latere facere consuevit, perpetratis; tantā auri vim, ex his sibi comparauit; vt tota supellestilis, ex auro, atque argento, esset confecta, ex quo factum est, vt in tanta haberetur exultatione, vt eum multi nobiles aliquando comitati sint, hospitio honorificè exceperint, necnon preciosis muneribus fuerint prosecuti, inter quos Annibal Lambertinus nobilissimus Bononiensis, Podij Rognatici Comes, hunc per comitatum suum iter agentem, vt domum suam diuerteret, eum suppliciter rogasset, ab hoc in eo hospitio, in quo morabatur; lautissimo, ac splendidissimo conuiuium, fuit exceptus. Cum autem in ditionē Bononiensem (Deo ita permittente) qui, vt ibi, quæ multis in locis concederet, venisse, Petrus Donatus Cæsius, Urbis tūc Præfectus, postea S.R.E. Cardinalis, audiuiisset; licetorib. missis, eundem cum nonnullis ex familiarib. (nam multi fugæ se dederant) captum, & teterimo carceri mancipatū, cum multa vir scelestissimus indigna confessus esset, suspendendum condemnauit, quod factum est, laqueo aureo ad collū appenso, & marsupio vacuo, ac inscriptione, qua populum; non hunc esse Cardinalem Simonetam, vt se iactabat: sed grassatorem, tunc sine moneta moneret. Itaq; tantis pecunis per fas, ac nefas congestis, hoc effecit, vt aureo laqueo empto suspensus vitam, quam scelestissime transigerat, scelestissimè etiam finiret.

X. Si

X.

SI facta præclarorum, atq; insignium virorum, æterna seculorum memoria dignissima, pro dignitate, quemquam prosequi posse putarem; esset profecto, quod me non mediocriter commoueret: sed illud est mihi in tanto negotio leuaminis, quod, teste sapientissimo, atq; eloquentissimo viro, tantum abest, vt externa exornatione alicuius laudes magis extollantur, vt potius eleuentur; sed quoniam virtute clari laudandi sunt, ad aliorum exercitationem; Horatij exemplo.

Paulum sepulta distat inertia,

Celata virum.

Elogij nostri breuitate prosequemur Fr. BERNARDVM Iacobi Saluiati nobilissimi Florentini, & Lucretiæ Mediceæ, Leonis Decimi Pont. sororis, filium, Ioannis Saluiati Card. fratrem. Is habitum militarem Rhodiæ Militiæ sub Clemente Septimo, sumens, eo. s. tempore, quo religio ab vrbe Rhodo à Solymano Turcarum tyranno, post diurnam obsidionem, expulsa, Melitam Insulam, Carolo V. Imperatore concedente, colere cœpit; iuuenis adhuc; sed strenuus, ipsius triremium Præfecturam consecutus, Turcarum maritimas oras perlustrans, sancta quadam, pro expulsa Militia, indignatione correptus; Coronem, & Modonem, Ciuitates, quæ in Peloponesi ditione sitæ sunt, vi acceptas, ac deuictas, sacre Religionis adscripsit, à quibus postea, vtpotè à præsidio nimium distantibus, eadem defecit; cui, ob id, Militia, Romanum Prioratum eiusdem Ordinis, quæ dignitas, non nisi Principibus viris defertur, contulit. Ceterum cum Clemens Põt. obiisset; Bernardus, cum Philippo Strocio, & Laurentio Rodulpho, à fratre Cardinale; & alijs Florentiis extorribus Barcinonam mittitur Carolum Quintum Imperatorem rogatum, vt Patriæ restituat libertatem. In Galliam postea profectus cum eodem Philippo, strenuorum militum Dux factus; fortem, & imperterritum se in bello demonstrauit;

sed

sed non multò post à Catherina Francorū Regina, ipsius cōsan-
guinea in Aulā Aduocatus, ea ab incertis belli cūctibus, ac pe-
riculis, ad vitæ pacatioris statum adhortante, clericali habi-
tu sumpto, à Rege nonnulla sacerdotia; mox eiusdem Regi-
næ maioris Eleemosynarij munus obtinuit, in quo obeundo
tantam præsetulit pietatem; vt ad Episcopalem dignitatem
euectus, in Claramontana Ecclesia Guilielmo dū Prat Antonij
Cardinalis, ex legitimo matrimonio filio successerit; electus
etiam S. Papuli Episcopus, quod Sacerdotium Antonio Maria
Saluiato Cameræ Apostolicæ Clerico, & postea S.R.E. Car-
dinali nepoti celsit. Bernardum tandem, Pius Quartus Re-
gina semel, iterum, ac tertio instante, & singulares eius virtu-
tes prædicante, & Cardinea dignitate dignas approbante; in
secunda octodecim Card. creatione, Romæ 4. Kalen. Martias,
anno salutis 1561. Pontificatus Secundo, Presbyterum Card.
tt. S. Simeonis creauit, ex quo titulo Pio V. sedente; ad S. Pri-
scæ translatus, ex hac mortali, ad immortalem vitam se tran-
stulit, Romæ anno 1568. Pij V. Pont. Tertio, die Iouis, pridie
Nonas Maij, hora noctis prima, sepeliturq; in sanctæ Mariæ su-
per Mineruam.

XI.

Quamuis aliqua ex maiorum antiquitate, ac nobilitate
gloria possit emanare; certior tamen habenda est (vt
ait Valerius Maximus) ea nobilitas, quam sibi quisque
suis virtutibus parat; quam, quæ ex maiorum tantum imagi-
nibus cuique contingit; hos. n. qui tantum de maiorum suorū
nobilitate gloriantur, celeberrimus Orator obiurgat. *Quid
maiores (inquit) vestros nominatis? Qui si vestri similes fuissent,
vos hodie in postremis iaceretis; si quales vos estis, tales ipsi fue-
runt, indigni sunt, qui nominentur: sin alij; vos indigni, qui eos
nominetis.* Non se igitur iactabat ob maiorum suorum nominis
celebrationē; sed propter virtutes suas FRANCISCVS Abundius
Italus, Hieronymi Castillionæi nobilissimi Mediolanensis, &
Ciu-

Ciuitatis Senatus Regij Præsidis filius, natus anno 1523. Kalē. Februarij, cuius familia; vt Cathalogo Sanctorum adscriptos viros, Mediolani, & aliarum Ciuitatum Antistites, & cæteros toga, atq; armis celeberrimos proceres omittam; Cœlestinum IV. Summum Pontificem, Octauianū SS. Sergij, & Bachi; post Ostiensem Episcopum; Lucij III. Gotifredum S. Hadriani, Innocentij Quarti; Brandā Placentinū, Ioannis XXII. & Ioannē Papiensem Calixti III. Cardd. edidit in lucē. Is adhuc iuuenis linguæ græcæ, ac latinæ cognitioni studuit, & Ticini in leges Pontificias, ac Ciuiles incubuit, multum etiam poëtica arte delectatus, qua nonnulla sermone Hetrusco composuit, quæ inter alia variorum Authorum Hieronymus Ruscellus posuit lib. 6. vt etiam quædam pia in laudem B. Virginis, quæ Matthæus Castillionæus recenter mundo communicauit in ijs Cōmentarijs, in quibus Francisci meminit; ijs etiam addidit Philosophiam, ac sacram Theologiam, quibus animum appulit. Nobilissima post S. Abundij Comensis Abbatia Cisterciensis Ordinis insignitus Philippo eius patruo Iuriconsulto, & literis humanioribus eruditissimo viro renunciante, eā rectè, & ritè regens, cum; non solum singularem Philippi in ea instituenda administrationem adæquasset: sed etiam superasset, ad Episcopalem post grauissimam ægritudinem, quæ ad mortis vsq; limina eum adduxerat; Bobij cathedram à Pio IV. anno 1562. 5. Idus Ianuarij promotus, & ad Concilium Tridentinum missus; triennio post Pont. VI. in 4. 23. Cardinalium creatione, IV. Idus Martij, Presbyter Card. tt. S. Nicolai inter imagines creatur, qui, Episcopatum postea prædictum; non gentilibus; sed viro dignitatis verè digno, Luganensi cuidam Camutio familiari suo, viri eruditissimi, & religiosissimi virtutem admiratus, renunciavit. Is etiam Castillionææ familiæ suæ monumenta; ex annalibus, ad historiam à Bonauentura Castillonæo, redacta, in cathalogum reduxit, eaq; Camillo Castillonæo viro literis expolito dono dedit, quibus Ant. Befa Nigrinus I. V. Doct̃or Dominus, atq; amicus meus, vir in omnibus disci-

disciplinis; sed præcipuè in Iure, ac politioribus literis excellens, in componendis elogijs insignium virorum huius Illustrissimæ familiæ vsus est, quæ lectori; vt ei magis innotescant Francisci virtutes, legenda relinquimus; hoc tantum de ipso dicturi, leges, ac mores Collegij Castillionæi Ticini, olim à Brada Cardinale erecti; ijs propè destituti reformasse, & proprio sumptu etiam restaurasse, eiq; multa moriens piè legasse, necnon pulcherrimæ sepulturæ Coelestino Papa Quarto erigendæ principium dedisse; quæ ipso mortuo, imperfecta mansit. Obijt enim Romæ die Martis 18. Kal. Decembris, anno 1568. Pontif. III. hora noctis secunda; sepeliturq; in S. Maria de Populo in marmoreo, quod nunc cernitur sepulchro, vbi ad læuam eiusdem Ecclesiæ, & ipsius effigies, elogiumq; (vt illud, quod Paulus Manutius instantibus testamenti executoribus, composuit, taceamus) subscriptum videre est.

D.

O.

M.

Francisco Abundio Castillionæo Mediolanensi, Hieronymi Senatoris Mediolani Præsidis, filio, S.R.E. Presbyt. Card. Coelestini IV. Pont. Max. Octavianiani, Gotifredi, Brandæ, & Ioannis Card. gentili; Pio IV. Pontifici Maximo valdè caro, atq; ab eodem; ob fidem, ac pietatem, quam Episcopus Bobiensis in Tridentino Concilio præstitit, in amplissimum Collegium cooptato. Vixit annos 45. obiit anno 1568. 18. Kal. Decembris. Ioseph Castillionæus I. C. heres, patrueli, & Ioānes Iacobus Archiepiscopus Barenfis, cōmune M. P. Excepto donec veniat immutatio mea.

Præter gentis stemmata, Franciscus in celeberrima Fidentium Academia Ticini, pro insigni habuit sertum frondibus lauri, quercus, & oliuæ insertum, super Altare positū, cum hac inscriptione. *Triplici virtute micatur. vel cum hac alia; Si re et facies.*

XII. Fal-

XII.

FAlsum esse illud prouerbium, quod vulgata populi paroc-
mia circumfertur. Filios, videlicet, Heroum noxas esse,
ostēdit VITELLOTIUS Vitellius nobilissimus Tiphernas Ita-
lus, ab ipsius Ciuitatis Regulis originē ducens Alexātri illius,
in tota Europa celeberrimi viri, exercitus Imperatoris strenui-
simi, cuius opera tres Summi Pontifices, Clemens VII. Paulus
III. & Iulius III. vñ sunt; Angelæq; Rubæ filius, qui annorum
quatuordecim Patauium missus, quo se virtutū ornamentis ex-
poliret, spatio sex annorum, legalis sapiētiae toga meruit con-
decorari. Cum Romam ergo venisset, & virtutum suarū quos-
dam, quasi radios effundere cōpisset; à Iulio Tertio Cameræ
Apostolicæ Clericus; mox Patrię Episcopus electus est; Pau-
lus verò IV. cum Vitellorium, non omnibus, quos merebat, ho-
noribus non potuisse decorari, à Iulio Tertio videret; cum an-
no 1557. Pont. II. idibus Martij; dū secundo Cardinales pro-
moueret, Diaconum Cardinalem SS. Sergij, & Bacchi creauit;
cuius apud eundem, vsq; adeo authoritas valuit; vt in difficilio-
ribus negotijs, nihil ille publicè, aut priuatim ageret, quod nō
prius Vitellorij consilium approbasset. Qui pace inter ipsū
Pont. & Neapoli Proregem Albæ Ducem, post diuturnum bel-
lum, summa prudentia composita; eodem anno Pio IV. seden-
te, è SS. Sergij, & Bacchi, ad S. Mariæ in Porticu; & post ad
S. Mariæ in via lata Diaconatum trāsatus; anno 1564. defun-
cto Guidone Ascanio Cardin. Sfortia S. R. E. Camerarius, se-
ptuaginta millibus aureis Cameræ Apostolicæ solutis, renun-
ciatus, ac Episcopatus Imolensis administrator; Campaniæ, &
Maritimę de latere Legatus declaratus; adnumeratusq; inter he-
reticæ prauitatis Inquisitores; Congregationibus pro interpre-
tatione, & exequutione Concilij Tridentini; B. Didaci Cano-
nizatione; pro Tyberis inundatione coercenda; bonorumq;
Ecclesiasticorum malè alienatorum cognitione; Signaturæq;
Gratiæ præficitur; Regni Gallorum protector, ac Priuilegio-
L rum,

rum, quæ Pius Quintus exercentibus artē Agriculturæ in distri-
ctu Almæ Urbis, blandaq; , ad eandem Urbem deferentib. cō-
cesserat, Conseruator deputatus; ex his, atq; alijs multis mu-
neribus magnam sibi Cardinalis hic laudem comparauit. Ac-
cedit ad hæc, quod fuit diligentissimus indagator actionū Sum-
morum Pontificum, & Cardinalium antiquorum, multaq; ad
hanc rem spectantia; summo labore, ac magnis sumptibus, ex
Archiujs, & Bibliothecis publicis, ac priuatis, Auinioni, Lug-
duni, & aliarum urbium in Gallia, Hispania, atque Italia col-
lecta sunt, quæ si ad continuatam historiam redacta; typis, vt
ipse statuerat, mandata fuissent, tantam antiquorum Præsu-
lum iacturam gloria non fecisset, neq; nos hodierna luce præ-
clare gesta desiderari, frustra conquereremur. Sed heu, quot
virtutum vno momenti spatio iacturam fecit Resp. Christia-
na. Qualem virum, quod sydus amisimus? loquor improprie,
& torrente rapior vulgaris elogij. Ita verò me ille amet, cuius
in amore felicitas vera est, vt ego viuētium fama forte aliquos,
neminem sibi, vel ingenio, vel legali sapientia, vel tandem mo-
rum suauitate præferendum noui. Obijt Vitellotius Romæ die
Veneris 13. Kal. Decembris, hora noctis 2. anno Domini 1568.
Pontificatus III. ætatis 37. sepeliturq; in sua Diaconia Sanctæ
Mariæ in via lata.

XIII.

INter eos, qui patriam suam, rebus præclarè gestis, & clari-
tate sui nominis illustrarunt, nemo mihi præclarius de pa-
tria bene mereri videtur, quam, qui eam propria virtute;
non ex fumosis antiquorum suorum imaginibus, desumpta,
moribus, exemplis, ac pietate; plusquam armis, aut literis or-
nant, instruunt, atq; defendunt; & ij quidem, quantò rariores
sunt, tanto præstantiores sunt habendi. atq; ex ijs mea sanè sen-
tentia extitit Io. BERNARDINVS Scotus, è castro Maliani Sabi-
nensis Diœcesis, vir quidem honestis natus parentibus; sed li-
terarum vsu, rerum, ac vitæ honestate longè præstantior. Is;
rerum

rerum humanarum curis affatim destitutus, in ipso ætatis flore, & ipsius religionis fundamentis, nouam Clericorum Regularium Cōgregationem à Ioanne Petro Carafa Theatino Episcopo; post S. R. E. Cardinale; & demum summo Pontifice institutam, quæ Theatina dicta est; ingressus, seuerioris vitæ cultum, cum ipso, & alijs huius pij instituti socijs professus, ab eodem ad Apostolatus Apicem euecto, Tranësis Archiepiscopus; mox anno 1555. Pontificatus I. 13. Kal. Ianuarij Presbyter Card. tt. S. Matthæi in Merulana creatus, ipsius integritati, ac prudentiæ totam rerum summam commisit, cui etiam quantum fideret, Ioanniq; Reumano, & Ioanni Baptistæ Confiliario, Cardd. ostēdit idem Paulus, constitutione 19. quando grauissimis alijs curis impeditus; his, cum consilio, & voto Ioannis Antonij Vrsini, & Aloysij Lipomani Bergomensis Episcopi, quæcumq; negotia Almæ Urbis, & totius Ecclesiastici status cognoscenda, commisit. Hic sedente Pio IV. ad Episcopatum Placentinum, anno 1560. translatus, annotationes multas; olim sub Paulo IV. qui orandi, & celebrandi, varietatem, in diuersis Ecclesiarum locis, per abusum introductam, constituerat emendare, super Romani Breuiarij reformationem factas collegit; Missaleq; ab Alexandro Brixienfi tunc reformatum, examinauit, & sacris Concilij Tridentini Patribus (Pontifice mandante) misit, sicq; Breuiarium, & Missale Romanum ad pristinum morem, & institutum; vt nunc cernimus, ipso in primis, Bernardino Card. Tranëse, Egydio Foscarario nob. Bonon. Mutinēsi Episcopo ordinis Prædicatorum, viro vitæ sanctimonia illustri, alijsq; patribus ad id munus à summis Pontificibus Pio IV. & Pio V. delectis, elaborantibus, redacta sunt; cui etiam, & Ioanni Michàeli Sarraceno, & Ioanni Baptistæ Cicadæ item S. R. E. Presbyteris Cardinalibus litem inter Canonicos regulares S. Augustini, congregationis Lateranensis, & Monachos ordinis S. Benedicti congregationis Calfinensis super ipsorum præcedentiam, audiendam, & sibi referendam, Pius IV. commisit. A Pio V. Scipione Rebiba, Fran-

cisco Pacieco, Ioanne Francisco Gambara Cardinalibus sanctissimo officio Inquisitionis hæreticæ prauitatis Præfectis, inter hos ipse Tranensis primum locum tenuit; qui obiit Romæ die sabbathi 3. Nonas Decembris anno à partu Virgineo 1568. Pont. III. ibiq; in S. Pauli Basilica, extra Urbis moenia, via Ostiensis moli sepulchrali corpus demandatum est, vbi in Sanctissimi Sacramenti sacello Sarcophagum sibi extruxerat hoc titulo inscriptum.

Ioannes Bernardinus S. R. E. Cardinalis, Episcopus Placentinus, viuens sibi posuit anno Domini 1563. Οὐκ ἀπέθανεν, ἀλλὰ καθεύδει. idest non mortuus est: sed dormit.

XIV.

INiqui planè arbitror in hac clarissimorum virorum classe obliuisci nominis celeberrimi Io. ANTONII Capisucci nobilis Rom. qui Pauli Capisucci Rotæ Decani, & post Neocastrensis Episc. patrui, celeberrimi viri, iuuenis adhuc, virtutes imitatus, in eodem sacro Auditorio, post minora adhibita officia; tum ob singularia patrui merita; tum ob admirabiles legalis prudentiæ assertiones laudabiliter per multos annos versatus est, cuius in eo munere cognitis præclaris dotibus, Paulus Quartus in secunda septem purpuratorum Patrum ordinatione, anno 1555. Pontificatus I. 13. Kal. Ianuarij, Romæ habitata, eum Presbyterum Card. tit. S. Pancratij; & post Laudensis Ecclesiæ Episcopum creauit; quæ Pius IV. è tit. S. Pancratij, ad S. Crucis in Hierusalem; post ad S. Clementis titulum transtulit; & Pius Quintus Vitellotio Cardin. Vitellio, vita functo, Signaturæ Gratiæ Præfectura cohonestauit, sub quâ, ex hoc corporis ergastulo animâ exhalauit anno incarnationis diuini Verbi 1569. Pontificatus IV. die Sabbathi, 4. Kal. Februarij, hora 12. & in suo titulo sub lapide in pavemento propè sacellum eiusdem familiæ collocato, sequenti elogio inscripto contumularatur.

D.O.M.

D.

O.

M.

Ioanni Antonio Capisucco tt. S. Clementis, Presbyt. Cardinali, Episcopo Laudens. à Pio Quinto subsignandis Gratia rescriptis præposito, viro integerrimo, pietatis, religionisq; Christianæ cultori præcipuo. Hieronymus Capisuccus patrno B. M. posuit. Vixit annos 53. menses 3. dies 8. obiit 4. Kal. Februarij 1569.

XV.

Sapienter quidem fecisse censendus est ille ipse PHILIBERTVS Naldius Burdesius Gallus, patris Equestris ordinis viri, & totius Galliæ Regni exedificationibus Præpositi; & Mariæ Gaudim filius, qui; cum non ignoraret hominem; immortalẽ, ac diuinum à sola virtute fieri, in Parisiensi Academia; ita literis vacauit, vt nulla habita ætatis ratione, adhuc iuuenis Engolismensem; & postea Antisiodorensẽ Ecclesiã suscepit, moderandas; factusq; sit de Consilio Henrici Secundi Regis, in cuius Aula; cum nomen suum celebre reddidisset, duplici laude, & doctrinæ, & prudentiæ identidem commendabatur, ex quo factum est, vt ab eodem Rege Romam ad Paulũ IV. Pontificẽ Orator mitteretur, in quo munere obeundo, magna cum sui gloria, & Henrico, & duobus Regibus ipsi successoribus, & Summis etiam Pontificibus Paulo, & Pio IV. satisfecit, & propterea ad Cardinalatus fastigium; non minus Carolo IX. instante, quam ipso Pio spontè deferente, propter singulares eius virtutes, in secunda 18. Cardinaliũ electione Romæ, 4. Kal. Martij, anno 1561. Pont. II. habita, creatus Presbyter tt. S. Sixti; & post tt. S. Martini in Mõtibus euectus sit, qui titulo alio relicto, S. Anastasiæ titulum sumens, anno 1570. Pij V. Pontificatus V. 7. Kal. Februarij, morte repentina, Romæ occubuit; cuius corpus in S. Ludouici Nationis Gallicanæ Templo, sepulturæ demandatum est, vbi in ipsius Ecclesiæ pavimento propè portã lapis inuifitur, sequenti epitaphio inscriptus.

L 3

D.O.M.

D.

O.

M.

Philiberto Naldio Burdesio S. R. E. Card. trium Gallia Regum, Henrici II. Francisci II. & Caroli IX. apud Paulū IV. & Pii IV. Pont. Max. Legatione perpetua, egregiè functo. Maria Gaudim mater; Philibertus, & Fabritius nepotes posuerunt. Vixit annos 57. ob. anno 1570. 7. Kal. Februarij.

XVI.

S Equitur, vt de viro; doctrina, & nobilitate illustri, M. ANTONIO Amulio Equite, & patritio veneto, nato anno Domini 1505. pridie idus Februarij, hora post meridiem 18. verba faciamus; qui eximiam eloquentiam, ciuiliū rerū singularem peritiam, & multiplicem doctrinam; iam inde à prima ætate; assiduo vsu, ac tractatione affecutus; pro patria Rep. Ciuitates prudenter rexit; Legationibusq; apud summos Principes functus est diuersis temporibus; & præsertim Iulio Tertio sedente, apud Carolum V. Imperatorē; & sub Paulo Quarto, è prætura Veronensi rediens, ad Philippum Secundum Hispaniarum Regem; postremò apud Pium Quartū Pontificem, suis virtutibus; eum apud ipsum Pontificem auctoritatis, & honoris locū obtinuit, vt nihil prorsus Pontifex; nisi de Amulij consilio ageret, cuius singularia merita; amplissimis dignitatibus, remuneratione dignissima, cum gratus Pontifex iudicasset, Veronensem Ecclesiam; tunc vacantem, quæ postea Nauagerio, Cardinali item Veneto tradita est, infcio; ipsi Marco Antonio conferendam statuerat, sed Senatus Venetus; re perspecta, idq; grauitè ferens, quod antiquissimis legibus, quibus Oratores vllam dignitatem accipere prohibebantur, aduersaretur, Hieronymo Soranzo illi successore decreto M. Antonium ab officio reuocat, qua re commotus, & offensus Pontifex, ad Senatū literis manu propria scriptis, affirmans; quæ in Amulij personam agere ipse proposuerat, idem omnino ignota fuisse, & ob
id nil

id nil contra patrias leges egisse; ut pristinae dignitati restitua-
tur; etiam, atq; etiam eundem rogat, quod tandem in ipsius gra-
tiam factum est, addito etiam ei ab eodem Senatu honorifico
quingentorum aureorum dono. Hunc paulo post idem Pius,
cum propter admirabiles virtutes, non satis posset admirari, &
quouis dignum honore prædicare, Pontificatus sui anno secun-
do, salutis 1561. nil tale cogitantem; Sanctæ Romanæ Eccle-
siæ Diaconum primò; post Presbyterum Cardinalem t. Sancti
Marcelli pronunciauit, & quamvis Resp. Veneta, ob superius
dicta ipsius consanguineis purpuram, & propter Cardinalatus
fastigium, ut moris est, prohiberet, lætitiæ; & publicæ, & pri-
uatæ signa, neq; quoad vixit cum ipso, & eius gente reconcilia-
ri; quod ipse enixè multoties tentauit, voluerit: tamen tota
Resp. Christiana de tanti viri dignitate lætata est. Episcopus
postea Reatinus ab eodem Pontifice; mox Apostolici Palatii
Bibliothecarius; ad coercendasq; Tyberis innūdationes, cum
alijs Cardinalibus electus, coram ipso, & Cardinale Alexandrino,
postea Summo Pontifice, Abd Isu Patriarca Muzalè, Oriën-
talis Asyriæ, qui; ut Apostolorum limina, & Pium Pontificem
salutaret Romam venerat, S.R.E. fidem professus est; quem Ro-
mæ agentem fouit, ac in Patriam redeuntem; ut à Pio Quarto
amplis muneribus liberalissimè donaretur author extitit. Hic
tandem à Pio V. una cum Simoneta, & Vitellotio, Cardinalibus
super artem Agriculturæ deputatus; ut est hominis proprium,
Romæ anno Virginei partus 1570. Pontificatus V. 3. idus Mar-
tij, die Lunæ, 65. ætatis suæ anno, moritur; corpus in S. Iaco-
bi Hispanorum Templo depositum; Venetias postea translātū
in S. Iob, Ordinis Fratrum Minorum de Obseruantia in sacra-
rio sepultū est. Requiret hic fortasse quispiam diffusius Amu-
lianæ doctrinæ elogium, sed quia nostrū hoc non est; huic, Epi-
stolæ, quas ipse conscripsit, familiares, Orationes Italicæ, & la-
tinæ contextæ; Tractatus de sublimi genere dicendi; & præcla-
rum etiam, de huius, dum adolesceret, virtute Petri Cardina-
lis Bembi lib. Epist. 2. testimonium facient satis.

Militari gloriæ, qua Ligures in primis floruerunt, totam virtutem respondere declarant magnorum honorum præmia omnibus ætatibus viris eiusdem nationis tributa, inter quos; quâvis multa à multis de Io. BAPTISTA Cicada nobilissimo Genuense, anno 1510. sexto Kal. Iunij, hora 15. post meridiem nato, scriptis fuerint mandata: nos tamen; ne nostri elogij spes eum frustraretur, eius præclarè gestorū famā non dubitamus interpolare. Hunc Edoardus patruus Soanenſis Episcopus, qui sciebat hominem literarum ignarum; nō virum: sed pecus, aut certè si hominem; non hominem liberū: sed mancipium, ac seruum esse, ac Ioanni Baptistæ literas; si nihil aliud, hoc saltē, vt Philosophus ille dicebat; Quod in theatro lapis supra lapidem non sedebit, esse allaturas, liberalibus disciplinis tradidit instituendum; cui patruo grati animi inditium, vita functo, in Laurētij Cibò Card. Beneuentani sacello Romæ, in D. Mariæ de Populo Aedibus, idem Io. Bapt. monumentum posuit. tantū ergo valuit ingenua adolescentis educatio, & Pōtificij, & Cæsariani iuris institutio, vt vniuersæ Romanæ Curie carissimus; sub Paulo Papa Tertio, primò vtriusque Signaturæ Referendarius; mox anno Domini 1539. Petro Paulo Parisio ad Cardinalatum promotō, Pontificijs, & Fiscalibus causis audiendis, Præfectus (vulgo Cam. Apostolicę Auditorē vocant) sit designatus; in quo officio; præter reliquos Vicarium (Locumtenentem dicunt) habuit Vgonem Boncompagnum Bononiensem, quem nostra tempestate S.R.E. Cardinalem, & Summum Pontificem vidimus renunciatum; est etiam, quo ipsum non mediocriter exornat, Ingaunorū (vulgo Abingansenſium) inter Ligures Episcopatus, & ad sacrum Conciliū Tridentinum missio, ob cuius præclarè gesta, & in Episcopatu, & in Concilio à Iulio Tertio anno 1551. Pontific. II. 13. Kal. Ianuarij Presbyter tt. S. Clementis, in sacrum Senatum cooptatus

tatus est; & honesta Campaniæ Legatione cohonestatus, eundem Vgonem Boncompagnum Prolegatum apud se habuit, à quo Pont. Apostolicarum literarum, contra non soluentes annates, & quindennia Romanæ Cam. Apost. vna cum Guidone Ascanio Sfortia, S.R.E. Camerario, Præsident factus; Pio IV. sedente, iudicio Caroli Card. Carafæ, & ad examinanda sacri Concilij Trident. Decreta, proq; ipsorum executione; sanctissimæ item Inquisitionis tribunali, cum alijs, de quibus, pluribus antea in locis egimus, præpositus est. Controversiâ is inter Pontificem, & electi Imperatoris Maximiliani Oratorem, de solenni iuramento præstâdo, Carpenſe, Tridentino, Augustano, & Vitellio, item Cardinalibus, ad hoc cum ipso delectis, cõposuit: Ecclesiasq; Morinensem, Aëtienſem, & Candienſem Cathedrales, administravit; & sub Pio V, ex Presbytero Sancti Clemētis, ad tt. S. Agathæ; mox ad Episcopatû Sabinensem trāsatus, factus Monachorum Cõgregat. Oliuetanæ Protector; breui afflictione, vitam sibi peperit æternâ. Obijt Romæ 6. idus Apr. die Sabbathi, surgēte Aurora, anno salut. humanæ 1570. Pontificatus V. sepeliturq; ibi in diuæ Mariæ de populo in sacello familiæ Ruuereæ, sub Marmore his literis æneis insculpto.

D. O. M.

Ioanni Baptiste Cicada Genuensi, Episcopo Sabinen. S. R. E. Card. S. Clementis, viro; ingenij acumine, & vbertate consilij admirabili, omnium officiosissimo; iuris rerumq; urbanarum, ac forensium usu, ac intelligentia peritissimo, libertatis Ecclesiastica defensori studiosissimo, Carolus Cicada Episcopus Albinganensis hæres, ex testamento patris b. m. posuit; Vix annos 60. obiit die VI. I. Aprilis 1570.

XVIII.

Succedit Cicadæ ALOYSIVS Pisanus, Patritius Venetus, Frācisci Pisani, Leonis X. Card. ex fratre Nepos, qui illi; celebritatis nomine non est secundus. Is admodum iuuenis, cum

cum nulla in eo virtus desideraretur, patruo Card. renuncian-
te, Patavinam Ecclesiam administrandam suscepit, hancq; dum
vixit, prudenter, ac felici auspicio rexit, qui; ob multiplicem
in illa administratione cognitionem demonstratam, Concilio
Tridentino, sub Pio IV. celebrato interfuit, à quo; non multo
post; ex Præsidente clerico Apostolicæ Cameræ, in eiusdem
Francisci patruui, tunc Ostiensis Episcopi; & sacri Cardinalium
Collegij Decani gratiam, & in virtutum suarum, ubiq; paten-
tium, præmium; dum quarto Cardinalium comitia Romæ, an-
no Pontificatus VI. sal. 1565. 4. Idus Martij haberet, absens
Presbyter Cardinalis tt. S. Vitalis, creatus est, cui iunioris no-
men; ad differentiam alterius senioris ab Aula Romana, impo-
situm est. Hic anno redemptionis humanæ 1570. Pont. V. æta-
tis 45. Pridie Kal. Iunij die Mercurij Venetijs ad Dominum mi-
grauit, cuius corpus in S. Mariæ Ecclesia de Zebenigo propè
paternam domum depositum, in S. Mariæ gratiarum apud Hie-
ronymos in Insula, ante Altare Maius in pavimento, sepul-
turæ traditum, cum hac inscriptione marmoreo lapide coo-
peritur.

*Aloysio Pisano Card. Sorores pientissima ex testamento posuere,
obiit anno 1570.*

XIX.

Verissimum esse illud, quod scriptum reliquit M. Tul. pro
Archia Poëta. Omnes. s. trahi laudis studio, & optimum
quemq; maximè gloria duci. cum primis in florentissi-
ma Venetorum Rep. compertum est, quæ FRANCISCVM Aloy-
si; Pisani Patritij Veneti, & S. Marci (vt illi dicunt) Procura-
toris; magni, & clari viri filium, instante apud Leonem Deci-
mum Leonardo Lauredano eiusdem Reipub. Principe, vt cū
duos haberet in sacro Cardinalium Collegio ciues suos, Do-
minicum Grimanum, & Marcum Cornelium; alterum aduer-
sa vale.

sa valetudine; alterū senio confectum; adolescentem, ex eiusdem Ciuibus in idem sacrum Collegium cooptaret, postulabat; ne deesset per aliquot annos, qui ex sua Repub. ea dignitate fulgeret. Ab eodem Pont. anno 1517. Pontificatus V. Kalen. Iulij, in quinta illa celebri 31. Cardinalium creatione; ex Protonotario Apostolico, Franciscus, Diaconus Card. Sācti Theodori annumeratus est. Qui paulo post, ipso Leone adhortante Iura Petri Bembi Veneti, Pontificis ab epistolis, optima in fructibus Monasterij Arbenſis ratione Salinarum prouentibus, qui ipsi iniuste retinebantur, defendenda; pro viribus suscepit. Clemente verò VII. Pont. ex Diaconatu S. Theodori, ad S. Marię in porticu; mox S. Marci translatus, Romę in Aedibus, mortuo Io. Antonio Marostica ipsius familiari ex pestilentis morbi contagio, anno 1523. ad S. Potentianam animo consternatus, aufugit; sequenti, in meliorem statum auocato, Marco Card. Cornelio Episcopus Patauinus eligitur, cuius Ecclesię, cum possessionem iniret, in laudem ipsius eleganter Antonius Porcellinus V. I. Doctor, & Eques Patauinus, perorauit, quę Ecclesia magnificentijs ipsius munere, & ope postea edificata est. Anno 1527. eodem Clemente in Hadriani mole à Cæsarianis Militibus obsessa, deditioe facta, quo sanctius Carolo Cæsari, fidem obligaret, Franciscus cum Triuultio, Gaddio, Vrsino, & Cæsio Cardinalibus, obses datus est. Hic eodem anno Bernardo Rubeo vita functo, Triuifanam Ecclesiam regendam, suscepit; & anno 1550. Innocentio Cibò mortuo; S. R. E. Archidiaconus renunciatus, ex eo munere anno 1555. ad Episcopatum Albanū; postea Tusculanū translatus; Euomienſis; mox Narbonen. Cathedralium Ecclesiarum administratione decoratus; sub Pio IV. ex Tusculana, ad Portuensē, & S. Rufinę; & è viuis erepto anno 1568. Rodolpho Pio Card. Carpenſe, ad Ostiensē, & Veliternam Ecclesiam translatus, sacri Cardinalium Collegij Decanus factus; Seſino Turcarum Tyranno, anno 1572. Remp. Venetam bello adorto, in patriam Pius, vt aliquam opem ipsi ferret, eidem in illo

illo bello eroganda quatuormillia aureorum dono dedit. Qui ætate tandem grandævus, articulariꝑ; morbo valdè laborans; nuncio de Aloysij Cardinalis nepotis morte accepto, dolore animi confectus, die Lunæ tertio Kalen. Iulij, anno Dominicæ Natiuitatis 1570. Pij V. Pontificatus V. occubuit, cuius corpus ad S. Marcum delatum, in nobilissimo sepulchro statuis, & columnis marmoreis ornato, apud maiorem Templi portā posito, sequenti elogio inscripto; conditum est.

D.

O.

M.

Francisco Pisano Card. Episc. Ostiensi, viro antiquæ probitatis, ac innocentie; heredes ex testamento posuerunt. Vixit ann. 70. obiit 3. Kal. Iulij 1570.

XX.

Quam rectè cecinerit Claudianus in Consulatu Manlij.
*Ipsa quidem virtus prætium sibi solaꝑ; latè
 Fortuna secunda nitet, nec fascibus ullis
 Erigitur, plausuè petit clarescere vulgi,
 Nil opus externa cupiens, nil indiga laudis
 Diuitijs animosa suis, immotaꝑ; cunctis
 Casibus ex alta mortalia despicit Arce.*

Quā, inquā, præclarè cecinerit ille, exemplo suo comproba-
 uit GASPAR à Stunica de Auellaneda Illustrissimi Mirandæ Co-
 mitis, e primaria inter Hispanos nobilitate viri filius, qui, dum
 in celebri Salmaticensi Academia sacram Theologiam publi-
 cè profiteretur, cum nihil minus, vel ambiret, vel cogitaret; à
 Carolo V. Imperat. ad obeundū Episcopatus Segobienſis mu-
 nus Paulo I V. deferente, magno; tum vitæ integerrimæ, tum
 præstantissimæ eruditionis meritò, vocatus à Philippo II. Hi-
 spaniarū Rege, Caroli filio, defuncto Ernando de Valdes Hi-
 spalenſi Præsule, æterna memoriā ob virtutem, & vitæ sancti-
 moniam, viro digno, ad eundem Archiepiscopatum tunc vacā-
 tem

tem translatus, anno 1568. à summo Pontifice Pio V. apud quē Ioannes à Stunnica eiusdem Gasparis consobrinus pro eodem Rege Catholico Oratorē agens, ipsi Pontifici in fædere contra Turcas ineundo, magnopere satisfecit, an. 1570. Pont. V. die Mercurij 16. Kal. Iunij in tertia sexdecim Cardinalium promotione, Presbyter Card. tt. S. Barbaræ absens creatus est, qui eodemmet Rege mandante paulo post Annam Maximiliani Cæsaris, ex Maria Regis sorore, natu maximam ipsi desponsatam, è Sicambris in Hispaniam venientem, vna cum Francisco à Stunnica, Beari Duce ea, qua decuit pompa comitatus, dum celebratis nuptijs Segobia Hispalim ad gregem sibi creditum curandum reuertitur, in castro Martos Ienenfis diocesis; siue in Ciuitate, vulgo Iaen dicta, quo; vt exemplar Veronicæ, & Sanctissimi Christi Sudarij inuiferet, ac veneraretur hunc, iter arripuisse asseruat Gonzales de Illescas in historia Pontificali lingua Hispanica conscripta; ex intestinorum dolore ad æterna præmia properauit, quarto Nonas Februarij, Redemptionis nostræ anno 1571. Pij Quinti Pontificatus Sexto. Sudarij exemplar à quodam Cardinale maioris Alacantinae Ecclesiæ Rectori dono datum, in Fratrum Minorum Ecclesiæ, quæ ab eadem Ciuitate aliquantulum distat Fr. Franciscus Gonzaga Episc. Mantuanus in tertia parte Historiæ Min. Obseruantium conseruari asseuerat. Idem autem sit, de quo Illescas, an aliud non possum affirmare. Cardinalis corpus ibi depositum; Hispalim postea translatum in Metropolitana in sacello Deiparæ Virgini sacro, quod de Antiqua dicitur, ante ipsius Altaris gradus sepelitur.

XXI.

Q Vibus modo, si exteros elogijs exornauimus, laudibus efferemus CAROLVM de Grassis ex nobilissima familia, quæ quatuor Cardinalibus (omitto alios insignes viros) diuersis temporibus fuit illustrata, Ioannis Antonij Equitis; Senatorisq; Bononiensis, Blancaeq; Gratae filium, Achillis vnus

vnus ex duodecim Rotæ Patribus, Mōtisfalisci Episcopi, An-
nibalis, Camera Apostolicæ Clerici, Episcopi Faentini Cæ-
sarisq; , Romanæ item Rotæ Auditoris fratrem? Is ex maio-
ris Bononiensis Ecclesiæ Archiprebytero; à Julio Tertio Ponti-
fice, cui cum intimus Cubicularius esset, in seruiendo gratus, &
acceptus extitit, ad Mōtisfalisci, Corneti; Episcopatum trās-
latus, Camera Apostol. Clericatu; mox Perusiæ, & Vmbriæ
Præfectura cohonestatus est; cum verò sub Pio IV. Conc. Tri-
dentino interfuisset; in quo non solum singularem doctrinam,
sed etiam excellentem in rebus gerendis prudentiam demon-
strarat, à Pio V. anno Salutis 1569. 4. idus Iunij Alme Urbis
Gubernium accepit, prudenterq; administravit, quo in mune-
re, cum multa fidei exempla præstulisset, ab eodem Pontifice
in Cardinalium numerum die Merc. 16. Kal. Iunij, anno 1570.
Pont. V. dum Cardinales tertio legeret Presb. Card. tt. Sanctæ
Agnetis in Agone pronunciatus est; cuius etiam opera, pro fe-
dere inter ipsum, Catholicum Regem, Philippum, & Remp.
Venetam contra Turcas ineundo, vsus est, eundemq; , vt Ro-
manæ Curix officia procuratorum. s. Pœnitentiariæ, Contradi-
ctorum, Auditoris Camera, & aliorum id genus reformaret,
quod factum est, extantq; reformationes ab eodem Carolo cō-
ditæ inter dicti Pontificis cōstitutiones, reformataq; executio-
ni, vt mandarentur vna cum Alexandri Riarij Bononiensis, Pa-
triarchæ Alexandrini, tunc Camera Apost. Auditoris, postea
S. R. E. Cardinalis, & aliorum minoris Ordinis Patrum ope-
ra adhibuit, in quo munere; vt eidem Pontifici multum satisfe-
cit, sic etiam in alijs, fecisset satis, nisi immatura morte prærep-
tus, obiisset Romæ 8. Kal. Aprilis, die Dominico, hora 20. an-
no Salutis 1571. Pontific. VI. ætatis secundo, & quinquage-
simo, dum esset Presbyter tt. Sæctæ Euphemie, quem titulum,
S. Lucie loco optauerat. Eius corpus in Choro sanctiss. Tri-
nitatis in Mōte Pincio sepultū, marmoreo lapide, literis æneis,
sequenti elogio inscripto, cooperitur.

D.O.M.

D. O. M.

Carolo de Grassis Bononiensi S. R. E. Card. viro; integritate vite; ingenij acumine, ac rerum tractandarum solertia, quas pro Christiana Rep. per viginti annos administravit, insigni. Fratres fratri benemerenti posuere. Vixit annos 52. obiit anno 1571. 8. Kal. Aprilis.

XXII.

E Adem tempestate floruit; non tam patria nobilitate, quam propria virtute Illustris, L A V R E N T I U S Philippi Strocij Florétini, & Claricis Medice Leonis X. neptis filius, qui eousque virtutum famam peruenit, ut; olim Regi Francorum exercitus Præfatus in Gallia Narbonensi pro Henrico II. Rege, diuersa hereticorum loca, armata manu expugnarit, & ad fidem Catholicam, à qua declinauerat reduxerit, ob quæ, & alia præclare gesta; præter laudem; priuati Consiliarij Regij nomine; & post Episcopali Biturensis Ecclesiæ dignitate, meruit cohonestari. Hunc Paulus IV. in gratiam illius Petri Strocij istius fratris, qui gestorum fama Magni nomen sibi comparauit, eiusdem Regis in Italiam agentis, & exercitus Imperatoris strenuissimi, quem olim ad Cardinalatū se promoturum, tunc adolescentē Clemens Papa VII. Philippo patri spopoderat; quia eius ope in bello, inter se, & Albæ Ducem Neapolitanum Proregem, usus fuerat, in tertia decem Cardinalium ordinatione Romæ, anno Salutis 1557. Pont. II. idibus Martij habita; Presbyterum Cardinalē tit. S. Balbinæ absentē, pronuciauit. Hic ex Biturensi, ad Albiensem, Ludouico Guisio Iulij Tertij Card. cedente; mox ad Aquisensem Ecclesiam translatus; in Gallijs ad meliorem vitam euocatus est; quo autem tempore id acciderit, me latet, cum alij scriptū reliquerint, eum in Gallia Trāsalpina obiisse, anno 1568. quod falsum est; alijs Auinioni 19. Kal. Ian. anno 1571. obiisse placeat. Hoc certū est, ex hac vita
mi-

migrasse in Gallijs, Pio V. Pontifice sedente, rebus præclarè gestis, titulisq; insignem.

XXIII.

Postremus in ordine; sed nulli fortè; virtutum præstantia, religione, ac vitæ integritate secundus, sequitur HIERONYMVS Socherus Aruernus Parisinus, qui; tanto ab ineunte ætate afflatus fuit diuini spiritus numine; vt Cisterciensis Ordinis habitū suscepit, in quo, ob vitæ sanctitatem, diuinarum rerum scientiam (in Theologicis. n. disciplinis multum excelluit) eximiam prudentiā, acrisq; ingenij vim, talis, tantusq; euasit, vt Henrico II. Francisco II. & Carolo IX. Francorū Regibus; Carolo item Card. Lotaringio, quibuscū familiariter egit charissimus; post ipsius instituti, summa sui cū laude exercitata minora munera, Abbas Clareuallensis factus sit. Is Tridentino Conc. interfuit; Cistercij postea electus Abbas, necnō ipsius Ordinis summus Magister, in ipso regendo, ac moderando; ita omnia, quæ sunt illius muneris piæ, ac diligenter seruauit; vt Pius V. Pontifex ipsum absentem Presbyterum Card. tt. S. Matthæi in Merulana, in secunda Patrum ordinatione die Mercurij, 9. Kal. Aprilis, anno 1568. Pont. II. Romæ habita, creauerit; quam ille dignitatem; quia, iam ab ipso Ordinis ingressu omnibus honoribus, ac mundo ipsi renunciarat, cum vellet dimittere; semel, atq; iterum in sanctæ obedientiæ vim retinere admonuit Pontifex; à quo paulo post cum Romam accersitus venisset; propter singularem opum, atq; gloriæ contemptum, & vitæ moderationē, magna apud omnes floruit admiratione; dignissimusq; ob id habitus est, qui à Thoma Bozio Cōgregationis Oratorij Presbytero, in opere de signis Ecclesiæ Dei inscripto, de quo supra, inter eos S. R. E. Patres, iam vitæ sanctos, quorum sanctitas ætate nostra multis operibus cōprobata est; annumeraretur. Is incredibili totius Romanæ Curie desiderio, ex hac mortalitate decedens, ad æternam vitam sibi viam fecit, Romæ die Veneris, 10. Kal. Nouemb. anno à Virgini

Pius Papa Quintus.

177

ginis partu 1571. Pont. VI. ætatis 63. in S. Crucis in Hierusalem sacello sepultus, perpetuæ posterû memoriæ nobili sepulchro, cum ipsius effigie, vbi & elogium in marmore incisum extat, continēs ea, quæ de ipso scripsimus, à Monacis Clareuallensibus donatus, quod, vt ordinem inceptum seruemus, apponendum duximus.

D.

O.

M.

Don Hieronymo Soherio Aruerno Theologo præstantissimo, quæ Henrico II. Francisco II. & Carolo IX. Gallorum Regibus, Carolo Card. Lotharingo bonisq; omnibus eximie caro; Clareuallensi Abbati, in Tridentina Synodo; doctrina, pietatē, ac prudentia sententias plenissimas dixit, inde Cisterciū electus Abbas, ipsiusq; ordinis Generalis, à Pio V. Pont. Max. delatam, absenti Cardinalatus dignitatem; vt acciperet, vix adduci potuit, deinde in Urbem accitus singulari opum, ac gloria contemptu, & vita moderatione omnibus admirationi fuit. Vixit annos 63. obiit 10. Kal. Novemb. 1571. Monaci Clareuallenses poni curarunt.

Obitus Pij Papa Quinti.

ANno Domini 1572. die Iouis Kalendis Maij, hora 12. Pius Papa V. in Palatio Apostolico (ò diem pro illo, albo; pro nobis nigro, lapillo obsignandū) calculo sublatus, ætatis anno 68. Pont. VII. maximo sui bonis omnibus relicto desiderio, sanctissimè; vt vixit, ex hac mortali, ad vitam immortalem migravit. Eius corpus ad S. Petrum portatum à Ciuibus Romanis, & hospitibus multis cum lacrymis inuisitur, & ne religionis ergo, pili, carnes, & vestes ab ipsis aufereretur, sub militum custodia in sacello D. Thomæ Apostolo dicato, post cratem ferream ad pedum deosculacionem ponitur, depositum lateritio ad tempus tumulo, propè S. Andreæ Apostoli Altare, in sepulchro Boschi, natiuitatis suæ oppidi, à se dū vi-

M

ueret

ueret posito, transferendum, vbi epitaphium infra scriptum legitur.

Pius Papa V. Boschenfis, ex familia Ghisleriorū oriundus, Ordinem Prædicatorum professus, diem mortis, vniuersalūq; resurrectionis præ oculis habens, à die assumptionis suæ ad apicem Apostolatus, monumentum istud erigi mandauit, pro cadauere suo reponendo, quando diuina clementia visum fuerit, ipsum ab seculo nequā eripere.

Sixto Quinto Pontifice postea, 5. idus Ianuarij, anno 1588. ex humili loco, solempni pompa, ad S. Mariæ Maioris Basilicā in monumēto marmoreo statuis, inter quas ipsius Pij Quinti ad viuum delineata extat imago, & preciosissimis columnis, lapidibusq; ornato, in sacello ad Præsepe ædificato, vbi, & elogium de quibus infra in marmore sculpta leguntur, positum est.

Sub ipsius Pontificis Imagine.

Pio V. Pont. Max. ex Ordine Prædicatorum, Sixtus Quintus Pont. Max. ex Ordine Minorum, grati animi monumentū posuit.

In inferiori base.

Pius V. gēte Ghisleria Boschi, in Liguria natus, Theologus eximius; à Paulo Tertio in Insubria hæretice prauitatis inquisitor; à Iulio Tertio S. Inquisitionis officij Commissarius generalis; à Paulo IV. Episcopus Sutrinus; deinde S. R. E. ut S. Mariæ super Minervam Presbyte. Cardinalis; & à Pio IV. Ecclesiæ Montis Regalis in Subalpinis Administrator factus; eo vita functo, summo Cardinalium consensu Pont. Max. creatur; qui veteres sanctos Pontifices amulatus, Catholicam fidem propagauit, Ecclesiasticam disciplinā restituit, & tandem, gestarum rerū gloria clarus, dum maiora molitur totius Christi. Reipub. damno nobis eripitur. Kal. Maij 1572. Pont. anno VI. ætatis suæ 68.

Ad

Ad imaginis dexteram.

Selinum Turcarum Tyrannum; multis insolentem victorijs, ingenti parata classe, Cyprog; expugnata, Christianis extrema miniatem. Pius V. fœdere cum Philippo II. Hispaniarū Rege, & Rep. Veneta, inito, M. Antonium Columnam Pontificia classi præsiciens ad Echinadas hostibus 30. mill. caesis; 10. mill. in potestatem redactis, Triremibus 180. captis, 90. demersis, 15. mill. Christianis à servitute liberatis; precibus, & armis devicit.

Ad Lævam.

Galliam Carolo IX. Rege perduellium Hereticorumq; nefarijs armis vexatam; ut de Regno, deq; religione actum videretur. Pius V. Sfortia Comitis S. Flora ductu, missis equitum, peditumq; auxiliis, periculo exemit, hostibusq; deletis, victoriam reportavit. Regi Regnum cum religione restituit. signa de hostibusq; capta ad Lateranensem Basilicam suspendit.

Vacavit Sedes Pontificia dies xiiij.

Eodem anno 1572. die Veneris, 6. Nonas Maij ipsius exequijs, more maiorum, à Cardd. in Vrbe commorantibus, celebrari in Sācti Petri Basilica cœperunt; oravitq; in ipsius funere M. Antonius Muretus iuris peritus, & humaniorum literarum cognitione insignis.

Eodem anno, die Lunæ, 4. idus Maij, Missa Spiritus sancti ab Alexandro Card. Farnesio Episc. Tusculano cantata; Cardinales, qui aderant, de more, Conclauē ingrediuntur, vbi altero die, ingressus, omnium suffragijs, electus est Hugo Boncōpagnus Bononiensis, Presbyt. Card. tit. S. Sixti, qui Gregorius Tertius, decimus appellatus est.

180

GREGORIUS PP. XIII.
PONT. MAX.



ANNO CHRISTI MDLXXII.
SIGNVM GREGORII PP. XIII.

Confirma hoc Deus, quod operatus es in nobis.



I vberima præclarorum literariæ Reipublicæ ingenia
in summis laudum argumentis visa sunt quodammo-
do eloquentiam nescire, quid mihi; qui nequicquam
comparandus sum cum illis, animi esse debet, eius laudes de-
monstra-

monstrare cupienti, quem; non modo Respub Christiana; sed vniuersus terrarum Orbis, per 13. annos non potuit non admirari? Sed quia Cyreneus Poëta facile esse omnib. (ait) Apollinem laudare, in quo tot, ac tanta laudum argumenta reperiuntur; cū in hoc, cuius encomiū aggredi animū induco, quāplurima sint exornationis argumenta; non est, quod illius laudes, quæ quidē innumere sunt verear; nō dicā scribere; sed recēdere. Gregorius igitur Papa XIII. Hugo antea vocatus, Patria Bononiensis; peruetusta, ac nobili familia Boncompagna ortus; Christophorum virum summa in Deum pietate, & in pauperes caritate; & Angelam Mareschalcam, viro moribus non dissimilem; parentes habuit; natusq; est 7. Nonas Ianuarij, anno Salutis 1502. Hic à primis, quasi incunabilis, quæ in summo Sacerdote requirebantur, ijs; scilicet vitæ integritate; bonis moribus operam dedit; præsertim verò legali prudentiæ diligentem, in Patria sua nauauit operam, qua id obtinuit, vt breui lauream Doctoratus, consecutus; Iurisprudentiā in ipsius Gymnasio; maximo cum omnium, & Ciuium, & externorum applausu publicè, per octo annos fuerit professus, cuius fama; cum omnes Italiæ Ciuitates; tum verò Romam peruasisset, id præstitit, vt anno 1539. illuc profectus, inter Capitolijs Iudices; post inter Abbreniatores de Parco maiori; & vtriusq; signat. Referendarios locum tenuerit; anno verò 1545. à Paulo Tertio ad Concilium Tridentinum, vtpotè, qui propter legalem sapientiam, in eo decernere prudentissimè poterat, mittitur; quinquennio post in ciuilibus Ioannis Baptistæ Cicadæ, Cameræ Apostolicæ Auditoris; postea tt. S. Clementis Card. locum tenentis munere functus; triennio post, Secretarius Apostolicus; mox sub eodem Cicada, iam ad Cardinalatū euecto, Cāpaniæ Prolegatus factus; anno 1555. Gratia Signaturam obtinuit; sub Paulo IV. Vicegerentatus eiusdē Camera pro Alfonso Carafa Card. Neapolit. officio præfuit; ad Vestanā Ecclesiā, per obitū Peregrini Fabij Bononiensis vacantē, translatus; in Flandriā Carolum Carafam Card. eiusdem Pauli IV.

nepotem, ad Philippum II. Hispaniarū Regem, Legationem agētem, vna cum alijs selectissimis Romanæ Curia Præsulib. eodem Pontifice mandante, comitatus est. Hic anno 1561. ad Concilium Tridentinū, iterum à Pio IV. inditum missus; Concilio fine imposito, cum Romam reuersus fuisset, ab eodē Pio, anno 1565. 4. nonas Martij, in festo S. Gregorij Magni Pontificis inter 23. Cardinales electos, Presbyter Card. tt. S. Sixti creatus; eodem anno, die Lunæ, 6. Kal. Septembris, Legatus de latere in Hispaniam pro Archiepiscopi Toletani causa, missus est, ex qua Legatione, Romam cum venisset, Pio IV. iam vita functo, illiq; subrogato, successore Pio V. Signaturæ Breuium Præfecturam, qua absens donatus fuerat, exercuit, atq; vt vno verbo, breuitati studentes, elogium hoc concludamus; Pio V. mortuo, altero Conclauis ingressus, die, videlicet, tertio idus Maij, anno 1572. in eius locum Cardinalium omnium suffragijs, Pont. Max. suffectus, Gregorius XIII. dictus est, qui 8. Kal. Iunij, die Pētecostes à Hieronymo Simōcello, tunc Cardinalium Diaconorū præsentium, primo suæ coronationis insignia suscepit. Sedit autem in Apostolica Sede, Imperatorib. Cæs. electis Maximiliano I I. & Rodulpho I I. eius filio annos 12. menses 10. dies 28.

*Cardinales 66. viui, quando GREGORIUS
Papa XIII. creatus est.*

Episcopi Cardinales VI.

PAVLVS III.

Ioannes Moronus Episcopus Card. Ostiensis, & Veliternus,
facriq; Collegij Decanus.

Christophorus Madrucius Episcopus Card. Portuensis, &
S. Ruffinæ.

Otho Truchses Episcopus Card. Prænestinus.

Ale-

Gregorius Papa XIII.

183

Alexander Farnesius Episcopus Card. Tusculanus S. R. E.
Vicecancel.

Iulius Feltrius de Ruvere Episcopus Card. Sabinus.

IVLIVS III.

Ioannes Riccius Episcopus Cardinalis Albanus.

Presbyteri Card. LIV.

PAVLVS III.

* Georgius de Arminiaco, tt. S. Nicolai in Carcere S. R. E.
Archipresbyter.

* Henricus Infans Portugallie, tt. SS. Quatuor Coronatorum.

* Carolus de Lotharingia, tt. S. Appollinaris.

* Carolus Borbonius, tt. S. Chrysogoni.

IVLIVS III.

Fulvius Corneus, tt. S. Hadriani.

PAVLVS IV.

Scipio Rebiba, tt. S. Mariæ Transiberim.

PAVLVS III.

Iacobus Sabellus, tt. S. Mariæ in Comedini Papæ Vicarius.

PIVS IV.

Io. Antonius Sorbellonius tt. S. Angeli.

IVLIVS III.

Fr. Aloysius Cornelius, tt. S. Marci S. R. E. Camerarius.

PIVS IV.

Antonius Perenottus, Granuellanus tt. S. Petri ad vincula.

Stanislaus Hosius, tt. S. Clementis.

Franciscus Pacieus, tt. S. Crucis in Hierusalem.

Hieronymus Austriacus de Corrigo, tt. S. Anastasiæ.

Io. Franciscus Gambara, tt. S. Priscæ.

Carolus Borromæus, tt. S. Praxedis.

M. Scitticus de Altaemps, tt. S. Georgij ad velus aureum.

Alfonfus Gesualdus, tt. S. Cæciliæ.

M 4

Nico-

PAVLVS III.

Nicolaus Caëtanus, tt. S. Eustachij.

Hippolytus Estensis, tt. S. Mariæ nouæ.

PIVS IV.

Innicus Aualos de Aragonia, tt. S. Laurentij in Lucina.

M. Ant. Columna Basilicæ, SS. XII. Apostolorum.

Ptolomeus Gallius Nouocomensis, tt. S. Agathæ.

Prosper Sanctacrucius, tt. S. Mariæ Angelorum in thermis.

* Antonius Chrechius, tt. S. Triphonis.

* Zacharias Delphinus, tt. S. Mariæ in Aquiro.

* Io. Franciscus Commendonius, tt. S. Cyriaci in thermis.

M. Ant. Boba, tt. S. Siluestri.

Hugo Boncompagnus, tt. S. Sixti Sign. Breuium Præfectus.

Alexander Sfortia, tt. S. Mariæ in via.

Flavius Vrsinus, tt. SS. Marcellini, & Petri.

Alexander Cribellius, tt. S. Mariæ de Araceli.

Guido Ferrerius, tt. SS. Viti, & Modesti in Macello Mart.

Benedictus Lomellinus, tt. S. Sabinæ.

Guilielmus Sirlettus, tt. S. Laurentij in pane, & perna.

Gabriel Palæotus, tt. SS. Ioannis, & Pauli.

PIVS V.

Fr. Michaël Bonellus, tt. S. Mariæ super Mineruam.

IVLIVS III.

* Ludouicus de Guisa, tt. S. Thomæ in Parione.

PIVS V.

* Didacus Spinosa, tt. S. Stephani in Monte Coelio.

PIVS IV.

Ludouicus Madruccius, tt. S. Onuphrij.

Franciscus Alciatus, tt. S. Mariæ in porticu.

PIVS V.

Io. Paulus ab Ecclesia, tt. S. Pancratij Sig. Iust. Præfectus.

M. Ant. Maffæus, tt. S. Calixti.

* Gaspar Ceruantes, tt. S. Martini in Montibus.

* Nicolaus de Pelleue, tt. S. . . .

* Iu-

Gregorius Papa XIII.

185

- * Iulius Ant. Sanctorius, tt. S. Bartholomæi in Insula; Hic erat Romæ, sed ægorabat.
- Petrus Donatus Cæsius, tt. S. Vitalis.
- Carolus Danges, tt. S. Euphemie.
- Fr. Archangelus de Blanchis, tt. S. Cæsarij in Palatio.
- Fr. Felix Perettus, tt. S. Hieronymi Illyricorum.
- Don Paulus de Aretio, tt. S. Potentianæ.
- Ioannes Aldobrandinus, tt. S. Simeonis, maior Poenitentarius.
- Fr. Vinc. Iustinianus, tt. S. Nicolai inter Images.
- Hieronymus Rusticucius, tt. S. Sufannæ.
- Ioannes Hieronymus Albanus, tt. S. Ioannis ante portam latinam.

Diaconi Cardinales VI.

IVLIVS III.


- * Innocentius de Monte S. Mariæ in via lata, S. R. E. Archidiaconus.
- Hieronymus Simoncellus SS. Cosmæ, & Damiani.

PIVS IV.

- Aloysius Estensis SS. Nerei, & Archilei.
- Ferdinandus Medices S. Mariæ in Domnica.

PIVS V.

- Antonius Carafa S. Eusebij, Sig. gratiæ Præfectus.
- Iulius Aquaviva S. Theodori.



Prima

Prima creatio unius Cardinalis.

*Anno Domini MDLXXII. Pontificatus primo,
die Luna, quarto Nonas Iunij Roma.*

*GREGORIUS Papa xij. unum creavit Card.
Is fuit.*

Philippus Boncompagnus Bononiensis, Papæ fratris filius, Vtr. Iur. Doct. Protonotarius Apostolicus, Presbyter Card. tt. S. Syxti.

I.



Secunda

*Secunda unius Cardinalis creatio.
Anno Domini MDLXXIV. Pontificatus
tertio, die Luna, tertio Nonas
Iulij, Roma.*

GREGORIUS Papa xiiij. secundò unum Card.
creavit, is fuit,

2 **P**hilippus Vastauillanus Bononiensis, Papæ sororis filius,
Diaconus Cardinalis Sanctæ Marię in Cosmedin, ab-
sens.

II.



Tertia

Tertia creatio unius Cardinalis.

*Anno Domini MDLXXVI. Pontificatus
Quinto, die Luna, 13. Kalen. Decem-
bris, Roma.*

GREGORIUS Papa xij. tertio creavit unum
Cardinalem, is fuit.

3 **A**ndreas ab Austria Germanus, Ferdinandi Austriae
Archiducis filius, Diaconus Cardinalis Sanctae Ma-
rie nouae, absens.

III.



Quarta

Quarta creatio unius Cardinalis.

*Anno Domini MDLXXVII. Pont. V. die Luna
IV. Nonas Martij Roma.*

GREGORIUS Papa xiiij quartò creavit unum
Card. qui fuit.

4 **A**LBERTVS ab Austria Archidux Austriae Rodulphi
II. Imperatoris electi frater Diaconus Card. S. Cru-
cis in Hierusalem absens.

IV.



Quin-

Creatio quinta nouem Cardinalium.

*Anno Domini MDLXXVIII. Pontificatus VI.
die Veneris, nono Kal. Martij, Roma.*

GREGORIUS Papa xij. quinto creauit nouem
Cardinales, qui fuere.


- 5 **A**lexander Riarius Bononiensis, vtr. Signaturæ Refe-
rendarius, Camera Apostolicæ causarum Genera-
lis Auditor, Patriarcha Alexandrinus, Presby. Car-
dinalis, tt. S. Mariæ de Aracoeli.
- 6 Claudius à Bauma Burgundus Archiepisc. Bisuntinus, Pre-
sbyter Card. S. Pudentianæ, tt. Pastoris, absens.
- 7 Aloysius de Guisa de Lotharingia Gallus, Archiepiscopus
Remensis, & Galliarum Primas, Presbyter Cardinalis
S. R. E. absens.
- 8 Gherardus à Grosbeek Gueldrius, Episcopus Leodiensis,
Presbyter Card. S. R. E. absens.
- 9 Petrus Deza, ex ciuitate Tauri Diœcesis Zamorensis Hispa-
nus, I. V. D. Vallioleti, ac Granatæ Præsident, Presbyr.
Cardin. tt. S. Priscæ, absens.
- 10 Ferdinandus de Toledo Hispanus, Decr. Doctor, Presbyter
Cardinalis, S. R. E. absens, qui gratias agens, dignita-
tem remisit.
- 11 Renatus Biragus Mediolanensis I. V. D. Regni Galliæ Magn.
Cancellarius, Presbyter S. R. E. Cardinalis, absens.
- 12 Carolus Lotharingius de Vandemonte electus Episco. Tul-
lenfis, Diaconus S. R. E. Card. absens.
- 13 Frater Ioã. Vincentius Gonzaga, Eques Militiæ S. Ioannis
Hierosolymitani, Prior Baruli, Diaconus Cardin. Sancti
Georgij ad Velus aureum.

V.

V.



VI.



VII.



VIII.




IX.


IX.



X.



XI.



XII.



XIII.

XIII.



Sexta unius Cardinalis creatio.

*Anno Domini MDLXXVIII. Pontificatus VII.
die Luna, 18. Kal. Ianuarij Romæ.*

GREGORIUS. Papa xiiij. sextò creavit unum
Cardinalem, qui fuit.

14 **G** Aspar Quiroga ex Ciuit. Madrigali Hispanus, olim
sacrae Romanae Rotæ Auditor, Inquisitor Generalis
Hispaniarum, Archiepiscopus Toletanus, & Hispaniarum Primas, Presbyt. Card. tit. S. Balbinæ, absens.

N

XIV.



*Septima nouemdecim Cardinalium creatio.
Anno Domini MDLXXXIII. Pontificatus duo-
decimo, die Luna pridie Idus Decem-
bris Romæ.*

*GREGORIUS Papa xij. septimò creauit decem,
& nouem Card. qui fuere.*

15 I O. ANTONIVS Fachinettus à Nuce Bononiensis Patriar-
cha Hierosolymitanus, Presb. Card. tt. SS. Quatuor
Coronatorum.

16 Io-

- 16 Ioannes Bapt. Castanea Romanus, Archiepiscopus Rosanensis Presb. Card. tt. S. Marcelli.
- 17 Alexander Medices Cuius, & Archiepiscopus Florentinus, Francisci Magni Hetruriæ Ducis apud Sedem Apostolicam orator, Presb. Card. tt. SS. Quirici, & Iulitæ.
- 18 Rodericus de Castro Hispanus, Archiepiscopus Hispalensis, Presb. Card. Basilicæ SS. duodecim Apostolorum absens.
- 19 Carolus Borbonius de Vendosme Gallus, electus Archiepiscopus Rothomagensis Presb. Card. S. R. E. absens.
- 20 Franciscus de Ieyeuse Gallus Archiepiscopus Narbonensis Presb. Card. S. R. E. absens.
- 21 Michaël à Turre Vtinensis, Episcopus Cenetensis Presb. S. R. E. Card. absens.
- 22 Iulius Cananius Ferrariensis, Episcopus Hadriensis, Presb. Card. tt. S. Eusebij absens.
- 23 Nicolaus Sfondratus Mediolanensis Episcopus Cremonensis Presb. Card. tt. S. Cæcilie absens.
- 24 Ant. Maria Saluiatus Romanus, Episcopus S. Papuli, Cameræ Apostolicæ Clericus Præsidens, atq; Decanus Presbyter Card. tt. S. Mariæ in Aquiro.
- 25 Augustinus Valerius Venetus Episcopus Veronensis Presb. Card. tt. S. Marci absens.
- 26 Vincentius Laureus Torpiensis Calaber, Episcopus Montis Regalis, Sedis Apostolicæ apud Emanuelem Philibertum Sabaudie Ducem Nuntius, Presb. Card. S. R. E. absens.
- 27 Philippus Spinola Genuensis ligur Episcopus Nolanus, Presb. Card. tt. S. Sabinæ absens.
- 28 Albertus Bolognnetus Bononiensis, Episcopus Massæ, & Populoniæ Sedis Apostolicæ apud Stephanum Bathorium Poloniæ Regem Nuntius, Presb. Card. S. R. E. absens.
- 29 Georgius Radziuuil Lituanus Episcopus Vilnensis Presb. Card.


Card. S. R. E. absens.

30 Matthæus Contarellus Cœnomanus Gallus V. Sig. Referendarius S. D. N. Papæ Dataritus, Presb. Card. tt. S. Stephani in Monte Cœlio.

31 Simeon Talliaua de Aragonia Siculus, Presb. S. R. E. Cardinalis absens.

32 Scipio Lancellottus Romanus, Rotæ Audit. Presb. Card. tt. S. Simeonis.

33 Franciscus Sfortia Romanus, Diaconus Card. S. Georgij ad Velum Aureum absens.



XV.



XVI.



XVII.

XVII.



XVIII.



XIX.




XX.



N 3

XXI.

XXI.



XXII.



XXIII.



XXIV.



XXV.

XXV.



XXVI.



XXVII



XXVIII.




N 4

XXIX.


XXIX.



XXX.



XXXI.



XXXII.



XXXIII.




Creatio octaua unius Cardinalis.

*Anno Domini MDLXXXIV. Pont. XIII.
die Luna, pridie Nonas Iunij Romæ,
apud S. Marcum.*

*GREGORIUS Papa xiiij. octauò, creauit
vnum Card. qui fuit.*

34 **A**ndreas Bathorius de Somlio Transylvanus, Step-
hani Poloniæ Regis ex fratre Nepos, Diaconus Card.
Sancti Hadriani.

GRE-



Gregorius Papa XIII. ordinationib. octo mensibus Februa-
rij, Martij, Iunij, Iulij, & Decembri factis, quatuor, & trigin-
ta creavit Card. videlicet Presbyteros XXVII. & Diac. VII.

Alexander Farnesius Episcopus Cardinalis Ostiensis, & Ve-
lternus, sacri Collegij Decanus, S. R. E. Vicecancellarius sub
Gregorio XIII. Pontifice.



S. R. E.

Gregorius Papa XIII.
S. R. E. Cardinales XXXIX. mortui
sub Gregorio XIII.

203

- | | |
|----------------------------------|---------------------------------|
| 1 Didacus Spinosa. | 23 Gherardus Leodiensis. |
| 2 Hieronymus de Corrigo. | 24 Fr. Archangelus de Blanchis. |
| 3 Hippolytus Estensis. | 25 Henricus Portugall. Rex. |
| 4 Otho Truchses. | 26 Franciscus Alciatus. |
| 5 Io. Aldobrandinus. | 27 Io. Moronus. |
| 6 Io. Riccius. | 28 Alexander Sfortia. |
| 7 Antonius Crechius. | 29 Ferdinandus de Tolet. |
| 8 Iulius Aquaviva. | 30 Flavius Vrsinus. |
| 9 Alexander Cribellius. | 31 Fr. Vincetius Iustinianus. |
| 10 Carolus de Guisa Lotharingus. | 32 Fulvius Corneus. |
| 11 Io. Paulus ab Ecclesia. | 33 M. Antonius Maffæus. |
| 12 M. Antonius Boba. | 34 Renatus Biragus. |
| 13 Gaspar Ceruantes. | 35 Zacharias Delphinus. |
| 14 Paulus de Aretio. | 36 Fr. Aloysius Cornelius. |
| 15 Scipio Rebiba. | 37 Claudius à Bauma. |
| 16 Innocentius de Monte. | 38 Carolus Borromæus. |
| 17 Ludouicus de Guisa. | 39 Ioan. Franciscus Cómendonus. |
| 18 Christophorus Madrucius. | |
| 19 Iulius de Ruere. | |
| 20 Benedictus Lomelinus. | |
| 21 Stanislaus Hosius. | |
| 22 Franciscus Paciecus. | |

Gregorij Papa xij.
obitus. Comitæ.

I.

QUod paucis perrarò contingit, DIDACVS Spinosa Hispanus in Martin Munnoz de las Posadas, Regni Castiliæ, veteris vico, parentibus; nec obscuris, nec nobilibus ortus, in Salmanticensi Collegio, quod S. Saluatoris de Ovie-

de Ouiedo dicitur, iuuenis, legalem scientiam professus, inter Hispaniæ I. C. illa tempestate præstantissimos, breui Primas tenens; vtramq; laudem, doctrinæ. s. & Reipub. benegerendæ consecutus est, atq; ; ita iuris prudentiam, Philosophiam, rerum diuinarum cognitionē, facundamq; eloquentiam, cum innata prudentia, & consilio coniunxit, vt Philippo II. Hispaniarum Regi, ob id carus; post minora sibi demandata munera, ad supremi Consilij Regij Præsidendam, & eorundum Regnorum Generalis Inquisitoris dignitatem, Episcopali Saguntinæ Ecclesiæ honore insignitus peruenerit; & in sua prudentia, consilio, ac moderatione summa Regni versaretur: quo factū est, vt Pius V. eodē Rege instante, & Didaci virtutes referente; dum Romę secundo Card. legeret 9. Kal. Aprilis an. sal. 1568. Pont. Tertio, S. R. E. Presbyterum Cardin. tt. S. Stephani in Monte Coelio, eundem absentem crearet, cuius opera, & diligentia potissimum est vsus, dum Regem; vt arma contra Turcas sumat, & secum fœdus, & cum Rep. Venetæ inire velit, anno 1572. adhortatus est, per quem Pontifici satisfactum est. Hic Michaeli Bonello Card. Alexandrino Summi Pōtificis ex sororis filia pronepote Legato ad Philippum Hispaniarū Regem à Pontifice misso, biduo à Madrilio, cum honesta, & frequenti Procerum, & Consilij Regij Præsidum caterua, obuiā procedens; omnibns beneuoli, & honorifici in se animi significationibus eundem excepit, qui febris (quam tertianam vocant) quæ vix eum domi continebat, paucos post dies correptus, Madrilij die Mercurij nonis Septēb. anno Virginei partus 1572. Gregorij XIII. Pont. I. ætatis 70. vitam cum morte commutauit. Eius corpus ibi depositum; translatus postea in Martin Munnoz in sacello ab eodemmet splendide ædificato; sepulturæ traditum est.

II.

INsigne quoq; & celebre nomen fuit, Aeuo nostro **HIERONYMI** Austriaci Itali de Corrigio filij Giberti Corrigiensis Dynastæ, & Veronicæ Gambaræ Vberti Card. sororis scemi-

foeminae primariae, cuius nomē; ob literarum scientiā, & praesertim artem carminum italico sermone componendorum, Bembi, Casae, Molzae, & similiū illustriū Poetarum sui temporis, literis commendatissimum extat. Is, cum Bononiae literis operam dedisset, Romanam Curiam secutus, Paulo Tertio Pontifici carus, ob nobilitatem, & singulares animi dotes; nam praeter literarum scientiam, rerumq; gerendarum experientiam; insitani animi fortitudinem, ac obfirmatas corporis vires habuit. Anno 1540. ab eodem in Galliam mittitur; ut Francisco Primo Francorum Regi, ob Aureliensis Ducis filij immaturam mortem, maximo Pontificem dolore affectū fuisset significaret, eumq; consolaretur. Mortuo Pont. cum Alexandro Cardinali Pontificis nepoti inseruiret, anno 1556. ad Philippum II. Hispaniarū Regem mittitur, ut Placentina Ciuitas Octauio, Card. fratri, Parmae Duci restitueretur, ab eoq; in gratiam reciperetur, quae omnia, cum obtinuisset; eundem Octavius Dux, grati animi ergo, postea de Castro Medesano agri Parmensis infeudauit; sequenti Corrigium ditionis suae oppidum, armata militum manu collecta, ingressus; in familiae suae Dominium, sub Imperij protectionem, contra Ducis Ferrariensis praetensiones defendit, ac conseruauit. A Pio Quarto in secunda decem, & octo Cardinaliū ordinatione, Romae 4. Kal. Martij, anno sal. 1561. Pontificatus II. habita, Diaconus Cardinalis; mox Presbyt. tit. S. Stephani in Caelio Monte creatus; & paulo post M. Antonio Columna Tarentinam Ecclesiā dimittente, Archiepiscopo Salernitano electo, ad eam Hieronymus; Philippo Rege deferente; anno 1569. 3. idus Martij translatus est; qui ex tit. S. Stephani, Presbyter tit. S. Anastasiae factus; anno 1571. Selyno Turcarū Imperatore in Christianos bellum parante, cum Summus Pont. pro Anconae Ciuitatis praesidio milites elegisset, propugnaculaq; parasset. ipsis, & Ciuitatis administrationi Praefectus ab eodem toti Piceno tempore belli imperandi potestate accepta; anno sequenti Romae in ipso iam aetatis decursu; suis, & exteris carissimus; vir enim

enim magnæ experientia, summi iudicii, & maximæ auctoritatis erat; non sine magno dolore moritur; Gregorij XIII. Pontificatus I. die Mercurij, octauo idus Octobris, hora 24. sepeliturq; in Diui Syluestri Ecclesia in Quirinali.

III.

Q Vibus modo laudibus extollam hominem plenum officij, & ad omnium animos, ac voluntates deuinciendas regia liberalitate conspicuum, Italiae sempiternum decus, atq; ornementum HIPPOLYTUM Estensem Alfonſi I. Ferrariæ, Mutinæ, & Regij Ducis, & Lucretiæ Borgiæ filium, natum anno Domini 1509. 9. Kal. Sept. hora 3. pomeridiana; Is, præter gentilitiâ nobilitatē; cum prudentia, consilio, fide, doctrina, vera animi nobilitate polleret, in Aula Regū Gallia Francis I. & Henrici II. cum quibus affinitate coniungebatur, à prima ætate versatus, meruit ab eisdem; non modò publicis, ac priuatis consilijs adhiberi, in quibus se egregium virū præbuit; verum etiam in administratione Aureliensis; mox anno 1520. Hippolyto I. Estense Cardinale ipsius patruo vita functo, ætatis suæ anno 11. Mediolanensis Archiepiscopatus; post Auxitani; Eduensis; & Lugdunensis, mortuo Francisco Cardinale Turnonio Narbonensis, Mauranensisq; Ecclesiarum; monasterij item Præmonstratensis, aliorumq; Sacerdotiorum à prædictis Regibus, cæteris Præsulibus præferri; quibus dignitatibus non contentus Rex Franciscus, à Paulo Tertio, dum anno Sal. 1538. Pontificatus V. 13. Kal. Ianuarij, sextò Cardinales legeret, Hippolytum Diaconum Cardinalem S. Mariæ in Aquiro fieri impetrauit; qui non nisi 3. Nonas Martias sequenti pronunciatus est. Venetias hic ab eodem Pontifice anno 1544. Remp. rogatum; vt secum, & cum eodem Francisco Rege foedus inire velit, mittitur; & è Gallia postea Romā eidem Pontifici Regis nomine suafurus; anno 1548. vt Parmensi Ciuitati, Horatium Farnesium, qui Regis filiam vxorē duxerat, præficeret; reuertitur. Anno 1551. ob quasdam, inter

ter Iulium III. & Henricum II. Gallorum Regem, excitatas simultates, vix impetrata à Pontifice abeundi venia discedens, cum Ferrariam diuertisset, Brixelli Castri Regiensis ditionis Hercule Duce, fratre deferente, clauum tenuit. Senas præterea sequenti pro Christianissimo Rege, quia Ciuitas se illi dederat biennio, donec. s. Petrus Strocus in Italiam venit, firmo præsidio munitam pacatè moderatus est. Iam verò quis mihi eam dicendi facultatem det, vt excelsum istius Præsulis animum possim delineare? Prædicent hunc Horti Quirinales Romæ, Tyburis Ciuitatis ædificia, Mausolæa, & Dianæ templum æmulantia, hortiq; & viridaria, quorum; si multicolores respicias delitias; eos; non dicam pomorum varietate, Hesperidum hortos, & ipsa Tempe fructicum, herbarum, florum amœnitate adequare; sed superare, sine vlla asentatio- cōfitearis. Ibi prima facie videas regio sumptu constructa palatia, de quibus; & propter vermiculata intercolumnia, & pario de lapide confectas columnas, Praxitelis statuas, antiquorum pictas imagines, & alia quamplurima; à Poëtis potius versibus describenda, quam à me tenui stylo recensenda. Silentio inuoluo fontes piscium, ac volucrum viridaria, nemora, vinea, labyrinthos, herbarum ambages, prata, syluas. quid plura? omnia omnino. quæ aut de Insulis fortunatis, aut de Campis elysijs, Poëtæ fabulantur, inibi reperias. Sed, vt eo redeamus; vnde nos tam pulchræ visu; tam iucundæ dictu, delitiæ non nihil abduxerunt, veniamus ad cōmissas illi à Summis Pontificibus administrationes; ad legationem in Gallias, cum dissidio religionis à domesticis hostibus Regnum vexaretur à Pio Papa I V. demandatam, cuius comites, & ministri fuere inter alios Prosper Sactacrusius Romanus Chysamensis Episcopus: post S. R. E. Cardinalis, qui Prolegati munere fungebatur, & Matthæus Côtarellus, qui subnotâdis supplicibus libellis præfuit, quem Gregorius XIII. in Cardinalem postea promouit, in qua Legatione obeunda; quamuis sibi magnam laudem cōparauit; non defuerunt tamen, qui huic, crimini darent, quod
damna-

damnatae sectae viri, concioni interfuisset : at si quis Cardinalis Hippolyti Epistolam hac de re è Sancto Germano , 4. Nonas Ianuarij, anno 1562. ad Casertanum Episcopum conscriptā, quæ in tertio tomo Epistolarum Principum extat, legerit; id turbulentissimis ijs temporibus iure factū fuisse, vel dicet, vel consilij sui rationem Cardinalem reddidisse, omni asseueratione confirmabit. Romam è Legatione reuersus; ex Diacono S. Mariæ in Aquiro, S. Mariæ in via lata; mox Presbyter tt. S. Anastasiæ; post tt. S. Mariæ nouæ, factus; sub Pio V. Pôt. Legationis Patrimonij S. Petri munere, & Regni Gallia patrocinijs, & Monasterij S. Catherine, della Rosa nūcupati, in Vrbe cohonestatur; cuius munificentiæ; præclarū testimoniū extat apud Stanislaum Rescium in vita Cardinalis Varmiensis, qui huius necessitatibus liberalissime succurrisse, testatum lib. 3. cap. 13. reliquit; qui in summo tandem honoris gradu collocatus; cū nondum tertium, & sexagesimum annum attigisset, die Martis, 4. Nonas Decembris, anno salutis 1572. Pontificatus I. immaculatum Deo spiritum commendauit. Corpus in S. Catherine Templo, de quo supra, depositum, ad Tyburis Ciuitatē translatum, in S. Francisco conditur.

IV.

OTHO Truchses nobilissimus Augustanus Germanus, Illustrissimi Vuilhelmi Baronis de Vualdburgh, & Ioannæ Federici Comitis Furstembergij natæ filius; adolescens Bononiæ legali studio operam dedit; Hugone Boncocompagno tunc temporis in Gymnasio publico iura interpretante, Alexandro Farnesio, Christophoro Madrucio, & Stanislao Hosio, postea S. R. E. Cardinalibus, illic studiorū causa morantibus, inter quos magna intercessit familiaritas. Hic literis eruditus; maioris Eccles. Patriæ Canonicus, Decanusq; Tridentinus; Romam veniens, inter intimos Pauli III. Cubicularios adscriptus est; atq; ab eodem, anno 1543. in Germaniam Sedis Apostolicæ Internuncius ad Conuentum Norimbergen.

bergenſem Præſulibus indicendi Concilij Trident. cauſa miſſus; Chriſtophoro à Stadion Auguſtano Epifcopo; Caroli V. Oratore vita functo, vnanimi Canonorum conſenſu, Auguſtæ Vindelicorū Epifcopus, ſacriq; Romani Imperij Princeps eligitur. Sequenti ab eodem Paulo, 14. Kal. Ianuarij S. R. E. Presbyter Card. tt. S. Balbinæ abſens pronuntiatur, & controuerſias inter Pontificem, & Imperatorem ſua induſtria dirimit. Anno verò 1546. miſſo Claudio Laio ſuo (quem vocat) Procuratore ad Tridentinā Synodum, ex Flandris ad Boriſſum Ducem profectus; cum illo, de bello Saxonie Duci, & Lantgrauio hæreticis inferendo, agit, quo in bello adest, & ipſe magna Gentilium ſuorum, ex primaria ordinis nobilitate caterua ſtipatus, Quæſtoribusq; exercitus præeſt Imperatoris nomine, omnemq; auctoritatem in eiſdem Ciuitatibus, quæ in ipſius Imperatoris poteſtatem venturæ erant, præſidio munien-
dis accepit. Synodum Auguſtanam Diœceſanā, anno 1548. pro reformatione Cleri, & populi morum, & Eccleſiarum reſtauratione celebrauit, in qua celebranda; præter alia Decreta Catholica, Laurentij Card. Campegij, Sedis Apoſtol. olim Legati, Conſtitutiones Raſiſponæ indiſtas, interpolauit. Anno porro 1549. victoria de Saxone, & Lantgrauio parta; Diœceſim, & Clerum Auguſtanum. (horum. n. potior pars ab ipſis detinebatur) recuperauit. Iulio Tertio Pontifice, ex Presbytero tt. S. Balbinæ, ad tt. S. Sabinæ translatus; ipſius Eccleſiæ Baſilidem vetuſtate collapſum reſtaurauit, Eccleſiā ipſam picturis pulcherrimis exornauit, & de eiſdem Pontificis auctoritate; Collegium Dillinganū, pro recuperati Cleri reformatione, inſtructioneq; in quo poſtea trecenti, & amplius iuuenes educabantur excitauit, pro cuius Collegij exædificatione quinquaginta millia aureorū ipſum expēdiſſe fertur. Anno 1553. Præpoſituram, & dominium Eccleſiæ S. Viti, oppidi Eluuaſenſis; & poſt Eccleſiæ Herbipolēſis, quam Paulus III. Alexandro Cardinali Farneſio paulò ante commendarat, conſecutus; biennio poſt, ſupremus Caroli V. Cæſaris inter Sicā-

O

bros

bro Quæstor designatus; anno 1558. defuncto S. Iacobi Cardinale, sacri Rom. Imperij Protector est declaratus; sequenti in Conuentu Augustæ iterum habito (reliquis Pontificijs ministris absentibus) totum onus religionis Catholicæ sustinuit. Pio Quarto Pontifice Romā veniens; ex tt. Sactæ Sabinæ ad S. Mariæ Transiberim translatus; post factus Episcopus Albanensis, inter eos Senatores relatus est, qui sanctissimæ Inquisitionis tribunali præessent, & controuersia sedandæ in solenni iuramento Summo Pontifici ab electi Imperatoris Maximiliani legato præstando, ortæ, de quo alias, ab eodem Pio IV. præficitur. Anno 1563. in Hispanias cum Serenissimis Principib. Rodulpho, Matthia & Erneste Austriæ Archiducibus, eiusdē Maximiliani Cæsaris filijs, è Germania profectus; Tridentum, dum Concilio finis impositus esset, venit, atq; Vtricum Comitum ab Helfenstein, magnæ apud Germaniæ Principes auctoritatis, in Catholicæ Ecclesiæ gremium redactum, &, qui anno 1567. coram multis, & grauibus viris hæresim, & Augustanam confessionem abiurarat; Cardinalis Augustanus ultra tres hebdomadas, vna cum fratre altero illustri Comite apud se Domi tenuit, vt magno studio ad perseverantiam cohortaretur. Sub Pio V. ex Albanensi, factus Episcopus Sabinensis, protectionem Archicōfraternitatis sanctissimæ Trinitatis de Vrbe Conualescentium exercuit. Sub Gregorio XIII. ad Episcopatum Prænestinum translatus, vir amplissimus, in bonis liberalis, in omni virtutum genere, præsertim pietatis excellens, Romæ anno 1573. Pontificatus Primò, 4. Nonas Aprilis, hora 15. ab hominibus, ad superos feliciter demigravit. Corpus eius in S. Mariæ de Anima Theutonicæ Nationis sepulturæ demandatum, sequenti elogio honoratur.

Othoni Card. Tuchsiesio Episc. Augustano, Sac. Rom. Imp. Principi integerrimo, & ab omnibus propter excelsas animi dotes, virtutem, clementiam, affabilitatem, ingenijq;, & morum præstantiam amabili. Obijt anno 1573. de mense Aprilis. Laurentius Siradeus, donec

donec dignum erigatur monumentum gratitudinis ergo adscripsit.

Haftenus de Othonis dignitatibus, quibus, ob suas virtutes insignitus fuit. Iam verò æterna illa ipsius pietatis monumēta referam. Dillinganum, dico, Collegium pro Patribus Societatis Iesu exædificatū, Augustæq; pro eisdem Patribus domus; ac Sacellum in sacra Aede Lauretana erectum, & præclarum illud religionis specimen Bononiæ relictum; cum. n. Roma aliquando in Germaniam, maximis de rebus tractaturus, quam celerrimè iter arriperet, & Bononiæ, qua trāsibat in sanctissimum Domini nostri Corpus; quod pauperi infirmo cui-piam pro viatico à Sacerdote deferrebat, incidisset; equo descendens, summa animi demissione veneratus idem Sacramentum; ad infirmi domum, cui & aureos nummos aliquot pro subleuanda inopia dedit, & hinc ad Ecclesiam comitatus est. Hic præter domestica insignia, hoc habuit. Pelicanum pectus rostro pro filiorum vita percutientem, cum hac inscriptione; *sic his, quos diligo.*

V.

CVm cetera præclarè; tum vero sapienter illud Lucillo in Epistolis suis Seneca præcepit Lauda hominem in eo, quod dari, nec eripi potest, & quod est proprium hominis, hoc autem, nec domus est, pulchra vestis, nec familia formosa, sed animus, & ratio perfecta. Nos igitur sapientissimi viri consilium sequentes in eo, quod debet laudari elogio, exornabimus IOANNEM Aldobrandinum Syluestri I. V. Consultissimi nobilis Florentini, Consistorialis in Romana curia patroni (Aduocatum vocant) ex Læsa Deta legitima vxore natum, Hyppoliti, qui nunc religiosissimè, ac felicissimè, atq; vtinam diu summum Pontificatum, sub Clementis Octaui nomine obtinet, fratrem. Is cum iuris vtriusque prudentia, morum integritate, & vitæ innocentia excelleret, inter duodecim patres litibus dijudicandis Romanæ Rotæ electus; Forocorneliensem Ecclesiam à Pio V. anno salutis 1569. VI.

O 2

Kal.

Kal. Octobris, administrandam suscepit, quam susceptā; tam
 prudenter, ac religiosè rexit; ut populus, hunc non à Pontifi-
 ce Pastorem sibi traditum; sed à Deo Angelum è Cœlo mis-
 sum, communi omnium voce prædicaret, quæ cum aurib. im-
 bibisset Pius V. eundem in tertia purpuratorum Patrum ordi-
 natione 16. Kal. Iunij, anno, Pontificatus V. salutis humanæ
 1570. die Mercurij, Romæ habita, Presbyterū S. R. E. tr. San-
 cti Simeonis, Card. creavit, elegitq; vna cum Morono, Ale-
 xandrino, Grassio, Casio, Rusticucio, & ab Ecclesia Cardina-
 libus, qui cum Philippi Hispaniarum Regis Catholici, & Rei-
 publicæ Venetæ Procuratoribus, proprio, & Sedis Apostolicæ
 nomine, belli aduersus Turcas gerendi, societatem inirēt; cui
 etiam; tanquam viro auctoritate pollenti; & Prospero Card.
 Sanctacrucio, bannitos, & delinquentes status Ecclesiastici,
 qui contra Turcas pugnare, aut pro militatibus pecuniam mi-
 nistrare vellent, diplomate, quod extat absoluedi, facultatē
 Pontifex concessit. Sed si quis facilius, quanti esset apud eun-
 dem Pontificem, velit cognoscere; vel ex hoc conijcere po-
 test, quod cedente Carolo Borromæo tr. S. Praxedis Presby-
 tero Cardinale maioris S. R. E. Pœnitentiarij munere, Ar-
 chiepiscopatus Mediolanen. administratione impedito; Io-
 annes hic inter alios à Pio Pontifice ad id delectus est; & pau-
 lō post Breuium Signaturæ Præfectus; qui cum anno 1573.
 Episcopatum renunciaffet; Romæ in Quirinali 7. Non. Sept.
 Gregorij XII L. Pontificatus I. I. ex hac vita decessit. sepeli-
 turq; in Sāctæ Mariæ super Mineruam Templo.

VI.

S Apienter prisci illi Philosophi; ut literis animum; atque
 ijs patrias suas exornarent; à penatibus suis discedere, &
 totum Orbem peragrarē non dubitauerunt. Sed sapien-
 tius IOANNES Riccius ex Politiano Hetruriæ tunc oppido, qui
 natus pridie Kal. Decembris, anno Domini 1497. cum defun-
 ctama

et a matre, ætatis annorum 15. nouerca, quam pater duxerat, odio laboraret; domo, patriaq; relicta, Romam venit, vbi à quodam nobili Politiano de familia Taurusia, qui ipsius patrē nouerat perbenignè exceptus; cum nunquam ab eo adduci potuerit, vt patriam sedem reuideret, apud Oeconomum Ioānis Marię Cardinalis Montani esse iussus est, cuius Cardinalis gratiam, ob solertiam meritis, ipso postea Magistro (quem vocant) domus, vita functo, eius loco Oeconomus factus, in eo munere se talem præbuit, vt, cum Alexander Farnesius Cardinalis Pauli III. Nepos Magistrū domus quæreretur, nullum, qui sibi satisfaceret; præter Ioannem inuenerit. Ab eodem porrò in Galliam; post ad Carolum V. Imperatorem, negotiorum causa missus; omnia cum summa laude pro Cardinalis voluntate definiuit, Togato postea habitu sumpto, Clericus Camerę Apostolicę à Paulo III. factus, ab eodem in Lusitaniam; primo Collector spoliūrum. Secundò in Hispaniam. Tertiò in Lusitaniam iterum Internuncius legatur. Romam reuersus, à Cardinale Montano in summum Pontificem assumpto, & Iulio III. nuncupato, cui, vt supra dictum est, antea inseruiuerat; Neapolim, ob res grauissimas missus; moxq; secretus ipsius Thesaurarius declaratus; Archiepiscopatum Sypontinum; & non multo post Episcopatum Clusinū administrandum suscepit. Cum verò ad maiores dignitates expectaretur, ab eodem in III. Cardinaliū ordinatione XIII. Kal. Ianuarij anno 1551. Pont. II. presbyter Cardinalis S. Vitalis tt. Vestinæ creatus, consilijs suis Pont. felicissime iuuit; & ob ingentia merita à Pio Papa IV. anno 1561. impetrauit, vt Politiana patria, quæ antea Præposituræ tantum; Episcopali dignitate, insigniretur, cui eo tempore Abbatiam, cuius redditus octingentos aureos excedebant, ipsius pietatem, summo Pontifice vehementer approbante, renunciauit, creato primo ipsius Ciuitatis Episcopo Spinello Bencio, quo postea vita functo, in eiusdem Ecclesiæ administratione Ioannes successit, & vna (vt sæpè diximus) cū alijs Cardinalibus coercendis Tyberis inundationibus præfici-

tur. Mortuo verò Pontifice, cum Comitia de nouo successore eligendo habentur, non potuit hic; quasi non Pontifex renunciari; creato verò Pio V. ex Presbytero S. Vitalis, ad tt. S. Angeli; post S. Mariæ Transtiberim; & ad Archiepiscopatus Pisarum administrationem translatus; à Pont. electus est, vt supra diximus, qui locum magis cōmodum Iudæis, qui cōuertebantur assignandū inueniret, & cum Ioanne Francisco Commendono, Marco Antonio Boba, & Alexandro Sfortia, Cardd. publicas vias Urbis, flumina, portus Tyberis; & cū Flauio Cardinale Vrsino; cum iam ipse Ioannes ex Presbytero factus esset Episcopus Cardinalis Albanus, aquæ (quam vocāt) Virginis, aquæ ductus vetustate collabentes restaurari, & in varios fontes per Urbem distribui curaret. Contracto verò fœdere cum Philippo Hispaniarum Rege, & Venetorum Republ. pro bello contra Turcas suscipiendo, cum maximas expensas fecisset, ob idq; Pius Quintus, pro vberiori prosecutione pecunias exquireret, Politianum ad alienandos infra annum census super bonis Ecclesiasticis Italiæ impositis, cum alijs Cardinalibus expeditis, quæ in secundo Bullarum tomo extant diplomatibus deputauit. Gregorij XIII. anno, Pontificatus II. salutis humanæ 1574. die Lunæ; 5. Nonas Maij, Romæ, is annos natus 77. ex hac peregrinatione recessit, ingressus æternā patriam. Eius corpus in S. Petri de Monte Aureo, in facello ab eodem ædificato, picturis, auro, ac statuis ornato, sepulture mandatur. Per amplas domos Ioannes in via Iulia, quas, vna cū nobilissimo domicilio, quod in Palatio Apostolico ex ipsius nomine Montis Politiani etiam nunc dicitur; præter ea, quæ in patria, maximo sumptu ædificauit, habitabat. Viridarium item celebre in Monte Pincio habuit, quod postea Ferdinandus Medices, olim S.R.E. Card. nunc Magnus Hetruriæ Dux, ad elegantem formam reduxit, possedit. In summa Ioannes vir fuit clarissimus, & in Repub. maximis, grauissimisque caulis insignitus, cuius munificentia præclarum extat testimonium, Collegium. s. Patauij ad alendam, & instruendam iuuentutem

Gregorius Papa XIII.

215

utem ex Politiano oriundam, maxima ipsius impensa exedificatum, ac dotatum.

VII.

ANONIVS Crechius Gallus, mira artium Liberalium cognitione, ingenio, prudentia, consilio, rerumq; civilium usu, & intelligentia, zelo, alijsq; virtutibus ita excelluit, ut schola, ad Episcopatum Ambianensem inter Gallobelgicos euocatus, summum gratiae, & auctoritatis locum apud Carolum Nonum Francorum Regem obtinuerit, cuius opera; cum ad publicas res tractandas, summa cum sui approbatione usus esset, amplissimo S. R. E. Cardinalatus honore, eodem Rege instante, à Pio Quarto, dum quarto Patres legit, anno sal. 1565. 4. idus Martij creatus Presbyt. tt. S. Triphonis, honestatus est; nec multo post ad Nānetensem Cathedralē Ecclesiam moderandam translatus, quæ sui muneris erant, ita cumulātē impleuit; ut optimi Præsulis nomē sit consecutus; qui anno Gregorij XIII. Pont. III. humanæ salutis 1574. 5. Kal. Iunij, Ambiani ex hac vita excedens, antea actæ cursum digno exitu conclusit, sepultus in Cathedrali.

VIII.

QUAM præclaris animi dotibus IULIVS Aquaiiua de Aragonia nobilissimus Neapolitanus, Io. Hieronymi Atriæ Ducis filius, Io. Vincentij Pauli Tertij Cardinalis Nepos, & Octauij, à Gregorio Tertio decimo inter purpuratos Patres meritò relati frater, ornatus fuerit, & ea, quæ in magnis rebus gerendis eximiae virtutis documenta dedit; & summum honoris præmium illi in Vrbe, in qua quanti quisq; sit inprimis ponderari solet, satis superq; testantur. Is adolescens in omni virtutum genere præstans, in quo præcipua indoles erat; qua expectari, & sperari digna omnia poterant, ex utriusq; Signaturæ Referendario, à Pio V. Summo Pontifice, qui ipsius prudentiæ semina, Cardinalitio gradu digna iudicauit,

O 4

cavit, dum tertio eligendorum Patrum Comititia haberetur; anno salutis 1570. Pont. V. 16. Kalen. Iunij Diaconus Card. S. Theodori creatus, varijsq; negotijs præpositus, tum priuatis suis congressibus, familiaribusq; colloquijs adhibitus; in omnibus, quæ sunt præcipua gradi huius tam excelsi munia cum mulatè respōdit. Sed heu (casum inexpectatū) is in medio cursu, vel; vt melius dicam, in ipso præclarè gestorum principio, in medijs honoribus, in flore ætatis, summo cū Cardinalium dolore, gentilium gemitu, omnium suspirijs; immatura morte, cum nondum octo; & viginti annos natus esset, die Mercurij, 12. Kal. Augusti, anno 1574. Greg. XIII. Pont. III. vitam hanc mortalem, cum vita immortalī permutauit, cæteris Patribus exemplū pietatis, iuditij, doctrinæ, atq; eloquentiæ, relinquens. Huius corpus in Lateranenſi Basilica propè Aram maximam in pauimento sepultum, marmoreo lapide sequenti elogio literis æneis inſculpto cooperitur.

D.

O.

M.

Iulio Aquauina S. Theodori Diacono Cardinali, Io. Hieronymi Ducis Atria, clarissimi viri filio, ob egregias animi doctes, adoleſcenti à Pio V. in Cardinalium Collegium cooptato, eiusq; dignitatis muneribus clarè functo. Andreas Mattheus Patruus, Archiepiſcopus Conſentinus poſuit. Vixit annos X XV I I I. obiit 12. Kalendas Augusti 1574.

IX.

Non minus ex rebus præclaris, ac magnis in bello gestis, quam quod sub puluino Homeri Iliadem teneret, Magni nomen Alexander ille Macedo sibi comparauit, cuius celebris nominis famam mihi participasse videtur ALEXANDER Cribellius, Antonij Lumelij Comititis filius; nobilissimus Mediolanensis; ex cuius familia; præter Vrbanum III. Summum Pontificem; Ausanus, & Melethior Mediolan. Ecclesiæ Præſu-

Præfules; quorum prior in Sanctorū Cathalogum adscriptus est; Sanctus item Guilielmus, & Beati Lucas, & Alexander; nonnulli etiam aliarum Ciuitatum Episcopi, alijq; multi diuersis temporibus viri, pace, ac bello illustres prodire, qui liberalibus disciplinis institutus, Senatorisq; in patria munere honorificè functus; & si arti militari antea operā nauans, multa fortitudinis dedit signa, & ob id Carolo V. carus; maxima rum copiarum ab eodem Dux designatus, quadringentos viros è familia, & affinitate sua sub se præliantes vno, & eodē tempore habuit: tamen legitima sibi vxore defuncta, ex qua tres, Antonium, Hieronymum, & Aloysium filios susceperat, spretis armis, à Pio Papa Quarto, qui ipsius virtutem nouerat, Romam accitus; post minora ei demandata munera, Episcopali Cariatēsis Ciuitatis dignitatē exornatus, anno 1562. pro rebus ad Concilium Tridentinum spectantibus, alijsq; summis negotijs Reip. Christianæ, Sedis Apost. Nuncius ad Philippū Hispaniarum Regem missus, dum apud eum, magna cum laude, perhonorificè eo munere fungitur, absens, & nil tale cogitans, ab eodem Summo Pontifice anno 1565. Pont. VI. 4. id. Martij, dum quarto Patres legeret, sacra purpura illustratur, Presby. Card. tt. S. Ioannis ante portā Latinam, ac apud eundem Regem de latere Legatus declaratus. Cum Mediolani à Carolo Borromæo Cardinale, & Ciuit. Archiepiscopo, hospitio aliquando exceptus fuisset Cribellius, sedente Pio V. accidit, vt sicarius ille Donatus, Farina dictus, qui primò; vt Borromæum occideret, Episcopium hora coenæ, dum Cardinales orarent accessisset, & alterum Cardinalem vidisset adesse, nefarias manus; ne Cribellium pro Carolo occideret, à scelere tunc abstinuerit. Ecclesias Cathedrales is Gerontiensē, & Leritensē sapienter administrauit. Collegium Romæ; in quo iuuenes de familia Cribellia bonis moribus, ac liberalibus disciplinis instituerentur, crexit, ac dotauit; atque è titulo S. Ioānis, cuius Ecclesiam ita restaurauerat, vt ipsam denuo reædificasse dici possit; ad S. Mariæ de Aracoeli translatus, Ro

mæ

mæ anno ab incarnato Verbo 1574. Pontificatus Greg. XIII. 3. ætatis 63. die Mer. 10. Kal. Octobris obiit; sepultusq; est in Ecclesia sua titulari, vbi propè sacrarium dictæ Ecclesiæ moles sepulchralis, cum effigie ipsius ad viuum depicta, sequenti epigraphio donata conseruatur.

Alexander Cribellius Mediolanensis ut. S. Maria de Araceli S. R. E. Presbyter Card. sexagesimum ægens annum sibi posuit, anno 1571. Mense Decemb. die 22. obiit 1574.

X.

Qua laude olim prisca illi Romani; quod patriam, tam acriter defenderet floruerunt, ea dignandus est, qui; non pro patria; sed pro fide ad extremum vsq; capitis discrimen, dimicauit CAROLVS de Guisa à Lotharingia Gallo campanus, qui Claudium Guisæ Ducem Ioannis S. Onuphrij Leonis Papæ X. Cardinalis fratrem, & Antoniam Borboniam parentes; fratrem, Ludouicum de Guisa Iulij III. Cardinalem; Aloysium Gregorij XIII. item Cardinalem Nepotem; sororem autem Mariam Iacobi V. Scotiæ Regis vxorem, habuit. Hunc; habitis Romæ apud S. Marcum comitijs Paulus III. anno 1547. sui Pont. XIII. 6. Kal. Augusti Presbyterum Cardinalem ut. S. Cæcilie creauit. Is ab Henrico II. Rege Romani; vt eidem Paulo ipsius nomine opes, ac Regnum offerat; atq; ad bellum contra Carolum V. Imperatorem sumendum inuitet, missus; in Archiepiscopatu Ducatuq; Remensi factus primus Franciæ Par, Ioanni Cardinali Lotharingio patruo; sedente Iulio III. successit, à Paulo IV. cuius comitijs interfuerat in Galliam legatus de latere constitutus, inter Pontificem, & Henricum, contra Imperiales partes fœdus iniit. Anno 1558. Parisino conuentui à Rege; vt opem subditis pro Flandro bello ferret, conuocato, vt Cleri in illis partibus Primas interfuit, & vt pax inter Gallorum, & Hispaniarum Reges, sequeretur, multum elaborauit, eaq; inita Galli nomine, cum alijs ad idem depu-

deputatis, conditiones pacis à Philippo Regis procuratoribus accepit, defunctoq; Henrico Rege, Francisco II. successori VI. Idus Augusti, atq; etiam Francisco è viuis sublato, anno 1561. Carolo IX. Remis Diadema regum ipsorum capiti imposuit, & cum Rex in puerili ætate constitutus Regni clauum tenere pro dignitate, non posset, Cardinalis, vna cum alijs 14. Regni Proceribus, Regis tutor (quem vocant) fuit constitutus. Qui, vt erat religionis Christiane obseruantissimus, multa de eadem & contra Hæreticas pestes, qua ijs turbulentissimis temporib. Regni nauim procellosis tumultibus à felici cursu dimouere conabantur, in ea Regia cōsuluit. Quid dico cōsuluit? immo verò os impurū Bezae Hæreticorū capitis, & aliorū, præsente Regina, multisq; Regni Dynastis in Posciaca disputatione oppresit, cumq; ipsorū etiā coniurationes in caput Regiū factas antea detexisset, seuerèq; vt par erat, puniisset; Hæretici Cardinali mortem intendere tentarunt. Anno porrò 1563, ad tt. S. Apollinaris translatus; magna Antistitum caterua comitante, ad Synodum Tridentinam indictam venit, cui; vt debitus honos à Cardinalibus Stanislao Hosio, Ludouico Simoneta, & Bernardo Nauagerio, qui tunc ipsi Concilio præerant, haberetur, diplomate, Pius Quartus Pontifex, Romæ 19. Kal. Septembris dato, ipsis Cardinalibus Legatis cōmisit, eumq; proculdubio Pōtifex dicti Concilij Legatum, ac Præsidentem alijs tribus adiunxisset, ni cōtradictiones Hispanorum obstitissent. Tridento eodem anno discedens, vt Pontificem debita cohonestaret veneratione, & de maximis rebus cōsuleret, Romā venit, ac 3. Kal. Octobris, hora 22. Urbem ingressus; non minori humanitate, quam honore, à Summo Pontifice excipitur, inde 14. Kal. Nouembris, Tridentū reuersus, ibi; donec Concilio finis impositus est, commoratur, atq; huic eidem contingit in fine ipsius Concilij vniuersis Patribus, ad singula (vt moris est) respondentibus, acclamationes recitare. Cum inter hūc anno 1564. & Memoransium Regni Galliae Marefcalcum nefarium Hæreticorum fautorem, Parisijs orta esset cōtrouersia,

cò pro,

cò pro fide Catholica Carolus deuenit, vt vix mortem euaserit. Anno 1568. à Carolo Nono, & Catherina matre Regib. in Hispaniam, vt de morte Isabellæ Caroli sorore, Catherinæ filia, cum Philippo Secundo Hispaniarum Rege marito condoleret, ipsisq; auxilium contra hostes, & alterâ Maximiliani Secundi Cæsaris filiam, pro eodem Carolo vxorem obtineret, mittitur, quo anno; cum à Principe Condensè contra Cardinalem, qui Regni administrationem gerebat, arma essent capta, contra hunc scelestissimum Principem, & reliquos Hæreticos, pro Carolo à superis pugnatū est. Rege anno 1569. Mentensem Ciuitatem; vt Christianæ Religioni consuleret, ingrediente Dominica prima Quadragesimæ, acta re sacra coram ipso Rege, eiusq; Proceribus, & populo in maiori Ecclesia cōcionem Cardinalis habuit, sumpto themate ex Matthæi Euan gelio cap. 4. *Ductus est Iesus in desertū à spiritu, vt tentaretur à diabolo*, & quæ sequuntur, qui summa, vt erat præditus eloquētia, multis; vt cætera taceā, rationibus Hæreticos diabolo ipso esse nequiores, demonstrauit; Dæmon. n. & si dubitauit, an Christus Filius Dei esset, nō dubitauit postea, quin; vt filius Dei oīa facere posset, dicens. *Si filius Dei es; dic, vt lapides isti panes fiant*, dicebat (inquā) Carolus Caluinistas, Vgonotas, & alios dictu indignissimos hēreticos dēmonē nequiores esse, quia cū nō ignorent, Christū esse Dei filiū; illius tamen potentiam negāt, quando transubstantiationem panis, & vini in sacro Corpore, ac pretioso eius sanguine non admittunt. Hic anno 1571. in Prouincia Lotharingæ Collegium Societ. Iesu Mussipuntanū ædificauit. Anno 1572. cum Romam Gregorium XIII. ad Pōtificatum euectum, salutatū venisset, in Galliam reuersus, Henricum Andegauensium Ducem Caroli Regis fratrem, Polonū Regem electum, in Poloniam anno 1573. euntem, comitatur; Qui sequenti Pontificatus, Tertio, die Dominico, 7. Kal. Ianuarij, Auinioni vitam cum morte commutans, laborum pro Fide Catholica susceptorum, præmium accepit. Adfuit Cardinalis morti Henricus tertius Rex, qui è Polonia discedens, nūn-

nuncio ei de Caroli Noni fratris Gallorum Regis, morte allato; clam Polono dimisso, ad paternū suscipiendum, iter arripiebat, illac transibat, cumq; Cardinalem comitantib. Alenconio Duce, & Nauarræ, nunc Galliarum Rege per benignè inuississet, Cardinalis moribundus, eosdē verbis efficacissimis ad vniōnem, mutuamq; inter se beneuolentiam, & vt Catholicæ fidei defensionem, fumerent, vehementer est adhortatus. Eius corpus Remis translatus, in Metropolitana honorificò sarcophago conditus est. Carolus præter domestica insignia gestauit; hederam adherentem pyramidi, cui Luna super imposita erat, cum hac inscriptione: *Te stante virebo.*

XI.

PRæclara, meo quidem iudicio, fuit illa sententia, quā suū ipse consolator Boetius posteritati consecrauit, quod scilicet immortalitatem propagare videmur, quādo futuri temporis famam cogitamus. Quod tanto Philosopho dignū acroama; non de se: sed de patria, aut potius de Rep. Christiana intellexit Io. PAVLVS ab Ecclesia Italus patria Dertonensis, qui natus an. 1521. ac patre in puerili ætate orbatus, se in Patauino, & Ticinensi Gymnasio, cum literis gnaviter operam dedisset, Doctoratus Laurea illustrauit: quin tanta excelluit Iuris, legumq; peritia, vt omnes sui temporis in causis agendis patronos Mediolani longe superaret, vnde in Hispaniam cum Thoma Marino Terræ nouæ Duce veniens, vt pro ipso in consilio Regio coram ipso Rege causam ipsius tractaret, eam tam facunda eloquentia; tam vrgentibus argumentis corroborauit; vt Regi, & Consiliarijs gratus euadens; Mediolanensis Senatoris dignitate meruerit cohonestari. Mediolanum postea cum redisset, vxore nobilissima; cuius causam antea defenderat, ducta; Prætor Ticinensis designatus, tumultuante ipsius Ciuitatis Gymnasio sedato, urbem biennio per summam iustitiam prudentissimè moderatus est. Vxore porro functa, quia vnicus videbatur, ea tempestate, cui difficillimè cau-

se ad

ſæ ad felicem exitum perducendæ poſſent committi, à Medio-
lanenſi ſenatu Romam, ob controuerſias inter Carolum titu-
li S. Praxedis Card. Borromæum, Ciuitatis Archiepiſcopum,
& eundem Senatū enaſcētes, ad Pium Quintum Pont. Max.
Orator mittitur; qui in eo negotio pertractando talia, ſummę
doctrinæ, prudentiæ, ac pietatis ſigna de ſe præbuit, vt ipſe
Pius; cum huius patruus, Seraphinus nomine, Canonicus
Regularis Sancti Auguſtini, Congregationis Lateranenſis,
qui in eodem oppido Boſchi, in quo Pont. natus; à primis an-
nis ipſo fuerat familiariter uſus, ſua paupertate contētus, Car-
dinalitiā dignitatē, vt viro integerrimo, ac doctiſſimo il-
lā digno, oblatam, repudiaſſet, ipſius loco, hunc Protonota-
rium Apoſtolicum, patruo moribus, ac doctrina non diſſimilē
anno 1568. Pontificatus III. Nono Kal. Aprilis, dum ſecun-
do Cardinales pronunciaret, Diaconū; & non multo poſt Pre-
ſbyterum tt. S. Pancratij Cardinalem cooptauit; & cum, non
ſolum in forenſibus, verum etiam in quibuslibet cauſis pertra-
ctandis maximē ſolertem videret, atq; admiraretur; hunc pro
ſacro ſœdere in Caroli Cardinalis Graſij defuncti locum ſuſ-
ſectum, & ad alienandum cenſus Eccleſiaſticos, cum alijs Pa-
tribus deputauit, necnon Signaturæ Iuſtitie præfecit. Obijt
is Romę die Iouis, idibus Ianuarij, anno Iubilæi 1575. Pontif.
Gregorij XIII. tertio, ætatis 54. ſepultuſq; eſt in S. Pancratij
titulo, vbi in pauimento ſaxum marmoreum eius inſignibus,
& ſequenti epitaphio cœlatum cernitur.

*Io. Paulo Eccleſio Dertonenſi, S. R. E. tt. S. Pancratij Preſbyt.
Card. viro ingenio, memoria, ſaciēdia, & probitate ſingulari, I. C.
eximio, à Pio V. Pont. Max. Signaturæ Iuſtitie Præfecto. Ludo-
uicus Vicecomes affini optimo, & amantiſſimo P. Vixit annos 54.
obijt idibus Ianuarij Anno Iubilæi 1575.*

Io. Paulus; præter domeſtica inſignia hoc geſtauit. Cygnū
ſuper Arā impoſitū, cum hac inſcriptione; *Dulcius, vt canam.*
XII. Eiuſ.

XII.

Eiusdem Io. Pauli celeberrimarum laudum particeps visus est M. ANTONIVS Boba Casalensis Montisferrati, cuius prudentia, consilium, fides, constantia; quam enituerint; summus gratiæ, & auctoritatis locus, quem ille apud maximos Principes obtinuit declarant; à Paulo. n. IV. Episcopatu Augustę prætorię inter Allobroges præfectus, à Serenissimo Emanuele Philiberto Sabaudię Duce maximis opibus, summa prudentia Principe, magno postea SS. Maur. & Lazari Hierosolymitani Ordinis Magistro (cuius ipse memoriam, quam diu vixero in animo continebo, quod annis ab hinc viginti, me inter eiusdem Religionis Equites aggregare dignatus sit) qui ipsius fideli opera in perarduis rebus utebatur, ac magnam illi fidē habebat, Orator Tridentū an. 1563. missus, ibi duplex munus, oratoris. s. & Episcopi ita cumulate exercuit, ut excellētibus de se factis iudicijs abunde respondisse, sit existimatus, cuius oratio; dum eo in Conc. appareret eleganter conscripta, circumfertur. Hic, ipso Sabaudię Duce implorante, & Pōtifice M. Antonij merita animo contemplante, ab eodem in quarta 23. Cardinalium electione Romæ 4. Idus Martij anno 1565. habita, Presbyter Card. S. R. E. tt. S. Sylvestri absens declaratus, Romam veniens; tantum abest, ut opinionem, quam de ipso summus Pont. sacerq; Senatus conceperat defraudaret, ut potius auxerit; in sententijs quippē dicendis liber, & grauis, ut Cardinalitia dignitas expostulabat, & in negotijs pertractandis; ut antea semper, prudentissimus euasit. Eundem Pius V. Ioanne tt. S. Marię transtiberim Politiano, Io. Francisco tt. S. Cyriaci in Thermis Commendano, & Alexandro tt. S. Marię in via Sfortia, Presbyteris Cardinalibus socijs adiunctis, pro restauratione viarum publicarum Urbis, fluminum, & Portus Tyberis deputavit, in quo; tanta potuerunt virtutum genera reperiri, ut non modo grauioribus disciplinis, legum videlicet prudentia; sed etiam summa eloquentia,

ac vi

ac vi in dicendo arte Pòetica, & facili felicitate, & felici styli facilitate dotaretur, cuius rei singulare præmium meritò celeberrimorum scriptorum epistolis meruit obtinere (si modo virtutis præmium est honor, & commendatio) si quis verò pòetica disciplinæ monumenta hic apponi, videatur desiderare; non nulla carmina latina ab eodem in Simonis Pasquæ Cardinalis collegæ sui laudem ab Vberto Folietta in clarorum ligurum elogijs conscripta, quæ nos superius in extremo elogio dicti Simonis posuimus, poterit lectitare. Is tandem sub Gregorio XIII. ex tt. S. Sylvestri, ad S. Marcelli translatus, eidem; ut rumor erat in Pontificatu successurus, è terris sublatus est, ut cum superis æterna frueretur immortalitate. Obijt Romæ die Veneris 15. Kalen. Aprilis anno Iubilæi 1575. Pont. III. eiusq; corpus in S. Mariæ Angelorum in Thermis sepulturæ mandatum est.

XIII.

VNde in tanta eorum, quæ se se offerunt ad dicendum copia potissimū exordiar, ò GASPAR Ceruantes de Gaete Hispanæ, ex oppido Caceres Placentinæ Diocesis? an ab illa scientiarum, atq; artium omnium Regina Theologia? vel ab illo florentissimarum Ciuitatum, ac Rerum publicarum, quasi firmissimo quodam neruo, legalem dico sapientiam, quam cum rerum vſu continuo, & animi candore coniunxeras? Dum vtramq; miror meritò te video Hispalensis Archiepiscopi, sedente Paulo Quarto, vices gerere; & Messanensem primò; mox Salernitanam; vltimò Tarraconensem Ecclesias Metropolitanas Carolo V. Cæsare, ac Philippo Hispaniarum Rege, deferentibus sapienter moderari. Quis verò satis pro dignitate in Concilio Tridentino sententias te Præsule Ecclesiastico dignas commendet? Gaspar Romam pro causa fratris Bartholomæi Caranzæ Ordinis Prædicatorum, Tolletani Archiep. à Philippo Rege missus, in ipsius gratiâ à Pio Quinto Pontifice in tertia sexdecim Cardinalium promotione, die

ne, die Mercurij, 16. Kal. Iunij, anno Domini 1570. Pont. V. Cardinalis Presbyter tt. S. Martini in Montibus creatus est, qui in Tarraconensi ora; erecto pro instructione Clericorum, qui Ecclesiæ inferuirent Seminario, redditus Monasterij Sancti Michaelis Archangeli à Canonicis Regularibus S. Augustini derelicti applicauit, qua etiam in Ciuitate, Collegiū pro Patribus Societatis Iesu, propria impensa splendidè ædificauit, quibus pietatis monumentis relictis; cum an. 1572. in Hispaniam, Roma maximis de rebus cum Rege, Pontificis nomine tractaturus, venisset; triennio post, anno videlicet Iubilæi 1575. Pontificatus IV. octuagenarius, dum Tarraconensis Cleri reformationi, Ecclesiarum restaurationi, alijsq; pijs operibus intentus est, die Lunæ 16. Kal. Nouembris moritur, ibiq; in Metropolitana sepelitur.

XIV.

SI, & Romanorum, & Atheniensium Respublicæ floruisse dictæ sunt, donec sapientissimos Legislatores habuerunt; iure meritò floruisse, & florere dici debet Resp. Christiana, dum viros iuris, legumq; consultissimos habeat, inter quos vnus fuit PAVLVS, Scipio antea dictus, de familia de Aretio Itrij oppidi litoralis Latij; morte Hippolyti Cardinalis Medicei quodam; nunc autem ipsius Pauli natiuitate illustrati, qui honestis ortus parentibus, & graui legum honore insignitus, Neapolis de Consilio Regis, ob virtutes factus, rerum capitalium Iudex in ea Regia constituitur. Interim dum eo munere fungitur, quendam falsò homicidij reum morti adiudicat, qui reus ad supplicij locum ductus; non dolere, quod propter multa in Deum patrata scelera mortem mereretur; sed quod falsò de homicidio insimulatus, morti traderetur, laqueo suspendendus, coram populo conqueri, ac lamentari cœpit; quibus auditis Scipio; cum non posset sibi persuadere, vt aliquis, vi tormentorum id confiteretur, vnde morte muldaretur, quadam die clanculum ad stabulum veniens, propriam mulam pup

P

gio-

gione interimit, atq; itinere simulato, mulam parari sibi serusi iubet; qui cum mortuam retulisset, indignantis Domini iussu, eum mulę occisorę simulantis, carceri duro mancipatur, cūq; intolerabilibus exerceretur tormentis, se mulam, quod calci- trando eum offendisset occidisse, vi tōrmentorum fatetur, quo viso Scipio; cum statum, in quo esset multis periculis circum- septum videret, famulo liberaliter remunerato, iudicio, ac sæ- culo relicto, in Cœnobium S. Pauli Clericorum Regularium Theatinorum Neapolim, vt in portum tutissimum confugit; Scipionisq; nomine in Paulum cōmutato, arctissimis religio- sissimę vitę institutis se constrinxit, cūq; in morum sanctita- te, ac sacrarum rerum doctrina ibidem floreret, omnium sui ordinis dignitatum gradus consecutus, Hispanica Legatione apud Philippum Regem, maximis de rebus à Neapolitana Ci- uitate, quę à superioribus; vt munus impositum subiret, obti- net, magna sui cum laude perfunctus, ita eius nomen in Pij V. notitiam venit, vt eidem, cum minus cogitaret, Placentinum Episcopatum per obitum Bernardini Scoti Cardinalis Tranen- sis, eiusdem Instituti viri vacantem, vltro anno salutis 1569. demandarit; eundemq; anno sequenti, die Mercurij, 16. Kal. Iunij, Presbyterum Cardinalem tt. S. Pudentianę renitentem pronunciarit. Hic verò Episcopale Palatium Placentiæ vetu- state collapsum, Ecclesiasq; restituit; ornamentis, & Sacerdo- tijs auxit, populumq; sibi creditum; non modo dictis, atq; in- stitutis: sed proprię vitę exemplo ad cœlestem amorem incē- dit, qui etiam locum Clericis Theatinis religiosis, vbi degerēt in eadem vrbe concessit; & S. Sixti II. Romani Pontificis, & Martyris amplificato Templo, sacrum eiusdem corpus à Lu- douico II. Imperatore Roma, Placentiam olim translatus an- no 1576. honorificē in eodem reposuit, quo anno vita functo Mario Carafa Neapolitano Archiepiscopo, à Gregorio XIII. Pont. Max. Paulus Cardinalis relicta Placentina. cui Philip- pus Sega Bononiensis, tunc Episcopus Ripanus, post Innocen- tij Papę IX. S. R. E. Cardinalis, successit, Metropolitanā Nea-
polis

polis Ecclesiam administrandam accipiens, eius possessionem pridie Nonas Septemb. eiusdem anni inijt, ibiq; dum Cleri reformationi, alijsq; Episcopalibus muneribus intentus esset, nocte quadam, anno sequenti, cum ventus intempestivus inflaret, ac fenestras cubiculi adaperisset, Paulus cum cubicularium excitare nolleret, è lecto surgens, vt eam clauderet, ita à fenestra, vi ventorum impulsus, percussus est, atque in terram impulsus, vt femur sibi confregerit, dolore, ac febre confectus, non multo post ad æternam vitam migrauerit, 15. Kal. Iulij, die Mercurij, hora 18. eiusdem anni 1577. Pont. Gregorij XIII. VI. Corpus eius ibi in S. Pauli suæ Cōgregat. cœmeterio; non vt Cardinalis; sed vt viri priuati (sic. n. scripto testamento iusserat) sepelitur. Pro cuius epitaphio, quo noluit donari, quouis encomio meritò potest cohonestari; nam fuit vir, continentia, innocētia, religione, pietate insignis, Sacerdotalis dignitatis specimen, Ecclesiasticæ libert. propugnator acerrimus, & vt vno verbo complectar, virtutum omnium exemplar splendissimū, sacri purpurei Senatus decus, atq; ornamentum.

XV.

SCIPPIO Rebiba, natione Siculus, honestis, pijsq; parentibus, & vico inter Messanenses montes sito, cui S. Marci nomen est, quod nobilissimæ Filingeriæ familiæ iurisdictioni subest; anno salutis 1504. 3. Nonas Februarij natus, cum Panormi literis iam instructus, Capellania Ecclesiæ Beatæ Mariæ, quæ Miraculorum nuncupatur, renunciata, Romā venisset; Ioannisq; Petri Card. Carafæ, cui inseruit, gratiam sibi conciliaffet, ab eodem; iam ad summum Sacerdotium assumpto, ex Protonotario Apost. Motulēsis Episcopus electus; nec multo post Urbis Romæ Gubernator factus, his honorum gradibus, paulatim ad Cardinalatus dignitatē, quæ illi anno Domini 1555. Pont. Primò, 13. Kal. Ianuarij Presbyr. S. Pudētianæ tr. Pastoris creato, delata est, ascēdit: nec multo post Archiepiscopus Pifarum in Hetruria renunciatus; sequenti an

P 2

no ad

no ad Philippum Hispaniarum Regem II. in Belgas Legatus de latere designatus, quo dum proficiscitur, in Ecclesiasticam ditionem, illatis armis à Cæsarianis reuocatur. Hic Archiepiscopatu Pisano, de quo supra, Cosmo Hetruriæ Duce instante, qui Ioanni Mediceo Cardinali filio eandem Ecclesiam, cuius ius præsentandi penes ipsum erat, conferre intendebat, relicto, eiusq; vice Episcopatu Troiano in Apulia tunc; Constantinopolitano postea Patriarchatu; paulo ante ipsius Pontificis obitum donatus. Pio IV. mandante, qui Carolum Cardinalem Carafam, Alfonsum item Card. Neapolitanum, & nonnullos eiusdem domus consanguineos, & familiares in publicum carcerem conijci mandarat, in Hadriani molem, tanquã Carafarum arcanorum cõscius, coniectus, in nullo crimine cõpertus, liberè dimissus est, qui ex tt. Pastoris ad S. Angeli; post ad S. Anastasię translatus, in supremo officio in Alma Vrbe, & tota Rep. Christiana Hereticæ prauitatis Quęsturæ à Pio V. Pont. Bernardino Tranensẽ Primas inter hos tenente Francisco Pacieco, & Io. Francisco Gambara Cardinalibus socijs, adhibitis, Inquisitor delectus, & ipso Tranensẽ, anno 1568. mortuo; supremus Inquisitor factus, cum sub Greg. XIII. sub quo Tifernum moderatus fuerat; ex Presbytero factus Episc. Sabinen. iam etate grandæuus, effractisq; viribus esset, habitavit à Consistorijs abstinendi ab eodẽ Pontif. venia, vitæ residuũ pacatè degere cogitaret, subita morbi vi, ex nimia adipis copia prouenientis pressus anno ætatis 73. Pont. VI. sal. 1577 die Martis 10. non autem 9. vt malè ex epitaphio Kal. Augusti, obiit; eiusq; corpus in S. Syluestri in Quirinali apud Theatinos, vbi in medio pauimento lapis, cum hoc elogio legitur, tumulatum est.

D.

O.

M.

Scipioni Rebiba Siculo Episcopo Sabinensi S. R. E. Card. Pisarum; integritate, doctrina, religione præstanti, Heretica prauitas

tis

is Inquisitori, summo fidei Orthodoxæ acerrimo propugnatori. Prosper Rebiba Patriarcha Constantinopolitanus, & Troia Civit. Episcopus Patruo bene mer. maxime posuit. Vixit annos 73. obiit die 24. Julij 1577.

XVI.

Summam rerum humanarum instabilitatem nobis repræsentat INNOCENTII Cardinalis de Monte vita, qui ab humili statu, ad magnum honoris gradum euectus; pro virtute, voluptatem amplectens; non modo existimationi antea de se factæ non respondit: sed etiam ditissimis ijs sacerdotijs, quæ assecutus fuerat à summis Pontificibus priuatus est. Is ignobili loco in Castro Placentinæ Ditionis natus, cum puer adhuc è propria domo discedens, huc atq; illuc errans, Bononiam venisset, à familiaribus Ioannis Mariæ Montij Archiepiscopi Si pontini Ciuitatis Gubernatoris domesticæ seruituti addictus, eum Archiepiscopus moribus, ac literis; cum excellentis ingenij signa daret, instrui curauit, apud quem tanti fuit, vt eodem à Paulo III. Cardinale creato, & post ipsius mortem in Pontificatu, Iulio III. dicto succedente, donatis propriæ familiæ Montia cognomine, atq; insignibus, & data illi in Cathedrali Placentiæ Ecclesia, Præpositura; paulo post anno 1551. Pont. I. pridie Kal. Maij, iuuenis adhuc nulla illustri re antea cognitus, graui Pontificis contentione, renuente Cardinalium Collegio, eidem proprio pileo dato, Cardinalis Diaconus S. Onuphrij creatus fuerit, summisq; honoribus, Legatione. s. Bononiæ, & Aemiliæ, Collegij Cathecumenorum protectione, ac ditissimis Innocentij Card. Cibo; tunc temporis mortui, sacerdotijs cōdecoratus. Sed, ò instabilem rerum omnium vicissitudinem. Mortuo Iulio; veris literarum deficientibus ornamentis, cum redditus malè consumeret, & se alienum à veris Cardinalis dotibus; præsertim vacante Pauli IV. sede demonstraret, fuit à Pio IV. successore multis criminibus infirmulatus, Hadriani moli mancipatus, ratusq; Pontifex, non pos

se meliori ratione corrigi, quam si ditissimis prouentibus priuaretur, tres potissimas Abbatias S. Sabbæ in cella noua, Miramundi, & S. Marię Criptę ferratę alijs contulit, eumq; in cõpedibus per annum integrum detentum, Tybur relegauit. Huc etiam, cum adhuc in vitijs suis perseueraret Pius V. Pontifex in vincula coniecit, & castigatum, atq; omnibus; præter eos, quibus victum tantum parabat, redditibus ablatis, in cænobio Regularium relegauit, quæ omnia eum, tam exosum Romanæ Curię reddiderunt, vt; cum postea Gregorio XIII. Pontifice libertate donatus Romæ, vbi S. R. E. Cardinalium Diaconorum Primas tenuit, ex S. Onuphrij, ad S. Mariæ in Porticu; post ad S. Marię nouæ Diaconatus translatus moraretur, reliqui Cardinales ab eius, quem flocifaciebant consuetudine abhorrent. Is anno 1577. III. Nonas Nouembris infelicem vitam cum morte commutans, nocte priuatim in Ecclesia S. Petri in Monte aureo apud minores obseruantes sepelitur, nullis pristinæ maiestatis relictis testimonijs, quam quibusdam imaginibus, & picturis, quibus; dum humanus fauor arrideret delectabatur. Neq; hæc in causâ fuerint, vt taceamus summâ eius in Ecclesiasticis cõremonijs peritiâ, quę tanta fuit, vt cum Consistoria publica pro recipiendis principum, oratoribus, ac legatis celebrarentur, ipsimet cõremoniarum Magistri nihil facerent, nisi prius Innocentium consulissent.

XVII.

LUDOVICI de Guisâ Lotharingij Gallocampani, Claudij Guisæ Ducis, & Antonia Borboniæ filij. Caroli Remensis Archiepiscopi Pauli III. Cardin. fratris; Ioannis Metensis Episcopi Leonis X. Cardinalis Nepotis; Ludouici Gregorij XIII. Cardinalis patruj, facta simul, ac dicta memoratu digna, quæ apud alios latius diffusa sunt, quam vt breuiter cognosci possint, & vt documenta sumere volentibus longè Inquisitionibus labor absit in vnum redeimus. Electus hic Episcopus Albienfis, à Iulio Papa III. die Veneris 11. Kal. Ianuarij

nuarij anno reparatę salutis 1553. Pontificatus IV. in quarta Cardinalium electione Diaconus Cardinalis S. R. E. creatus; à Paulo IV. Diaconatum S. Thomę in parione obtinuit. Idem anno 1561. ad Archiepiscopatum Senonensem per obitum Ioannis Bertrandi Cardinalis vacantem, translatus; Ecclesiam Albiensem, quam antea administrabat Laurentio Strocio Cardinali regendam cęssit. Senonensem postea dimissa, cui tunc Nicolaus de Pelleue Card. pręfuit. Ex Diac. factus Presbyt. tt. S. Thomę in Parione; Pictonensem; mox Metensem, & Burdegalem Ecclesias, quoad vixit religiosissimę moderatus est. Qui tandem ad cęlestem Patriam migravit in patrijs oris die Sabathi 6. Kal. Aprilis anno Domini 1578. Gregorij XIII. Pontificatus VI. ibiq; sepultus est.

XVIII.

Sed nescio, an in laudis genere hęc superarit **CHRISTOPHORVS** Madrucius Gaudentij Equitis nobilissimi Tridentini filius natus tertio nonas Iulij anni 1512. Is Bononię adulescens in literas incumbens, habuit socios studiorum Hugonem Boncompagnum, tunc I. V. Doctorem. Alexandrum Farnesium, Othonę Turchesium, & Stanislaũ Hosium Polonum, qui postea ad Cardinalatũ euecti sunt, vnde reuersus in patriã; Canonicus; mox Decanus; vltimò annos natus octodecim ipsius Ciuitatis Episcop. & Princeps, eligitur, quam Ciuitatem, & Ecclesiam summa cum laude multos annos cum Brixinensi, quę paulo post eidę cõmissa est, administrauit, vbi pietatis, doctrinę, & munificentię nō pauca reliquit monumēta, quę, cum Paulo III. innotescerent, 5. Nonas Iulij anno 1544. sui Pont. X. hunc in Presbyterum Cardinalem tt. S. Cęsarei in Palatio promouit, quam dignitatem, cum accepisset anno sequenti primę sessioni Concilij in propria Ecclesia cum alijs Patribus eius opera incępti, celebratę interfuit. Romam postea anno 1546. à Carolo Cęsare missus, eundem Paulum Pontificem religionis, & amicitię nomine, vt opem sibi ferret pro bello Protestantibus qui Germaniam pessimorum dogmatum falsa

doctrina inficiebant rogatum, tres Italas fortissimas legiones, & mille cataphractos milites, & vt Alexander Cardinalis Ne-
pos, maxima Procerum caterua comitante in Germaniam, ip-
sius exercitus legatus, Octaviusq; frater Dux ad eos motus
comprimendos mitterentur, obtinuit, idemq; anno 1548. in
Hispaniam Maximilianum Caroli Cæsaris ex fratre Nepotem
missum, vt Mariam, vxorem duceret, & clauum Regni tene-
rèt, comitatus, eius sponsalia Caroli nomine confirmauit, &
Philippum II. in Italiam veniètem Tridenti excepit, cum eoq;
in Belgas venit. Sub Iulio III. iterum Còcilio interfuit, & quia;
& doctrina, & auctoritate pollebat, Marcelli II. nomine 1555.
Senas venit, vt præsèntia, & auctoritate sua det operam; ne
Ciuitas à Cosmi Florentiæ Ducis militibus, qui ipsam mu-
niendam Imperatoris nomine erant ingressuri, depopularetur.
Christophorus pro Philippo Catholico Rege Mediolanensis
Ciuitatis, loco Albani Ducis Regius Vicarius fuit, & Arcem
ab Antonio de Luna Hispano, proprio filio, cum ipse ad Gal-
los confugisset, relictam; ab eodem filio ablatam, res quidem
magni momenti, bello tunc eidem ditioni à Gallis imminen-
te, Regi Catholico recuperauit, Cremonam amplificandam,
muniendamq; moenijs, & propugnaculis cingendam curauit,
discordias inter Sfortiam, & Hieronymum Pallauicinos ver-
tentes, summa atq; admirabili prudentia diremit. Placentiam
Regis nomine Octauio Farnesio Parmæ Duci, Arce retenta, re-
stituit, qui ex Presbytero tt. S. Cæsarei sub Pio Papa III. ad
tt. S. Chrysogoni; & ex eo ad S. Mariæ transtiberim translatus,
Episcopatum Albanensem; post Sabinensem; mox Prænestinū;
p̄ter Picenā legationē, prudentissimè moderatus est. Còuentui
Augustæ Vindelicorum, Maximiliani electi Imperatoris cau-
sa celebrato, vt sacri Imperij Princeps interfuit, controuer-
siamq; inter Piū, & eiusdē Romanorū electi Cæsaris Oratorē
Georgium Elphestanū Comitem de solenni iuramento præs-
ta do ortam, vna cum nonnullis alijs Cardinalibus ad id à sum-
mo Pontifice deputatis, composuit, atq; sedauit. Anno 1570.

ex Prænestino factus Episcopus Portuensis, & S. Rufinae per multa alia egregia egit sub Pontificibus Pij V. & Greg. XIII. quibus non modo propter virtutes illas, consilium scilicet, ingenium, sapientiam: sed etiam propter sales, ac facetos iocos, quibus identidem inter sermones utebatur, carissimus extitit, permulta, inquam, egregia egit, quæ, ne in longum nimis elogium protrahatur, amplificanda non censuimus. tantum dixerimus, in ipso summoperè excelluisse liberalitatem, quæ tanta in eo fuit, ut præter pauperes, quibus summam auri vim dabat, Stanislaio Hosio Cardinali Varmienfi, viro literarum cognitione, ac sanctitate vitæ, nostra tempestate conspicuo, quæ omnes suas facultates in pauperum cibos dispensare solitum, sciebat, multa aureorum millia elargitus sit. Qui tandem iam in summa rei gerendæ experientia, & actæ vitæ gloria, cum alios longè plurimos superasset, Roma aëris mutandi causa, & ut consuetudine Aloysij Cardinalis Estensis, qua summoperè delectabatur, Tybur ad leuandū morbum, quo laborabat profectus, ibi ætatis agens 66. annum, die Lunæ, Nonis Iulij, eius natalitio, anno à partu Virginis 1578. Pont. VII. moritur, cuius corpus, quod integrum inuentum est, triennio post, forma ad maiestatem composita, Romam defertur, & in Ecclesia Sancti Onuphrij in facello, quod defunctorū dicitur, sepelitur. & lapide, his verbis, de quib. paulò post, insculpto, contegitur. Phœnicem is habuit à Sole combustā, cum hac inscriptione; *Vt æternum viuat.* pro insigni, præter domesticum. Sequitur elogium, de quo supra.

Christo resuscitatori.

Christophori Madrutij Episcopi Portuen. Cardinalis Tridentini ossa hic requiescunt. Obijt 5. Iulij 1578. ætatis suæ 66. eodem, quo natus est die recurrente.

XIX. Huic

XIX.

Hic in eodem generis laude subscribitur Iulius Feltrius de Ruuere Urbinas, Fracisci Marię Ruueri Urbini Ducis, & Eleonorę Gonzagę filius, natus anno 1535. die 5. Aprilis; qui Arcę, & Sorę Dux: à Guido Vbaldo fratre Urbini Duce, vita iam functo patre, adolescens pię educatus, & literis imbutus; in ipsius gratiā à Paulo Papa III. cuius neptem ex filio Victoriam, idem vxorem duxerat, anno Pōtificatus XV. salutis 1549. 5. idus Ianuarij Diaconus Cardinalis S. Petri ad vincula declaratus est, cui; cum Ranutius Pontificis nepos, S. Angeli Cardinalis, cardineum pileum Pisauri traderet, Hieronymus Ruuerus; post Tolonenfis Episcop. mox Archiepiscop. Taurinensis, & S. R. E. Card. ipsi studiorum comes à Duce datus, orauit. Umbrię postea, & Perusię Legatione insignitus, quam ditionem iterum eiusdem à Iulio Tertio Legatus per multos annos, vt etiam tertio sub Pio IV. prudenter administravit; Vicentinam Ecclesiam moderandā suscipiens, eius Dicecesim ab heretica peste expurgauit. Quis verò possit; non dicam recensere; sed recensendo adumbrare ea, quę in Ecclesia Rauennatenfi, cuius Archiepiscop. Pio Quinto Pontifice declarato, electus fuerat, gessit? Ibi. n. vsum conuocandi Concilia Prouincialia, annorum 250. spatio in ea Ecclesia intermissum, reuocauit; Clericorum abusus reformauit; ipsius ædificia restaurauit; mores populorum pia castigatione correxit; omniaq; ad sacri Conc. Trident. Decreta instituit; & anno sequenti SS. Elisę Prophetę, & Ioannis Papę, & Martyris capita, superiorq; pars cranij S. Sauiini Episc. & Martyris, & quędam alia SS. ossa, ex S. Apollinaris sacratio, vbi prius conseruabantur, ad Altare maius transferri iussit, qui; cum ibi etiam monumentum marmoreum, in quo Beati Rainaldi Archiepiscopi Rauennatenfis corpus integrum, ac penę recens sepultū, aperiri iubens, religiosissimę proprijs manibus meruit attrectari. Aedificato postea nouo in ea Vrbe
Camal-

Camaldulensibus Coenobio, pro eiusdem dilatatione aream concessit, & anno 1570. iactis nouæ Basilicæ, pro eiusdem Patribus in vrbe Pisauri fundamentis, primum lapidem ritè, cum fratre Duce iecit. & eodem anno, defuncto Cardinale Cicada; ex Diaconorum primò factus Episcopus Card. Sabinensis; Ciuitatis Rauennæ ciuibz ipsis supplicantib. Ordinis item Minorum Conuentualium, Obseruantium, ac Capuccinorum à Carolo Borromæo dimissam; & post, sacre Domus Lauretanæ à Ioanne Morono Card. vltro sibi traditam protectiones, non recusauit. Omitto pietatis monumenta insignia, quæ in ea sacra Lauretana Domo reliquit, & quæ eisdem Metropolitans Ecclesijs Rauennatenfi, atq; Vrbinati diuidenda, scripto testamento iussit. Hic, anno 1574. ex Sabinensi, factus Episcopus Prænестinus, sequenti anno; vt nobilissimum Coenobiũ S. Crucis Auellanæ ipsi commendatum, Congregationi Camaldulensium à Gregorio XIII. (Auellanitarum Congregatione, & nomine extinctis) adiudicaretur, obtinuit; qui etiam religionis ergo in sacra Eremi Area, cellã B. Mariæ semper Virginis Lauretanæ sacram, erigendam curauit. Obijt Iulius apud Forosempronienſes, die Iouis, tertio Nonas Septembris, anno humanæ Redemptionis 1578. Gregorij Tertij decimi Pontificatus VII. ætatis 43. eius cerebrum totum sanæ confectũ Medicis hepatis curam attentantibus compertum est. Corpus Vrbinum translatum, in Aede S. Claræ sepelitur.

XX.

FLoruit etiam nostra tempestate BENEDICTVS è gente Lomellina, nobilitate, & opibus inter Genuenses florente, natus anno decimo septimo supra millesimum, & quingentesimum, qui cum iuuenis literis; præsertim Cæsarei, Pontifici; iuris cognitioni dans operam, in ea scientia excelluisset, eam multis in Gymnasijs publicè, summo cū applausu per aliquod tempus est professus, vnde doctrinæ fama illustris, Romanam Curiam adiens, post minores honorum gradus, & non

nulla

nulla officia, quæ summa cum laude exercuit, à Paulo Quarto comes consiliariusq; Carolo Cardinali Carafæ nepoti suo, dū Legatus ad Hispaniarum Regem Philippum in Belgas venit, datus est; ad Clericatus Camera Apost. postea munus euectus, Episcopatum Vintimillensem; mox Lunensem, & Sergianensem; ultimò Anagninū, summa cum animi integritate moderatus est. Hunc Pius Quartus, ob egregiam summis in rebus nauatam operam, sacris Patribus, in quarta electione anno Domini 1565. Pont. VI. 4. idus Martij, Presbyterum Card. tt. S. Mariæ in Aquiro, & post tt. S. Sabinæ designatum adscripsit, quem à Gregorio XIII. Pont. Campaniæ, Maritimæq; Legatione cohonestatus, omnes propter iustitiam, & singularem humanitatem, quas adhibebat, summo prosequerantur amore; sub quo Pont. anno Octauo, salutis 1579. ætatis 62. 7. Kal. Augusti, die Veneris hora sequentis noctis quarta obdormiuit in Domino; eiusq; corpus in S. Gregorij Templo sepelitur, vbi ad dexteram Maioris Aræ marmoreum Mausoleum effigies, & elogium cernitur; quod sequitur.

D.

O.

M.

Benedicto Lomellino, qui eruditione insignis, Romana Aula varios honores emensus, à Pio IV. Pont. Max. in Cardinalium Collegium fuit adlectus, cuiq; ob eximiam pietatem, fidem, iustitiam, summamq; humanitatem maior, voto hominum, praoptata dignitas, morte praecepta gloriam intendit, Lofredus Lomellinus suppl. libellorum magister, Camera Apostolicæ Clericus, & Commissarius Generalis, ad memoriam gentilis, & patroni optimi conseruandam posuit. Obijt 7. Kal. Augusti, anno à Salvatore nato 1579. annū agens 62.

XXI.

Q Vando ipsæ per se res præclarè gestæ satis commendāt, non est, quod multum laboremus in elogio STANISLAI Hosij, ex Vlrico, & Anna honestis, ac pijs coniugibus Cra-

Cracouiæ in Polonia, anno 1504. nati, qui domesticis exemplis motus, eòsque deuenit, vt habitum D. Dominici induere, remotis arbitris tentarit. Is à primordio suæ ætatis magnā de se spem cœpit demonstrare; annorum quippe 12. Lutheram pestem, quæ tunc serpebat, conscriptis carminibus, detestatus est, & Cracouię in Academia; vbi literis, ac pietati operam dabat, cum Fabritium Cemā nobilissimum à febre in lectulo vexatū inuiferet, ac sub capite eius librum hæreticum reperisset; affirmans illā febrem nō aliundē amico venisse, quam à pestifero illo libro, eidem suasit, vt ipsum à se amoueret, ac ita libro flammis obiecto, à febre relictum, sequenti die inuenit amicum, ex ea ipsa hora, qua librum igni comburendū tradidit. In Italiam veniens, Patauij, & post Bononię legali studio se addicens, ibi Alexandro Farnesio, Christophoro Madruccio, & Othone Turchesio; postea Cardd. commorantib. lauream Doctoratus consecutus est; approbantibus Almi Collegij Doctoribus, & inter hos Vgone Boncompagno, vno ex eisdem Patribus, postea Gregorio XIII. Pont. In Poloniam rediens, defuncto Petro Tomicio Cracouiensi Episcopo, sui loco in Sigismundi Primi, & Secundi Regum Aula, conscribendis epistolis quindecim annos cōsumpsit; & ex Canonico Cracouiensi à Rege filio propter virtutes; Iulio Tertio concedente, ad Culmensē Episcopatum moderandum inuitus electus; Romam pro confirmatione eiusdem, à Sede Apost. impetranda venit, & actis Legationib. Regis nomine, ad Carolū Quintum Imperatorem, Ferdinandum Romanorum, & Philippum Hispaniarum Reges, ad gregem sibi commissum pascendū reuertitur. Culmensi porrò relicta, & Iulij voluntate, & Regis consensu, Varmiensis Ecclesiæ Pastor declaratus; in hoc studium suum posuit, vt consilijs, admonitionibus, concionibus, & scriptis; Hæreticos lupos, ab ouili arceret, ad quos debellandos omnes animi sui conatus intendit; quibus intellectis, Paulus Quartus, ternis epistolis, cum Romam vocat, quò cum venisset; tantis cumulauit honoribus, vt etiam in Cardinalium Colle-

Collegium cooptare in animo habuerit, & cooptasset, ni Stanislaus supplex ad genua deuolutus, se multo plura in Episcopali, quam in Cardinalitia dignitate illis in regionibus facturum affirmans, Pontificem de suscepto consilio amouisset; sed à successore Pio Quarto, ad Ferdinandum Imp. & Maximilianum filium Boemię Regem, Concilij congregandi causa Internuncius missus, ab eodem, nil tale cogitans, & diu, ac multū reluctans 4. Kal. Martij, anno salutis 1561. Pont. II. S. R. E. Presbyt. Card. tt. S. Balbinæ; mox S. Laurentij in pane, & per na; post S. Pancratij; Legatusq; ad idem Concilium renunciatus, ibi ea prudentiæ, pietatis, & doctrinæ signa reliquit; quæ nō omnib. non innotescunt, quo demū absoluto, ad Eccl. suā reuersus, Patres Societ. Iesu, qui nullā in Regno certā adhuc sedē habebant, assignato eisdē Tēplo, & Collegio Bransbergēsi erecto, primus ex Italia, & Germania, magno Prouinciæ Pruscię emolumento redditus eisdē attribuens, in Poloniā aduocauit. Precib. postea Regis inductus, quod sibi Regnoq; expedire videret, Martino Cromero Coadiutore, successoreq; in Episcopatu Varmiensi, de Summi Pōt. cōsensu, relicto, Romanam anno 1569. venit, vbi; cum summæ suæ pietatis, & doctrinæ famam sparsisset, ei Greg. XIII. anno 1574. maioris Penitentiarij munus, Ioāne Card. Aldobrandino mortuo, detulit, qui tandem ex tt. Sancti Clementis, ad Sanctæ Mariæ Trāstiberim translatus, corpore; continuis vigilijs ieiunijs, castigationib. inexhausto, ætatis an. septuagesimo sexto, sal. 1579. Pontificatus VIII. Nonis Augusti Beatæ Mariæ à Niue festo, apud Capranicam, quo octauo ante die venerat, maximo cum pauperum, hospitalium, collegiorum detrimento, necnon omnium præsertim Germanorum, Anglorum, Boemorum, Vngarorum, Sclauorum, Moscorum summo dolore (ad eum. n. tanquam ad commune miseriarum profugium confugiebant) ventris profluvio, atq; æstu febris confectus, susceptis prius de Christiano more Ecclesiæ Sacramentis, in Domino obdormiuit. Præter ea, quæ diximus, Cardinalis Hosius templum S. Sta-

Stanislao Martyri, & Episc. Cracouiensi, & illi contiguum Xenodochium nationis Polonæ in Vrbe apud S. Saluatorem ad tabernas obscuras, magno sumptu inceptum, morte præuentus imperfectum reliquit. Volumina etiam conscripsit, inter quæ Opus illud aureum inscriptum, Confessio Christiana fidei catholicæ Petricouiensis synodi nomine conscripta, quæ confessioni Augustanæ ab Hereticis compositæ se opponit. Librum etiam contra Brentium Hæreticum, quæ quidem opera; quantæ auctoritatis, & utilitatis sint, ex eo apparet, quod ipso viuentē, bis, & trigies in diuersis Christiani orbis partibus impressa, ex latina in Gallicam, Germanicam, Polonam, Scotticam, Anglicam, Armenicamq; linguam fuerint traducta. Præter hæc extant etiam apud Stanislauum Rescium Protonotarium, & Referendarium Apostolicum sermones multi manu scripti, vt Ipse qui Hosij vitam luculenter scripsit testatur, & vt Possseuinus in Bibliotheca, multa de verbo Dei, atq; alia reliquit. Eius corpus Romam translatum die 9. Mensis Augusti in Ecclesia S. Mariæ Transtiberim ad dexteram maioris Aræ sub imagine B. Virginis assumptæ sepelitur, in cuius funere orauit Thomas Treterus eiusdem Ecclesiæ Canonicus ipsius familiaris. In eodem loco extat in marmore nigro hoc epitaphium.

D.

O.

M.

Stanislao Hosio Polono S. R. E. Presb. Card. Varmienſi Episcopo, Maiori Pœnitentiario, vite sanctitatis, eruditionis, & eloquentiæ gloria celeberrimo, catholica fidei acerrimo propugnatori, qui; cum antiqua probitatis, & Episcopi vigilantie præstantiam in humilitate, caritate, castitate, & beneficentia expressisset, hereticas sectas scriptis, & consilijs sapientissime, feruenter oppugnasset, multos ab erroribus reuocasset, grauissimisq; legationibus pro pace Ecclesiæ Dei; cum apud Carolum V. & Ferd. Cass. tum præcipuè in sacro Concilio Tridentino Pj IV. Pontificis nomine feliciss. persumptus, Christiana Resp. plurimum profuisset, omnium virinum laudibus

abus, & exemplis ad imitandum abundans obdormiuit in Domino nonis Augusti anno salutis 1579. atatis sue 76. Stanislaus Patruo, & Stanislaus Rescius patrono beneficentissimo executores testamenti posuere.

XXII.

NOminis quoque celebritate illustris est FRANCISCUS Paciecus Hispanus Ciuitatensis; quæ Ciuitas sita est inter Castellæ veteris, & Lusitaniæ fines, natus ex nobilissimis Cerralui Marchionibus, qui adolescens, sic sacram doctrinam est amplexus, vt in Aula Regia diu versatus, Carolo Imperatori, Philippoq; Regi filio maximè vsui fuerit. Is in Italiam cum Petro Cardinale Pacieco ipsius patruo; sedente Paulo IV. Pont. veniens, à Ferdinando Toletano Albæ Duce, tunc Neapolitani Regni, atq; Italiæ Vicario, ob bellum circa res Pallianas ortum, vt mandata, quæ pacem respicerent à Rege obtineret, in Hispaniâ missus, ijs conditionibus pacis acceptis pro votis Caroli Cardinalis Carafæ Pontificis nepotis, cum Romam venisset, negato, à Pontifice alloquio, Neapolim (Rodulpho Cardinale Carpense admonente) Roma reuocatur. Quem postea ex Canonico maioris Ecclesiæ Toletanæ Pius IV. Eleonora Toletana, & Cosmo Mediceo Magno postea Hætruriæ Duce coniugibus impetrantibus, in Aloysij Toletani Eleonoræ fratris locum, qui Ecclesiasticum habitum vna cum sacra purpura summere recusauerat, anno Pont. II. salutis 1561. electis secundo octodecim purpuratis patribus S.R.E. Cardinalem tt. S. Susannæ; mox S. Pudentianæ tt. Pastoris creatum IV. Kal. Martij suffecit; & paulò post protectione Regnorum Hispaniæ suscepta; anno 1566. defuncto Cardinale Francisco de Mendoza, Burgensis Ecclesiæ administrator extitit, quæ in ipsius gratiam Archiepiscopali dignitate aucta est; & anno 1570. à Philippo Rege, qui sacrum foedus cum Pio V. summo Pont. & Venetis contra Turcas iniret, cum Antonio Cardinale Granuellano, & Ioanne de Stunica Regis apud Pontificem

tificem oratore, Procurator regius constitutus est, à quo Pont. ad tt. S. Crucis translatus Bernardino Tranense, Scipione de Pisis, & Ioanne Francisco de Gambara Cardinalibus socijs datis, in tota Rep. Christiana Hæreticæ prauitatis in officio supremo Inquisitor delectus est. cum verò sub Gregorio XIII. Pontifice in Hispaniam reuersus esset, idoneus à consiliarijs Regis iudicatus est, qui in Lusitaniam anno 1579. pro negotio de successione Philippi in Regno, cum Henrico Cardinale Lusitanæ Rege tractando mitteretur, quo, & si ab Historico quodam, Franciscum venisse affirmatum est; mihi tamen constat, pro Francisco, Petro Girono Ossunæ Duci illud negotium demandatum fuisse. Qui Franciscus eodem anno die Dominico 10. Kal. Septemb. Burgos in propria Ecclesia, morte præuentus obiit, eiusq; corpus translatum in patriam Ciuitatensem ibi in Cathedrali sepultum est.

XXIII.

Eodem encomio uti in mentem venit in conscribendo e-logio GHERARDI à Groisbeeck Gueldrij, quod posuit Seneca in Hercule Oetço

Sed locum virtus habet inter astra.

Vere, dum flores venient tepenti,

Et comam syluis hyemes recident,

Vel comam syluis reuocabit æstas,

Pomaq; autumnio fugiente cadent,

Nulla terris rapiet vetustas,

Tu comes Phæba, comes ibis astris.

Nam ea virtute, qua præcipuè ecclesiastici Antistites solent illustrari; non solum laudem immortalem sibi in terris; sed, quod magis est, in coelis ad omnem æternitatem comparauit, electus. n. Episcopus Leodiësis, eius celeberrimæ Ciuitatis gregem sibi commissum, & priuatis, & publicis admonitionibus; aliquando consilij dandis; interdum tristibus à molestijs, & importunis negotijs liberandis; sæpe ægrotis inuisendis; sæ-

Q

pius

Pius viduis ac Virginibus præferuandis; cœnobijs, monasterijs ecclesijs, hospitalibus, ac sacellis erigendis, ita populum ad veram Catholicæ fidei institutionem reduxit, ut dignus visus sit, qui tam celebrium Episcopalis dignitatis virtutum gloria clarus à Gregorio XIII. summo Pont. in V. Cardinalium electione Romæ anno humanæ salutis 1578. Pont. VI. die Veneris 9. Kal. Martij habita, inter S. R. E. firmissimos Cardines annumeraretur, quo in ordine eadē sui, quæ in Episcopatu dederat, documenta daturum, optimiq; Cardinalis nomen fore, ut consequeretur, omnes pro comperto habebant, si præclara cōsilia explicare potuisset, ac; ni mors in ipso Cardinalatus limine commotam expectationem præcidisset, Gherardo anno sequenti 4. Kal. Ianuarij nondum optato delatæ dignitatis titulo Leodij è viuis erepto, qui in eadem Vrbe ad S. Lambertum sepultus est.

XXIV.

Inter præclari nominis gloria Præsules insignes annumeratur Fr. ARCHANGELVS de Blanchis Italus infuber, ex Vico Gambaloidi Agri Viglebanensis, natus anno salutis 1561. 5. Nonas Octobris. In tenera is adhuc ætate institutum Dominicanarum secutus, in philosophicas, theologicas, & præsertim, eas, quæ ad audiendas confessiones necessarię sunt disciplinas incumbens; Magistri nomine donatus, post reliqua à sui ordinis patribus demandatā officia; in inquirenda Hæretica prauitate nonnullis in locis præpositus, socium habuit Fratrem Michaëlem Alexandrinum, cuius zelum, & integerrimæ vitæ exemplum imitatus, & gratiam ipsius consecutus, eius confessiones audiuit, à quo Cardinale à Paulo Quarto, & supremo Inquisitore delecto; sanctissimæ Inquisitionis Commissarius; mox summo iam Pontifice, Pij V. nomine, electo Episcopus Theanensis; & intertia 16. Cardinalium creatione, an. 1570. Pont. V. die Mercurij, 16. Kal. Iunij, S. R. E. Presbyter Card. tt. S. Cæsarei in Palatio declaratus est; cui etiam Præpositurā S. Am-

S. Abundij Cremonensis à patribus Humiliatis olim cultam eisdem religiosis illinc expulsi, quod quidam ipforum Carolo Card. Borromæo mortem intentare ausus esset, commendavit, cuius Ecclesiam, atq; amplas ædes Theatinis regularibus Presbyteris concessit; à Gregorio XIII. ad recognoscendum, & declarandū Indicē librorū prohibitorum per patres à Tridentina synodo electos confectū, & ad expurgandum eosdem libros, cum alijs patribus deputatus est, cui, cum quidam Astrologus prædixisset, fore, ut in Cathedra Petri moreretur, atq; inde omnes eius familiares Archangelū, futurū summum Pontificem sperarent, & præsertim ægrotante eodem Gregorio Pont. illorum spes non eundem, quem predicebant exitum consecuta est, nam Pontifex; sanitate obtenta, per quinquennium etiam postea vixit. Theanensis autem, quem Petri Cathedralam illius loco assessurū iactabāt familiares, & ipsa quoq; Romana Aula; subita morbi vi oppressus, die Lunæ 15. Kal. Februarij, quo die Ecclesia S. Petri Cathedralæ solemnitatem celebrat anno salutis octuagesimo supra millesimum, & quingentesimū, iuxta Astrologi dictum, & si malè à familiaribus intellectum, mortuus est, cuius corpus habitu religionis indutum priuatim, & noctu ad Ecclesiam S. Sabinæ, cui multa piè legarat, translatus, in ipso religiosorum monumento (sic. n. scripto testamento constituerat) sepelitur. Extat ad leuam maioris portę templi marmoreum mausoleum, talibus verbis notatum.

D.

O.

M.

Fr. Archangelo de Blanchis S. R. E. Card. pietate, vite innocentia, & doctrina ornatissimo, qui in disciplina Dominicana, & in obeundo munere inquirendi in hereticos Pij V. P. M. Collega ab eodem, primum Episcopus Theani creatus; mox in sacrum Collegium patrum Cardinalium cooptatus, virtutis specimen præbuit ab summa spe rerum maximarum è medio cursu renocatus; hic situs est.

2 - 2

Vix:

Vix: annos 3. Men. 3. dies 15. obiit . . . Cohæredes D. Franciscus Blanchus, & defendentes fratres PP.

XXV.

Accidit post Fr. Archangelū, non obliuisci celeberrimi nominis HENRICI EMANVELIS Lusitani Regis, & Mariæ Ferdinādi Castellæ Regis natæ, filij, nati Vlyssippo nā pridie Kal. Februarij, anno 1502. quo die eam Urbem, in qua aliquam niuis partem intueri, propter summam Celi temperiem monstri simile est, plurima niue cōspersam fuisse, quod mentis candorem, vitæq; puritatē Principis orti præmonstrasse affirmat Oforius. Qui præter Fr. Michælem, Ferdinandum, Aloysium, Odoardum, & Carolum, habuit etiam Ioannem, qui Emanueli patri vita functo in Regno successit, & Alfonso à Leone X. annorum 7. salutis 1517. ad Cardinalatus fastigium euectum, cuius loco (nam breui vitam finijt) Henricus; vitæ integritate, & literarum cognitione excellens Alcoba-tiensis Monasterij commendam; mox Bragensis Ecclesiæ Metropolitanae, quæ; non tantum in spiritualibus; verum etiam in temporalibus suo Præsuli subest; post Euorensis à Paulo III. Pontifice anno 1540. in sui gratiam Archiepiscopatus dignitate cohonestatæ; vitimo Vlyssipponēsis administratione insignitus fuit; quas postea summa prudentia moderantem, idem Paulus anno sui Pont. XII. sal. 1545. 17. Kal. Ianuarij, dum Romæ vndecimo purpuratos Senatores legeret, in eundem Senatum, Presbyterum Cardinalem tt. SS. Quatuor Coronatorum declaratum cooptauit, in qua dignitate; quo animo erga Ecclesiam Catholicam, Sedemq; Apostolicam Henricus se futurum profiteretur, ex ipsius verbis à Iacobo Cardinale Sado-letto repetitis in Epistola ad eum scripta lib. 15. Epist. videre est; & bis legatione Lusitaniæ; semel à Iulio III. iterum à Pio IV. cohonestatus, factus Generalis eiusdem Regni Inquisitor, Sebastiani Regis ipsius pronepotis tutor, à quo postea ad bellū contra Mauros in Africam anno 1578. ituro, vt Regni ad-
mini-

ministrationem sumeret rogatus ingrauescente iam ætate, ac sinistra corporis valetudine detentus, eam prouinciam repudiavit. Sebastiano porrò eo in prælio occiso, Card. Rex à Lusitanis acclamatus, Regni clauum 5. Kal. Septembris eiusdem anni suscepit, rexitq; per sexdecim menses. s. quoad vixit; summa tamen animi sui cum molestia, de successore ipsius nominando actum est, prætendentibus Philippo II. Hispaniarum Rege, ex Isabella eiusdem Henrici Regis sorore nato, Catharina Bragantiæ Ducis vxore, Odoardi filia, Ranutio Alexandri Parmæ, & Placentiæ Ducis, & Mariæ ex Odoardo natæ filio, Antonio Crati Priore Henrici Regis fratris filio notho, & Emanuele Philiberto Sabaudia Duce Beatricis ex Emanuele Rege natæ filio, cuius Regni successor Philippus II. Hispaniarum Rex declaratus est. Obijt Henricus Almerini, qui locus in delitijs Regum habetur eodem die, quo antea natus fuerat, videlicet pridie Kal. Februarij anno sal. 1580. ætatis LXVIII. die Dominico hora noctis 11. dum Luna eclipsim pateretur. eius corpus ibi depositum, transferendum postea Euoram in sepulchro, quod sibi in Ecclesia Collegij societatis Iesu, à se erecta viuens posuerat, vt scripto testamento reliquerat; Philippo Rege successore biennio post mandante, ipsoquæ astante in oppido Belem in S. Mariæ ordinis S. Hieronymi nobilissimo sepulchro donatum, vbi epitaphium adhuc desideratur, qua in Ecclesia reliqua Lusitaniæ Regum corpora asseruantur; ibi solenni pompa celebratis exequijs conditum est. Restat modo, vt hic referamus; præter cœtera, ea, quæ reliquit summæ erga Deum pietatis monumenta. s. Romæ in titulo suo, cuius stratum auro contectum, cælatum, & affabrè elaboratum propria impensa ædificari curauit, & propè Amarantæ Castrum Eborensis Diœcesis, S. Consalui Ecclesia Patribus Dominicanis tradita; Coenobiumq; bono Iesu de Vallæ viridi sacrum; Monasteria item; alterum B. M. Magdalenæ in Oppido Alcobazæ; alterū Archangelo Michàeli sacrum, xenodochiumq; Vlyssipponæ edificatū pro infirmis obseruantibus; Collegium

item, & Academiā pro Patrib. Societ. Iesu, & aliud Monasteriū Eboræ S. Antonio Patauino dicatum pro Minoribus obseruantibus, ex Regio ærario à fundamentis anno 1579. eo animo erigi cœptum, vt illud paucos infra dies absolueret, cum moriens perficere non posset, testamento, quod factum est, ad desideratam perfectionem deducendum reliquit.

XXVI.

FRANCISCVS Alciatus Italus nobilis Mediolanensis magni illius, & toto Orbe terrarum celeberrimi, atq; in omni disciplinarum genere; præsertim verò in iure, peritissimè Andree Alciati gētilis, & alumnus, Martini filius an. 1522. Kal. Februarij natus, sub ipsius disciplina educatus; iisdē, quibus Andreas, disciplinarū laudibus excelluit, tantoq; ob id in pretio habitus est, vt Doctoratus lauream consecutus, vita functo Andrea, legalem sapientiam in Ticinensi Academia interpretatus, in eo Gymnasio primam Cathedrā meruerit obtinere. Qui postea in Caroli Borromæi Cardinalis gratiam à Pio Quarto Romam vocatus, post diuersā, summa cum laude officia exercitata, Referendarius vtriusq; Signaturæ; mox Sedis Apost. ad Regem Boemiæ Internuncius missus; electusq; Episcop. Claremontanus; post Arienē. mox Ciuitatensis, ex ipsius Datario, eodem Carolo Borromæo instante, quia eo in legibus interpretandis Doctore fuerat vsus, dum Ticini studeret, in quarta 23. Cardinalium electione, an. 1565. Pont. VI. 4. idus Martij, S. R. E. Diac. Card. S. Mariæ in porticu; mox S. Lucie in Septisolio; postea S. Susannæ creatus est; quē etiā cum Io. Michaële Sarraceno, Io. Baptista Cicada, Io. Reumano, Fr. Clemente Moniliano, Ludouico Simoneta, Carolo Borromæo, & Vitellotio Vitellio ad officium supremum sanctissimæ Inquisitionis elegit, atq; negotijs publicis, ob summā experientiam, & prudentiam præfecit, ac in Congregationib. Regularium, & sacri Concilij Tridentini adhibuit; & sub Pio Quinto pro Carolo Borromæo summi Poenitentiarij officium

exerc.

exercuit. Reformator Collegiorum Capranicensis, & Nardini Scholasticorum in Vrbe electus; ex Diac. S. Susannæ Præ-
sbyter tt. S. Mariæ in porticu ab eodem Summo Pont. factus.
Anno 1578. defuncto Iulio Ruuereo Card. Vrbinate, Patro-
nus Ordin. Minorum S. Francisci, & Monachorum Carthusia-
norum declaratus, qui obiit Romæ, suis, atq; omnibus carus;
cum propter reliquas virtutes; tum, ob morum elegantiam, atq;
humanitatem, quarum virtutum laude, ceteris Patrib. non erat
inferior; anno sal. 1580. Pontif. VIII. ætatis 58. die Martis,
13. Kal. Maij, summo mane, sepeliturq; in S. Mariæ Angelo-
rum in Thermis, vbi in altera ex columnis eiusdem Ecclesiæ
ad dexteram, ipsius effigies ad viuum sculpta; monumentumq;
cum elogio infra ponendo; extât.

D.

O.

M.

*Et memoria Francisci Alciati Mediolanen. tt. S. Maria in por-
ticu, S. R. E. Presbyt. Card. virtute, humanitate, officio I. V. sci-
entia, ac ceteris omnibus disciplinis, florentissimi, Carthusiensis fa-
milie protectoris. Vixit annos 58. men. 2. dies 18. obiit an. Sa-
lutis 1580. 13. Kal. Maij.*

XXVII.

AVreum, verè dictum Boetij (si tamen moderatè vsurpe-
tur) quod ex virtutibus dignitati potius honor accedit,
quam ex dignitate virtuti, manifestissimè apparet in
IOANNE Morono, Hieronymi Comititis, ob rerum vsum, & in-
ter Mediolanenses summo loco nati, & in Aula Caroli Cæsa-
ris conspicui viri filio, orto anno 1509. 8. Kal. Februarij, ho-
ra 19. qui adolescens Patauij, legibus intentus; ita in ijs pro-
fecit, vt inter primos eiusdem Gymnasij I. C. citissimè fuerit
connumeratus; & à Clemente Septimo iuuenis adhuc Episco-
patu Mutinensi donatus. Is anno 1540. à Paulo Tertio ad Fer-
dinandū Rom. Regem, Petri Pauli Vergerij loco, Sedis Apo-
stoli-

Q 4

stolicæ Internuncius missus, omnibus Germaniæ Conuentibus, præsertim verò Ratisponensi, tum Turcis resistendi; tum religionis causa, coactò, vbi etiam Gaspar Contarenus Card. Legatus venerat, adfuit, quo in munere, declarato illi successore Hieronymo Verallo Episcopo Bertinoriensi, cum in Italiã iter arripuisset; anno 1542. ab eodem Paulo, sui Pont. VIII. 4. Novas Iunij Presbyt. Card. S. Vitalis tt. Vestinæ; mox tt. S. Stephani in Cœlio monte declaratus est, qui Bononiæ Cardineū pileum à Gaspare Card. Contareno Ciuit. Legato accipiens, 13. Kal. Nouemb. eiusdem anni, cum Petro Paulo Parisio, & Reginaldo Polo Cardd. vt Conc. Trident. inchoarent, Legatus declaratus. Anno 1544. suspensa Synodo, Legatisq; reuocatis, Bononiensem Legationem accepit; Prolegatum præter cæteros habuit Io. Angelum Medicem Archiep. Ragulinum; Card. postea; & tandem sub Pij Quarti nomine Summū Pōt. Anno 1548. à Legatione semotus, dimissa Mutinensi Ecclesia, ad fauorem Fr. Egidij Fuscararij nob. Bonon. de quo supra, Nouariensis Episcopus factus, quadriennio post; eo proponēte, Ignatioq; Loiola, Societ. Iesu fundatore, & Præposito Generali, mirum in modum apud Summum Pont. Iulium Tertiū, Card. mentem approbante, Romæ Collegium Germanicum pro Adolescentibus, pietate, & literis instruendis exædificatum est. Hic porrò ad tt. S. Laurentij in Lucina translatus; in Germaniam anno 1555. Legatus, cum Augustano Conuentui, præfente Ferdinando Romanorum Rege, Caroli Cæsaris fratris Vicarium agente interfuisset; accepta Pont. morte, Italiã versus iter arripens; Comitijs; quibus Marcellus Pont. Max. cteatus est, non potuit adesse, quo breui vita functo, & Ioanne Petro Card. Carafa, sub Pauli Quarti nomine in Pont. succedente, Ioannes relicto S. Laurentij titulo, & S. Mariæ Transiberim tt. Calixti assumpto, cum Palatiū suū vetustate collapsum erexisset, à Pont. qui de eo malè audierat, in Hadriani molé conijcitur, & longo carcere affligitur, sed Pius Quartus, cognita Card. innocentia, eum; non modò ab omni iniuria, & suspi-

suspicionē vindicat, sed etiam ex Presbytero factum Episcop. Albanen. mox Sabinen. tandem Prænestinum, dignū iudicat, quem anno 1563. in Herculis Gonzagæ Card. Mantuani locum, primū Legatorum, & Præsidentē ad Generalem Trident. Synodum, iterum à se conuocatam, mitteret; & paulò post ad Imperat. cui etiam eiusdem Concilij contesti decreta, cum alijs Cardd. examinanda, onusq; Canonizationis Beati Didaci imposuit. Qui ex Prænestino, Episc. Tusculanus; mox Portuensis; & S. Rufinæ electus, à Pio V. pro foedere deputatus, Francisco Card. Pisano mortuo, in Episcop. Ostiensi, & sacri Collegij Decanatu successit. A Greg. XIII. Genuam Legatus anno 1575. eius Reipub. tumultus, vna cum Maximiliani Cæsaris, & Philippi Regis Oratoribus, Gubernio nouis legibus commutato, ad pacem, & tranquillitatem redegit; & iterum, sequenti in Germaniam, vt Conuentui Ratisponæ celebrando adesset, Legatus missus, Maximilianum, contra Poloniae Proceres, quod eo neglecto, quē prius nominarant, Stephano Bathorio Poloniae Regnum dedissent, iratum pacauit. Ioannes Regnorum Angliæ, Vngariæ, & Archiducatus Austriae, sacrae item Domus Lauretanæ, Monachorum Congregat. Cassinen. Fratrum S. Dominici, Monialium Conuertitarū Vrbis, Collegiorum Germanici, & Angli protectiones, summa cum vigilantia exercuit, qui tandem annos natus 71. die Iouis Kalē. Decemb. hora 10. anno 1580. Pontif. IX. Romę in Domino quieuit, cuius corpus ibi in Templo S. Mariæ super Mineruā sepulturæ traditum, ad gradus maioris Aræ lapide, in pauimēto, elogio infra describendo inciso, cooperitur.

Hic iacet corpus Ioannis Cardinalis Moroni patritij Mediolanensis, & Episcopi Ostiensis, qui fuit legatus Apostolicus in sacro Conc. Trident. & Praeses. Vix: annos 71. menses 10. dies 5. obiit 2. Decemb. 1580. orate Deum pro eo. Hieronymus Moronus comes Pontificoroni heres, Horatius Moronus Episcopus Sutrinus, & Nepesinus fratris filij, Domino, ac patrono optimo, ex testamēto m. æren 145; PP.

XXVIII

XXVIII.

Sequitur, inter Illustres Italiae familias Panegyrico co-
 nestare sermone ALEXANDRUM Sfortiam Bosij II. S. Floræ
 comitis, & Cōstantiæ Farnesiæ filiū multorū Præsulū gēti-
 lis, qui præmissis primo, & iactis literarum, ac virtutū funda-
 mentis, adhuc iuuenis Basilicæ Principis Apost. de Alma Vrbe
 Canonicatum; mox Cameræ Apostolicæ clericatum obtinuit,
 quibus dignitatibus; ob triremes, quas ipse reddere, apud Cen-
 tumcellas recusarat, à Paulo IV. cū spoliatus fuisset; iisdem
 triremib. postea Portui restitutis, aliquot Cardinalium præ-
 cibus Alexander redintegratus est, & ab eodem Pont. cuius
 gratiā, ob pacem Guidonis Ascanij Card. ipsius fratris opera,
 inter ipsum Pontificem, & Philippum Regem initam, meritis
 fuerat, Annonæ cum Antonio Florentino Archiepiscopo Ca-
 meræ Apostolicæ Decano præficitur, in quam præfecturam,
 tam strenuè incubuit, vt; cum anno 1559. tota Italia extrema
 annonæ caritate premeretur, vna Roma, Alexandri opera re-
 frumentaria laxiore semper vsa fuerit, & quod per ea tempo-
 ra maius fuit, sibi adiacentib. populis petentibus, nequaquā stri-
 ctiore manu, & sine Cameræ detrimēto subministrauerit, cuius
 singularē in his rebus gerēdis prudentiam cum Pius IV. cogno-
 uisset, eundem, & Almæ Urbis, & totius Ecclesiasticæ Ditio-
 nis annonæ Præfectum cum multis priuilegijs constitutum Epi-
 scopum Parmensem, cedente Cardinale fratre, elegit, & ad
 Concilium misit; ipsoq; Card. iam vita functo, anno 1555.
 Pont. VI. 4. Idus Martij, dum 4. Card. crearet, Alexandrū Pres.
 S. R. E. Cardinalem tit. S. Mariæ in via, renunciavit. Taceo
 à Pio V. huic eidem pro restaurandis vijs publicis commis-
 sam prouinciam cum alijs Cardinalibus, de quo alias, & anno
 1570. Nonis Ianuarij Ciuitatis Bonon. & Prouinciæ Flami-
 niæ demandatam legationem, ac sub Gregorio XIII. à quo vni-
 cè diligebatur S. Mariæ maioris de Vrbe Archipresbyteratum
 Signaturæ Iustitiæ Præfecturam; Protectionem Regnorum Hi-
 spaniæ;

spaniæ; & tandē anno 1580. honorificā (præter Bononiæ) reliqui totius Ecclesiastici status Legationem, cum multis facultatib. præsertim ad exules, ac nefarios homines funditus profligandos, quod ipse summa vigilantia fecit, pacem, ac vitæ securitatem populis restituēs, vnde meruit à Fauentinis his versibus, in lapide sculptis, ad perpetuam liberatę ditionis memoriam donari.

Cacos disperdit, & Hydras,

Supereſt gradus vnus honoris

Maturam fundis populis per secula pacem.

Is repentino casu Maceratæ, die Martis, 17. Kal. Iuni, hora 18. anno salutis 1581. Pont. X. omnib. ingenij, virtutisq; dotibus ornatissimus, belli, togæq; artibus instructissimus, & Nestoris æuum, qui viueret dignissimus, magna sacri Collegij iactura è viuis eripitur, cuius corpus Romam postea deportatū, in nobilissimo sepulchro è regione alterius, quo Card. fratrē donauerat, in sacello S. Mariæ Maioris Basilicæ, cum hoc elogio, conditum est.

D.

O.

M.

Alexander Sfortia S. R. E. Card. Pauli III. Pont. Max. nepos, Bonon. & Flaminie sub Pio V. & Greg. XIII. Legatus, Signaturæ Iustitiæ Præfectus, huiusq; Basilicæ Archipresbyter, sibi; mortis memor posuit, annum agens 47.

XXIX.

ANtiquorum illorum Præfulum enascentis Ecclesiæ, quasi luminum, quos carceris corporei adhuc compedibus vinctos, nec dum eiusdem vinculis solutos, beatorum spirituum vitam, moresq; imitatos laudib. prosecuta sunt scriptorum monumenta, quippe qui; vt se se ab omni vitiorū contagio, puros, atq; integros seruarent, honorum gloriam, quæ ipsorum animis officit deuittantes; procul ab hominum coetu,
in va-

in vastas solitudines, locaq; deserta concedentes omni mente in assidua diuinarū rerum meditatione defixa, totam ætatem egerunt. Horum (inquam) sanctissimorum Patrum continētiam, morum sanctitatem, innanis gloriæ contemptum, animi moderationem, ætate nostra retulit FERDINANDVS nobilissima Toletana familia, rebus præclarè gestis, virorū splendore, multisq; titulis, ac dominijs in Italia, & Hispania celeberrima, ex Orepeſſe Comite anno incarnati Domini 1520. natus, cuius; vt omittam perpetuum vitę tenorem in moribus emendandis, literis adiscendis, ieiunijs, vigilijs, præcationibus, operibusq; erga proximum actis; quibus rebus, Theologicarum disciplinarum cognitionem, carnis luxuriantem contumaciā, mentisq; legi reluctantem impetum perdomandum didicerat; cum diuinarum virtutum, ac meritorum commendatione, ad amplissimum Cardinalatus fastigium, à Greg. Papa XIII. anno 1578. Pont. VI. die Veneris, 9. Kal. Martij, in quinta Cardinalium electione, euectus esset; nihil de pristina vitæ ratione immutauit, tantaq; fuit in homine animi ab omni fastu, & honorum cupiditate abhorrentis demissio; vt accepto per Cubicularium, qui cum Cardineo pileo Hispaniam venerat, diplomate Pontificis, quod rem totam continebat, tres dies ad responsionem sibi concedi postulauit, quibus exactis, acta quotidie re sacra, crebrisq; ad Deum precibus fufis, ipsum Cubicularium, quem perhonorificè detinuerat, maximis munerib. donatum, cum pileo Romam dimittens, literis Summo Pont. datis, se se tanto muneri parem cōstanter negans; ipsum summa animi demissione monet, vt rebus eiusdem sacri Ordinis melius consulat. Quibus intellectis Gregorius, non potuit insignie istud Ferdinandi ad omnem posteritatis memoriam, incredibilis moderationis, ac neutiquam vulgatæ virtutis specimen, cum vniuerso Patrum Senatu, non vehementer admirari, & commendare. Qui Ferdinandus postea, se ab hominum consuetudine abdicans residuam vitam, disciplinis, orationib. ac ieiunijs transegit, donec immaculatum suum spiritū ex hoc corpo-

corporis carcere exilire desiderantem, Coeli Domino comendauit. Eius corpus in sacello Orepeffani Castrì, paternę ditionis, inter Hispanos, in Castellę nouę oris sito, maiori Ecclesię B. Virg. Conceptę. dicato; vna cum Cœnobio, in quo Moniales habent, ab eisdem Orepeffę Comitibus ædificato, sepultum est.

XXX.

Non minori fama claruit, & si in diuerso vitę instituto ea tempestate, FLAVIVS Vrsinus nobilissimus Romanus, Ferrantis Grauinę Ducis, & Beatricis Ferellę filius, qui plurimarum virtutũ; & cum primis iuris pontificij, ac ciuilis sapientię decore insignitus, Episcopus S. Seueri electus; mox ad Episcopatum Muranensem translatus; à Pio Quarto Pont. ad Auditoratus Curię causarum Camerę Apost. officiũ, ex vtriusq; Signaturę Referendario, anno 1561. Kalen. Maij, translatus; ab eodẽ quadriennio post, anno scilicet 1565. Põ. Sexto, dum quartò Cardinales creauit, 4. idus Martij S. R. E. Presbyter Card. tt. SS. Petri, & Marcellini declaratus est; sub Pio V. Archiepiscopatus Consentini administratione suscepta, vt Aquam virginem ad fistulas fontis Triuij conductam, in varios fontes distribuat, ab eodem Pont. cum Ioanne Cardin. Politiano deputatur. Is à Greg. XIII. anno sal. 1572. Pont. Primo, cum intellexisset Gasparem Colinium Regni Dynastã, & Hæreticorũ principem, Parisijs, cum socijs necatum fuisse, in Galliam Legatus mittitur; vt Carolum IX. Regem contra reliquos Regni hæreticos inflammaret, & vt ad arma contra Turcas sumenda persuaderet, fœdere iam cum Hispaniarũ Rege, & Rep. Veneta inito, fœderatorũ arma deuictis Turcis cõtra Hugarotas vertenda polliceretur, qua legatione, & si frustra, nam effectu caruit; ritẽ ac sapienter tamen omnibus illius muneribus cumulatẽ impletis, perfundus, cum Romam reuertisset, Belgarumq; patrociniũ suscepisset, ab eodem Gregorio Signaturę Breuium præficitur. Qui Roma Neapolim ad leuan-

leuandum morbum, medio Puteolano Balneo veniens, Pizzi falconemq; animi ergò petens; ibi in ædibus Marchionis Triuici, hora 4. noctis sequentis, die Martis, 15. Kal. Augusti 1581. obiit, sepultusq; est apud Prædicatores. Pater commemoranda humanitate, ac liberalitate insignis, cuius doctrina ingens, abstinentia summa, prudentia singularis, & qui generosi, sed moderati animi, exempla plura dederat.

XXXI.

INter eos, qui elogijs illustrium Ligurum vitas exornant, merito nos etiam recensēbimus Fr. VINCENTIUM Iustinianum, ex nobilissimis parentibus Insulæ Chij Dominis, an. salutis 1519. 5. Kal. Septembris ortum, Benedicti Card. Sixti V. consanguineum; qui primò adolescens Ord. Prædicatorum ingressus, atq; in diuinis, humanisq; disciplinis addiscendis, nec non in pietate admirabilem, se cunctis præbens, ab inferiorib. ordinis muneribus, ad superiora sibi gradum fecit, summa cū omnium approbatione; fratris. n. Stephani Vfusmarij Genuensis, postea instituti Generalis Magistri, per decennium à secretis, ipsius virtutem imitatus, eodem vita functo anno 1558. ex Angliæ Prouinciali; à Paulo Quarto eligitur, qui vna cum Fr. Petro Martyre Luganense Ord. Vicario, & Pont. Confessario, eundem Ordinem ad futura Generalia Comitia gubernaret, quibus paulò post Romæ habitis, idem Fr. Vincentius omnium consensu octauum, & trigessimum tantum annū agēs Generalis eiusdem Ordinis Magister; cui ministerio per duodecim annos sapientissimè præfuit, renunciatus est; qui peragrata Gallia vniuersa, coactoque anno 1561. Auinioni conuentu, in Italiam reuersus, 18. Episcoporum, & 27. Theologorum eiusdem Ord. corona fultus, ad indictam Synodum, Tridentū concessit; in qua tantam doctrinam, ac pietatem ostendit, vt in rebus expediendis, atq; ad exitum perducendis, eo consulente pontificij Legati fuerint vsi; cuius postea Concilij Decreta; ea præsertim, quæ ad Religiosos Regulares spectabant, in Capitulo

pitulo, Bononiæ habito, tanta asseueratione ad vnguem obseruanda præcepit, vt nonnullorum ordinum Fratribus in Romana Curia reclamantibus, à Iudicibus Iustiniani statuta eiusdem Capituli fuerint illis obiecta, qui Romæ, pro sui, ac Procuratoris ordinis habitatione, ac pro hospitibus ex alijs Prouincijs aliam Urbem adeuntibus, ne vt antea in hospitij publicis derinerentur, amplas ædes in Cœnobio ad S. Mariam super Mineruam ædificauit, & cum in Hispaniam, Prouincias inuisens concessisset; à Pio V. sui amantissimo, tunc Sūmo Pont. creato, apud Hispaniarum Regem de maximis rebus, & præsertim de restituenda Carolo Card. Borromæo Archiep. Mediolanē. Ecclesiastica illi debita libertate, magna ex parte ob Archiepiscoporum absentiam, eidem Ecclesiæ dempta, tractaret, mandata accepit, quem postea idem Pius propter singularem in omnibus, quæ gesserat adhibitam prudentiam, an. Pont. V. fal. 1570. 16. Kal. Iunij, absentem, Presbyt. Cardinalem tt. S. Nicolai inter Imagines creauit; quo postea; cum Romam venisset, in subleuandis Pont. oneribus, ob egregia consilia vsus est, & apud eundem intercedente, gentilitij sui, Insulæ Chij Domini, eadem Insula occupata à Solymano Turcarum Tyrāno capti; & in seruitutem redacti, in gratiam Summi Pont. instāte apud Solymanum, Carolo IX. Francorum Rege, libertate donati sunt. Hunc etiam Greg. XIII. Indici librorum, cum Sirleto, & alijs, alias memoratis præfecit; sub quo tandem ad tt. S. Sabine translatus, die Sabbathi, 5. Kal. Nouemb. an. 1582 Pont. XI. in incredibili totius Roman. Curia desiderio, è viuīs ereptus est, cuius corpus in S. Mariæ super Mineruam apud Prædicatorēs, sepulturæ mandatū est, in sacello D. Thomæ Aquinati, ab eodem ædificato, vbi sepulchrum, quod ijs literis incisum est.

D.

O.

M.

Fr. Vincenzio Iustiniano Genuesi, 38. suæ ætatis anno, electo
Gene-

Generali Ord. Pradicat. inde annorum 51. in numerum S. R. E. Cardinalium assumpto. Obijt 28. Octobris, anno salutis 1582. Kix. annos 63. menses 2. Petrus, Ioseph, & Gregorius fratres. PP.

XXXII.

EXcelluit etiam ijsdem tēporibus **FVLVVS** Corneus Italus nobilis Perusinus Iulij Papę Tertij ex sorore nepos, Ascanij viri in militari disciplina inter Italos suę ætatis celeberrimi frater, 13. Kal. Decembris 1517. natus, qui Patrię Episcopus ab eodem Iulio auunculo designatus; non multo post an. sui Pont. II. huius eui 1551. 13. Kal. Ianuarij S. R. E. Presbyter Cardinalis tt. S. Marię in via creatus, ab eodem Picensi legatione insignitus, Florentiam mittitur, Sermoneta Senas petente, vt hic inde, quid nouissimē de rebus Senensibus, & Montis ilcini deliberaretur, intelligat, qui, ea gratia, & auctoritate, qua apud Iulium Pont. valebat; patrię suę Magistratum potestatem, qua à Paulo III. antea in temeritatis pœnam, & rebellionem Ciuitas destituta fuerat, vna cum fratre, vt restitueretur obtinuit, ex quo Pont. Aenea statua, Card. & ipsius Fr. monumento à Perusino populo, quod ibi ante ædes D. Laurentio dicatas his versibus donari meruerunt.

Iulio III. Pont. Max. ob restitutos Magistratus, piē deprecantibus Fulvio S. R. E. Cardinali, & Ascanio Corneis ex sorore nepotibus, ad muneris, gratiq; animi perpetuitatem P. Perusina dedicat.

Huius non minora in Deum quam in patriam extant pietatis monumenta, vt Perusię Collegium pro patribus Societatis Iesu, quos vnicē diligens, amico sinu semper fouit, propria impensa magnificē constructum, Romę item in Ecclesia S. Petri in Ianiculo, sacellum ab Antonio de Monte Card. erectum, & à Iulio III. exornatum in sui corporis sepulturam electum, annuo redditu pro altaris ornamentis, duobusq; anniuersarijs; altero

terò pro Ant. de Monte; altero pro se celebrādis locupletatū,
 q̄ pietatē in gentilitios etiā suos extēdens, Hippolyto Corneo
 Episc. Perusino in eēde D. Laurentij in patria monumentū col-
 locauit. Hic ex tt. S. Mariæ in via, sub Paulo IV. ad S. Bar-
 tholomæi in Insula; mox sub Pio IV. ad S. Agathæ; post S.
 Angeli; & ex eodem, sedente Pio V. ad S. Laurentij in Luci-
 na; & eo dimisso ad S. Hadriani translatus; sub Gregorio XIII.
 ex Presbytero factus Episcopus Cardinalis Albanus; mox Pre-
 nestinus, & vltimo Portuensis; & S. Rufinæ; reformatorq; Ec-
 clesiasticarum cœremoniarum in Aula Romana, ibidem die
 Lunæ VI. Nonas Martij anno salutis 1583. Pont. XI. ætatis
 66. moritur, & in S. Petri de Monte aureo apud minores ob-
 seruantes in Antonij Card. Montani Sacello, de quo supra, se-
 pelitur, in cuius fronte lapis marmoreus; & si ea contineat, quē
 de sepulture lectione supra diximus, tamen; vt ordinem, quem
 instituimus seruemus, apposuimus.

D.

O.

M.

*Fulvius Corneus Episcopus Portuensis Card. Perusinus sacel-
 lum hoc ab Antonio Card. de Monte erectum, & à Iulio III. Pont.
 Max. auunculo suo exornatum, in sui corporis sepulturam eligens,
 annuo perpetuo redditu pro ornamentis altari subministrandis, duo-
 busq; anniuersarijs, pro sua; & eiusdem Antonij de Monte anima
 celebrandis. obiit die 2. Martij MDLXXIII. ætatis sue anno 66.*

XXXIII.

Immortalem quoq; se reddidit M. ANTONIVS Maffæus nobi-
 lis Romanus, originem familia è Veronēsi Ciuitate ducen-
 te Hieronymi filius, Bernardini Cardinalis frater, natus pri-
 die Kal. Septembris anno humanæ redemptionis 1521. qui
 ex V.I.D. Basilicæ Lateranensis primò; deinde Principis Apo-
 stolorum de Vrbe Canonicus creatus; non multò post Bernar-
 dino fratri in Archiepisc. Theatino successit, in cuius admini-

R

stratio-

stratione, ea pietatis, & prudentiæ signa dedit, vt cum Pius IV. Titulos, & Diaconias S. R. E. Cardinalium, reliquasq; Urbis sacras Aedes, aut vetustate collabentes, aut deformes, ex decretis Concilij Triden. reparare decreuisset, M. Antonium Maffæum, Iacobum Sabellum Cardinalem Urbis Vicarium, & Ascanium Cæsarinum Episcopum ad id munus delegerit, quem postea Pius V. cum ob iuris peritiam, fidem, atq; integritatem supplicibus libellis subnotandis (Datarium dicunt) præfecisset, eundem anno 1570. Pont. V. 16. Kal. Iunij Presb. tt. S. Calixti renunciatum, inter Cardinales esse voluit. cuius opera, & consilio in Ecclesiastica Rep. bene gerenda cum vteretur, illum; vt citius arma contra Turcas sumerentur, cum alijs Cardinalibus ad alienandos census super bonis Ecclesiasticis impositos, deputavit. Sub Gregorio XIII. porro mortuo Flauio Card. Vrsino Signaturæ Breuium Præfectus, cum in dies magis fidei catholicæ, ac sedi Apostolicæ sua opera inferuaret, in ipsa maiori de se cōcepta expectatione, inopinata vi morbi oppressus, Romæ anno Pont. XII salutis 1583. 11. Kal. Septembris hora 14. ex hac mortali ad immortalem vitam migravit, qui ad S. Marię super Mineruam templum apud Prædicatores deportatus, sepelitur, in ipsius gentilitio sacello, Deo, & D. Sebastiano dicato, vbi è regione monumenti Bernardini Cardinalis fratris ad ipsius Arę dexteram extat lapis cum elogio, quod Hieronymus Maffæus ex fratre nepos, Vtr. Sig. Ref. eo sacello restaurato, eidem posuit.

*M. Antonio Hieronymi filio Maffæo S. R. E. Presbytero Card.
tt. S. Calixti. Vix: annos 51. menses 11. dies 22. Obijt 11. Kal.
Septembris, 1583.*

XXXIV.

Mirum est, quantam vim habeat legalis sapientia, quæ
(vt innumeros taceam) RENATVM Biragum nobilissimum Mediolanensem I. V. D. virum; rerum vsu, &
discre.

discretionē, quæ consumatæ prudentiæ virtus est, præditissimum in Aula Gallorum Regum ad præclarissimas rerum publicarum administrationes vexit, quas; non modo prudentia; sed etiam armis cōtra Hæreticos, & Regni perturbatores sumptis felicissimè conseruans, ob id Regibus carus, ac summo in pretio habitus, magni Cancellarij officio cohonestatur, qui; vxore vita functa, quam iuuenis duxerat (susceptis ex ea liberis, qui in Gallia adhuc superstites, tanti patris vestigia sectantes, & in omni virtutum genere excellentes; gentilitium nomen ad omnem æternitatem conantur propagare) in Henrici III. Regis gratiam à Gregorio XIII. in quinta 9. Cardinalium creatione Romæ anno Domini 1578. Pont. VI. die Veneris Nono Kal. Martij habita, sacre purpuræ honore decoratus est, qui, quod curiam non adiit, titulum non optauit. obiit Renatus Parisijs anno salutis 1583. Pontificatus XII. ætatis 77. die Iouis 8. Kal. Decembris, ibiq; in S. Catherinæ templo sepelitur.

XXXV.

H Abuit etiam ea tempestate Resp. Veneta virum præstātissimum ZACHARIAM Delphiniū anno salutis 1527. 4. Kal. Iunij hora 19. post meridiē natum, qui in multis difficultatibus expediendis, domi, ac foris pro patria Rep. tam se eloquentem, tam prudentem, atq; expeditum monstrauit, vt à Paulo IV. Romam vocatus, & Protonotariatus Apostolici dignitate insignitus; primo Torcellentis; post Pharenfis Episcopus declaratus, & inter ipsius familiares adscriptus, ad plurimas Reip. Christianæ partes moderandas fuerit demandatus; & à successore Pio IV. Internuncius Sedis Apostolicæ, cum potestate Legati de latere diuersis tēporibus anno 1556. & 1561. maximis de rebus religionis, & rei Christianæ ad Ferdinandum electum Imperatorem, ad Maximilianum ipsius filium Romanorum Regem, & ad Principes superioris Germaniæ periculosis itineribus, vltro, citroq; missus, tres Imperij Romani seculares Electores, nonnullosq; alios Dynastas, qui

R 2 falsa

falsa Lutheri dogmata sequebantur, Pontificis nomine, una cum Ioanne Francisco Commendone Iacynthi Episcopo; postea S. R. E. Cardinale adiuit, & ad Concilium Tridentinum celebrandum conuocauit. Verum; cum nihil sibi esse cum Pont. Ro. negotij, & de ea re ad Cæsarem se relaturoid dixissent, re infecta ab ijs, abiit, superioreq; Germania peragrata, apud Cæsarem Legatus permanens; absens anno 1565. Pont. VI. 4. Idus Martij, Presb. Cardinalis tt. S. Mariæ in Aquiro, non nihil renuentibus Venetis creatus est. In Italiam postea reuersus, tam apertè singularem rerum cognitionem, ingenij vim, mentisq; aciem patefecit, vt omnes nihil esse tam arduum in Aula romana, quod scientiam eius effugeret, affirmarent. Tandem sub Pontificatu Pij V. Iauriensis Episcopatus administratione suscepta, Gregorio XIII. sedente; ex tt. S. Mariæ in Aquiro, ad S. Anastasiæ translatus, anno Pont. XII. ætatis 57. sal. 1583. die Dominico 14. Kal. Ianuarij Romę obiit, sepultus ibi ad S. Mariam super Mineruam ante Maioris Aræ gradus propè sepulchrum Ioannis Cardinalis Moroni, vbi, & lapis, & elogium adhuc desiderantur.

XXXVI.

Insigniuit quoq; non exiguo laudum ornamento eandem Venetam Republicam Fr. ALOYSIVS Cornelius Venetus Ioannis, olim Georgij filius, Catherinæ Cypriæ Regina, à qua Resp. Veneta idem Regnum dono accepit pronepos, Marci Alex. VI. & Francisci Clementis VII. Cardd. ex fratre nepos, Andreæ item Pauli III. Card. consobrinus, Federici Sixti V. germanus frater, & tandem Francisci Clementis VIII. item Card. patruus, pridie Idus Februarij anno 1516. natus. Is; habitu, & cruce militaris religionis S. Io. Hierosolymitani sūptis, post præclara in patria Rep. patrata facinora, dignus cui Regni Cyprij Prioratus commendaretur à Magno religionis Magistro dijudicatus est, qua dignitate ad maiores aditu sibi patefacto; electus primo Archiepiscopus Iaderensis, deinde à
Iulio

Iulio III. anno 1551. Pont. II. 13. Kal. Ianuarij Diaconus S. Theodori declaratus, ad Cardinalatus fastigium euectus est, qui sub Pio IV. à quo, vt Caroli Card. Carafæ rei capitis iudicio præsit, electus, ex Diacono factus Presbyter tt. S. Theodori; mox Francisco Card. Pisano cedente S. Marci; Episcopatum Bergomensen; Archiepiscopatum Traguriensem, Tranensemq; summa prudentia administravit. Hic Reipublicæ Venetæ nomine, Pium V. an. 1570. supplex orauit, vt eidem ferret opem contra Selinum Cypri Regnum occupare minantem, quam; paulo post, inito cum Philippo Hispaniarum Rege, & eadem Rep. foedere impetrauit, cui idem Pius; vt pecuniam vberiore pro bello colligeret, Camerariatus officium, Vitellotij Vitellij morte vacans, quod Fr. Michàeli Card. Alexandrino concesserat, solutis septuaginta millibus aureis contulit, eundemq; anno sequenti ad alienandos census bonis Ecclesiasticis impositos, cum alijs octo Cardinalibus deputauit, qui Gregorij XIII. anno Pont. 12. sal. 1584. die Iouis, sexto idus Maij, hora 19. ex huius fluctuantis vitæ procellis, ad pacatam coeli quietem transiuit, sepultus apud Cruciferos in Sanctæ Mariæ Triuij in pauimento, marmoreo lapide, & hoc encomio ornatus.

D.

O.

M.

Aloysio Cornelio Veneto 11. S. Marci Presbyt. Card. S. R. E. Camerario. Vix. an. 67. menses 2. dies 27. Obijt 6. idus May 1584.

XXXVII.

INter clara tantorum Patrum exempla, locum sibi virtute sua haud obscure vendicat CLAVDIVS à Bauma ex Comitatu Burgundiæ Gallus, Antonij fortè Môtis Riuellij Comitatis viri clarissimi filius, ac ex fratre nepos Petri illius Gebenensis Episcopi; postea Archipræsulis Bisuntini, viri æterna memoria dignissimi, qui; dum se acrem Orthodoxæ fidei defen-

R 3

forem

forem exhibet, in miserrima illa sacrorum euerfione, quæ Ecclesiæ suæ Gebenēfi, sub Clemēte VII. euenit, qui ab hæreticis, & Episcopatu, & Ciuitate, nō sine vitæ discrimine disturbatus, ac propulsatus; à Paulo Tertio postea, meritò in Card. Collegium cooptatus est, cuius pietatem imitatus, eodem cedente, de Pontificis consensu, Archiepiscopatus Bisuntini administrator declaratus, commissum sibi Gregem, ad summam pietatē; & verbis, & vitæ propriæ exemplo paut, & propterea à Gregorio XIII. ob propria, ac Patruī in Sedem Apost. merita, anno 1578. Pont. VI. die Veneris. 9. Kal. Martij, dum quintò Cardinales eligeret Presbyt. Cardinalis S. Pudentianæ tt. Pastoris; remotis omnibus, quæ obijciebantur difficultatibus, declaratus est, qui romanam Aulam non adiit, curę Bisuntinæ Ecclesiæ sibi commissę, intentus, vbi anno 1584. 17. Kalend. Iulij, Pont. XIII. ex hac peregrinatione, ingressus æternam patriam, recessit, ibiq; in Metropolitana sepulturæ datus est.

XXXVIII.

Virtutum omnium; & præsertim Ecclesiasticæ dignitatis zeli splendidissimo exemplo nostram ætatem illustrauit CAROLVS Borromæus nobilissimus Mediolanensis, Giberti Aronæ Comitis, & Margaritæ Medicæ Pij Papæ IV. fororis, religiosissimorum parentum filius, anno 1538. 6. Novas Octobris natus. Is adolescens Ticini animum, post pietatem, vt Canonico, & Ciuili iure instrueret, doctorem habuit celeberrimum illum Iuris Consultum Franciscum Alciatum, postea S. R. E. Cardinalem, qui à Patruo, simul ac ad Pontificatum euectus est, Rōmam vocatus, ex I. V. Doctore, & Sancti Gratiani Aronēsis Abbate, Protonotarius Apost. de numero participantium, ac vtr. Sig. Ref. mox pridie Kal. Februarij an. 1560. Diac. Card. SS. Viti, & Modesti in Macello martyrum; post S. Martini in Montibus, & Mediolanen. Eccl. Archiepiscopus; vita functo Philippo Archinto; Bononiæ, & Romandiola Legatus declaratus est, qui etiam Sedis Apost. præcipua

cipua negotia sibi commissa, summa semper fide, & diligentia tractauit; nam, ut reliqua omitam, dixerim Tridentinum Concilium, precipua Caroli opera maximè celebratū, ad felicem finem redactū fuisse, & vnum inter alios Cardinales, pro Decretis eiusdem Concilij seruandis, & inter alios, qui sanctissimæ Inquisitionis tribunali preponeretur, declaratum fuisse. Qui ex Diac. factus Presbyter tit. S. Praxedis; eo tempore, quo mortuo Federico fratre, ad propagandam familiam, à quibusdam hortabatur ad nuptias; defuncto Ranutio Farnesio S. Angeli Card. maioris Poenitentiarij, munere, & S. Mariæ Maioris de Vrbe Archipresbyteratu, post Guidonē Ascaniū Card. Sfortiam, decoratus. Religionis Fratrum Minorū, Monachorum Camaldulensiū, cui Congregationi Cœnobium Anagninum sibi commendatum restituit. Item Flandriæ Comitatus, Heluetiorum, Regni Lusitani, & Prouinciæ Germaniæ Protect. mox anno 1565. totius Italiæ Legatus declaratus, Mediolani primū Conc. Prouinc. celebrauit; & Tridenti Ferdinandi Imperatoris filias; alteram Ioannam, Francisco Mediceo Florentiæ Principi; alteram Barbaram Alphōso Estensi Ferrariæ Duci, in matrimonio cōiungendas excipiens; adhibito sibi à Pōt. Max. collega Guidone Ferrerio, tit. S. Euphemie, Presbytero Card. in Italiam comitatus est. Enimuerō; his missis, erigite animum, o Ecclesiæ Præsules, animaduertite, ac imitamini facinus, æterna sæculorum memoria dignum Caroli Borromæi, qui sub Pio V. maioris Poenitentiarij, per amplum in Romana Aula munus, S. Mariæ Maioris Archipresbyteratū, Abbatias de Cornu, Nonantulanam, Felinam, & Romagnani, aliaq; Sacerdotia ditissima, quorum redditus quinquaginta millia aureorum excedebant; retinens tantum ea, cuius fructus ad exiguæ familiæ victum sufficerent, in manibus sanctissimi; bonis tantummodo operibus intentus, & Ecclesiam Mediolanensem verbo Dominico, & exemplo pascens, renunciauit. Quid plura? In Mediolani Ditione Tempora crexit, erectaq; iam diruta restaurauit. Romæ tit. S. Praxedis ad elegantem, quam nūc

cernimus, formam redegit. Collegium, Domumq; Patribus Societ. Iesu Mediolani, Seminaria in eadem Ciuit. & in Diocesi pro adolescentibus rectè instruendis, & Oblatorum Collegium edificauit. Sed videamus, quæso nos; quam pro tanta pietate gratiam acceperit. Electo a Pio Quarto, & successore Pio Quinto, vt Humiliatorum Congregationem, cuius fuerat Patronus, cum Generali, & quibusdam alijs Præpositis reformaret; Apostatæ quidam eiusdem Religionis data cuidam scelestissimo pecunia, vt Carolum interficeret, in eum coniurarunt; qui nacta occasione, dum Carolus, de more in sacello, cum familiaribus oraret, eum fistula ænea immissa percussit; Verum; etsi maioris globi ictus illi, vsq; ad cutem penetrauit, ibiq; liuoris notam quandā impressit, quæ in eius dorso, ad miraculi testificationem, vsq; ad vitæ finem permansit: nihil tamen nocuit viro sancto, qui immobilis permansit, silentioq; indiçto, inceptas preces, admirabili fidei constantia, & animi fortitudine absoluit; nec multò post, nefarius ille sicarius, & coniurationis participes tales poenas dederunt, vt, non modo ipsi debitas luerint; verum etiam ab ipso Pio V. eorum Ordo funditus sit extinctus, sub quo Mediolani Carolus secundus; sub Greg. XIII. tertium, quartum, & quintum Conc. Prouinciale tertio quoq; anno celebrauit. Hæc officia boni Præfulis sunt. Sed si descendere velimus ad amplificandæ Reip. Christ. quo Carolus ardebat, desiderium, illud testatur Abbatia Aro-næ, quæ familiæ Iuspatronatus erat, Collegio Iesuitarum unita, Seminarium Helueticorū Mediolani, Collegia Borromæorum Ticini, Mediolanensibus, & Papiensibus in morib. & disciplinis educandis erectum. Quid? Legationes, quanta obuiuit diligentia, quanta Bergomensem, Brixiensem, & Cremonensem Ditionem animi accuratione Pontificis nomine inuissit? qualem (inquam) in Helueticorum partibus hæretica peste purgandis, nihilum potentiū minas timēdo; immo etiam illos, quandoque anathemate terrendo se præbuit? illam autē, qua ad Deum homines propius accedūt, virtutem (charitatem dico)

eo) quis vnquam tam eloquens reperiatur, qui eam in eo, pro dignitate extollat? qua sanè tantum cōmouebatur, vt; cum anno 1578. Mediolanensis Ciuitas, & Ditio à peste malè exerceretur, domestica suppellectili, & proprijs vestibus; vt pauperibus opitularetur, venditis, ac propria vita neglecta, peste laborantibus, suis ipsius manibus Sacramenta non dubitarit ministrare. Nihil est fermè in Antistite Ecclesiastico vndeque perfectò conspicuum, quod non vel absolutissimum in Carolo reperiretur; in eo fortassis erga sanctos cultus est desideratus. i. quasi verò multorum etiam Mediolanensium Antistitum, & Martyrum Reliquias summa veneratione prosecutus, cum ignota iacerēt, solenni pompa in loco celebri nō collocarit? Hic sacri Senatus ornamentum, ac sydus, quo oriēte tota Resp. Christiana, tota Europa, totius terrarum orbis illustratus, & quo occidente obtenebratus est; sacrosancta Dei mysteria in monte Verallo piè veneratus, in itinere febri correptus; Mediolanum semiuivus reuertitur, cumq; se versari in maximo vitæ periculo intellexisset, terrena nausæans, & cœlestia anhelans, forti, ac constanti animo mortem minimè extimens, cum ad extremum illud certamen, ecclesiasticis Sacramentis, orationibusq; se optimè armasset, attentissimè defixus in meditatione mysteriorū passionis Christi, maximo Ecclesiæ Dei detrimento, Mediolanensiu luctu, bonorumq; omnium mœrore, die Sabbathi, 3. nonas Nouemb. hora noctis tertia, anno sal. 1584. Pont. XIII. placidè obdormiuit in Domino. Funere peramplo, multis cum lachrymis demoniacis clamantibus, summo in rerum omnium squalore, Nicolao Sfondrato Card. postea Greg. XIII. Pont. rem sacram agente, & Fr. Francisco Panigarola Asten. Episcopo orante, celebrato, corpus in pavimento Chori ad primos gradus Altaris in sepulchro, quod antea sibi, sine vilo fastu constituerat sepelitur, in cuius monumēti lapide eiusmodi verba legūtur.

Carolus II. S. Prædix, S. R. E. Presbyter Card. Archiepiscop. Mediolanensis, frequentioribus Cleri, populi, deuotiq; faminet se-

XUS

*xus precibus; se commendatum cupiens, hoc loco sibi monumentū
vixit elegit. HUMILITAS. Vixit annos 46. mens. 1. diem 1. præ-
fuit Ecclesia Mediolanensi annos 24. mens. 8. dies 26. obiit 3. No-
vas Nouembris 1584.*

Ad cuius sepulchrum innumerabiles mortales confluentes;
vitæ sanctimonia adducti, Dominum in Carolo commendantes,
eum dignum, qui Templi Dei basis, clarissimūq; Eccle-
siæ lumen diceretur, prædicabāt. Hoc æternum virtutum sua-
rum præconium, quā dignè mereretur; præter superius enar-
rata, satis apertè declarant, contemptus rerum humanarum,
diuinarum desiderium, assiduū cum Deo colloquium, chari-
tas admiranda, frequens Sacramentorū vsus, mansuetudo singu-
laris, summa humilitas, continua corporis castigatio, admira-
bilis fides, eximia constantia, zelus verò diuini cultus arden-
tissimus, & aliæ penè innumerabiles, ad quas; quia ab Augu-
stino Valerio Card. Veronense Episcopo, Caroli familiaris-
simo; à Carolo à Basilica Petri, Præposito generali Congrega-
tionis Clericorum Regularium S. Pauli; à Carolo Biscapè Sā-
cti Barnabæ Mediolanen. Præposito, in epist. ad Philippū Se-
gam, Episc. Placentinum, postea Card. conscripta, quæ inter
literas Principum à Paulo Aemilio Marcobruno collectas, le-
gitur, luculenta oratione fuerunt exornatæ, lectorem placet
remittere. Superesse videbatur, vt in medium afferremus ali-
qua eius singularis doctrinæ monumēta, decreta videlicet quin-
que Synodorum Prouincialium; Orationes in eisdem conuo-
candis, habitas; Tractatus de ratione conferendi sacramentū
Confessionis; Concionē de S. Iubilæi anno, ac spiritualib. fru-
ctibus capiendis. Pastorū, concionatorumq; instructiones ad
suæ Diocesis vsum æditas; Libros duos instructionum fabri-
cæ, & supellectilis Ecclesiasticæ; & multa alia, quæ nimis lon-
gum foret recensere. Caroli virtutes Illustrissimus Federicus,
ex fratre nepos à Sixto V. Card. creatus imitans, patruī me-
moriā viuīs, & præclaris rerum gestarū monumentis repre-
sentat, quem si Deus nobis diutissimè (vt precamur) saluum &
inco.

incolumem conseruabit, proculdubio cum patruo comparandum visuri erimus.

XXXIX.

VNa cum Carolo Borromæo Resp. Christiana viduata est celeberrimo Præsule Io. FRANCISCO Cómendono Veneto, anno salutis 1523. 15. Kal. Aprilis nato, qui iuuenis; vt omniū Venetorum egregia indoles est, liberalib. artibus eruditus; Poëtas, Oratoresq; auidè sectatus, romanā, vernaculaq; facūdia clarus euasit, vt orationes ipsius vtraque lingua cōscriptę testimoniū perhibēt. hic à secretis Reip. cū esset, in difficillimis negotijs pertractādis, & ad opatū finem perducendis, animum hominum sibi non paucorum deuinxit, quem Iulius III. admiratus, ita amplexus est, vt inter familiares adscitum, in magnis rerum deliberationibus; præsertim obsignandis libellis apud Hieronymum Cardinalem Dandinum, ad Cæsarem in Belgium anno 1553. legatum, adhibuerit, qui; paulo post in Angliam missus, quando mortuo Odoardo fratre, Maria, Regina declarata est, vt eā, ad Regnum in catholicæ fidei vnitatem reuocandum adhortaretur, ac de rerum statu Pont. Max. commoneret, tanta eloquentia, ac prudentia rem totam apud Reginam egit, vt ab eadem syngrapham, qua obedientiam Sedi Apostolicæ pollicebatur, & absolutionem pro schismate petebat, impetrarit, qui Romā cum Reginę oratoribus veniens, cuncta Iulio in secreto Consistorio patefecit, ex quo Reginaldus Polus Card. ad expiandum Regnum, Legātus missus est. Commendonusq; ex Protonotario Apostolico Episcopus Hadriensis creatus, & à Paulo IV. ad Episcopatum Iacynthi, & Cephalleniaē translatus, cum ad eius præstans ingenium, singularem eloquentiam, non vulgarem; doctrinā accederet diuturnus rerum publicarum vsus, & quod optimè, & studia externorum Principum, populorūq; & intimos eorum sensus benè cognitos haberet, teneretq; legatur ab eodem Paulo anno 1556. ad Venetam Rempubicam;
& anno

& anno 1561. à Pio quarto ad Ferdinandum electum Imperatorem in Germaniam superiorem, Baioariam, ac inferiorem Saxoniam, Rhenanas oras, Belgas, Lotharingos, ad Concilium, Episcopis illarum regionum indicendum, qui in Italiam veniens; Tridentum ad idem Concilium; mox ad Regem Romanorum electum, Legatorum Concilij nomine salutandum, & pro maximis rebus ad id spectantibus missus; post ab eodem Pont. Romam reuocatus anno 1563. in Poloniam; vt legationis Pontificiæ munus apud Sigismundum Regem sustineret, mittitur; qui Dioecesana Synodo à Stanislao Hosio Card. & Episcop. Varmienſe; vt decreta Conc. Tridentini executioni mandarentur celebrata præſens, omnia pia instituta; vt Sedis Apostolicæ Internuncius, promouit. Cum verò à Stanislao Card. Patres Societ. Iesu in Prusiam, tunc primum accersiti essent, pro quibus Brasberga in Ciuitate Collegium instituerat, ac dotarat; Commendonus Regem ob falsos de patribus ab Hæreticis, sparsos rumores, animo dubium, ita perhonorifica Patrum apud eundem facta prædicatione disposuit, vt; non modò permiserit, vt iidem in Regnum ingrederentur: verum etiam Vilnense Gymnasium vniuersum Societati assignarit; qui eodem tēpore, cum proposuisset Nicolao Sanderò celeberrimo Theologo, quo familiariter utebatur, quædam argumenta; præsertim de vnius Pastoris Principatu, in causa fuit, vt ipse Sanderus opus præclarum de visibili Ecclesiastica Monarchia inscriptū, in quo de certa, & perpetua Ecclesiæ Dei; tum successione; tum gubernatione Monarchica ab ipso mūdi initio ad finē eleganter, & piè pertractat; conscriberet. A Pio Quarto anno 1565. Pont. VI. 4. idus Maij absens, Presbyter Card. tr. S. Cyriaci in Thermis inter 23. Cardinales, quos tūc creauit, annumeratus; ea insignitus dignitate anno sequenti à Pio Quinto in eodem Legationis munere confirmatus, è Polonia Augustam Vindelicorum, vt Imperialibus à Maximiliano Secundo, electo Romanorum Imperatore Comitijs, pro Concilij Tridentini Decretis, fidei exaltatione, hæresumq; extirpatione-

patione, Sedis Apost. nomine interesset, mittitur, Quibus peractis in Italiam reuersus, iterum in Germaniam Maximilianū Imperatorem rogatum, ne Augustanam confessionem duobus Archiducatus Austriae ordinibus, qui eam instantissimè postulabant, concederet, Legatus missus; cum inde Romam reuersus esset, ab eodem Pontifice, ad vias publicas Urbis, & fluminum, ac Tyberis portus instaurandos cum alijs Cardd. deputatus, & foedere illo celeberrimo, à Pont. cum Hispanis, ac Venetis inito, ad sumenda arma contra cōmunem Christiani nominis hostem anno 1571. in Germaniam ad eundem Maximilianum; in Poloniā ad Sigismundum Augustū, quo cum venit Frācisus Toletus Societ. Iesu Sūmi Pontificis à secretis cōcionib. postea S. R. E. Card. Sedis eiusdē Legatus, mittitur, quo Rege mortuo, Cardinali Legato, ne ante electionem noui Regis (sine liberis. n. obierat Sigismundus) è Prouincia discedat, imperatum est; cuius opera, multis sedatis seditionibus, Henricus Caroli Noni Francorum Regis frater, Andegauenfium Dux, acerrimus tunc hæreticorum hostis Rex acclamatus est. His Legationibus peractis, Romam reuersus anno 1573. Gregorio XIII. Pontifice, ex S. Cyriaci ad S. Mariæ Angelorum in Thermis; mox anno 1574. vita functo Aloysio Cornelio S. R. E. Camerario, ad S. Marci titulum translatus, eodem anno, Gregorij XIII. Pontificatus Tertio decimo, vir, in cuius dictis, factisq; multa sapientia inerat, Patauij ex vigilia 7. Kal. Ianuarij obiit, eiusq; corpus ibidem apud Capuccinos portatum, marmore, hoc elogio inciso cooperitur.

Ioanni Francisco tituli Sancti Marci Sanctæ Romanæ Ecclesiæ Presb. Card. Cōmendano. Antonius Causus Patritius Venetus auunculo B. M. M. P. Vixit annos 61. menses 9. dies 8. obiit 7. Kal. Ianuarij 1584.

Obitum

*Gregorus Papa XIII.
Obitus Gregorij Papæ XIII.*

Anno Domini 1585. die Mercurij, 4. idus Aprilis ante Dominicam Palmarū, hora 18. Romæ in Palatio Apostolico, ad mercedem, pro Dominico grege tribus, & decem annis, summa pietate, ac religione custodito in omnem æternitatem accipiendam, ætatis annorum 83. Gregorius XIII. in cœlum migravit, cuius corpus ad osculū pedū in Basilica Principis Apostolorum, vbi fit triduo retentum, in nobilissimo sacello, quod ipsemet Deo, Gloriosæ Virg. Matri, & D. Gregorio Nazianzeno dicarat, affabrè elaborato, varijs lapidibus, ac præciosis columnis exornato, vbi marmoreo sepulchro à Iacobo Boncompagno Sorano Duce donatum est, sepelitur.

Vacavit Romana Sede dies 14.

Eodē anno, 3. idus Aprilis, eius nouēdalia celebrari cœpta; citius, quā fieri solebat, propter officia maioris Hebdomadæ, pecunijs in eisdē erogādis, pauperibus distributis, terminata sunt. Orauit in ipsius funere P. Stephanus Tuccius Societ. Iesu.

Vndecimo Kal. Maij eiusdem anni, die Dominico, sanctissimæ Resurrectionis Domini nostri, Missa Spiritus sancti ab Alphonso Gesualdo Episcopo Cardin. Albano cantata, Cardinales numero 39. mox alij 3. superuenientes, conclaue, loco consueto paratum ingrediuntur, qui die Mercurij, 8. Kal. Maij, hora 14. diuino numine inspirante, Fr. Felicem Peretum de Monte Alto Picenum, Ordin. Min. Conuen. Presbyt. Cardin. tt. S. Hieronymi Illyricorum, qui Sixtus V. appellatus est, in Summum Pontificem eligunt.



SIX-

SIXTVS QVINTVS
PONT. MAX.



ANNO CHRISTI MDLXXXV.
SIGNVM SIXTI PAPAE V.

De Ventrematris meae, tu es Deus protector meus.

NVLVS vnquam memoria nostra Picenum magis
illustravit, quam Sixtus V. Fr. Felix Peretus antea
dictus, Picenus Criptis Oppidi Montis Alti Ripanae
Dioecesis, anno 1521. die Mercurij; pauperibus, sed pijs pa-
renti-

rentibus, Pereto de Monte Alto Iacobi Telamonensis Hetrusci, honesta familia orti filio, & Mariana de Camerino natus. Is. n. annorū 12. Asculi ordinem fratrum minorum Conuentualiū ingressus, disciplinis ijs, quibus vera nobilitas comparatur. s. eloquentiæ, philosophiæ, theologiæ operam eam dedit; vt anno 1548. Firmi, magisterij gradu perhonorificè sumpro, mira eruditione præditus, easdem multis in Gymnasijs, Maceratæ, Senis, Neapoli, & in alijs Ciuitatibus, summa cum laude fuerit professus, & publicas cōciones habuerit, nonnullas etiā eloquenter cōscriptas in lucem ediderit. Qui anno 1555. Rodulphi Pij Card. Carpen. ord. Protectoris, siue (vt alijs placet) Scipionis Pisarum Card. primò; & iterum Fr. Michælis Card. Alexandrini supremi Inquisitoris opera, Venetias missus; vt in hæreticā prauitatē inquireret, tātæ pietatis, & religionis signa præsetulit, vt paulò post, Vgoni Boncompagno tt. S. Sixti Card. à Pio IV. in Hispaniam, pro rebus Archiepiscopi Toletani, Legato, consultor, ac sacer Theologus datus sit. A Pio V. apud quem magnis virtutib. excelluit, cum, ob amicitiam, quæ iam pridem, maxima inter eos intercesserat, tum quia viros religiosos, & sacra doctrina præditos Ecclesiæ Dei præesse oportere dicebat, talis cum sibi Fr. Felix videretur, mortuo ministro Generali ordinis minorum, Apostolicus Vicarius ad futura generalia comitia Romæ celebranda, & Cathedralis Ecclesiæ Agathensis Præsul; tandem anno sui Pont. V. sal. 1570. die Mercurij 16. Kal. Iunij in tertia Cardinalium ordinatione S. R. E. Presbyter Card. tt. S. Hieronymi Illiricorum; & anno sequenti 16. Kal. Ianuarij Firmanus Episcopus declaratus est. Iam verò, vt illius; non minus pium, quam illustrem animum declaremus, eiusdem monumentum extat in ciuitate (tunc castro) Montis Alti Collegium constructum, ac dotatum, & quia ab infantia B. Virginem sibi patronam elegerat, cuius patrocinio tutatus, multa se pericula euitasse confessus est, Ecclesias eidem B. Virgini dicatas, & maximè Basilicam S. Mariæ Maioris de Alma Urbe,

be, in qua propè chorum Nicolao IV. summo Pontifici eiusdem instituti viro, ac Piceno sepulchrum nobilissimum, ex vario lapide; columnis, & statuis ornatum posuerat antea, cum Præsepis Domini facellum, minus decenter extructum, & ornatum videret, anno 1581. Gregorio XIII. sedente, infigre ibi facellum, suæ pietatis erga Deum; præter innumera, quæ Romæ extant, non obscurum monumentum edificari ceptum, in Pontificatu ad absolutam perfectionem, atq; ornamentum redegit. Ad summum postremò; Greg. xiiij. mortuo, vnanimi Cardinalium voto, Romæ die Mer. 8. Kal. Maij anno 1585. Pont. fastigium assumptus, eadem die Mercurij Kal. Maij eiusdem anni coronationis insignia per manus Ferdinandi Medicei S. Mariæ in Domnica inter Diaconos Romæ existentes primi, suscepit, seditq; in Apostolica Sede Rodulpho II. Austriaco electo Imperatore annos 5. Menses 4. dies 3.

*Cardinales LX. viui quando Sixtus Papa
Quintus est creatus.*

Episcopi Cardinales VII.

PAVLVS III.

Alexander Farnesius Episcopus Card. Ostiensis, & Velliternus; sacriq; Collegij Decanus.

Iacobus Sabellus Episcopus Cardinalis Portuenfis, & S. Rufine summus Inquisitor, & Papæ Vicarius.

PIVS IV.

Io. Antonius Sorbellonius Episcopus Cardin. Tusculanus.

* Antonius Perenottus Granuellanus Episc. Card. Sabinus.

Ioannes Franciscus Gambara Episcop. Card. Prænestinus.

Alfonfus Gesualdus Episcopus Card. Albanus.

Episcopi Cardinales XLVI.

PAVLVS III.

* Georgius de Arminiaco, tt. S. Nicolai in Carcere S. R. E.

Archipresbyter.

S

* Ca

* Carolus Borbonius tt. S. Chrysogoni.

* Nicolaus Caëtanus, tt. S. Eustachij.

PIVS IV.

Marcus Sitticus ab Altraemps, tt. S. Mariæ transtiberim.

Innicus Aualos, tt. S. Laurentij in Lucina.

Marcus Antonius Columna, tt. S. Petri ad vincula.

Ptolomæus Gallius, tt. S. Agathæ.

Prosper Sanctacrucius, tt. S. Clementis.

Guido Ferrerius, tt. SS. Viti, & Modesti.

Gulielmus Sirletus, tt. S. Laurentij in Pane, & Perna.

Gabriel Palæotus, tt. S. Martini in montibus.

PIVS V.

Fr. Michàel Bonellus, tt. S. Mariæ super Mineruam.

PIVS IV.

Ludouicus Madrucius, tt. S. Onuphrij.

PIVS V.

Nicolaus de Pelleue, tt. S. Praxedis.

Iulius Antonius Sanctorius, tt. S. Bartholomei in Insula.

Petrus Donatus Cæsius, tt. S. Anastasiæ.

Carolus Danges, tt. S. Euphemie.

Fr. Felix Perettus, tt. S. Hieronymi Illyricorum.

Hieronymus Rusticucci, tt. S. Susannæ.

Io. Hieronymus Albanus, tt. S. Ioannis ante portā latinam.

GREGORIVS XIII.

Philippus Boncompagnus, tt. S. Sixti S. R. E. Maior pœnitentiarius.

IVLIVS III.

Hieronymus Simoncellus, tt. SS. Cosmæ, & Damiani.

GREGORIVS XIII.

Alexander Riarius, tt. S. Mariæ in Araceli.

* Aloysius de Guisa, tt. S.

Petrus Deza, tt. S. Priscæ.

* Gaspar de Quiroga, tt. S. Balbinæ.

* Albertus ab Austria, tt. S. Crucis in Hierusalem.

PIVS

Sixtus Papa Quintus.

275

PIVS V.

Antonius Carafa, tt. SS. Ioannis, & Pauli.

GREGORIVS XIII.

Io. Antonius Fachinettus, tt. SS. Quatuor Coronatorum.

Ioannes Baptista Castaneus, tt. S. Marcelli.

Alexander Medices, tt. SS. Quirici, & Iulitæ.

* Rodericus de Castro, Basilicæ SS. duodecim Apostolorum.

* Carolus de Vendosme, tt. S.

* Franciscus de Ieyeuse tt. S.

* Michâël à Turre, tt. S.

Iulius Cananius, tt. S. Eusebij.

Nicolaus Sfondratus, tt. S. Cæcilie.

Antonius Maria Saluiatus, tt. S. Mariæ in Aquiro.

* Augustinus Valerius, tt. S. Marci.

* Vincentius Laureus, tt. S.

Philippus Spinola, tt. S. Sabinæ.

* Georgius Radziuul, tt. S.

* Albertus Bolognettus, tt. S.

Matthæus Contarellus, tt. S. Stephani in Monte Cœlio.

* Simeon Talliaua, tt. S.

Scipio Lancellottus, tt. S. Simeonis.

Diaconi Cardinales VIII.

PIVS IV.

Aloysius Estéſis S. Marię in via lata, S. R. E. Archidiaconus.

Ferdinandus Medices S. Mariæ in Domnica.

GREGORIVS XIII.

Philippus Vastauillanus S. Angeli, S. R. E. Camerarius.

Andreas ab Austria S. Mariæ Nouæ.

Fr. Io. Vincentius Gonzaga S. Mariæ in Cosmedin.

* Carolus à Vendemonre S.

Franciscus Sfortia S. Georgij in Velabro.

* Andreas Bathorius S. Hadriani.

S 2

Prima

Prima creatio unius Cardinalis.

*Anno Domini MDLXXV. Pontificatus
primo, die Luna, tertio idus May
Roma.*

SIXTUS Papa Quintus primò creavit unum
Cardinalem, qui fuit.

Alexander Perettus Romanus Pape, ex Camillæ sor-
ris filia pronepos Diac. Card S. Hieronymi Illyrico
rum Papæ summator, & S. R. E. Vicecancellarius.

I.



Secun-

Secunda creatio octo Cardinalium.

*Anno Domini MDLXXXV. Pontificatus
primò, die Mercurij, i 5. Kalen.*

Ianuarij, Roma.

*SIXTUS Papa Quintus secundò creauit octo
Cardinales, qui fuerunt.*

- 2 **H**enricus Caëtanus Romanus, vtriusq; Signaturæ Re-
ferendarius, Patriarca Alexandrinus, Presbyt. Car-
dinalis S. Pudentianæ, tt. Pastoris.
- 3 Georgius Drascouitius Croatus Episc. primò Quinqueccle-
sienfis, deinde Zagabrien. postea Archiepif. Colocensis
Presbyt. Card. tt. S. absens.
- 4 Io. Baptista Castrucci Lucëfis Archiepif. Theatinus, Pre-
sbyter Card. tt. S. Mariæ de Araceli.
- 5 Frater Federicus Cornelius Venetus Ord. Militiæ S. Io. ba-
ptistæ Hierosolymitani Prior Cypri, Camera Aposto-
Præsidēs Clericus, Episcopus Patauinus Presbyt. Card.
tt. S. Stephani in Monte Cœlio.
- 6 Dominicus Pinellus Genuensis Camera Apostolicæ Præsi-
dens Clericus, Episcopus Firmanus, Presbyter Cardin.
tt. S. Laurentij in Pane, & Perna.
- 7 Hippolytus Rubeus Parmëfis Episcopus Papiensis, Presby-
ter Card. tt. S. Mariæ in Porticu.
- 8 Decius Azolinus Firmanus Papæ intimus Secretarius, Ca-
nonicus S. Petri, postea Episcopus Ceruënsis, Presbyter
Card. tt. S. Matthæi in Merulana.
- 9 Hippolytus Aldobrandinus Florentinus Rotæ Auditor, Pa-
pæ Datarius, Presbyt. Card. tt. S. Pancratij.

II.



III.



IV.




V.



VI.

VI.



VII.



VIII.



IX.



S 4

Tertia

Tertia creatio octo Cardinalium.

*Anno Domini MDLXXXVI. Pontificatus
secundo, die Mercurij, 16. Kalen.*

Ianuarij, Roma.

*SIXTVS Papa Quintus tertio creauit octo
Cardinales, qui fuerunt.*

- 10 **H**ieronimus de Ruuere Pedemontanus, Ciuis, & Archiepisc. Taurinensis, Presbyt. Card. tit. S. Petri ad Vincula.
- 11 Philippus de Lenoncourt Gallus ex Ducatu Lorenæ, Episcopus olim Cathalaunen. deinde Antifiodorēsis, & Gallia primus Cancellarius, Presbyt. Card. tit. S. Onuphrij, absens.
- 12 Magister Fr. Hieronymus Bernerius Corrigiensis Ordinis Prædicat. Episcopus Asculanus, Presbyt. Card. tit. Sancti Thomæ in Parione.
- 13 Ant. Maria Gallus Auximanus Picenus, Canonicus S. Petri, postea Episc. Perusinus, Presbyt. Card. tit. S. Agnetis in Agone.
- 14 Magister Fr. Constantius Sarnanus Picenus Ordinis Minorum Conuent. S. Francisci, Presbyt. Card. tit. S. Vitalis.
- 15 Hieronymus Matthæius Romanus, Vtr. Sig. Refer. & Camera Apost. Generalis Audit. Diac. Card. S. Hadriani.
- 16 Benedictus Iustinianus ex Dominis Insulae Chii Genuensis, utr. Signat. Referend. & Papæ Generalis Thesaurarius, Diac. Card. S. Georgij in Velabro.
- 17 Ascanius Columna Romanus, Marci Ant. Ducis Talliacotij filius, Diac. Card. SS. Viti, & Modesti, absens.

X.

X.



XI.



XII.



XIII.



XIV.

XIV.



XV.



XVI.



XVII

*Quarta*

Sixtus Papa Quintus.

283

Quarta unius Cardinalis creatio.

*Anno Domini MDLXXXVII. Pontificatus
tertiò, die Veneris, 7. idus Augusti,
Roma.*

*SIXTVS Papa Quintus quartò unum creauit
Card. qui fuit.*

18 **G** Vilielmus Alanus Anglus ex Comitatu Lancastriæ,
Diœcesis Eboracensis, sacrae Theologiæ regius pro
fessor, Canonicus, primum Cameracensis, postea Re-
menfis, Presbyt. Card. tt. S. Martini in montibus.

XVIII.



Quinta

Quinta creatio octo Cardinalium.

*Anno Domini MDLXXXVII. Pontificatus
tertio, die Veneris, 15. Kal. Ianuarij,
Roma.*

*SIXTVS Papa Quintus quintò creauit octo
Card. qui fuerunt.*

- 19 **S** Cipio Gonzaga Mātuanus Patriarcha Hierosolymita-
nus Presbyt. Card. tt. S. Mariæ de populo.
- 20 Antonius Saulius Ciuis, & Archiepiscop. Genuen. vtr.
Sig. Referendarius, Presbyt. Card. tt. S. Vitalis.
- 21 Euangelista Pallorus de Calderola Dioecesis Camerinenfis
Picenus, Canonicus primum S. Petri, postea Papæ Da-
tarius, & Archiepis. Consentinus, Presbyter Cardinalis
tt. S. Matthæi in Merulana.
- 22 Petrus Gondius Florentinus Episcopus Parisinus, Presbyt.
Card. tt. S. Siluestri, absens.
- 23 Magister Fr. Stephanus Bonuccius Ciuis, & Episcopus Arc-
tinus, Ordinis Seruorum Presbyt. Card. tt. SS. Marcel-
lini, & Petri.
- 24 Io. de Mendoza Hispanus Decanus Toletanus, & Archi-
diaconus Talaueræ, Presbyter Card. tt. S. Mariæ Tran-
spontinæ, absens.
- 25 Fr. Hugo Loubenx de Verdala Vasco Gallus, Militaris Or-
dinis S. Io. bapt. Hierosolymitani Magnus Magister, Dia-
con. Cardinalis S. Mariæ in porticu.
- 26 Federicus Borromæus Mediolanensis, Papæ intimus Cubi-
cularius, Diac. Card. S. Agathæ.

XIX.




XX.



XXI.



XXII.




XXIII.


XXIII.



XXIV.



XXV.



XXVI.

*Sexia*

Sixtus Papa Quintus.

287

Sexta creatio unius Cardinalis.

*Anno Domini MDLXXXIIX. Pontificatus
quarto, die Veneris, idibus Iulij,
Romæ.*

*SIXTVS Papa Quintus sextò creauit unum
Card. qui fuit.*

27 **I**oannes Franciscus Maurocenus Venetus, Episcóp. Bri-
xiensis Sedis Apostolicæ apud Henricum III. Regem
Christianissimum Nuncius, Presbyter Card. tt. SS. Ne-
rei, & Archilæi; & in Gallia de latere Legatus, absens.

XXVII.




Septi-

*Septima creatio duorum Cardinalium.**Anno Domini MDLXXXIIX. Pontif.**Quarto, die Mercurij, 19. Kal. Ianuarij, Roma.**SIXTUS Papa Quintus septimò creavit duos Cardinales, qui fuerunt.*

- 28 **A**ugustinus Cusanus Mediolanensis vtr. Sig. Referen.
 & Cam. Apost. Gen. Aud. Diac. Card. S. Hadriani.
 29 Franc. Maria ex Marchionib. Montis sanctæ Mariæ
 Pisaren. vtr. Sig. Ref. Diac. Card. S. Mariæ in Domnica.

XXVIII.



XXIX.



OCTAVA

Octava creatio quatuor Cardinalium.

*Anno Domini MDLXXXIX. Pontificatus
quinto, die Mercurij, 13. Kalen.
Ianuarij, Romæ.*

*SIXTUS Papa Quintus octavo creavit quatuor
Card. qui fuerunt.*

- 30 **M**arianus Perbenedictus Camers Picens Episcopus
Martorani, Alme Urbis Gubernator, Presbyter
Card. tt. SS. Marcellini, & Petri.
- 31 Magister Fr. Gregorius Petrochinus de Montelparo Pice-
nus, Ordinis Eremitarum S. Augustini Prior Generalis,
Presbyt. Card. tt. S. Augustini, absens.
- 32 Carolus Lotharingus Gallus, Ducis Lotharingie filius,
Diac. Card. S. Agathæ, absens.
- 33 Guido Pepulus Bononiensis, vtriusq; Sig. Refer. Papæ Ge-
neralis Thesaurarius, Diaconus Cardin. SS. Cosmæ, &
Damiani.




XXX.




XXXI.



XXXII.



XXXIII.



Sixtus

Sixtus Papa Quintus.

291

Sixtus Papa Quintus ordinationibus octo mensibus Maij, Iulij, Augusti, & Decembris factis tres, & triginta Cardinales creauit, Presbyteros videlicet, tres & viginti, Diaconos autē decem.

Vicecancellarij S. R. E. sub Sixto Papa V.

Alexander Farnesius Episcopus Cardinalis Ostiensis, & Veliternus, sacri Collegij Decanus, ab anno primo, vsq; ad partē quarti Pontificatus anni.

Alexander Perettus Diaconus Card. S. Laurentij in Damaso, ab anno quarto, vsque ad finem Pontificatus.

S. R. E. Cardinales 24. mortui sub Sixto Papa V.

& unus, qui dignitatem remisit.

- | | |
|-----------------------------------|--|
| 1 Nicolaus Caëtanus. | 15 Io. Franc. Gambara. |
| 2 Guido Ferrerius Vercellensis. | 16 Philippus Vastauillanus. |
| 3 Albertus Bolognettus. | 17 Decius Azolinus. |
| 4 Georgius Arminiacus. | 18 Carolus Vandemontius. |
| 5 Alexander Riarius. | 19 Iacobus Sabellus. |
| 6 Guilielmus Sirletus. | 20 Ferdinandi Medicei Magni Hetrurię Ducis renūciatio. |
| 7 Mathæus Contarellus. | 21 Aloysius Guisus. |
| 8 Michaël à Turre. | 22 Fr. Stephanus Bonuccius. |
| 9 Philippus Boncompag. | 23 Alexander Farnesius. |
| 10 Nicol. Perenottus Granuelanus. | 24 Prosper Sanctacrucius. |
| 11 Petrus Donatus Cæsius. | 25 Carolus Borbonius. |
| 12 Aloysius Estensis. | |
| 13 Georgius Drafcouitius. | |
| 14 Carolus Danges Rambouilettus. | |

Sixti V. Summi Pont. obitus. Comitia.

T 2 I. Quz

I.

QUAE NICOLAVS è familia Caètana inter Romanos, ac Neapolitanos, & ob celebres viros, qui ex ea prodierunt; & ob Marconis, ac Fundi Comitatus Traricetæ, & Sermonetæ Ducatus illustrissima; ex qua Bonifacius Octavus Summus Pontifex, Fr. Iacobus Ordin. Minorum; Iacobus alter, & Franciscus eiusdem Bonifacij Octavi, Antonius Bonifacij Noni, & tandem Henricus ipsius Nicolai ex fratre nepos Sixti Quinti, Cardinales prodierunt; anno sal. 1526. 8. Kal. Maij natus, quæ (inquã) Nicolaus (auctore, ac Duce Deo) gessit in terris, ea profectò digna sunt, in quibus commédâdis immortalitati scriptorum omnium certet industria. Is videlicet; summa gravitate, & sanctissimis moribus insignis; tam dignus visus est, qui maximis dignitatibus cohonestaretur, vt in ipsa duodecim annorum ætate à Paulo Tertio affine suo die Merc. 3. idus Martij, anno 1538. Pont. IV. absens, ex Prototario Apostolico, Diaconus Cardinalis S. Nicolai in Carcere Tulliano assumptus; & à Iulio Tertio anno 1553. ad bellum tollendû, quo tota Herruria ardebat, Senas missus sit, sub quo Pontifice; ex S. Nicolai in carcere ad S. Eustachij Diaconatum translatus, sub Paulo Quarto Ecclesiam Corozopitensem in Ducatu Britanno; & sub Pio Quarto factus Presbyter, Bisignanensem Ecclesiam; mox Capuanam Metropolitanam inter Cumanos, celebri decoratus est, administratione. Aedificato postea; summo Pontifice assentiente, maxima impensa, non procul à Cisterna Latij ipsius familiæ Caëtanæ oppido, Monasterio in honoré Sæcti Antonij Abbatis, quod Minores Observantes incolunt, Regni Scotiæ protectionem exercuit. Qui ad meliorem vitam Kal. Maij, anno 1581. eadem die, qua Sixtus Quintus Pontificiæ Coronationis insignia suscipit, evocatur. Eius corpus in S. Mariæ de populo depositum; Laurentum postea translatum; in nobilissimo marmoreo monumento ænea ipsius effigie, & religionis, ac charitatis statuis, quibus virtu-

virtutibus præcipuè claruit, ornato, quod sibi viuens super terram, maxima impensa erigi curauerat, cū elogio isto conditur.

D. O. M.

Nicolaus Caëtani Cardin. Sermoneta gentilis Bonifacij Papa Octauj, cum; & sub idem tempus, quo ille Pontificatum inijt, sanctam hanc Domum hic tandem diuinitus consecuisse, & multa se à D. O. M. beneficia B. Virg. Deipara precibus obtinuisse, meminisset; sperans eiusdem opem morienti non defuturam, monumentum hoc marmoreum viuens, & incolumis sibi faciendum curauit, atq; in eo; ubi mortalitatem exuisset, corpus suum recondi voluit; annum agens 54. anno Domini 1580. Obijt annos natus 59. mens. 2. dies 7. 1585. Kal. Mayj.

In pauimento autem in marmore, quo corpus contegitur.

Nicolaus Caëtanius II. S. Eustachij S. R. E. Presbyter Cardinalis Sermoneta.

II.

Tanta floruit virtutum nobilitate **GUIDO** ex nobilissima Ferreria Vercellenſi Pedemontana Romagnani Marchionatus titulo insignita familia; parentibus videlicet Sebastiano Equite Casalualonis, Ponzanæ, & Vallatæ Domino, & Magdalena Borromæa, anno à Dominica Natiuitate 1533. natus; vt iure meritò ambigatur, vtrum plus illi gentilitia nobilitas, an ille gentilitiæ nobilitati attulerit ornamenti. Is. n. sub disciplina Petri Francisci Card. patruj educatus, talè animi candorem, morum honestatem, multiplicemq; literarum cognitionem adeptus est, vt; ex Abbate (eodem Card. cedente) Pio Quarto Pontifice permittente, Episcopus Vercellenſis declaratus, ad Tridentinam Synodum; mox Venetias Sed. Apostolicæ Legatus missus, ijs muneribus sibi demandatis, summa prudentia obitis, à Pio Quarto dū quartò 23. Cardinales creat,

T 3

anno

anno 1565. Pont. VI. 4. idus Martij, absens, S. R. E. Presby. Card. tit. S. Euphemie, patruo Cardinale superstitite, renunciatur; & ad Maximilianum Austriaci electi Imperatoris sorores in Italiam comitandas, quoniam munere obeundo Pontif. nepotem Carolum Card. Borromaeum habuit collegam, Legatus deputatur; qui sub Pio Quinto; relicto titulo Sancte Eufemie, & SS. Viti, & Modesti in Macello martyrum assumpto, Gregorio XIII. concedente, Ecclesiam Vercellensem, cuius Palatium restaurarat. Chorumq; à fundamentis maxima impensa erexerat, dimisit; Abbatiam pro ea, Nonantulanam accepit, quam postea Philippo Vastauiliano eiusdem Gregorij, ex sorore nepoti Cardinali celsit, vbi sub capite S. Siluestri primi Pontificis inuenta plumbea lamina literis exarata, quibus sacrum eiusdem sanctissimi Pontificis corpus, ibidem ab Hadriano primo Pontifice, Anselmo primo Nonantulano Abbati concessum, quiescere patebat, & verba in eadem lamina inuenta exarata sunt, vt sacrum illud pignus honorificentissime in vrbis columnis erecta super Aram maiorem ipsius Ecclesie recoditum est. Ab eodem porro Gregorio Pontifice anno 1581. totius Aemiliae, & Exarcatus Rauennae, Sedis Apost. de latere Legatus declaratus, Prolegatum habuit praeter ceteris; & literis, & rerum usu, & generis nobilitate illustrem Annibalem Graesium Bononiensem Episcopum Faentinum, cui Guidoni, vt egregie eo manere; non auro, sed iustitia, & pietate functum esse posteritati constaret, eiusdem ditionis populi erectis lapidibus, qui extant, sempiterna monumenta posuere. Hic functo Federico fratre, Philippi II. Hispaniarum Regis Catholici gratia, Romagnani Marchionatus, donec vixit obtinuit, & quod Antistitis Ecclesiastici maxime proprium est, Monachos S. Benedicti Ord. Cassinen. inter Allobroges, sine regulis, relicta Ord. obseruantia palantes, de Summi Pont. venia in vnum congregans, obseruantibus vniuit, Academiamq; quo literis instruerentur, eo animo instituit, vt hac reformatione monasteria in Regno Galliae existentia, in vnum coalescentia, fidem Catho-

Catholicam conseruaret, & hæreticis ingressum in Italiã prohiberent. Obijt Romæ 17. Kal. Iunij, anno 1585. Pontific. Primò, ætatis 52. hora 18. sepeliturq; ibi ad S. Mariam maiorem, vbi ad leuam propè monumentum, quod patru Card. beneficijs non immemor, prope sacrarium constituerat, extat lapis vna cum ipsius effigie, elogio insculptus, quem sibi viuens, posuit.

D.

O.

M.

Guido Ferrerius ff. SS. Viti, & Modesti, S. R. E. Presby. Card. ut viuens, viuenti patrio Petro Francisco Cardinali, & dignitate, & voluntate coniunctissimus fuit, ita moriens, corpore ab illo noluit abesse, cum quo etiam, summa Dei benignitate fretus, cælesti, ac sempiterna felicitate se fruturum sperat. Obijt die 16. Maij, anno 1585.

III.

Splendidissimum quoq; non modo Ciuitatis nostræ: sed totius Italiæ lumen fuit ALBERTVS Bolognettus, Francisci Senatoris, & nobilis Bononiën. Lucretiæq; Elephantutiæ filius, anno Redemptionis humanæ 1548. 5. Kal. Augusti natus; qui post elegantiores literas, quibus summoperè excelluit, in iuris pontificij, ac cæsarei cognitionem incumbens, inter cæteros, Gabrielem Palæotum, postea Card. affinem suum in Bononiensi Academia leges interpretantem audiens, anno 1562. 10. Kal. Iunij doctoratus lauream consecutus, in eodè Gymnasio per trienniũ; Salerni postea nouem annis iuris prudentiam, maximo cum scholarium concursu, ac summa cum sui nominis gloria est interpretatus; quem postea Romam Gregorius tertius decimus, propter incomparabilem ipsius doctrinæ famam, ac morum elegantiam accersitum, utr. Signaturæ Referendarium factum, cum ipsius virtus, & prudentia summā admirationem vniuersæ curiæ excitasset, biennio exacto, an-

T 4

no 1576.

no 1576. Sedis Apostolicæ Internuncium, Florentiam apud Franciscum Magnum Hetruriæ Ducem legat, vbi Philippum-cosimum Francisci filium anno sequenti, eo deprecante, sacro initiauit baptismo, qui à Summi Pontificis rescripto nunquā discedens; ea prudentia, quæ sui muneris erant adimpleuit, vt apud eosdem Gregorium, & Franciscum in maxima virtutis, & integritatis opinione, summoq; in prætio habitus, ab vno summoperè diligeretur, laudareturq; ab altero ampliore Legationis titulo insignitus, Venetias, paulò post an. 1578. 11. Kal. Septem. mitteretur; & sequenti Episcopus Massæ Populoniæ eligeretur. Is Venetijs anno 1581. reuocatus, succedente sibi Laurentio Cāpegio nob. Bonon. Ceruiensi postea Episcopo, in Hispaniam Nuncius designatus, cum maledicorū obtreccationibus impredientibus non iuisset, in Poloniam ad Stephanum Bathorium Regem, de grauibus, arduisq; Reip. Christianæ negotijs secum tractaturus, missus; dum benè gerendæ Legationi intendit, ab eodē Pontifice anno 1583. Pont. XII. pridie idus Decemb. in nouemdecim S.R.E. Cardd. tunc creatis, sacram purpuram accepit. Qui; successore designato Hieronymo de Bobus Bononien. Camerini Episcopo, dum Italiā versus viæ se committit, cum Pont. arcana Pontificatus negotia tractaturus, nūcio ei allato de Gregorij tertij decimi morte, nulla habita vitæ ratione iter properans, ad futura successoris Comitia, febri correptus Viēnæ; in Germaniæ oppido Vacorio (vulgò Vuilach nuncupato) anno 1585. 10. Kal. Iunij, Pont. anno I. ex hac mortali peregrinatione, ad immortalem patriam migravit. cuius corpus ibi depositum, Bononiam transfertur in Temploq; Sanctæ Mariæ Seruorum in familiæ sacello sepultum est, vbi ad Aræ dexteram marmorea ipsius effigies, & æternæ mem. monumentū ab Alexandro fratre Senatore positum, extat.

D.

O.

M.

Memoria Alberti Bolognensi, Francisci Senatoris filij, literis, prudent-

prudencia, atq; omnibus Christianis virtutibus clarissimi, qui legum scientiam Bononia, & Salerni, summa cum laude professus, à Gregorio XIII. Pöt. Max. Romam euocatus; primum inter V. S. Referendarios adscribitur; mox Florentiam; tum Venetias; ubi Massa Populonia Episcopus creatur; postremo ad Stephanum primum Polonia Regem Legatus, in amplissimum Cardinalium ordinem cooptatur. Inde Romam ad novum eligendum Pont. contendens, febrü in itinere correptus in Germania Oppido Vacorio Sanctissime in Domino quieuit 1585. Vix: annos 46. Mens. 9. dies 21. Alexander Bolognesius Senator fratris opt. meriti ossibus in auita sepulchra translatis monumentum hoc. P. C.

Extant singularia legalis sapientiæ signa Alberti Cardinalis Disputationes de lege, iure, & equitate, typis datæ inter vniuersi Iuris Tractatus; & alia.

IV.

S Equitur post celeberrimum Italum, nobilissimum GEORGIVM ex Comitibus de Arminiaco Vascogallum Gallia Regibus, agnatione propinquum anno 1500. natum, celebrare, qui in eorundem Regum Aula diu versatus, educatus sub disciplina Francisci Ambasiani Card. affinis sui, cui postea in S. Mariæ Lauretanæ templo iuxta Card. Augustani sacellum Heraclium lapidem literis incisum, grati animi erexit, quod pietatis officium in amicos, & familiares suos vita functos exercuisse multa loca Romæ, & alibi testantur, ea probitatis, & Reip. rectè administrandæ signa dedit, vt à Francisco I. Gallorum Rege serijs negotijs præpositus, maioribus in dies honoribus augeri meruerit, Episcopus. n. primo Ruthenenensis; mox anno 1544. Pöt. XI. die Sabbathi 14. Kal. Ianuarij in ipsius Regis gratiam à Paulo III. S. R. E. Card. tt. SS. Ioannis, & Pauli declaratus, anno 1548. Romana curia adita, in consilio dando apud omnes optimi Card. & Principis nomen consecutus est, qui è titulo Pamachij, à Paulo IV. ad titulum S. Lau-

Laurentij in Lucina ; mox à Pio IV. ad S. Nicolai in carcere translatus; factusq; S. R. E. Cardinalium Presbyterorum primus, mortuo Henrico Rege in Galliam concessit, quando Frâciscus II. Henrici filius, à quo Archiepiscopatû Tolosanum, mortuo Roberto Card. de Lenoncourt consequi meruit, successor Regni declaratus est, qui; vt erat fidei, & religionis catholicæ acerrimus defensor; non solum Ludouicum Borbonium Principem Condensem consanguineum suum de catholica Religione male sentientem, cum alijs deprauatæ hæresis Principibus erroribus ablatis, sæpè literis ac præsentia; vt ad fidem Orthodoxam Regiamq; submissionem redirent, adhortatus est; verum etiam, Colinio Principe, cœterisq; hæreticis sæpius inuadere conantibus Auinionensem ditionem, cui ipse pro Carolo Card. Borbonio affine suo Ciuitatis, ditionisq; Legato; præerat, eisdem armis se opponens, & statum Apostolicę Sedi conseruauit, & magno militum à Pio V. missorum subsidio fretus, nonnulla ipsorum Castra, armorum vi acquisita Ecclesiæ Romanæ sub legatione Auinionensi constituta addixit. Ecclesia postea Tolosana relicta, Auinionensi administranda suscepta, dum eiusdem Cleri reformationi, locorum restaurationi, morum castigationi intendit, ac in summa, optimi Præfulis muneribus fungitur, ætatis annorum 85. sal. 1585. Pont. I. 5. Nonas Iunij, die Iouis, ad tantorum laborum præmiû à cœlesti illo rerum omniû moderatore Deo accipien dū, è vinculis huius humanitatis liber, proficiscitur. Eius verò corpus in maiori Ecclesia, quæ S. Mariæ de donis dicitur in sacello Archiepiscoporum in lateritio ad tempus tumulto sine pompa, & absq; epitaphio contumulatur.

V.

Ciuitem nostram celebri admodum nominis gloria illustrauit nobilissimus ille ALEXANDER, ex Illustrissima familia Riaria, ex qua Fr. Petrus, & Raphaël S. R. E. Cardinales à Sixto IV. creati extitere, Iulij, & Elisabethę Pe-
pulæ

pulæ filius anno 1543. 3. Nonas Decembris natus, qui data iuris prudentiæ opera; Patauij primo; deinde Bononiæ doctrinalibus doctoratus insulis decoratus, Rom. Curia adiens Refer. Apost. à Pio IV. factus, Flauio Vrsino Apostolicæ Camera Auditore Cardin. creato, anno 1565. 3. Nonas Aprilis, ipsius Camera Auditoratus officio, ac, quinquennio post à Pio V. 6. Nonas Decembris Alexandria Aegypti Patriarchatus dignitate cohonestatur, & sequenti, cum inter Pont. Philippum II. Hispaniarum Regem, ac Venetam Remp. foederis contra Turcas initi, pactationibus testis adfuisse, Card. Alexandrinum Summi Pont. pronepotem eodem anno in Hispaniam, Lusitaniam, ac Galliam Legatum, pro rebus eiusdem foederis missum, comitatur; & in Italiam reuersus vna cum Carolo tt. S. Agnetis in Agone Cardinale de Grassis, alijsq; Prælati, qui officia Romanæ Curia reformarēt, & reformationes editas executioni mandarēt, ab eodem Pont. deputatur à Gregorio vero XIII. anno 1578. Pont. VI. Nono Kal. Martij in quinta Cardinalium electione in Presbyterum Cardinalem tt. S. Mariæ in Araceli promouetur, qui Legatione in Hispaniam cum Philippo II. Rege de rebus ad Lusitanie Regnū, quo cum etiam legabatur tractaturus, peracta; in qua; præter ceteros insignes viros secum habuit Octauium Parrauicinum, postea S. R. E. Cardinalem, Romam reuersus, mortuo Alexandro Card. Sfortia anno 1581. Signaturæ iustitiæ Præfectus eodem anno 8. Kal. Nouemb. Perusiæ, Vmbriæq; de latere Legatus constituitur. Romæ die Iouis 15. Kal. Augusti anno 1585. Sixti V. Pontificatus I. ætatis 42. Alexander moritur, vir integer, & in sententia dicenda libertatis, ac Senatorij officij memor, cuius corpus in Basilica SS. duodecim Apostolorum humi, sub lapide marmoreo literis, de quibus infra exarato propè gradus maioris Aræ depositum, in Patriam, non multo post translatus, in S. Iacobi apud Eremitanos D. Augustini in gentilitio sepulchro ante Aram maximam, quam idem Card. Herculesq; SS. Mauritij, & Lazari Hierosolymitani,

tani, & Raphaël S. Iacobi Hispanorum Equites fratres, summo pietatis studio construxerant, prouentibus annuis pro re diuina peragenda constitutis, conditum est.

D.

O.

M.

*Alexandro Riario Iulij filio Bonon. V. S. Referendario Curia-
eausarum Camera Apostolica Generali Auditori, Patriarcha Ale-
xandrino tt. S. Mariæ in Araceli S. R. E. Presbytero Card. Gre-
gorij Papæ XIII. in Lusitaniam de latere, item Perusia, ac Umbria
Legato, Signatura Iustitiæ Præfeto. Vix: annos 41. Menses 7. dies
4. Ob. 15. Kal. Augusti 1585. Raphaël Fratri, Galeatius, & Iulius
patruo fecerunt.*

VI.

FLoruit eadem tempestate GVILIELMVS Sirletus Thomæ
filius Stilenfis Calaber honesto loco anno salutis huma-
næ 1514. natus. Qui triplicis linguæ latinæ, grecæ, he-
braicæq; cognitione in patria, Neapoliq; comparata, & in sa-
cra Theologia apprime versatus, atq; in eadem minoribus of-
ficijs perhonorificè functus, cum Romam; vnico tantum Bi-
bliæ volumine, vt fama est, secum allato, venisset, inter Mar-
celli Ceruini tt. S. Crucis in Hierusalem Cardinalis familia-
res adscriptus, ipsi; quoad vixit inseruiens, & breui, post Pont.
assumptionem, eodem vita functo, Paulô IV. Carafæ tam gra-
tus extitit, vt parum abfuerit, quin ab ipso Cardinalis crea-
retur, quo Pont. mandante, eo Alfonsus Antoniusq; Carafæ;
alter ipsius Pôt. pronepos; alter à poculis, vterq; gētilitius po-
stea Cardinales in SS. græcorum Patrum libris interpretan-
dis potissimum vsi sunt; à Pio IV. Protonotarius Apostolicus
de numero participantium factus, sacro Cardinalium Colle-
gio; & præsertim Carolo Borromæo nepote instantibus, ro-
gantibusq; , quippe qui ipsius singularem doctrinam, & pieta-
tem nouerant, ab eodem inter 23. Cardinales, Diaconus Car-
dina-

dinalis; post Presbyter tt. S. Laurentij in Pane, & Perna, anno 1565. 4. Idus Martij Romæ inuitus eligitur, quem Pontifex, cum sacra purpura exornaret, futura præfagiens, hunc inquit in Senatum allegimus, vt quemadmodum Paulo IV. morienti officiose adfuit, ita etiam suis precibus nostram, ex hac vita migrationem apud Deum adiuuet, quod præfagium, euentu ipso comprobatum fuisse post 10. Menses in Pij IV. vita Onuphrius affirmat; qui postea, cum Episcopatum S. Marci; mox Squillacensem inter Calabres, digno alijs Episcopis de se relicto exemplo moderatus fuisset, Breuiariumq; Missale, & Cathéchismum ad Parochos, ex decreto sacri Concilij Tridentini; summis Pontificibus Pio IV. & V. mandantibus, cum alijs doctissimis viris reformasset, eundem anno 1568. à Pio V. Car. Sarraceno è viuis sublato, Archiconfraternitatis Neophytorum, & Cathecumenorum de alma Vrbe protectorem, & iudicem constitutum, anno 1572. Gregorius XIII. vna cum alijs Cardinalibus; ad recognoscendum, & declarandum indicem librorum, prohibitorum, & eosdem libros expurgandos elegit, & anno Pont. V. Græcorum Collegij in Vrbe, Patronum; deinde Bibliothecarium Apostolicum designauit, qui; maxima Reip. Christianę iactura, propter admirandam historię Ecclesiasticę cognitionem, cum perpetuo comunicandi studio coniunctam patientiam summam in miserorum querelis audiendis, studium in subueniendo oppressis assiduum, rerum humanarum, innanisq; glorię contemptum, nec non; vt prudenter adnotat doctrina, ac nobilitate illustrissimus eiusdem ordinis pater de eodemmet Guilielmo verba faciens, in consanguineis pauperibus minimè ditandis, dignam Cardinalis moderationem aliasq; virtutes quibus dotabatur Romę die Martis 8. Idus Octobris, anno reparationis humanę 1585. Pontificatus primo moritur, sepeliturq; in titulo suo, quem paulo ante, vetustate collabentem restaurarat, ad cuius portę dexteram erecta moles sepulchralis, epitaphium, quod infra subscribemus, continet. Tanta fuit præditus doctrina Sirletus, vt

tus, vt præter cœteros eruditissimum annotationum in psalterium, cum biblico apparatu opus conscripserit, præterquam, quod insignem bibliothecam decem millium aureorum valorem excedentem, quam nunc Ascanius Card. Columna possidet, reliquit.

Guilielmo Sirleto Card. Stili in Calabria nato huiusce Ecclesie titulari; S. Sedis Apostolicæ Bibliothecario; hebraica, greca latinaq; lingua peritissimo, humanarum, diuinarumq; disciplinarum scientia claro, eruditorum, & pauperum Patrono, ac parenti beneficentissimo, ob probitatem eius, pietatemq; à Pio IV. P. M. sacro instante Collegio, Card. creato. Vixit annos 71. obiit anno 1585.

VII.

NE sibi illam turpissimam iacturæ notam, quam per ignorantiam, & negligentiam fieri scribit Seneca inureret
 MATTHEVS Contarellus Galloccœnomanus, quamuis obscuris editus esset parentibus, in Italiam venit, vbi Bononię famulatus est Andræ de Bobus legum Doctori; postea in romana Curia vtriusq; S. Referendario, Abbreviatoriq; de parco maiori, qui Hugonem Boncompagnum consanguineum suum Romam accersuit, cumq; ad Concilium Tridentinum à Paulo III. is mitteretur, apud eundem Hugonem; quia ipse precabatur, Matthæum reliquit, qui; vt pleriq; Gallorum, viuido præditus ingenio, in exarandis scripturis adeo se exhibuit solertem, atq; impigrum, vt à minoribus ad maiora ascendens, ab eodem summo Pont. iubente, datus sit Hippolyto Cardinali Ferrariensi anno 1560. in Gallias à Pio IV. religionis ergo Legato, vt apud hunc supplices libellos obsignaret. Amplius in Hispaniam Lusitaniam; & Galliam iterum cum Cardinale Alexandrino Pij V. pronepote venit, quo postea vita functo, Hugo in Pontificatum, Gregorij XIII. nomine susceptus, cum Matthæi solertiæ, ac diligentia ipsemet certissimum esset testimonium, eundem vtriusq; Signaturę Referen. primò; mox suppli-

supplicibus libellis subnotandis Præfectum (Dattarium vocāt) quo in munere; mirificè expectationi Pontificis respondit, tandem anno 1583. Pont. XII. pridie Idus Decembris, septimo Cardinalib. lectis Presbyterum Cardinalem tr. S. Stephani in monte Cœlio creauit. Qui postremo mortuo M. Antonio Maffæo Pij V. Cardinale Signaturæ Brevium Præfectura exornatus, Romæ die Mercurij 4. Kal. Decemb. anno 1585. Pôt. I. ætatis 66. supremū vitæ diē egit, atq; eius corpus in D. Ludouici nationis Gallicæ in sacello ab ipso antea erecto, ornato, dotatoq; sepultura affectum est.

VIII.

SI eam esse amoris, vel amicitiae vim latinus Orator scribit, vt vel ad eos, quos nunquam vidimus, amandos nos impellat; quanto magis de virtutis facultate hoc dici poterit, quæ tanta fuit in MICHAELB à Turre, ex Illustrissimo, ac rerum domi, forisq; gestarum gloria clarissimo stemmate Comitum Vallis Afsinæ genus ducente Vtinenfi Foroiulienfi, quorum aui Mediolanū inter Insubres, olim dominati sunt; Comitis Aloylij, & Thadææ Strasoldæ filio, anno 1511. nato, vt ipsius propria sedes videretur. In hoc igitur, præ cæteris summa eloquentia, mirifica rerum ciuiliū cognitio, atq; incredibilis, cum vitæ integritate prudentia excelluere, quibus medijs Romā veniens; talem Pauli Tertij, Iulij Tertij, & Pauli Quarti Pontificum, quibus inseruit, beneuolentiam sibi conciliauit, vt ex vtr. Sig. Refer. Cenetenfis Episcopus in spiritualibus, ac temporalibus Princeps electus; eius Ditionis seditiones, ac ciuile dominiū tumultuans, ob præterita bella ad pacatam reduxerit tranquillitatem. Sedis paulò post Apostolicæ Internuncius à Paulo Tertio in Galliam ad Henricum II. Regem missus; & Pontifici, & Regi summoperè satisfecit; sub Iulio Tertio eodem munere fungēs Michaël Fr. Francisco Romæ Ord. Prædicatorum Generali Magistro, facultatem à Rege inuisendi Regni impetrauit, quam visitationem nonnulli, qui

qui eam timebant, dicentes, quod nimia familia, quam secum ducebat, Coenobia paupertate laborantia grauaret, apud Regem impedire conabantur. In Italiam inde reuertenti, Pontificia domus; Magistro (quem vocant) renunciato, Praefectura Prouinciæ Umbriæ demandatur. Missas facio sententias in Concilio Tridentino, cui interfuit, pronunciatas, legationem taceo Gallia, sub Pio V. vbi apud Reges Carolum IX. & Catherinam Mediceam de Catholica fide augēda, religionum moribus reformandis, radicibus hæreticis extirpandis pluribus egit, omniaq; non difficili negotio impetrauit. Quibus felicissimè peractis ad Ecclesiam suam moderandam se conferens, in moribus sacrorum virorum emendandis, disciplinaq; lapsa ipsius restituenda, ita versatus est, vt non modo se commisso muneri parem: sed longe superiore dignum ostenderit, quarum virtutum fama, cum in Gregorij XIII. summi Pontificis notitiam venisset, illas admiratus, eundem in 7. Cardinalium promotione Romæ anno natiuitatis Dōminicæ 1583. Pont. XII. pridie Idus Decembris habita, S. R. E. Presbyterum Cardinalem pronunciauit, qua dignitate frui diu non potuit, nam sub Sixto V. nondum optato titulo anno Pont. I. sal. 1586. ætatis 75. die Mercurij 11. Kal. Martij Cenetæ ab hac, ad meliorem vitam migravit, sepeliturq; in maiori Ecclesia. Istius maxima virtus Cenetenses adeo deuixit, vt eo vita functo per Oratorem Antonium Picciolum Iurisconsultum Sixtum V. summum Pont. deprecati sint, vt Ecclesia Ciuitasq; Cenetensis Ioanni, Michælis ex fratre Nepoti nunc apud Eluetios pro Sancta Sede Apostolica Nuncio, spectatæ virtutis viro administranda concederetur, quod & si nequicquam impetrarunt declarato Episcopo Antonio Mocenigo, Pontifex tamen Cardinalis benemeriti non immemor, Ioanni non solum Canonatum in maiori Ecclesia Patavina, sed etiam non multò post Veientem Episcopatum administrandum cōcessit.

IX.

CLari quoq; nominis non solum inter Bononienſes, verū etiam inter Italos fuit PHILIPPUS Boncompagnus nobilis Bononienſis Boncompagni Senatoris, Gregorij Papæ XII. fratris, & Cæcilie Bargeline filius, an. 1548. 7. idus Sept. natus, quem anno 1571. 7. Kal. Martij mirifico applauſu cum gnaviter multis annis in Pontificij, ac Cæſarei Iuris ſapientiam in patria incubuiſſet, Doctoratus lauream confeſtum anno 1572. Greg. XII. patruus; meritis, ac virtutibus ſuis Protonotarium Apoſtolicū; & 4. Nonas Junij. die Lunæ, Pontificatus I. in prima Cardinalium electione Presbyterum tt. S. Sixti proprio pileo, ac titulo inſignitum, ad ampliſſimū ordinem extulit. Hic biennio poſt, tertio nonas Junij in ſecreto Conſiſtorio, Sedis Apoſtolicę Legatus de latere declaratus, Venetias mittitur, vt Pontificio nomine Henricū III. qui è Polonia, ipſo Regno relicto, in Galliam ad paternum Caroli Noni Regis fratris morte vacantem, regendum veniebat, ſalutet. Qui poſt Scipionem Rebibam Cardinalem Piſarū anno 1577. Tiſernum moderandum, & 1579. mortuo Stanislao Hoſio, maioris Pœnitentiarij munus exercendum ſuſcepit, & ad S. Mariæ maioris de Vrbe Archipresbyteratus honorē aſſumptus anno 1581. vita ſuncto Alexandro Card. Sfortia, anno 1584. 6. idus Maij. qui vna cum Io. Antonio tt. SS. Quatuor Coronatorum Fachineto, qui poſtea Innocentius IX electus eſt, Ioanne bapt. tt. S. Marcelli, qui ſummus itidem Pontifex, Urbanus VII. dictus eſt, & Philippo S. Angeli in Piſcina Vaſtauillano Cardd. exules atque extorres remitteret per ſex meſes deputatus protectionis Monachorum Carthuſienſium, Fratrum Carmelitarum Collegij nationis Anglicę, atq; alia, maxima cum laude exercuit, vir peracuti ingenij, tenaciſſimę, comitante incredibili prudentia, memorię, & præ cæteris in ſalibus edendis is maximè facetus, in morum ſuauitate omnibus carus, dignus tanti Pontificis, & qui religionis fa-

ma in primis clauit, nam Abbatias S. Stephani Bononiensem, Clarauallensem, Bredensem Mediolanensis Dioecesis, Patani Salernitanæ; Bodimaci Sulmonensis; Prioratusq; Columbariæ Mutinæ. Dioecesis; atq; alia sacerdotia, quæ ipse habebat, summa animi liberalitate, sacris vasibus, vestibus, donis, atq; his similibus ad vsum sacrificij, ornatumq; spectantibus donauit, quæ adhuc ijs in locis, ad testandam huiusce Card. pietatē extant, maiora in dies facturis, ni immatura morte anno ætatis 38. 7. idus Iunij, redemptionis humanæ 1586. Pontif. II. Romæ præreptus occubisset, cuius corpus sepultum est ibi in S. Mariæ maioris, vbi in pavimento ante B. Virg. Aram in tabula lapidum varietate insculpta, tale epitaphium videre est.

Philippo Boncompagno Bononiensi S. R. E. Card. S. Sixti, Gregorij XIII. Pontificis Max. ex fratre nepoti maiori Pœnitentiario, atq; huius Basilicæ Archipresbyt. Boncompagnus Pater, & Christophorus Archiepisc. Rauennas, Hieronymusq; fratres faciendū curarunt. Vixit annos 38. obiit 7. idus Iunij 1586.

X.

INter omnia virtutum opera, mihi sanè præcipuum id esse videtur, quod Maro cecinit,
*Sed famam extendere factis
 Hoc virtutis opus.*

Quod profectò; non modo exercuit Nicolaus ille Perenotus Granuellanus Burgundus pater, vir domi, ac foris gloriæ nomine celeberrimus, Caroli V. Cæsaris Cæcellarius: sed etiā filius ANTONIVS, qui literis primum, deinde serijs Aulæ Regiæ negotijs intentus, Abbas Atrebatensis, Protonotariusq; Apostolicus, & anno 1539. post Franciscum de Melenduno, Ciuitatis item Atrebatensis Episcopus electus, vna cum Patre Tridentum, ad Concilium Oecumenicum à Paulo Papa tertio indictum, Cæsareæ Maiestatis nomine veniens, ibi ad Patres, qui cōuenerant orationē, de qua Paulus Iouius hist. lib. 45. habuit

buit ea de re eloquentem. Is anno 1544. ad eiusdem Cæsaris secreta consilia admissus, orator, de pace tractaturus, ad Franciscum Gallorum primum; & Henricum Anglorum Reges, & anno 1555. ad celeberrimū illum conuentum propè Caletum Grauelinū, Ardesq; vbi Principes viri Mariæ Angliæ Reginae precibus de pacis conditionibus inter potētissimos Reges Antonius pro Cæsare, Carolus Cardinalis Lotharingius pro Gallo Rege; & Reginaldus Polus pro Regina Maria egerunt, mittitur. Quid? tanta fuit Antonij in rebus ad status spectantibus sapientia, & forensium rerum cognitio, atq; vsus; vt anno 1559. à Philippo II. Hisp. Rege idem Margaritæ Austriacæ sorori Belgarum Gubernatrici, Octauij Parmæ, & Placentiæ Ducis vxori, consiliarius sit datus. Qui post hæc munera, & labores in ijs obeundis exanilatos, vt merebat Archiepiscopatu Mechlinensis Ecclesiæ; & à Pio Papa I V. in 2. Cardinalium electione 4. Kal. Martij anno 1561. S. R. E. Presbyter Card. tt. S. Bartholomæi in Insula; mox S. Syluestri absens creatus, Pio V. Pont. ad tt. S. Anastasiæ; mox S. Petri ad vincula, vbi singularia pietatis suæ monumenta collocauit translatus; à Philippo Catholico Rege anno 1570. cum Cardinale Pacieco eligitur, vt cum Pont. de fœdere Principum pro bello contra Turcas suscipiendo tractet, & sit Neapolitani Regni Prorex, qui Ciuitatē ingressus 13. Kal. Maij 1571. ibiq; 19. Kal. Sept. in Ecclesia S. Claræ; vt potè Legatus Apostolicus vexillum bellicum benedictum Ioanni Austriaco, initi contra Turcas fœderis Imperatori, tradidit. Sub Gregorij XII. porro Pontificatu, relicto Eudoxæ titulo; & S. Mariæ transtiberim assumpto, ad Episcopatum Sabinū translatus, anno 1584. ab eodem Rege Consilij rerum Italicarum supremus Præses declaratus anno 1585. sexto idus Martij sponsalitium celebrauit inter Carolum Philibertum Sabaudia Ducem Emanuelis filium optimum Principem, prudentia, ac pietate Christiana inter reliquos Italiae Principes insignem, inuictumq; ac præcæteris, ob filiorum successionem, status amplitudinem, Regis Ca-

gis Catholici affinitatem animi, ac corporis dotes pulcherri-
mas felicem domi, forisq; clarissimumq; cellissimumq; & Ca-
therinam Philippi II. filiam Cæsaraugustæ, vbi antea Pileum
Cardineum à Io. Baptista Magnano Bononiensē secreto Gre-
gorij XIII. Cubiculario Roma portatum Roderico de Castro
Card. Hispalensi contulit. Madrilij annos natus, is 72. diē Do-
minico 11. Kal. Octobris anno 1586. Pont. II. è viuis ablatu-
est. Corpus in S. Philippi templo apud Eremitanos S. Augusti-
ni depositum, Bisuntium postea translātū, ibi in Metropoli-
tana, quam moderabatur, & vbi Gymnasium excitauerat se-
pelitur. Præter insignia domestica Græuellanus nauim in me-
dio Mari velis plenis positā, cum hac inscriptipne; *Durate, ge-
stauit*. Inter eximias virtutum laudes, quas scriptores de An-
tonio prædicant, eloquentia quoque eius enumeratur, non illa
quidem fucata, ac varijs pigmentis expolita: sed diuina qua-
dam vi ad animos perimouendos accommodata.

XI.

PETRVS DONATVS Illustrissima familia Cæsia; ex qua qua-
tuor potissimum; Paulus, Leonis X. Federicus, Pauli III.
Bartholomæus Clementis VIII. postea, & idem Petrus
Donatus, Pij Papæ V. Cardinales extitere. Venantij filius an-
no 1522. natus, literis politioribus dehinc Iuris prudentiæ stu-
dijs strenua opera data; vtr. Sign. Referendarius, Episcopatū
Narniensem, quem alij sui gentilitij possederant, consecutus,
anno 1547. sub Paulo Papa Tertio Conc. Tridētino interfuit.
Hic Paulo Quarto sedente; Prouinciæ Aemilię primò; mox
anno 1558. Bonon. Ciuitatis, Ditionisq; Præfectus; Prouinciā,
Ciuitatemq;, Caroli Cardinalis Borromæi Legati vice, sum-
ma cum laude moderatus est. Clericus Cameræ Apostolicæ
factus à Pio V. anno 1567. ad quasdam Turres in Romanis or-
is maritimis pro nauigantium securitate erigendas, cum Bar-
tholomæo Bussotto Generali Thesaurario, qui locum Turriū
declararet, deputatur. Cumq; Regnum Galliæ ab Hugonot-
tis,

eis tunc, Fidesq; catholica maximè infestarentur, eo in Regno Petrus Donatus à Pontifice ad Principes, & Resp. Italiae, ad opem Regi implorandam mittitur; & anno 1570. Pont. Quinto, die Mercurij, 16. Kal. Iunij in tertia Cardinalium ordinatione Presbyter Cardin. S. Vitalis, tt. Vestinæ creatur; cum alijsq; Cardinalibus de conditionibus belli contra Turcas suscipiendi, qui cum Philippi Catholici Regis Procuratoribus tractet; & sequenti ad alienandos census, bonis Ecclesiasticis Italiae impositos, eligitur. Gregorio XIII. Pontifice die Lunę, 4. nonas Iulij, anno 1580. Bonon. Ciuit. Legatus declaratus; eodem sedente S. Vitalis relicto tt. ad S. Anastasie titulū translatus; Protector fuit Monasterij sanctę Catherinę, vulgo, della Rosa nuncupati, de alma Vrbe; à Federico Casio Cardin. erecti, dotatiq; , & Ciuitatis Rauennatis, vbi excelsi eius animi non parua signa reliquit, in fabricis extruēdis, reparandis, perficiendisq; , ac rerum memorabilium gloria non obliuioni tradenda. Quid? quibus laudibus extollam celeberrimū illum fontem, quem Bonon. in medio foro æneis ornatum, statuis erexit? Quid Gymnasium publicum magnificentissimè refectum? Macella, viasq; nonnullas apertas totā penē Ciuitatē ædificijs pulcherrimis exornatam ipsius opera commendem? His de se monumentis immortalitate dignissimis posteritati cōsecratis, Petrus Donatus amplissimus, omniq; liberali disciplina, atq; humanitate ornatissimus vir, Romę die Martis, 3. Kal. Octobris, an. 1586. Pont. II. obiit, sepultumq; est ipsius corpus in Ecclesia S. Marię in Vallicella. Cōgregationis Oratorij, à Cæsia familia ædificata, vbi nobilissimo sepulchro, in quo legitur hoc epitaphium, donatum est.

D.

O.

M.

Petro Donato Casio S. R. E. Cardinali Pio V. Pont. Max. ad Principes, & Resp. Italiae commoventes Hæreticos misso, demū Cardinali creato, & ad consiliur. maximarum rerum præcipuē sacri

*sacri fœderis adhibito à Gregorio XIII. Bononia Legato, harum
Aedium ampliatori, Templiq; aspidis fundatori. Vixit ann. 64.
mens. 6. dies 17. obiit 3. Kal. Octobris 1586. Federicus Casius
heres Patruo posuit.*

XII.

ADmirabilibus quoque animi dotibus excelluit nobilissi-
mus ille ALOYSIVS Estensis Ferrariensis Herculis II. Fer-
rariæ Ducis, & Renatæ Ludouici XII. Francorum Re-
gis natæ; filius anno salutis 1538. in auras datus; qui ob præ-
claram indolem, & egregias dotes, in tantam Paulum Tertiū
Pontificem rapuit admirationem, vt ab eo adhuc adolescens,
Ferrariensis Ecclesiæ Episcopus electus sit. In Galliam postea
profectus Henrici Secundi Regis ipsius consobrini gratiā, ac
beneuolentiam, quod in ipsius Aula diū, atq; laudabiliter ver-
satus esset, ita sibi conciliauit, vt nobilissimis, ac ditissimis sa-
cerdotijs, & inter hæc Ecclesia Auxitana Metropolitana, cele-
bri fama insigni, ab Hippolyto Cardin. Ferrariense ipsius pa-
truo cessa, eodem deferente, sit auctus; quinimmo à Pio Quar-
to anno incarnati Verbi 1561. Pont. II. die Mercurij 4. Kal.
Martij S. R. E. Diaconus Card. SS Neræi, & Archilæi, absens
creatus sit. Hic quadriennio post Maximiliani Imperat. foro-
rem Barbaram Alfonso fratri nuptam Tridenti excepit, ac Fer-
rariam comitatus est. Galliæ Protector designatus, Christia-
nissimos Reges Carolum IX. & Henricum III. cum Summis
Pōtificibus Pio Quinto, & Gregorio tertio decimo officijs, &
studijs omnibus conciliauit; qui ex Diaconatu prædicto, ad
S. Lucie in Silice; paulò post Sācti Angeli in Piscina, mox ad
S. Marię in via lata translatus, Innocentio Cardin. de Monte
mortuo, in S. R. E. Diaconorū principatu successit. Bis in Gal-
lias missus est, semel anno 1576. à Gregorio XIII. vt Conuē-
tui cuidam Sedis Apostolicæ nomine interesset; iterum anno
1582. ad persuadendū Henrico Tertio ipsius nomine, vt patro-
cinium Alenconio Duci fratri (quod Belgis Philippo Regi re-
belli-

bellibus opitularetur) auferret. Profectò; quo magis in elogio conscribendo progredior, eo magis admiror, qua ratione vnquam tot virtutes in Aloysio potuerint fulgere; in alijs enim multæ quidem virtutes reperiuntur: sed quæ omnes excellent in vno, eodemq; tempore, hoc nunquam contingit, aut certè perraro. Quis.n. dignis præconijs prosequatur beneuolum illum finum, quo Gallos omnes in Italiam venientes humanissimis excipiebat vlnis, exceptos, auctoritate fouebat, ope, opibusq; iuuabat; sed ista (dicet aliquis) sunt poëtarum figmenta, aut certè oratorum circuitiones; quasi verò quisquam ignoret, aut ignorare debeat, ab eo fratrem Ioannem, Leuesque de la Casiera nuncupatum, Magnum Religionis sancti Ioannis Hierosolymitani Magistrum, qui Romam an. 1581. venerat, vt apud Summum Pontificem de notis calumniarum sibi falsò inultis se expurgaret, ducentis, & amplius eiusdem militiæ Equitibus comitatibus, domi exceptū fuisse, propriaq; impensa per duos ferè menses (nam ibi vitam exhalauit) regia munificentia fuisse cohonestatum; liberalitatem verò illam propè diuinam, qua Stanislao Hosio Cardinali Varmieni, viro pietate, & doctrina insigni, quod cum Romæ ad explendas pauperum indigentium necessitates pecunia quandoq; deficeret, liberalissimè succurrebat. Quis (inquam) tam liberalem virtutem tacere sine crimine possit? quis pecuniarum quantitatem in familiares, ac pauperes munificentissimè distributam, queat recensere? enimuerò, vt verum fatear, non est tam eloquens, non est in historia conscribenda tam diligens, atq; accuratus quisquam, qui pauperum Thesaurum, sacri Collegij splendorem, Aulæq; Romanæ ornamentum; meritò.n. hunc talibus epithetis exornarim; quo magis luculenta oratione prosequatur, eo plura de ipso dicenda tacuisse, quam dicta enarrasse non confiteatur. Sed quorsum hæc? vt omnes intelligant hunc cum virum fuisse, quales non multos superiora secula edidit, neq; futura sint fortè allatura. Is tandem, vt ad alia gressum faciamus in summo; non vitæ, nam annos tantum 48. na-

tus erat: sed gloria, Romæ in Quirinali in hortis suis die Martis, 3. Kal. Ianuarij, anno 1586. Pont. II. hora 16. animâ exhalavit, cuius cor (dignum notatu) in Gallia in Auxitana Ecclesia; Intestina Romæ in S. Ludouico nationis Gallicæ; Corpus in eadem Ecclesia per annum depositum, postea in S. Francisco Tyburis contumulatum, materiam pulcherrimi epigrammatis præstanti cuidam Poëtæ dedere.

Cur voluit Princeps Roma sua viscera cordi?

An quia visceribus condita Roma suis?

Cur voluit magnum Gallis cor, ut esset in oris?

An, quoniam cordi Gallia magna fuit?

Cur voluit pulchro sepeliri Tybure corpus?

An ne in delitijs, quod sibi Tybur erat?

Fallor. habet magnum cor Gallia magna, quod exco-

Audito patris funere facta fuit.

Viscera Roma tenet, tam sacro Principe rapto,

Quod sua visa sibi viscera Roma rapi.

Corpora Tybur habet, quod propria corpora censeat

In partes se se dissociare suas.

Gallus, Romanus, Tyburs, cor, viscera, corpus

Sensere auferri, restituiq. sibi.

In huius funere duo celebres viri Baptista Guarinus iunior; Leonardus Saluiatus Eques; alter latinam, alter Italicam habuit orationem, quæ utræq. eleganter conscriptæ circumferuntur.

Prometheum in manu ignem gestantem, cum inscriptione; *Altiora.* pro insigni habuit Card. Estensis, præter domestica.

XIII.

PRæter ea, quæ in superioribus elogijs non pauca de Illustrissimis viris sublimia prædicauimus, residua sunt nonnulla præclarorū; præsertim GEORGII Drasconitij Croati Vngari Comitatus Baroniensis perpetui Comitis, qui à Paulo Quarto; & propter virtutes, & propter generis nobilitatem ad Episcopatum Quinquecelesiensem in patrijs Oris regendum vocatus; anno 1561. cum Pius Quartus Pontifex Stanislaum Hosium,

Hosium, quem Nuncium ad Ferdinandum electum Imperatorem, Maximilianumq; Boemiæ Regem in Germaniam concilij cogendi causa miserat, S. R. E. Cardinalem pronunciaſſet, & per ſuos Cubicularios Cardinalitiæ dignitatis inſignia Viennam uſq; miſiſſet, cumq; Hoſius per unũ ferẽ menſem nequicquam inſtantibus Cubicularijs, quid nam ſibi ſtatuedum foret, cunctaretur, à Cæſare Georgius ille; utpotè, qui multa præditus erat eloquentia, ut; Maiestatis Cæſareæ nomine, oblatã dignitatem ſuſcipere ſuadeat, eligitur, cuius ſententiã Hoſius ſecutus, inſignia Cardinalitia ab Archiepiſcopo Strigoniẽſi accepit. Anno poſtea ſequenti à Ferdinando Imperatore electo, apud quem erat à conſilijs Orator pro Regno Vngariæ, Tridentum miſſus, in Generali illa celeberrima Congregatione, die 24. Febr. eiufdem anni, pulcherrimam habuit orationem, qua Reip. Chriſtianæ tantis malis, quibus paſſim ea tempeſtate conſiſtabatur oppreſſæ opportuna, & maximè accommodata remedia adhiberi ſe poſſe, ex illo Patrũ cõſeſſu, omni aſſeueratione confirmavit; unde à Patribus eius prudentia, conſilium, ac religio non poſuit vnanimiter non cõmendari. Concilio deinde ſine impoſito ad Episcopatum Zagabriẽſem; mox Colocenſem Archiepiſcopatum translatus, à Sixto V. Pontifice (apud quem rerum præclarè geſtarum fama Georgium magni fecerat) abſens anno Pont. I. ſalutis 1585. die Mercurij, 15. Kal. Ianuarij Presbyter S. R. E. Card. declaratus eſt, qui; ut erat Catholicæ Relig. ardentiffimus propagator, auctor fuit, ut à Rodulpho Cæſare pars prouetuum, quos Præpoſitura Tarochien. quotãnis reddebat, pro inſtit. Seminarij aſſignaretur, quo Vngari adoleſcẽtes fierent aptiores ad oppugnãdas hæreticorũ opiniones, cui; ſi pro animi magnitudine ætas lógeua reſpõdiſſet, proculdubio neminẽ, aut certè per paucos ipſi pares poſtera ſecula vidiffent; ſed quia hæc eſt humanæ vitæ cõditio, ut per leuis res exiguo momento, vitales ſpiritus extinguat, Viennæ die Iouis, pridie Kal. Febr. anno 1587 Pont. II. vir inſigni in Deum pietate, & optimis conſilijs dandis, rebusq; publi-

publicis, ac priuatis pertractandis, propè vnica anima ad empyreas sedes (vt piè credendum est) migrante, mortales exuias in terris reliquit, quæ ibi perhonorificè humi traditæ sũt.

XIV.

Felicissimum omen fuit, quod totam Galliã præsertim mirificè cõsolatum est, quando CAROLVS Danges Gallus ex Dominis Rambouileti, pridie Kal. Nouemb. an. 1530 in auras processit; namq; vir solidæ doctrinæ, incorruptorum morum, perpetuæq; innocentiæ in Aula Regum Galliæ, in qua versabatur, sæpissimè spectatæ, eidem Regno, vel in ipsis difficilioribus negotijs; non modo consilijs, sed etiam Legationibus ad omnes ferè Principes Europæ sibi demandatis, summo adiumento fuit, ex quo; ijsdem Regibus deferentibus, Cœnomanensis Episcopatus dignitate insignitus; à Carolo Nono Rege, Catherinaq; matre in Italiam ad summum Pont. Orator, & ijs cum primis turbulentissimis temporibus, quibus Regnũ ab hæreticis sacra, profanaq; promiscua habentibus, seditio-nibus, homicidijs, exustionib. atq; rapinis vexabatur, missus, nihil in eo munere obeundo, quod boni Oratoris partium esse sciebat, reliquit, quo tam præclarè obito; non tam Rege instante, quam summo Pontifice ultro deferente, an. 1570. Põ. V. die Merc. 16. Kal. Iunij, in ieiunijs quatuor Temporũ post Pentecostem Romæ, S. R. E. Presbyt. Card. tt. S. Euphemie creatus est. Accedit ad hæc, quod ipsum nõ mediocriter exornare videtur virtus fratrum; Nicolai, Rambouiletti Domini, Regijq; Ordinis Equitis, vnus ex intimis, qui à Regis consilijs erant, & custodiarum eiusdem Præfecti, Caroli Regis nomine Oratoris ad Gregoriũ XII. de Pontificatus assumptione congratulatum missi; ac alterius à fraterna virtute, nequicquam degenerantis, qui Episcopali insignitus dignitate anno 1589. Romam ab Henrico tertio Rege mittitur, vt Sixtum V. Pont. de causis Card. & Ducis Guisij mortis commoneret. Carolus die Lunę, 10. Kal. Aprilis, an. 1587. Pont. II. Corneti in Her-
truria

truria mortuus est, plurimis pietatis, religionis, ac in pauperibus subleuandis, relictis documentis, quem sepulto corpore in D. Francisci apud Minores obseruantes, haeredes pulcherrimis elogijs posteritati celebrem reddiderunt.

D. O. M.

*Insignis Mytra Carolus Danges, & ostro,
Corneti extremum clausit in Vrbe diem.
Offa sepulta tenet Francisci nobile Templum,
Hic lapis exta loco nobiliore tegit.
Dulces reliquia vitam docuere per omnem
Dulce pati Christi nomine, dulce mori.*

D. O. M.

Carolo Danges à Rambouileto, Cænomanensi Episcopo, S. R. E. Cardinali, ingenij, scientiæ, religionis, omniumq; virtutum laudibus præstantissimo, Christophorus à Rantigni sororis filius, & Claudius Lupius cubiculi Præfectus, italicarum rerum ex testamento haeredes magno; cum suo, tum cæterorum familiarium, quibus, ob eximiam in eos pietatem amplius sexaginta aureorum millia legauit, maxore posuerunt. Obit anno 1587. Vixit annos 56. mens. 4. dies 23.

Extat & aliud epitaphium, cum eiusdem Card. effigie Romæ in S. Ludouici Nationis gallicanæ Templo, propè Chorū.

*Carolo Danges à Rambouileto Sanctæ Romanæ Eccl. Cardin. Christophorus à Rantigni sororis filius, & Claudius Lupius cubiculi Præfectus, italicarum rerum, ex testamento Haeredes in Auumculum, & patronum grati; Virginibus Gallicis alternis annis Desparæ Viegini die Natali, in matrimonium collocandis, certos Aedi fructus at-
triberunt an. 1587. Kal. Apr.*

XV. Lo-

XV.

LOquatur nunc Romana Curia ratas dotes Io. FRANCISCI Gambaræ Brixien. & natalium, & virtutum gloria illustrissimi. Natalium quidem, quia ex Brunorio Virolæ, & Præboini Comite Caroli V. Cæsaris equitum Duce strenuissimo, & Virginia Pallauicina parentibus, maiorum splendore, multis honorum, ac rerum gestarum titulis insignium clarissimis, anno salutis 1533. 16. Kal. Febr. natus. Virtutum verò; siquidem adolescens sub patruo Vberti Pauli Tertij Pont. Card. disciplina educatus, qui S. Laurentij Cremon. Diocesis Abbatiam Ord. S. Benedicti sibi commendatam illi detulit, Patauij, Perusijq; in legum studia incumbens, I. V. D. excellens, rerum gerendarum experientia præstantissimus, atq; in dicendo eloquentissimus euasit. Is Patruo vita functo; ex Imperiali Aula, quo se contulerat, ut Carolum Imper. obseruantia causa inuiferet, Romam concessit inter familiares Iulij Papæ III. adscriptus, ipsiusq; cubicularius declaratus, ubi diu laudabiliter versatus est, Præpositura Virolæ insignitus, Cleric. Præsiciens Apost. Camerae à Pio Papa Quarto factus, ab eodẽ, quia egregiè in muneribus suis se gerebat, nõdum elapso Clericatus anno, die Mercurij 4. Kal. Martij 1561. Pont. II. in secunda octodecim Patrum electione, Diaconus; & paulo post Presbyter tt. SS. Petri, & Marcellini; mox S. Pudentianæ tt. Pastoris S. R. E. Cardinalis; & anno 1565. 11. Kal. Septemb. Camerini de latere Legatus; quamuis Legationem hanc, Pontificis morte impediẽte non obiuit, creatus est. Hic à Pio V. ad secreta cõsilia in arduis Põtificatus curis, maximè ad religionẽ spectantibus, cuius erat acerrimus defensor, admissus; & inter eos Patres, quibus christianæ Fidei, & contra impios Hæreticorum conatus conseruandæ præcipua cura demandabatur, annumeratus, eam prouinciam ita sustinuit, ut pro eadem fide, ac religione seruanda atq; amplificanda nullos labores die, ac noctu ad extremum vsq; spiritum subterfugerit. Iam verò eodem

dem Pont. sedente, ad it. S. Priscæ translatus, Abbasq; Aquanigræ Mantuanæ Dioecesis factus; anno 1566. mortuo Sebastiano Gualterio Episcopo Viterbiensi, eiusdem Ecclesiæ Ioannes Franciscus Pastor in demortui locum sufficitur, qui reuocata auita Ecclesiastica disciplina, Ecclesia Cathedrali, atq; alijs ea in vrbe sumptib. magna ex parte proprijs instauratis, Canonicorumq; redditibus annuis auctis, atq; etiam Archidiaconatus dignitate instituta, Balnearijsq; ipsi Eccles. restitutis vbi viuas virtutum suarum imagines reliquit, ipsam Ecclesiâ Carolo Montilio, Greg. XIII. Pont. suadente, cessit, sub quo; optato titulo S. Anastasiæ; ex hoc ad S. Mariæ transtiberinam translatus, factus fuit Cardinalium Presb. primus, & ex Presb. Episcop. Albanensis; mox Prænestinus, Archiconfraternitatisq; incurabiliū S. Iacobi in Augusta de Alma Vrbe patronus, cui, sacræq; Lauretanæ Domui, & alijs pijs locis moriens non pauca piè legauit. Vir is fuit Ecclesiastica seueritate insignis, iustitia conspicuus, in seruando fidem diligentissimus, habitus singulari prudentiæ, ac tanti acuminis, vt præter reliquos de Rep. atq; Imperio grauissimè, sapientissimèq; differentem in periculosis temporibus multi Europæ Principes; & coram, & literis de summis rebus gerendis consularent, & quod ille vnus respondisset; tamquam oraculum quoddam approbaretur, quam præclaram orbi terrarum perspectam prudentiam, ea ratione sibi comparasse fertur, quod à pueris præter B. Virginis patrociniū cuius præcibus infinita propè se à D. Opt. M. beneficia accepisse identidem asseuerare consueuerat; Patronum sibi elegit B. Laurentiū Martyrem, mirumq; fuit, quod omnia ferè sacerdotia, quæ possidebat (possidebat autem plurima) sub inuocatione eiusdem S. Laurentij essent. Obijt, maxima Reip. Christianæ iactura Romæ annos tantum natus 54. die Martis 3. Nonas Maij, redemp. nostræ 1587. Sixti Quinti Pont. III. cuius corpus in D. Mariæ de populo depositum, deportatum ad Beatæ Virginis ædem de Quercu nuncupatam extra, & propè n. cenia Viterbiensis vrbis positam, toto terrarum

rum Orbe celeberrimam, quam prius ipse consecrarat, & cuius sacellum dotarat, ubi ipsius effigies extat, translatum, ante gradus maioris Aræ sepulturæ mandatum est. Ibiq; funus eius celebratum est à Patribus Prædicatoribus, qui eam Ecclesiam, incolunt, orante in ipsius funere Francisco Scoto Collensi sacrae Theologiæ Professore, Archipresbytero Viterbiensis maioris Ecclesiæ.

XVI.

EXornauit præterea seculum nostrum, celebri actorum gloria vir grauis, & liber, in rerum publicarum administratione, humanitateq; , & animo excellens, patriæ nostræ decus, atq; ornamentum PHILIPPVS Vastauillanus Bonon. Angeli michaëlis, & Iacobæ Boncompagnæ Gregorij XIII. sororis filius anno redemptionis nostræ 1540. pridie Kal. Octobris natus, qui auunculo Cardinale instante à Pio V. inter Quadraginta Ciuitatis Bononiensis Regiminis viros relatus; ab eodem ad Pontificatū assumpto, eo tempore. s. mense Maio eiusdem anni, quo ipse Vexillifer Iustitiæ in patria supremum Magistratum gerebat; Romam vocatus anno 1574. 3. nonas Iulij, Pont. III. Philippe Boncompagno, tt. S. Sixti Card. Venetias ad Henricum Tertium, Sedis Apostolicæ nomine de latere Legato misso, Vastauillanus in secunda promotione Sanctæ Rom. Eccl. Diac. Card. S. Mariæ nouæ; mox S. Mariæ in Cosmedin creatus est, quem anno 1578. Bononiam misit, ut litem de finibus inter Ferrariensem Ducē, & Bononienses componeret. Ceterum eodem anno, mortuo Iulio Feltrio de Ruere Cardinale Vrbinatē, S. Lauretanæ Domus, sacræq; Religionis S. Ioannis Hierosolymitani; & biennio post, vita functo Francisco Card. Alciato, Ord. Fratrum Conuentualium Sancti Frâncisci Patronus, & Anconitanæ Ciuit. post Christophorum Boncompagnum Rauennatis Ecclesiæ Archiepiscopum, Gubernator designatus, cum Philippo tt. S. Sixti, Io. Antonio tt. SS. quatuor Coronatorum, Io. baptista tt. S. Marcelli Cardinali-

dinalibus, quorū duo nouissimi ad Pōtificatum assumpti sunt, cum facultatibus ad Bannitos remittendos, per sex menses deputatus est; & eidem eodem anno S. R. E. Camerariatus officium, per obitū Aloylij Card. Cornelij vacans; summa quinquaginta millium aureorum Camerae Apost. soluta, collatum est. Qui auctus Abbatiae Nonantulanae dignitate, optato Sancti Angeli Diaconatu, sedente Sixto Quinto; ex eo ad S. Eustachij translatus; non multo post, extremum vitae suae diē clausit, Romae die Lunę 16. Kal. Sept. anno 1587. Pont. Tertio, hora 13^a annos natus 46. menses 10. dies 17. cuius corpus ibi in Basilica SS. duodecim Apostolorum apud Minores Conuētuales depositum, Bononiam trāslatum anno sequenti, 8. Kal. Martij in S. Francisci eiusdem Ord. in pavimento ante gradus maioris Arae, cuius sacellum, pecunia legata, Chorusq; ad elegantem formam redacti sunt, contumulatum est, vbi extat lapis elogio incisus.

M.

M.

AE.

Philippo Vassauillano S. R. E. Cardinali Camerario Gregorij XIIII. Pont. Max. sororis filio. Hieronymus frater, Angelus Michael fratris filius, ex testamento posuerunt. Vixit annos 46. menses 10. dies 17. Obijt 16. Kal. Septemb. anno sal. 1587. O.H.S.S.

XVII.

Mirum est, quantam vim habeat virtus, quæ tam breui tempore, tot dignitatib. virum quempiam possit donare, cuius rei certissimū testimonium esse potest Decius Azolinus nobilis Firmanus Picenus, qui in famulatū Fratris Felicis Card. de Monte Alto veniens, ipsius à secretis factus, ab eodem summo Pontifice renunciato, Canonicatus Basilicæ S. Petri de Vrbe; post Episcopali Ciuitatis Ceruiensis dignitate cumulatus; anno Pontificatus I. sal. 1585. die Mercurij 15. Kal. Ianuarij, secundò 8. Cardinalibus electis Romæ, Presb.

Presb. Card. tt. S. Matthæi in Merulana; & post obeunte Philippo tt. S. Sixti Cardinale Boncompagno Basilicæ S. Mariæ maioris de Vrbe Archipresb. declaratus est, cui anno 1587. allato sibi nuntio de Stephani Bathorij Poloni Regis morte, idem Pontifex commisit, ut cum Alexandro Farnesio, Vincetio Lauro, Georgio Radziuulio, & Andrea Bathorio Cardinalibus consuleret, quid nam pro pacifica noui Regis electione agendum foret. Enimuerò, quia ea est vitæ nostræ cōditio, ut ad interitū pernici ruat cursu, eodem anno obiit is Romæ die Veneris nonis Octobris Pontificatus III. ætatis 37. sepeliturq; in D. Mariæ maioris Templo, ubi propè Aram Deiparæ Virg. dicatam in pauimento extat tale epitaphium.

D.

O.

M.

Decio Azolino Firmano S. R. E. Presbyt. Card. huiusce Basilicæ Archipresbytero à Sixto V. Pont. Max. cui à secretis erat; ob perspectam fidem, & in rebus agendis prudentiam, ad Cardinalatum assumpto, & post 21. mensis extincto ætatis sue anno 38. 1587. P. D. M. p̄j, gratiq; animi sui monumentum, benè mærenti posuerunt.

Non longè verò à S. D. N. Præsepis sacello in eadem Basilica, hoc aliud epitaphium cum ipsius Cardinalis effigie ad viuum depicta; Io. batista Card. Castrucius amico, posuit.

D.

O.

M.

Decio Azolino Firmano S. R. E. Cardinali, qui fidem, & integritatem suam Sixto V. Pont. Max. in Cardinalatu primum; deinde in Pontificatu ita præbuit, ut anni spatio ad summas dignitates merito eius sit euectus, maius in diem probitatis sue daturus specimen, nisi immatura morte præceptus in medio vitæ cursu defecisset. Vixit annos 37. mens. 3. dies 9. obiit nonis Octobris 1587. Io. batista Card. Castrucius memoria amico optimo posuit.

XVIII. Sed

XVIII.

Sed in ijs, quæ ad generis, & virtutum nobilitatem attinēt; nescio, an omnes adæquarit, aut etiam præcesserit **CAROLVS** Lotharingus de Vandemontio Gallus, Nicolai, olim electi Ep̃i Merentis, post Vandemontij Comit̃is, & Margaritæ Egmōdanæ filius, Aloysiæ Henrici Tertij Galliæ Regis vxoris frater, qui digno virtutibus; quibus dotabatur Ep̃iscopatus Tullentis, honore illustratus, à Greg. XIII. summo Pontifice anno 1578. Pont. VI. die Veneris 9. Kal. Martij in quinta Cardinalium ordinatione S. R. E. Card. Diaconus, absens renūciatus; à Sixto V. successore S. Mariæ in Domnica Diaconatu accepto; sub eodem; ex Diacono factus est Presby. tt. Sāctissimæ Trinitatis in Monte Pincio. Exorta postea in Gallia calamitosissima tempestate, initoq; inter Regni Proceres, atq; Europæ Principes, pro Religione Catholica in eo Regno conseruanda, atq; hæresi radicitus extirpanda, foedere, quod sacræ Ligam dixere, anno sal. 1587. eiusdemq; Carolo Card. Borbonio electo Principe, Vandemontius Card. Vicarius est declaratus, qui (heu miseram humanæ vitæ conditionē) in ipso præclarorum actorum culmine, & in ipsis muneribus pro Fidei Orthodoxæ conseruatione, atq; exaltatione ritè obeundis, vir sanè optimus, præstās virtutis gloria, & qui perpetuo viueret dignus, eodem anno Pont. III. Tulli die Veneris, 3. Kal. Nouembris, mortem cum vita commutauit, cuius corpus in Cathedrali depositum; Nansi; quo fuerat asportatum, apud Frānciscanos sepulturæ demandatur.

XIX.

Age; vt Romanos etiam attingamus, licet memoriam reuocare celeberrimi viri **IACOBI** Sabelli Romani ex illa insigni, & perpetua serie honorum, ob viros sanctitate, Pontificatu Cardinalatu, domi, forisq; illustres florentissima, Io. baptistæ Equitum Ducis, & Constantiæ Bentiuolæ filij, an-

X

no re-

no reparationis humanæ 1523. 5. Kal. Nouembris nati, de cuius adolescentia id extat, quod annos natus sexdecim, inter intimos, Cubicularios Pauli III. quo cum, & Sabellis sanguinis intercedebat coniunctio, annumeratus, ab eodem; vt honestis animum excoleret artibus, Patauium missus, latinis, græcisq; literis, deinde legali sapientiæ talem operam nauauit, vt cum ea scientiæ, & probitatis signa dedisset, & ijs se imbutum moribus, ac virtutibus, quæ in præclaro Antistite requiruntur, demonstrasset, ab eodem Pontifice anno 1539. Pont. VI. die Veneris 14. Kal. Ianuarij, Diac. Card. S. Lucæ in Septisolio; deinde Sanctorum Cosmæ, & Damiani declaratus, Patauium pileo missus, Episcopatum Neocastrensem, administrandū obtinuerit. In ipsis postea Iulij Tertij Pont. principijs ab eo anno 1550. 12. Kal. Martij in Prouinciam Piceni omnium harū Ciuitatum, Castrorum, ac locorum Apostolicæ Sedis de latere Legatus in re temporali, ac spiritali Vicarius missus; eam Ditionē ab intestinis simultatibus, quibus tumultuabatur, semel, atq; iterum ab insidijs Draguti Archipyratæ, Ducis Clafsis, Solimani Turcarū Tyrāni, liberauit, non minori laude; quā, quod eandem per quadriennium prudentissimè rexit; sub quo S. Nicolai in carcere Tulliano Diaconatu obtento, sedente Paulo Papa IV. ex Diacono factus Presb. tt. S. Mariæ in Cosmedin; Episcopatu Neocastrense, in Eugubinum commutato, quem aliquando ipsius Frater Marianus moderatus fuerat; à Pio Papa IV. Archiepiscopatum Beneuentanum accipiens, eius in Vrbe Vicarius declaratus est, quò munere; quoad vixit sub alijs summis Pontificibus donatus est. In Pont. porro, vbi successit Greg. XIII. titulo S. Mariæ transtiberim optato, Patronus Collegij Græcorum ab eodem Pont. instituti, cum Guilielmo Sirleto, Iulio Antonio S. Seuerinæ, & Antonio Carafa Cardinalibus, electus; & ad Episcopatum Sabinen. post Tusulanum; vltimò Portuensē, & S. Rufinæ translatus, ex hac vita migrante Scipione Rebiba; supremus hæreticæ prauitatis Quæstor, ipsius loco deputatus est. Hic; non solum à familiaribus;

liaribus: sed à tota Aula Romana vnicè, ob morum, vitæ, & doctrinæ præstantiam, & quia erat vir grauis, Ecclesiasticorū rituum diligentissimus conseruator, accuratissimūq; Cardinalitix dignitatis obseruator, diligebatur. Obijt Iacobus Romæ die Sabbathi nonis Decembris, anno salutis 1587. Pont. III. eiusq; corpus apud Patres Societ. Iesu, in Farnesiano Templo sepultum est, vbi pietatis, ac religionis eius monumenta extāt. Aram n. eiusdem Templi eo viuente inchoatam, multis ornamentis augeri, vt etiam Albæ Templum Petro Apost. dicatū, quod de iure patronatus familiæ Sabellæ est, ad perfectionem adduci scripto testamento mandauit. Funus splendide actum est, orante 10. Kal. Ianuarij celebri Oratore Pōpcio Vgonio Romano.

XX.

Non defunt laudum argumeta, quæ illustrent FERDINANDUM Mediceū, Cosmī Magni Hetrurię Ducis, & Eleonoræ Toletanę filium anno 1549. 3. idus Iulij, hora 19. post meridiem natum, quem; quo Cosmus pater, ob mortem Ioannis filij mœrens aliqua consolatione leuaretur, Pius IV. anno Pont. IV. salut. 1563. 8. idus Ianuarij, festo Epiphaniæ Domini, in Congregatione Generali, cum nondum tertium, & vigesimum ætatis annum compleuisset, Diaconum Cardin. S. Mariæ in Domnica, absentem, creatum; Romam venientē, pileo postea purpureo, cum Angelo Nicolinio eiusdem Pontificis Cardinale, idibus Martij 1565. de more, insigniuit. Hic Papæ Summator; Archihospitalis sanctiss. Trinitatis de Vrbe Conualefcentiū; Relig. Seraph. Fratrū Min. obseruan. Regno rūq; Hispaniæ patrocinijs susceptis; Eleonorā Frāciscei Magni Ducis filiā, quæ Vincētio Mātux Duce in m̄rimoniū collocata fuerat, neptem suam, Mantuā euntem comitatus est. Huic sub Sixto V. ex S. Marię, ad S. Eustachij; mox ad S. Marię in via lata Diaconatus translato, inter Cardin. Diaconos, Primas tenenti; cum alijs eiusdem Ordinis Patribus causarum quorūcunq; regularium, extra claustra vitam degentium, audienda-

rum, & Pontifici dicendarū, nec non Canonizationis B. Didaci prouincia demādata est. Cæterū mortuo Frācisco Magno Hætruriæ Duce fratre sine filijs in Ducatu successuris, Ferdinandus Cardinalis; ex duobus qui superstites erant fratribus natu maior, iure eidem magna cum totius Hætruriæ populorum exultatione, successit, qui; & si Cardinalitiam dignitatem ad extremum vitæ spiritum retinere animum induxerat, nunquam sacris initiatus, sicq; indulgētibus Rom. Pontificib. prudenissimè prospicientibus posse aliquando, quod contigit euenire; aliud tamen sibi in rerum statu commutato, grauissimis de causis statuendum fuit, & maximè, vt tam amplæ latæq; Prouinciæ, nec non familiæ suæ legitima liberorum successione consuleret; Declarato igitur sibi Ferdinandus Procuratore Nicolao Tornabono Ciuitatis Burgi S. Sepulchri Episcopo, eadem de causa eum Romam misit, qui vna cum Ioanne Nicolinio ipsius oratore, à Cesare Marsilio nobili Bononiense consistoriali Aduocato, qui etiam de causis, quæ animum illius ad Cardinalatus renunciationem disposeret, eleganti oratione coram summo Pontifice, & Cardinalibus deferuit; in secretum Consistorium die Lunæ, pridie idus Decēbris, anno 1588. Pont. IV. admissi, & ad pedes summi Pontificis prostrati; ea, qua decuit, animi demissione, Ferdinandi nomine, Cardinalatus dignitatem, & administrationes Ecclesiarū, quibus ipse præerat, dimittentes, ac resignantes, sanctitatem suam humiliter supplicarunt, vt celsiones prædictas, libenti animo excipiens, admittere dignaretur, & iuramenta quæcunq; per Ferdinandum ratione Cardinalatus relaxare, & vt ei paternam benedictionē, qua in altera vocatione, ad quā Deus eū vocabat, pro felici Hætruriæ regimine diū, ac feliciter versari possit, impertiretur. Quam summus Pōt. renūciatio nē; Cardinalibus omnibus vnanimiter consentientib. admisit, atq; approbavit; de quo actu duo ex Protonotarijs participātib. vocati, se rogatū; quibus; felici, ac fausto auspicio peractis, Ferdinandus, Caroli Ducis Lotharingiæ filiam, Christinā,

&

& Caroli, Sixti Papæ Quinti, Cardinalis sororem, in matrimonium duxit.

XXI.

Q Vanto Fidem catholicam animi ardore prosequeretur ; non dictis : sed ipsa sanguinis effusione demonstrauit
ALOYSIVS de Guisa à Lotharingia Gallus , Francisci Ducis Guisij, & Annæ Estensis, Altonsi vltimi Ferrariæ Ducis sororis, filius ; Caroli, Pauli III. & Ludouici, Iulij III. Cardinalium, nepos anno 1554. natus , qui electus Archiepiscopus Remensis, & primus Par Franciæ, à Greg. XIII. summo Pontifice anno Pontif. VI. à Domini Natiuitate 1578. in quinta purpuratorum Patrum electione nono Kalen. Martij habita, S. R. E. Presbyt. Card. factus est ; atq; eidem Legatio Auinionensis in Gallijs, quæ prius Card. Borbonius cohonestabatur ; Henrico Tertio Gallorum Rege , & per literas, & per Oratorem apud Sixtum Quintum instante, demandata est ; qui anno 1588. cum Comitibus apud Turones Blesis ab eodem Rege indictis, cū Henrico ipsius fratre, ac alijs Regni Proceribus adesset ; 10. Kal. Ianuarij, biduo ante Natalem Domini, ecce (scelus indignum) Henricus Dux, Cardinalis frater à nefarijs sicarijs in ipso Regis cubiculo, ipsomet Rege iubente, atq; inspectante, qui eum ad se vocauerat ; vulneribus confossus, in terram ruit : fratris opem implorantis, clamore adductus, accurrit Cardinalis Aloysius : sed ab armatis depellitur, qui eadem hora captus cum Carolo Borbonio Cardinale, & alijs Præstulibus, regali prandio exceptis, cum cibum sumere renuisset, ad locum, vbi exangue fratris cadaver in circumfuso sanguine natatabat, ducitur, atq; ibi diei, noctisq; spatio fraternam mortem dolet. Interrogatus porrò à Rege illuc accedente, agnosceret, ne quisnam ille esset. Agnoscere, se esse amantissimi sui fratris, & Domini corpus, cum quo in vita feliciore esse exoptare, respondit ; cui Rex. Pro certo, inquit ; habeto te breui voti competentem faxo . Postridie, nona circiter hora, ante meridianam

Aloyfius, Rege iubente, ad idem conclaue, vt fraterna pareat morte, ducitur, conuocantur sicarij, qui Ducis sanguine contaminatas manus sacro Cardinalis cruore polluere non recusât, sicque pugionibus petitus, vulneribusque confossus, anno eius ætatis trigesimoquarto, in ipso Christi Natiuitatis peruigilio; summo bonis omnibus mærentibus sui desiderio relicto, atque maxima Reipublicæ Christianæ iactura, ac detrimento occiditur Præsul; generis nobilitate clarus, totquæ dignitatibus insignitus, sacri Collegij ornamentum. cuius vita, ac mores generi, atq; ordini conueniebant, qui moderati animi, & catholici quamplurima præclara exempla dederat, & cuius humanitas ingēs, pietas sūma, liberalitas insignis, loquēdi libertas, & publici boni studiū lōgiori vita, ac alia mortis ratione dignū eū reddebāt. Eius corpus Rex in aliud cubiculū transferri ibiq; honesto loco collocari, & viridi panno tegi; Ducis verò negligi iubet. FERIA deinde quarta post Christi natalitia, eodem Rege mandante, utroq; corpore in maiorem Aulam illato, rogoq; ingenti, ex viua calce, & sulphure constructo imposito, atq; exusto, cineres eorundem, è fenestra in præterfluentē legerim proijciuntur. Audito Pontifex scelere; per Ioan. Franciscum Maurocenum Episcopum Brixiēsem, Sed. Apostolicę Nunciū, postea Cardinalem, Regem literis de scelere patrato mone-re, atq; anathema minitari. Cogitur Romæ Consistorium; impium scelus detestatur, Cardinales; quibus negotium demandetur, eliguntur, à summo Pont. Rex citatur post mensem, vt se defendat, & causas proferat, cur anathema non debeat declarari. die termini sibi ad se iudicio sistendum statuti, Rex in proprijs ædibus, firmo in castro, equitibus, satellitibusq; multis, ac frequenti exercitu stipatus ad S. Clodouæi Pontem, ab inermi nondum vigesimum quintū annum nato, ac ignoto Fra tre Iacobo, Clemente dicto, patria Senonense, Ord. Prædicatorum, paruo cultello ad hoc patrandum parato, subter vmbilicum vulneratus, miserrimè Kal. Augusti, anno 1589. interfectus est.

XXII. Quid

XXII.

Quid Fr. STEPHANVS Bonuccius Aretinus Tuscus, ex honestis parentibus anno 1521. natus? Quanta gloriæ fuit, & patriæ, & Reipub. Christianæ & puer. n. nomine Religioni S. Mariæ Seruorum dato, sub disciplina Fr. Augustini Bonuccij insignis Theologi, & eiusdem Religionis postea Generalis Magistri, cuius se alumnum profitetur, & cui mortuo monumentum in patria posuit; Orator eloquens, & in sacris paginis maximè versatus, cum euasisset; adhuc iuuenis Bononiæ, Patauij; in Academijs, Præpositi, & ante annos, Generalis Procuratoris officio dignus, eodem; & post à Iulio III. Apostolici, Ordinis Visitatoris munere meruit insigniri. Is in Comitij Bononiæ Paulo Quarto Pontifice sedente habitis; ob res præclare gestas, rursus Procurator Ord. confirmatus; sub Pio Quarto Tridentinæ Synodo interfuit. Apud Vgonē Boncompagnum S. Sixti Cardinalē concessit, & cum eodem, qui Legatus in Hispaniam, pro Archiepiscopi Toletani causa mittebatur, profectus est, à quo, summo Pont. declarato, ad Alatrinum Episcopatum; ex Alatrino, ad Aretinæ patriæ Præsulatū promotus, cum in ipsius administratione, religionis, & pietatis signa innumera dedisset, à Sixto Papa V. anno sal. 1587. Pont. III. die Veneris 15. Kal. Ianuarij, inter eos Cardinales, qui quintò ab eo electi sunt, Presbyt. Cardin. tt. SS. Petri, & Marcellini annumeratus est, cumq; , emergentibus è Concilio Tridentino quæstionibus, cum alijs quatuor Cardinalibus præfectus fuisset, hoc, & alia munera sibi demandanda; morte imminente, non potuit obire. Obijt verò in maxima apud Aulam Romanam expectatione, Romæ anno salutis 1589 Põta Quarto, quarto nonas Ianuarij, eiusq; corpus sepultum est in Ecclesia Sancti Marcelli apud Seruitas, vbi in Templi medio tale elogium videre est.

D.

O.

M.

Fratri Stephano Bonuccio Ord. Sernorum, Cui, & Episcopo Aretino, S. R. E. Presbyt. Card. ii. SS. Petri, & Marcellini, cum insignis religio, prudentia, & doctrina; omnium iudicio, & votis es maiora pararent extincto, atatis sue anno 68. sal. humana 1589. die secunda Ianuarij. Ludouicus Bonuccijs, & 10. baptista frater, patrio bene merenti PP.

XXIII.

C Ancellos exornationum excessisse mihi videtur ALEXANDER è Farnesiorum gente rerum domi, forisq; gestarū, gloria inter Romanos clarissima ortus Petri Aloysij Castri; mox Parmæ, & Placentiæ Ducis, & Hieronymæ Ursinæ filius anno sal. 1520. die Dominico Nonis Octobris à pomeridianis horis, inter quintam, & sextam in lucem editus. Is Bononiæ in Collegio, quod Petrus Ancharanus de eadem met familia Farnesia anno 1415. ad Scholares italos literis informandos erexerat, in literas incumbens, à Clemente Septimo Parmensis Ecclesiæ cui Alexander Cardinalis huius Auis præerat administratione suscepta, ab eodem Auo ad Pontificatum euecto; Paulo III. dicto, anno 1534. Pont. I. die Veneris 15. Kal. Ianuarij absens, Diaconus Cardinalis S. Angeli ptonunciatus, Bononiæ Cardinalatus insignia cum Guidone Ascanio Sfortia suo consobrino annos tantum natus 14. accepit, qui Romam anno sequenti profectus, mortuo Stephano Cardinale Merino, Episcopus Giennensis inter Hispanos; & Hippolyto Cardinale Mediceo die Mercurij 3. Idus Augusti, S. R. E. Vicecancellarius, & S. Laurentij in Damaso; & die Iouis 11. Kal. Septemb. summi Pontificis Summator, Archiepiscopus Avinionensis electus; an. 1536. die Lunę idibus Maij Carolo V. cui; vti Sicilia Regi, id iuris competebar deferente, Archiepiscopus Montis Regalis in Sicilia; dimissis Parmense, &

se, & Giënenſe Eccleſijs, declaratus. Eidem; non multo poſt ab eodem Auo Archipreſbyteratus S.M. Maioris de Vrbe; mox Hieroſolymitanus Patriarchatus delegatus eſt. Quid Herbi- polenſis maioris Eccleſiæ inter Germanos Præpoſitura, cui ipſe præerat? non ne eiufdem decem millium aureorum quotan- nis addentes fructus, vt erat liberalis, & beneficus, maximè in virtute præditos, & benè de catholica Fide ſentientes, inter aliquos viros doctos Germanos de Eccleſia benemeritos, in- ter quos Federicus Nauſea vir ſummæ doctrinæ, vt ipſius ſcri- pta teſtantur, Episcopus poſtea Viënſis diſtribuit? ac tandè Præpoſituram ipſam Othoni Truchſeſio Cardinali Auguſtano renunciauit? Quis neſcit quanta dignitate, Legationes in Hi- ſpaniam ad Carolum Cæſarem; in Galliam ad Franciſcū Frā- corum Regem demandatas, vix vigefimum ætatis annum at- tingens obiuerit? vt & Imperatorem, & Regem, quibuſcum de rebus grauiſſimis agebatur, in ſummam traxerit admiratio- nem, & ex Nepote; in Pontificis qualitatum cognitionem ve- nerint, quod ſi cuncta, quæ ijs in Legationibus egit, attingere tentem, neceſſario, & multa memoratu digniſſima, ab eodem alijs in muneribus acta, prætermittam, & ea ipſa, quæ attingā, ieiunius multò, atq; exilius, quam pro ipſarum dignitate per- curram; reuertenti. ſ. Romam anno 1541. 3. idus Martij, Au- nionenſem Legationem. & poſt à Cæſare Imperij protectionē; biennio poſt Archipreſbyt. Baſilicę S. Petri, Genuam ad eun- dem Cæſarem, Legationem; iterum anno 1545. ad eundem Imperatorem; & Gallum Regem, vt pacem inter ipſos com- ponat, & in Germaniam tertio cum Octauio fratre Parmæ, & Placentiæ Principe, Eccleſiaſticarū copiarum Duce, quas Pon- tifex miſit Carolo Imperatori contra hæreticos bellum geren- ti, Legationes demandatas. Alexander anno 1547. Eccleſiæ Viſenſis adminiſtratione accepta, ſub Iulio Tertio, bello inter eundem Pontificem, & Octauium fratrem, pro Ducatu Parinē- ſe vigente, Florentiam; hinc in Galliā concedens, à Rege per- benignè exceptus, & diſtiſſimis ſacerdotijs cohoneſtatus eſt; quo

quo Romam reuerso, Parmensibus iam compositis rebus, in grauib; arduisq; Pontificatus negotijs summi Pontifices Iulius III. Marcellus II. Paulus IV. & Pius IV. qui; vt ab Auo ad Cardinalatus dignitatem, sic ab Alexandro; diuino numine ita disponēte, ad tantum fastigium fuerant euecti, vsi sunt, cui sub Pio IV. Episcopatibus Massæ, & Spoleti resignatis, anno 1564. die Lunæ 8. Kal. Maij ex Diaconatu ad Presbyteratum promotus, de consensu Ranucij sancti Angeli Cardinalis ipsius fratris, qui primum locum inter Presbyteros Cardin. tenebat, aliorumq; Patrum; Archipresbyteratus S. R. E. concessus est. Infinitum foret sigillatim omnia recensere. scilicet; ex Archipresbytero ad Episcopatū Sabinensem; mox Tusculanum; & anno 1565. Auinionensi Legatione ad fauorem Caroli Cardinalis Borbonij dimissa, cuius etiam Archiepiscopatus administrationem anno sequenti resignauit; ad Viterbiensis (quæ patrimonij dicitur) Legationis præfidiatum translatus fuisse. Iam verò, quia grauiora animus concepit, ad tati Præfulis præclariora gesta properemus. Anno is 1569. ad Ecclesiam Montis Regalis se conferens, Synodum ibi Prouincialē, ex decreto sacri Conc. Tridentini celebravit; & Collegiū Patribus Societ. Iesu, quibus in componendis; inter clerum, ac ciues ortus discordijs, vsus fuerat, proprio sumptu à fundamentis erexit. Hanc Ecclesiam postea Ludouico de Torres, Camera Apost. Clerico, alterius Ludouici Archiepiscopi eiusdem Ecclesiæ nunc viuentis; sanguinis nobilitate, rerum gerendarum experientia, literarum cognitione, & summa in Deum pietate, deq; Rep. Christiana bene merentis Præfulis patruo cessit. Reliquæ sunt anno 1578. post translationem ad Episcopatum Portuensem, & S. Rufinē, & sequenti, vita functo Ioanne Card. Morono ad Ostiensem, & Veliternum, sacriq; Collegij Decanatum, protectiones fratrum Seruitarum; hospitalis S. Hieronymi Illyricorum Collegij Germanorum, Archiconfraternitatis Orphanorum, Santissimi Crucifixi sodalitatis, & præter Imperij Romani, Regnorum, Aragoniæ, Siciliae, I usitaniae,

tanæ, & Poloniæ. Quid? ipsius singularem religionem silentio inuoluemus? non profecto, sed, quæ tanta in quoquam dicendi vis, qui tam copiosi, ac multiplicis argumenti partes omnes; non dicam proficere velit: sed in memoriâ reuocare multas sacras ædes labentes ab eo instauratas, non paucas Aras extructas, & plurimis ornamentis decoratas; Ecclesiam S. Syluestri in Monte Soractis, inter Faliscos ædificatam propria impensa, & minoribus obseruantibus collatam; Diui Anastasij templum, Cœnobiumq; ad aquas saluias; B. Virginis ædes ad Criptam feratam; Aram, templaq; toto in eo tractu, qui est circa Soractem, Auinioni; Viterbij; augustissimum templum in Vulsinensi lacu; Templum item Sanctis Laurentio, & Damaso dicatum, quæ maxima impensa edificauit, atque ornauit. Quid plura? in omnibus Ecclesijs, quas administrauit (administrauit autem plurimas) non pauca summe suæ religionis, & beneficentiæ expressa vestigia reliquit. In Basilica S. Petri de Vrbe, cuius erat Archipresbyter, aurea candelabra, auream crucem, calices, sacrasq; vestes innumeras ad rei Sacræ seruitium reliquit, & tandem magnificentissimam illam, ac toto orbe celeberrimam Aedem nomini Iesu dicatam, quam pro Patribus eiusdem societatis Romæ extruxit. Qui tandem à Sixto V Pont. pro Beato Didaco canonizando deputatus, summo vniuersæ Christi. Reip. Urbisq; mæore, & luctu, ad æterna illa Palatia, quæ sibi, & elemosinis, & sacris donis construxerat, die Iouis VI. Nonas Martij hora 21. anno humani generis seruati 1589. Pont. IV. ætatis 69. aduolauit. Corpus eius; lugubri, sed inusitata pompa in templum Iesu delatum, habita latina oratione à Petro Magno viro literis ornatissimo, olim à secretis Ioannis Francisci Card. de Gambara, quæ vna cum orationibus, & elegijs Francisci Bentij Societ. Iesu, viri summæ eloquentiæ, & pietatis, alijsq; & vineta, & soluta oratione conscriptis illius laudibus circumfertur, sepultis prius visceribus in Diui Laurentij in Damaso; ibi in pauimento, ante gradus Aræ maioris, sub lapide porfidico; elogio, de quo infra, collocatum est.

D.O.M.

D.

O.

M.

*Alexandri Farnesij Cardin. S. R. E. Vicecancellarij, Episcopi
Ostiensis huius Ecclesie Fundatoris.*

Et super portam maiorem eiusdem Ecclesie.

*Alexander Farnesius Cardin. S. R. E. Vicecancellarius, Pauli
Tertij Pont. Max. Nepos, cuius auctoritate Societas Iesu recepta,
primum fuit, & decretis amplissimis exornata, Templum hoc sue
monumentum, & religionis, & perpetue in eum ordinem volunta-
tis funditus extruxit anno salutis 1575.*

Præter domesticum familiæ Vmbonem Alexander, Macedonis quodammodo æmulator, tria celeberrima insignia gestavit. Telum. s. scopum ipsum attingens græco insignitū axiōmate βέλος οὐτως *Sic iacio*. Papyrus candidissima hoc emistichio circumsepta: *Votis subscribere fata secundis*. Trifulcum Iouis fulmen, quo exiguum hominum religionem solet castigare hoc dotatum apophtegmate *Hoc uno iuppiter ultor*.

XXIV.

Accedit videre, quanam encomiastici sermonis laude donandus sit PROSPER Sanctacrucius nobilis Romanus, anno Domini 1513. natus, qui honorarios ephebos in animo literis; præsertim verò legibus instruendo, Patavij insumens, ita in eis profecit, ut; cum nondum ad vigesimum secundum ætatis annum peruenisset, consistorialis Aduocatus à Clemente Papa VII. & quinquennio post à Paulo Tertio Auditor sacre Rotæ factus, in eo Tribunali in agendis causis, & summā prudentiam, & indifferentem iustitiam omnibus semper restituit, ex quo ab eodem Paulo Episcopatu Chysamensis in Cretensi Insula meruit honorari, cuius opera Iulius Tertius, & Paulus Quartus in Germaniæ, Lusitaniæ, Hispaniæq; Legationibus, in quibus omnibus semper suæ, & Apost. Sedis
reti-

retinendæ dignitatis signa non obscura dedit, vñ sunt. Summa porrò virtutis, tunc clarissima signa reliquit, quādo à Pio Quarto Nuncius Apostolicus ad Carolum Nonum in Gallias, quo tempore Regnum fluctuabat, missus, apud Regem sic; pro hæreticis exterminandis, qui in illis partibus Religionem catholicam perturbabant; perturbatam labefactare tentabant; labefactatā prorsus euertere, egit, vt tantum hæreticorū odiū sibi concitauerit, vix vt sepissimè; præsertim verò; dū aliquādo iter haberet per idem Regnum, nisi stratagema adhibuisset, vitam sibi potuerit conseruare. Sic Legationes demandatæ obeundæ sunt, sic Ecclesiasticæ dignitates comparantur. Meritò igitur illum Pius Quartus in quarta promotione 23. Cardinalium Romæ die Lunæ 4. idus Martij, quando solēnis dies Gregorij Magni celebratur, anno 1565. Pont. VI. absentem, atq; in Gallia idem munus Nuncij obeuntem in Cardinalem Presbyterum S. R. E. promouit. Optato postea in Pij Quinti Pontificatu S. Hieronymi Illyricorum; mox S. Mariæ de Angelis in Thermis titulo; & paulò post in eiusdē Caroli IX. gratiam Archiepiscopatu Arelatense in Gallia obtento, hunc idem Pius V. anno 1571. cum Cardinale Ioanne Aldobrandino, ad Bannitos dimittendos, deputauit. Qui; à Turcis Regno Cypri occupato anno 1572. Ecclesiam Chysamensem, quo à Greg. XIII. summo Pont. Episc. Salamino, cui in illa occupatione Episcopatus fuerat ereptus, traderetur; donec Epō idē restitueretur, renunciavit; sub quo etiam ad titulum S. Hadriani; post S. Clementis translatus, à Sixto V. an. 1585. cum ad paupertatis leuamen, idem Pontifex artem lanarem vellet in Vrbe introducere; præficitur Prosper Sanctacrucius huic negotio, qui multas, cum eiusdem artis vniuersitate constitutiones decreuit à summo Pontifice confirmatas, & cum alijs sex Cardinalibus prouincia causarum eorum, qui statui Ecclesiastico subduntur, audiendarum, demandatur, à quo; ex Presbyt. tr. S. Clementis electus Episcopus Albanus, Romæ anno 1589. Pontif. VI. 6. nonas Octobris, die Lunæ, secunda noctis sequentis hora

hora, ab hac ad æternam vitam transmigravit; corpore in Ecclesiam S. Mariæ de Publiculis deportato, & in Basilica Sanctæ Mariæ maioris collocato; vbi propè portam sacrarij sepulchrum marmoreum à gentilitijs positum, inscripto hoc elogio cernitur.

D.

O.

M.

Prospero Sanctacrucio S. R. E. Card. Episcopo Albano, qui ob eximias animi, ingenijq; virtutes; post primaria palatina officia, & Ecclesiasticas dignitates, à Pio IV. Pont. M. Cardinalis creatus, Legationibus Germanica, Lusitanica, Hispanica, & Gallica, flagrante intestino bello provincia, egregia cum laude functus, maximisq; toto vitæ cursu pro Rep. susceptis laboribus. obiit ætatis annorum 76. 1589. Marcellus ex fratre nepos posuit.

XXV.

Sixti V. Pontificatum; præter cætera, celeberrimi nominis gloria exornat Carolus Borbonius de Vendosme Gallo-picardus francorum Regum propagine clarus, Ludouici Condensis Principis, & Antonij Nauarræ Regis frater; Caroli Borbonij Vendosini Ducis, & Franciscae Alenconix filius, anno 1520. natus, qui ex Abbate S. Germani de pratis Xioniensium; mox Auernorū, & Claromontensium electus Episcopus, anno 1549. Pont. XV. 5. Idus Ianuarij, à Paulo III. Diaconus S. R. E. Cardinalis S. Sixti creatus, Archiepiscopatum Rothomagensē administrandum suscepit, in quo difficillimis illis temporibus diuersis hæresibus scætantibus, verbo, & exemplo commissum sibi gregem pascens; in orthodoxa fide confirmavit, cui; ob hæc postea in summo honore apud summos Pontifices habito, per honorifica Viterbiensis, & Patrimonij Legatio delata; & à Gallorum Regibus, Francisco I. Henrico II. Francisco II. & Carolo IX. quorum tutor, à Regina Catherina matre fuerat datus, iustitiæ administrande,

Conti-

Consilij, Regnique vniuersi primus locus concessus est. Qui comitatus eandem Reginam matrem Aquam Augustam (vulgo Baionam) quo venerat, vt cum Regina filia Philippi II. Hispaniarum Regis vxore de dissensionibus pro Indiarum occidentalium nauigatione, inter Gallos, & Hispanos ortis, tractaret; eodem anno Idibus Aprilis; relicta Alexandro Cardinali Farnesio Viterbiensi, & Patrimonij (interposita Pontificis auctoritate) Auinionensem legationem accepit. Anno porrò 1567. grassante inter Regem, Principem Condensem, & alios consanguineos de Fide catholica malè sentientes, bello, Carolus acerrimus fidei propugnator, sic effecit, vt nonnulli anno 1572. cum Rege conciliati, dimissa falsa religione, & vera recepta, à Gregorio XIII. in Catholicæ Ecclesiæ sinu accepti, absoluiti, & dispensatione, vt arctius propter hanc reconciliationem, in matrimonij vinculo colligarentur, donati sunt, sed ingentia Regni crimina, non permisere, res in eo statu, in quo eas Card. posuerat diutius conseruari, mortuo quippè Carolo IX. & in Regnum Henrico fratre successore, tunc Poloniæ Rege, paulatim se Hæreticorum magis; quam Catholicorum fauore demonstrante, Carolus; vt religiosissimus, & sanguinis nobilitate Regni Princeps, quo Catholica Romana religio conseruaretur, hæresis extirparetur, & (quod caput erat) Christianissimus Regi successor eligeretur, cum alijs Principibus Galliæ Catholicis; præsertim Lotharingijs, & Guisijs cum summo Pontif. Philippo II. Hispaniarum Rege. Duce Sabaudia, & alijs Italiæ Principibus coniunctus, quæ sacra Liga, vulgo dicta est, & cuius ipse anno 1587. 16. Kal. Augusti Princeps declaratus est, renunciata Auinionensi legatione quæ Aloysio Cardinali Guisio tradita est, de instituto proposito agere cœpit. Conuocatis igitur multis in locis Regni, ad id agendum Conuentibus, vbi etiam Rex intererat, non poterat non Regem de catholico Successore eligendo, exorare, qui simulans; voluntati eorum, qui in eo fœdere continebantur, arridebat: sed timens, ne Dux Guisius, qui propter catholicas qualitates,

ab om-

ab omnibus, & Gallis, & exteris vnicè diligebatur, successor declararetur, stratagema indignum Christianissimo Rege. & eo, qui se toties pium, ac vera virtute præditum demonstrat, machinari, fraudem tentare, & insidias ubiq; tendere. Indicto igitur Blesis conuentu anno 1588. de quo supra, Duce, Cardinaleq; Guisjs, ipso mandante, crudeliter occisis, Carolus Cardinalis Borbonius, Petrus Lugdunensis Archiepiscopus. alijq; Præsules in vincula conijciuntur, frustra; summo Pontifice Regem exorante, ac etiam sub excommunicationis poena monente, vt ipsos dimitteret, duro carceri mancipantur. Verum eodem Rege(iusto Dei iudicio) anno sequenti interfecto, publica acclamatione Carolus Card. Rex declaratus, aetate grauis, & à procellis, quib. Regnū tūc agitabatur, perturbatus, prius quam carceris libertate donaretur, in castro, Fontaneio nuncupato, inter Pistones; liber ex hoc corporis ergastulo, excessit die Martis 8. idus Maij, anno 1590. Pontificatus Sexto, ætatis 70. cuius corpus in Normandiam portatum Salionii in Carthusiensium Templo ab ipso antea ædificato, cum titulum S. Grisogoni optasset, & Principatum inter Presbyt. S. R. E. Cardinales teneret, sepulture demandatum est.

Mors Sixti Papæ V.

Anno Domini 1590. 6. Kal. Sept. die Lunæ hora 22. Sixtus V. summus Pont. anno ætatis 69. in Apostolico Palatio in Monte Quirinali ex hac vita migravit, cuius corpus depositū in Ecclesia S. Petri in Vaticano, & anno sequenti, quarto nonas Septembris Alexandro Peretto Cardinale de Monte Alto eius pronepote curante, transportatum ad Basilicam S. Mariæ maioris in sacello Præsepis, quod splendide ædificarat, ponitur in altera nobili sepultura, quam sibi viuens erexerat in eodem sacello, altera etiam simili è regione Pio felicitis memoriæ Papæ V. maximo sumptu erecta.

Vat.

Vacavit Sedis Apostolica dies 18.

Eodem anno 5. Kal. Sept. die Martis de more funeralibus in Basilica Vaticana principium datum est, orauitq; in ipsius laudem Baldus Cataneus.

Eiusdem anni 7. idus Septembris, die Veneris Spiritus sancti missa ab Alfonso Gesualdo Episcopo Cardinale Portuense, & S. Rufine cantata, conclauit, solito loco paratum 54.

tunc praesentes Cardinales ingrediuntur, ac die

Sabbathi 17. Kal. Octobris vnani-


mi voto ad summum Pon-

tificatum

euehunt Io. baptistam Castaneam Romanum Pre-

sbyt. Cardinalem tit. S. Marcelli, Urbanum

postea 7. nuncupatum.



Y

VRBA.

VRBANVS SEPTIMVS PONT. MAX.



ANNO. CHRISTI MDXC.

Urbanus Papa VII. non habuit signum.



MODERATIONIS, clementię, animi pacis, ac concordię studiosi fama; ijs. n. virtutibus opt. Pręsul, de quo nunc sermo; non opum, aut imperandi cupiditate flagrabat, per omnes Aulę Romanę procurationum gradus, Urbanum VII. ad summi Pont. fastigium extulit Io. Bapt. Castaneam nobilem Romanum

S *manū* anno 1521. pridie Nonas Augusti natus; quamvis Cos-
mus Pater nobilis Genuensis esset, & Mater Constantia Riccia
Romana Iulij Riccij, & Marcie sororis Dominici Iacobatij
Cardinalis filia, sub cuius disciplina, Io. baptista, & multo
magis Hieronymi Cardinalis Veralli amicus sui, in Curia Ro-
manæ negotijs multam contraxit experientiam, cum prius
comparata legum scientia, Doctoratus Lauream Bononiæ, ubi
multis annis studuit, ut antea Perusiæ, ac Patavij, fuisset conse-
cutus. Seruij igitur Cardinali Verallo, sub Auditoris nomi-
ne. Factus postea Aduocatus Consistorialis, & utriusq; Signa-
turæ Referendarius, cum eodem Cardinale, ob signandis sup-
plicibus libellis à Iulio Tertio, in Gallias ad Henricum, pro
re Parmensi, & Mirandulana Legato profectus est, cui Ro-
mam inde reuerso, ab eodem Iulio Tertio præfidiatus Ci-
uitatis Fanensis committitur; & paulò post, in gratiam eiusdem
Cardinalis renunciantis Archiepiscopatus Ecclesiæ Rosa-
nensis administratio, quem cum ipsius singularem in rebus ad-
ministrandis virtutem, & prudentem dexteritatem perspexis-
set, in Perusina Gubernatione; & Paulus IV. in Prouinciæ Um-
briciæ; & tandem Pius Papa IV. quibusdam differentiis circa
còfinia inter Ciuitatem Tranensem, & Spoletanam vertenti-
bus, fini imponendo adhibuerunt. Cum porrò celeberrimo Tri-
dentino Concilio interfuisset, ab eodem Pio IV. in Hispaniam
ad Philippum II. Regem, Sedis Apostolicæ Nūcius mittitur, ubi;
toto eiusdem Pij IV. Pontificatu, & Pij V. successoris, commo-
ratus, Isabellā Clarā Eugeniā infantē, maiore Regis filiam, tūc
natā, quæ nuper Alberto Archiduci Austriæ, desponsata est,
è sacro Baptismatis fonte leuauit. In Italiam à Gregorio XIII.
accitus, ab eodē, cui; cum primū Romam peruenit, Rossanen-
sem Ecclesiam renunciauit, eiusdem sedis Venetias Legatus
mittitur, vnde peste imminente ab eodem Pont. etiam literis
inuitatus; Bononiam flectens, eiusdem Ciuitatis Gubernio an-
no 1577. Nonis Ianuarij accepto, vnico tantum anno clauum
terruit, quippè cum pax, inter Belgas, & Philippum Regem

tractaretur, Coloniā mittitur, vt id omne; salua Fide cathol. & apost. dignitate, agatur. Inde Romā reuertenti, ad consulēdū rebus Ecclesiasticis, & sacre Inquisitionis admisso, an. 1583. in septima nouemdecim Cardinalium ordinatione Romæ die Lunæ pridie Idus Decembris habita, optato S. Marcelli titulo Signaturæ gratiæ, & sanctissimæ Inquisitionis præfectura data, sacre purpuræ honor defertur. Electus postea, cum alijs Cardinalibus ad status Ecclesiastici exules remittendos, biennio post Bononiæ Legatus, in ea Ciuitate, vsq; ad Gregorij mortem commoratur. A Sixto V. ad audiendas subditorum Ecclesiæ Romanæ quæstiones, & regularium extra claustra cōmorantium, & omnium Episcoporum, & ad alia maxima negotia pertractanda, deputatus, eadem semper animi moderatione, ac prudentia, qua multis propè anteibat, exercuit, quocirca mortuo Sixto V. summo Pontifice à 56. Cardinalibus in Conclauī, loco solito coactis concordie electione, in eius locum; propter egregias dotes, quib. felicissimè ab eo Pōtificatus poterat administrari, vniuersali applausu, die Sabbathi 17. Kal. Octob. hora 12. an. 1590. Vrbanus VII. nuncupatus, sufficitur, qui coronationis insignia de more suscipere non potuit ob breuitatem temporis; vixit. n. tantum 12. diebus Imperatore Rodulpho II. Austrio electo Cæsare.

*Cardinales LXVII. viui, quando Vrbanus
Septimus Pontifex declaratur.*

Episcopi Cardinales V. l.

PIVS IV.

Io. Antonius Sorbellonius Episcopus Cardinalis Ostiensis,
& Veliternus, sacriq; Collegij Decanus.
Alfonsus Gesualdus Episc. Card. Portuensis, & S. Rufinæ.
Innicus Aualos Episcopus Cardinalis Tusculanus.
M. Antonius Columna Episcopus Cardinalis Prænестinus.
Ptolemæus Gallius Episcopus Cardinalis Sabinus.

Gabriel

Vrbanus Papa Septimus.
Gabriel Palæotus Episcopus Cardinalis Albanus.

341

Presbyteri Card. XLVIII.

PIVS IV.

Marcus Sitticus, tt. S. Marię Transiberim S.R.E. Archipres.

PIVS V.

Fr. Michàel Bonellus, tt. S. Laurentij in Lucina.

PIVS IV.

Ludouicus Madrucus, tt. S. Anastasię.

PIVS V.

Nicolaus de Pelleue, tt. S. Praxedis.

Iulius Antonius Sanctorius, tt. S. Bartholomęi in Insula.

Hieronymus Rusticuccius, tt. S. Sufannę.

Io. Hieronymus Albanus, tt. S. Ioannis ante portam Lat.

IVLIVS III.

Hieronymus Simoncellus, tt. S. Priscę.

GREGORIVS XIII.

Petrus Deza, tt. S. Hieronymi Illyricorum.

* Gaspar de Quiroga, tt. S. Balbinę.

* Albertus ab Austria tt. S. Crucis in Hierusalem.

PIVS V.

Antonius Carafa tt. SS. Ioannis, & Pauli.

GREGORIVS XIII.

Io. Antonius Fachinettus, tt. SS. Quatuor Coronatorum.

Io. Baptista Castanea, tt. S. Marcelli.

Alexander Medices, tt. SS. Quirici, & Iulitę.

* Rodericus de Castro Basilicę SS. duodecim Apostolorum.

* Carolus de Vendosme, tt. S.

* Franciscus de Ieyeuse tt. Sanctissimę Trinitatis.

Iulius Cananius, tt. S. Eusebij.

Nicolaus Sfondratus tt. S. Cęcilie.

Ant. Maria Saluiatus tt. S. Marię de Pace.

Augustinus Valerius tt. S. Marci.

Y 3

Vin.

- Vincentius Laureus, tt. S. Clementis.
 Philippus Spinula, tt. S. Sabinæ.
 * Georgius Radziuul, tt. S. Sixti.
 Simeon Talliauia, tt. S. Mariæ Angelorum.
 Scipio Lancellottus, tt. S. Saluatoris in Lauro.
 Fr. Io. Vincentius Gonzaga, tt. S. Alexij.

SIXTVS V.

- * Henricus Caëtanus, tt. S. Pudentianæ S. R. E. Camerarius.
 Io. Baptista Castrucius, tt. S. Mariæ de Araceli.
 Fr. Federicus Cornelius, tt. S. Stephani in Monte Coelio.
 Dominicus Pinellus, tt. S. Laurentij in Pane, & Perna.
 Hippolytus Rubeus, tt. S. Blasij de Annulo.
 Hippolytus Aldobrandinus, tt. S. Pancratij S. R. E. maior
 Pœnitentiarius.
 Hieronymus de Ruuere, tt. S. Petri ad Vincula.
 * Philippus de Lenoncourt, tt. S. Onuphrij.
 Fr. Hieronymus Bernerius, tt. S. Mariæ super Mineruam.
 Antonius Maria Gallus, tt. S. Agnetis in Agone.
 Fr. Constantius Sarnanus, tt. S. Petri in Monte aureo.
 Guilielmus Alanus, tt. S. Martini in Montibus.
 Scipio Gonzaga, tt. S. Mariæ de Populo.
 Antonius Saulius, tt. S. Vitalis.
 Euangelista Pallottus, tt. S. Matthæi in Merulana.
 * Petrus Gondius, tt. S. Syluestri.
 Ioannes de Mendoza, tt. S. Mariæ transpontem.
 Io. Franciscus Maurocenus, tt. S. Mariæ in Via.
 Marianus Perbenedictus, tt. SS. Marcellini, & Petri.
 Fr. Gregorius de Montelparo, tt. S. Augustini.

Diaconi Cardinales XIII.

GREGORIUS XIII.

- * Andreas ab Austria S. Mariæ Nouæ S. R. E. Archidiaconus.
 Franciscus Sfortia S. Mariæ in via lata.

* An-

Vrbanus Papa Septimus.

343

* Andreas Bathorius S. Angeli in Piscina.

SIXTVS V.

Alexāder Perettus S. Laurentij in Damaso S.R.E. Vicecāc.

Hieronymus Matthæius S. Eustachij.

Benedictus Iustinianus S. Mariæ in Cosmedin.

Afcanius Columna S. Nicolai in carcere.

* Fr. Hugo Leubenx S. Mariæ in porticu.

Federicus Borromæus S. Agathæ.

Augustinus Cusanus S. Hadriani.

Franciscus Maria de Monte S. Mariæ in Domnica.

* Carolus Lotharingus S.

Guido Pepulus SS. Cosmæ, & Damiani.

Obitus Vrbanus VII. Summi Pont.

Anno Domini 1590. die Iouis 5. Kal. Octobris, hora 13. in Apostolico Palatio Vrbanus Papa VII. annorū 70. datis vniuerso terrarū Orbi, summæ suæ religionis in Deum, & in pauperes, quibus omnes suas facultates legauit, eo exiguo tempore, quo vixit, signis; vt in omnem viueret eternitatē, mortuus est. Erexerat antea in Ecclesia S. Augustini Eremitani sacellum, in cuius sepulchrū corpus iusserat asportari: verum; quādo id moris est, vt summorum Pontificum corpora, vnus saltem anni spatio, in D. Petri Basilica deponantur, ibi tunc temporis eius corpus contumulatum est.

Vacauit Sedes Apost. menses 2. dies 8.

Quarto Kal. Octobris eiusdem anni à Cardinalibus præsentibus; vt fit, funeralia in Vaticana Basilica; orāte in summi Pontificis defuncti laudē, Pompeio Vgonio Romano, celebrantur.

Die Lunę eiusdē anni, 8. idus Octobris, Spiritus sancti Missa ab Alfonso Gesualdo Episcopo Cardinale Portuense, celebratur; & Cardinales 52. præsentēs; & paulò post Caëtanus,

Y 4

& An-

& Andreas ab Austria, aduenientes, ingressi Conclauē, solito loco paratum, post multas difficultates superatas, Nicolaum Sfondratum Mediolanensem, Presbyt. tt. S. Cæcilie Cardin. Cremonensem, Gregorium XIV. dictum, die Mercurij, hora 17. nonis Decembris, summum Pontificem, & Ecclesie catholice Pastorem declarant.

Mors vnius Cardinalis Sede vacante.

1 Fr. Federicus Cornelius.

I.

Corneliae familiae venetæ; præter cæteros sex Cardinaliū, qui minori centum annorum spatio, ex ea prodierunt, (res consideratu dignissima) quorum nomina, in elogio Aloysij fratris à me posita sunt, gloria, nobilissimæ; splendorem splendori addidit Fr. FEDERICVS eiusdem gentis Ioannis Equitis, & Senatoris Veneti filius, anno 1531. 18. Kal. Iulij die Mercurij natus. Is præclaram iuuentutem in humaniorib. literis; deinde in legali sapientia, quam postea in rebus Reip. qualis est Veneta, florentissimè exercuit, habituq; Rhodię militie sumpto, Aloysio Card. fratre renunciante, Prioratū Insulæ Cypri obtinuit, ac post minores ecclesiasticas Dignitates, Episcopatus Traguriensis; mox Bergomensis dignitate cohonestatus; à Pio Papa IV. ad Concilium Tridentinum mittitur, vbi, & suæ virtutis, & Venetæ indolis monumenta reliquit; & cum Concilium terminatum esset, ad Ecclesiam suam reuertens; sic Conc. Decreta obseruauit, vt totum clerum reformat, & diuinum cultum propè extinctum, reuocarit, neque solum ibi: sed etiam Patauij, cui; ea Ecclesia vacans, omnibus anteposito demandata est, qui Romā concedens, sub Sixto Quinto Pontifice Clericatu Camerae Apostolicæ honoratur; & paulò post Cardinalatu in secunda octo Cardinalium promotione, die Mercurij 15. Kal. Ianuarij, anni 1585. Cardina-

dinalis tt. S. Stephani in Monte Cœlio insignitur. Deputatus postea super annonâ frumentariam totius status Ecclesiastici, anno 1589. pridie Kal. Febr. coadiutorē sibi cū futura successione Ecclesiæ Patauina, Abbatem Cornelium, tunc Episcopū Paphesem electum, impetrauit; quæ successio citissimum principium sortita est, quandoquidē Cardinalis Romę anno 1590 die Iouis 4. nonas Octobris, Sede vacante, dum Urbani Papæ VII. defuncti exequiæ fierent, & antequam Cardinales Conclauē ingrederentur, vitam hanc infelicem; vt felicem inciperet, finijt. Eius corpus depositum in Ecclesia Clericorum Regularium Theatinorum in Monte Quirinali, & nobilissimo sepulchro ad leuam, ab ingressu eiusdem Ecclesię, à Greg. XIII. à quo præcipuē dilectus est; cum tali epitaphio, honoratū est.

Gregorius XIV. Pont. Max. Federico Cornelio S. R. E. Presb. Card. Episcopo Patauino, hoc coniunctissima amicitia posuit monumentum anno 1591. anno primo.

Translatum postea corpus ab hæredibus, Patauium, in Cathedrali Ecclesia, vbi in marmore huiusmodi verba leguntur, humatum est.

Federico Cornelio S. R. E. Cardinali, Episcopo Patauino, aduentis Roma ossibus, hæredes ex testamento PP. Vixit annos 59. menses 3. dies 20. obiit nonis Octobris 1590.

Præter domestica insignia, istud quoque Federicus duas .s. Rosas, clausam alteram, alterā apertam gestauit, cum hoc versu.

Vna dies aperis: conficit, una dies.

GRE.

GREGORIUS XIII.
PONT. MAX.



ANNO CHRISTI MDXC.
GREGORII PAPAE XIV. SIGNVM.

Dextera Domini exaltauit me.



THNICVS ille, naturā nouercam solebat appellare,
quod volucris plerisq; ferè inutilibus, vt sunt cor-
nices, tam longam; homini verò summa vtilitate
prædito, tam breuem vitam concessisset, idem nos fortassis
dice-

diceremus, nisi fidei lumen nobis affulisset, cum in medijs honorum fastigijs; ijs præsertim viris, à quibus maxima vniuerso terrarum Orbi emolumenta promanant, vitam adimere consueuerit, cuius rei exemplum lugubre nobis reliquit in Gregorio Papa XIV. ante Pontificatum Nicolao Sfondrato patria Mediolanense, origine Cremonese, Francisci Iuriscòsulti celeberrimi, quem è Senatoria Mediolani dignitate, mortua Anna Vicecomite legitima vxore, Paulus Papa III. ad Cardinalatum promouit, filio, qui septem mensium, è mortuæ matris, visceribus extractus, 3. idus Febr. anno 1535. in lucem hanc editus, prima ætate legum studio Perusiæ, & Patauij data opera; vbi etiam doctoralibus infulis fuit cohonestatus, cū multum ad vitam Ecclesiasticam inclinaret, dum Senator Mediolanensis esset, habitum Clericalem sumens; Abbatis primum; deinde, cum annum ageret 21. anno Domini 1560. 4. idus Martij S. Gregorij Magni solenni die; renunciante Federico Cæsio, Episcopali, Cremonen. Ciuitatis dignitate insignitus, cuius Ecclesiam; donec ad Pontificatum assumptus est in ea; verum se Caroli Borromæi Cardinalis tt. S. Praxedis Mediolanensis Archiepiscopi, quo cum religiosissimè intercedebat necessitudo, & familiaritas, imitorem, & decretorū Concilij Tridentini, cui per triennium interfuerat, vigilantissimū obseruatorem se demonstrans, summa pietate, & prudentia rexit, ac gubernauit, quas omnes religiosissimi viri virtutes, vbi cognouit Greg. XIII. eundem, cum octodecim Patribus, quos septimò promouit Romæ, die Lunæ anno 1583. pridie idus Decembris, creatum Presbyt. tt. S. Cæciliæ, absentem, in sacrum Collegium retulit; qui sequenti; fine Cardinalis Borromæi parentalibus imposito, cum Romā transisset, pileo accepto, ad pascendum dominici Verbi cibo, ac custodiendum sibi gregem commissum, tendit; & anno 1587. à Sixto Papa Quinto Taurinum mittitur, vt ipsius nomine Philippum Emanuele, Caroli Emanuelis Sabaudia Ducis primogenitum è Baptismi fonte leuaret; quem Romā reuersum, ad reformandos

dos ritus, & cęremonias ecclesiasticas deputatum, mortuo Urbano Papa VII. post longam, atq; sollicitam Sedem vacantem Cardinales pręsentes, omnibus votis anno Domini 1590. in peruigilio S. Nicolai, quem intercessorem sibi apud Deum elegerat, die Mercurij Nonis Decembris hora 17. summum Pontificem elegerunt; cum annũ tantũ quintũ, & quinquagesimum ageret. Sabbatho porrò sequenti festo Conceptionis B. Marię Virg. ab Andrea Austriaco S. Marię Nouę Cardin. inter Diaconos primo, suę coronationis insignia suscepit. Sedit in Apostolica Sede Imperatore Rodulpho II. Austrio electo, Menses decem, dies decem.

*Cardinales viui, quando Gregorius Papa XIII.
est creatus erant numero LXV.*

Horum nomina nõ apposui, cum iidem sint, de quib. supra, cum de Urbano VII. Pont. renunciato, verba feci; demptis tamen eodem Urbano, & F. Federico Cornelio vita functis. Inter hos Henricus Caętanus, & Andreas ab Austria qui tũc aberant, huic creationi interfuere.

Prima creatio vnius Cardinalis.

*Anno Domini M D X C. Pontificatus primo,
die Mercurij decimoquarto Kal. Ianuarij Roma.*

*GREGORIUS Papa XIV. primò creauit unum
Card. qui fuit.*

PAVLVS Sfondratus Mediolanensis I. V. D. Pauli Papę fratris filius Presbyt. Cardinalis tt. S. Cęcilię absens.

Secun-



Secunda creatio quatuor Cardinalium.

Anno Domini M D X C I. Pontificatus I.

die Merc. pridie nonas Martij Romæ.


GREGORIUS Papa XIV. *secundò creavit quatuor Cardinales, qui fuerunt.*

- 2 **O** Crauius Parauicinus Romanus Episcopus Alexandri
nus, Sed. Apost. apud Heluetios Nuncius, Presbyt.
Card. tt. S. absens.
- 3 Odoardus Farnesius Romanus, Alexandri Ducis Parmæ, &
Placent. filius, Diac. Card. S. absens.
- 4 Octavius de Aquaiua, & Aragonia Neapolitanus, Io. Hie-
nyni Ducis Atriæ filius, vtr. Sign. Refer. Papæ Palatio
Præfectus, Diac. Card. S. Georgij in Velabro.
- 5 Flaminius Platus Mediolanen. Rotæ Audit. Diac. Cardin.
S.M. in Domnica. II.

II.



III.



IV.



V.



Gre-

Gregorius Papa XIV. duabus ordinationibus mēfibus Martij, & Decembris factis, quinque Cardinales creavit; Presbyteros videlicet duos, & Diaconos tres.

Alexander Perettus de Monte Alto Diaconus Cardinalis S. Laurentij in Damaso, S. R. E. Vicecancell. sub Greg. XIV.

Cardinales quatuor mortui sub Greg. XIV.

1 Antonius Carafa.

3 Io. Hieronymus Albanus.

2 Io. Ant. Sorbellonius.

4 Hieronymus Rubeus.

I.

Cum propter multa præclarè dicta; tum verò maxime ob vnum votū, Rex Agamemnon suum posteritati nomen commendavit. Votum sapientissimi istius Regis illud erat, ut profiteri non dubitaret, breui se illum fuisse expugnaturum, si decem sibi contigissent Nestores; is enim præter summam prudentiam, maxima eloquētia excelluit. Quod quidem exoptasse videtur Ecclesia Rom. quando, tacitis quibusdam vocibus, visa est desiderare, multos Præsules, ijs virtutibus præditos, quibus dotabatur ANTONIUS Carafa nobilissimus Neapolitanus, Reginaldi Equitis insignis, & Ioannellæ de eadem familia, mulieris spectatæ virtutis, filius, anno Domini 1538. 8. Kal. Aprilis, B. Virginis Annuntiæ die, in quodam suæ gentis Castro, quod Montemfalconem vocant, natus; in cuius Annunciationis peruigilio, triginta annis post, Antonius à Pio V. ad Cardinalatus dignitatem fuit assumptus. Is igitur (quia; ut in semine posita spes messis est, ita totius reliquæ vitæ expectatio, ab educatione pueritiæ pender) in honorarijs, ætatlæ annis honorificè (ut nobilitatem suam decebat) virtutibus instructus; expectationem, quam gentiles conceperant; non modo adæquavit: sed etiam longè superavit, annorum quippè sexdecim assumpto iam, eiusdem familiæ ad summum Sacerdotium Paulo IV. iter Romam arripiens, à Pontifice

fice; non modò secreti cubicularij: sed etiam pontificij pincer-
 ne titulis auctus, comite in studijs Alfonso, Montisbelli Mar-
 chionis filio, postea Cardinale; Guilielmo Sirleto, viro vnde-
 quaq; absolutissimo, propter virtutes suas sacra purpura do-
 nato; lingua græca instruendus datus, sub eo sic in virtutibus
 omnibus; & cum primis in eadem lingua profecit, vt in ipsa
 Athenarum Ciuitate: non Neapoli natus videretur, quo cir-
 ca ab eodem Pontifice Romæ Canonicatum S. Petri obtinuit;
 à quo etiam (si diutius vixisset) sacram purpuram proculdubio
 erat accepturus. Mortuo igitur Paulo, atque illi succedente
 Pio Quarto, particeps earum molestiarum, ac miseriarū, quas
 domus Carafa eo tempore patiebatur; Canonicatu priuatus,
 Roma, Patauium flexit, vbi in legum studia incubuit; & per
 aliquod tempus, animum curis eleuatum, leuauit. Verum, cum
 non se securum, illis in partibus videret, in eas oras, quas pater
 inter Brutios possidebat, cōcedens, ibiq; se in diuino seruitio,
 & in studijs occupans, præclara commentaria super Psalmos
 Dauid doctissimi Theodoretī è græco in latinum sermonem,
 nonnullosq; alios auctores super quinque libros Moyſis, cum
 aliquibus orationibus Gregorij Nazianzeni, traduxit. As-
 sumpto postea ad Pontificatum Pio Quinto, Romam reuo-
 catur, eius causa diluitur, & restituito Canonicatu, quo fue-
 rat priuatus, à secretis cubiculi Pontificij admittitur; & cum
 summus Pontifex animum haberet (gratitudinis causa) aliquē
 familiæ Carafæ ad Cardinalatum promouendi; quanquā non
 deessent, qui maiorem sanguinis cum Paulo Quarto, cui se sa-
 cram purpuram debere intelligebat, contraherent cognatio-
 nem: cognita tamē integra incorruptorum morum Antonij
 vita, singulari doctrina, atq; animo pro re Ecclesiastica imper-
 territo, ipsum tanquam Pauli alumnum, ea dignitate maximē
 dignum, secunda vice cum tribus Cardinalibus, Romæ an-
 no Domini 1568. 9. Kal. Aprilis die Mercurij, Diaconū Car-
 dinalem S. Eusebij creatum; sequenti, mortuo Ioā. Antonio
 Cardinale Capizucco, Signaturæ gratiæ præfecit, collocans
 eundem

eundem in congregationibus sacre Biblię, quę postea, ipsius opera, & diligentia castigata ad pristinum, quem amiserat candorem restituta est, Concilij Tridentini, Breuiarij, & Missalis reformandi. Et mortuo Io. baptista Cardinale Cicada, eius loco patrocinio Monachorum Montis Oliueti suscepto, eorum congregationem reformatam, in eadem; literarum studio introducto ad uitam regularium obseruantiam reduxit. A Gregorio XIII. post Cardinalem Alciatum Princeps congregationis Concilij, & mortuo Guilielmo Sirleto, Bibliothecarius Apostolicus declaratus, Collegij Maronitarũ protectionem, vt ante Collegij Gręcorum patrocinium suscepit, Diaconatu S. Marię in Cosmedin, deinde S. Marię in via lata optato & Diaconatu ad Presbyteratum tt. S. Eusebij; postea SS. Ioannis, & Pauli se transtulit. A Sixto V. cum alijs sacri Collegij Principibus Patribus super B. Didaci canonizationem; Regulares; interpretationem, & executionem Concilij Tridentini; impressionem Vaticanam deputatus; vltimo Sixti V. Pont. anno, graui hepatis inflammati morbo oppressus, cum medicorum consilio ad balnearia Lucę se contulisset, ipso Pont. vita functo, inde Romam reuerti cogitur, vt Pontificijs comitijs intersit. Creato postea Urbano VII. & eo inter duodecim dies ẽ vitis erepto, cum iterum conclaue ingrederetur, sic passus est; vt renunciato Pont. Gregorio XIV. ex eo ab insolita pituitę distillatione; spatio 4. dierum vita fuerit priuatus. Obijt igitur Romę, morti pręsentibus, atq; ad extremum agonem opem ferentibus Ludouico de Torres Montis Regalis Archiepiscopo spectatę virtutis Pręfule, nec non Patre Marcello Tolsa Clericorum regularium Theatinorũ anno Domini 1591. Pontificatus primo, pridie Idus Ianuarij die Sabbathi, summo suę summę religionis, pietatis, ac doctrinę desiderio omnibus relicto, de quib. virtutibus cũ hæ, pręter reliquas in hoc Cardinale maximẽ eluxerint, aliquid dicendum esse non ab re fore iudicauimus. Hic adhuc Canonicus. gloriosum S. Ioannis Chrysostomi corpus; ex abiecto, & indigno, ad excelsum,

Z

& di.

& dignissimum locum translatum, in S. Petri Basilicæ sacra-
rio collocavit Pietatem marmoream à Michaële Angelo Bo-
narota Florēt. elaboratā, ad cœlestis Regis honorē excitandū
populo, in conspicuo loco constituit. Ecclesias omnes, & præ-
sertim Sanctorum Ioannis, & Pauli in Monte Cœlio titulum;
& Neapoli sacellum gentilitiū in Ecclesia S. Dominici erectū,
restauravit; regio sumptu amplissimisq; donarijs illustravit.
Eandem pietatem; Ecclesia Collegij Maronitarum, ob mor-
tem Gregorij XIII. imperfecta relicta, testamenti eius Lega-
tione perfecta, cui Collegio maiorem facultatum suarum par-
tem, onere imposito, vt quotannis, die S. Thomæ Aquinatis,
quingenta aurei, pauperibus distribuerentur, & decem iu-
ueni darentur, qui orationem in eiusdem Diui Thomæ laudē
haberet, pecunia pauperibus, ac pijs locis delegata, ita testā-
tur, vt nulla penē domus, aut Congregatio Religiosorum, &
Romæ, & extra Romam esset, quæ eum tanquam Patrem libe-
ralissimum non agnosceret; nullum Templum, nulla Ecclesia,
nulla fermē iuuentus, & discendi, & iuuandæ Reip. Christ. cu-
pida, quæ non eum, & religiosissimum, simulq; liberalissimum
acclamarent; ac mortuum, diu, multumq; lugerent. Atqui;
si non hæc satis (quæ certē vberimē, atq; affatim) Antonij re-
ligiosam pietatem, & piam religionē patefaciunt; quid (Deus
immortalis) patefaciet? Quod si quis eam sitam in vita, ac
morum probitate arbitretur, inspiciat ieiunia, castigationes
corporis, orationes, eleemosynas, lucubrationes, carnis edo-
mationem, incorruptam, & illibatam virginitatem conserva-
tam, & quod nunquam rem sacram agere quotidie, nisi gra-
uissimo morbo impediretur, intermit. Quid mirum? quia
ab his, ad quæ tamdiu anhelabat, & tandem post tot huius
fluctuantis vitæ procellas peruenit, nulla poterat cogita-
tione diuelli, de cuius doctrina; vt aliquid ponamus, ex
quo prudens lector, singularem scientiarum cognitionem tan-
ti Præsulis, sapienti cognitione assequatur, advertere licet.
Præter Theodoretum de quo supra, & correctionem Cano-
nico-

nicorum contextuum à Gregorio XIII. Pontifice ei commissam, in qua tantum elaborauit, vt postea ijdem contextus, cum septimi Tomi adiectione excuderentur. Huius auxilio ab innumeris pene mendis expurgata Ioannis Cassiani opera, & Elię Cretenlis auctoris gręci super sanctum Gregorium Nazianzenum ad suam integritatem restituta fuisse. Bibliam gręcam septuaginta interpretum, tot scholiorum vtilitate ad summam perfectionem traduxisse. Epistolarum decretalium summorum Pontificum antiquorum, quę in Bibliotheca Vaticana conseruantur summo labore tres tomos in lucem edidisse; maximas lucubrationes in colligendis Concilijs Oecumenicis antiquis; tam gręcis, quam latinis, & sua pristini candoris redintegratione donandis insumpsisse, quę postea Federicus Card. Borromęus iuuenis, vt illius summā, & religionē, & doctrinam missam faciam, viuum magni Caroli Cardinalis Sanctę Praxedis patrui, virtutum simulachrum, qui post Carafę morrē, hanc Prouinciā suscepit, impressit. Antonij Cardinalis corpus in Ecclesia S. Syluestri in Monte Quirinali ante gradus Altaris maioris, vbi marmoreus lapis sic inscriptus cernitur, sepelitur.

Antoni Carafę Sanctę Rom. Eccl. Presbyteri Cardinalis.

Ipsius funus, & gesta. P. Franciscus Bentius Societatis Iesu, elegātissima oratione prosecutus est; ex qua; vt ex tertio Annalium tomo Illustrissimi Cardinalis Baronij, & Reuerendi Patris Thomę Bozj Oratorij Congregationis Sacerdotis, in operē de signis Ecclesię Dei inscripto, lib. 6. cap. 8. & ex Epistola dedicata Innocentio Nono ab Antonio Aquiso in Epistolis decretalibus; & ex alijs multis studiosus Lector copiosius; & laudes, & actiones huius magni Pręfulis, quas nos; & vt nostrum breuitatis ordinem sequamur, & quia alium orationis stylum requirunt, prætermittimus, poterit videre.

II.

NEc minus insigni, ob res præclarè gestas, vita, quam illustri morte comitatus est Io. ANTONIVS Sorbellonius nobilissimus Mediolanensis, Io. Petri, & Elisabethæ Raynoldæ filius, anno Domini 1519. natus, qui; cum fratres Gabrium, & Fabricium; arte militari omnes ferè nostræ tempestatis insigniores italos Equites superare, & iisdem à Principibus Europæ, munera videret demandari honorifica, Ioannemq; Baptistam Episcopatu Cassanensi, & Hadrianæ molis custodiendæ à Pio I V. consobрино dignitate insigniri, ab ijs, quorum virtutem summo opere æmulabatur, nihilum degeneravit; nam cum, & multiplici rerum, tum cognitarum, tum pertractandarum vsu polleret, ab eodem Pontifice ad Fulginatensem Episcopatum, ab hoc, anno 1560. Pont. I. pridie Kal. Februarij, die Mercurij, primò tribus electis Cardinalibus, ad S. R. E. Cardinalatum, tt. S. Georgij in Velabro euectus est. Quid memorem Nouaræ Episcopatum; Camertem, & paulò post Vmbriæ, & Pernsiæ, ab eodem Pontifice Io. Antonio Legationes demandatas? in quibus obeundis, Pontificis expectationem, dignitatem Apostolicam retinendo, & populis iustitiam indifferenter administrando, pace, & rerum omnium affluentia introducta, vehementer exhilaravit? Anno 1564. Diocletiani Thermis ab eodẽ Põr. Carthusianis Patrib. concessis, ijsq; in pulcherrimã Eccl. Deiparæ Virg. sacrã, redactis, eiusdem Ecclesiæ titulum, cõteris Cardinalium titulis adiunctum, Sorbellonius optavit, quem; cum in omnibus sui Pont. negotijs à consilijs adhibuisset, eiusdem opera postremo cum Cardinale Vitellotio Vitellio in fraudibus apostolicæ Sedi factis iudicandis, vsus est. Sub Pio V. è titulo S. Mariæ Angelorum, ad S. Petri in vincula; postea S. Clementis; & ex eo, ad S. Angeli translatus, à Gregorio XIII. eidem Episcopatus Albanus; deinde Prænестinus; post Tusculanus datus est. Sub Sixto V. electus Episcopus Portuensis, & S. Rufinæ, Alexãdro Card.

Cardinali Farnesio in Ecclesia Ostiensi, & sacri Collegij Decanatu successit. Hic primò Gregorij XIV. Pontificatus anno, salutis 1591. ætatis 72. die Veneris 15. Kal. Aprilis, hora 23. ex humana sollicitudine, ad diuinam requiem migravit. Corpus eius honorifico tumulo in Ecclesia S. Mariæ de Thermis, è regione nobilissimæ memoriæ, quam ipse viuens, simul cum Cardinalibus Carolo Borromæo, & Marco Altaëmpfio, Pio Papæ IV. posuerat eiused magnitudinis inscriptis in marmore, his encomijs donatum est.

D.

O.

M.

Ioannes Antonius Sorbellomius Mediolanensis, Pj IV. Pontif. Max. Amstinus, Cardinalis S. Georgij, Episcopus Ostiensis, sacri Collegij Decanus, vir; Ciuili, prudentia, multoq; rerum usu, praestans, personæ dignitatem apud summos Pontifices; auctoritate, consilio, publici boni studio per annos duos, & triginta, summa cū laude sustinuit. Vixit annos 72. obiit 15. Kal. Aprilis 1591. Fabricius Sorbellomius, Io. baptistæ filius, Gabrij nepos, ex testamento haeres, patruo magno bene merenti fecit.

III.

OMnium, quos prudentia, & consumatæ prudentiæ virtus discretio, vel ad summas dignitates euexit, vel illustres posteritati consecrauit, meritò dixerim Coryphæum Io. HIERONYMVM Albanum nobilissimum Bergomensæ, Francisci Equitis egregij filium, atq; in has auras anno salutis 1504. quo Pius V. natus est, receptum. Qui; vt erat à natura, felici præditus ingenio, iuuentute consumpta in legali sapientia, qua I. C. celeberrimos longè superauit, vxorem sumpsit; ex qua etiam filios à patria indole nihilū degenerantes, suscepit. Animo postea ad arma conuerso, in ijs exercendis, talem nactus est rei militaris cognitionem, & cum cognitione vires; vt in multis bellis, perhonorificis muneribus habi-

Z 3

tis,

tis Reip. Venetæ Collateralis Generalis factus sit. Verum e-
 nimuero; ne quis fortè in viro tam strenuo, zelum honoris di-
 uini frigere existimet, facinus illud insigne Bergomi patratum
 memoria reperat, necesse est. Sedente Paulo Tertio inquire-
 bat Bergomi ea tempestate in hæresim Fr. Michaël Alexandri-
 nus (de quo à nobis multoties) & præsertim in quendam; hære-
 tico contaminatum contagio, & propter diuitias, & propter
 gentiliū, & amicorum Bergomi nobilitate præcipuum; vt
 igitur tumultus, quorum iamiam enascentium manifestissima
 se se ostendebant inditia, sedaret, ad Io. Hieronymū, quē sum-
 mo dominici ardoris zelo ardere sciebat; accurrit; implorans,
 vt opem sibi in hac re ferat. Vir inquisitus de hæretica prau-
 tate, iam è carcere, vi à parentibus extractus fuerat, iamq;
 & de eo rursus carceri mancipando, & de tot ciuib; castigan-
 dis penè conclamatū videbatur, quando; ecce Io. Hierony-
 mus sic agit, vt prius coram Quæstore reum carceri restitutū,
 ad cognitionem veritatis; quamuis frustra, adducere conetur,
 & eo operante Fr. Michaël in omnes complices solenniter sa-
 crum Officiū exerceat, huncq; Venetias mittat, vbi postea
 miserrimè mortuus est; vt tandem totam Ciuitatem fluctuan-
 tem, ad pristinam deducat tranquillitatem. Hoc igitur heroi-
 co Io. Hieronymi facinore, sibi alta mente reposito, Alexan-
 drinus (præter quam quod, dum etiam in eiusdem Ciuitatis
 Episcopum inquireret sub Iulio Tertio, multis humanitatis of-
 ficijs fuerat ab eodē acceptus) ad Pōtificatū assumptus, benefi-
 ciorum memor, Romā vocat, eumq; Protonotariatu Aposto-
 lico, & Piceni Præfectura; nō modo cohonestat: sed in tertia
 promotione Romæ, die Mercurij 16. Kal. Iunij, anno 1570.
 Pont. V. Presbyterū Card. tt. S. Ioannis ante portam Latinā
 creat, cuius Ecclesiam restauratam, ad eam formam, quæ nunc
 cernitur, deduxit. Cum igitur eum, cū alijs Patribus sacri Col-
 legij ad alienandos cēsus super bonis Ecclesiasticis impositos,
 quo bellum in Gallijs cōtra hæreticos susceptum continuare-
 tur, & foedus contra Turcas belli, cum Principibus initi, susci-
 pere-

peretur, deputasset; eius consilio in eo bello; uti viri arte militari maximè præditi, usus est. obiit igitur hoc munus, ut cætera semper, maxima sui cum gloria, tum apud eundem, ipsiusq; successorem, tum apud Sixtum Quintum, à quo Io. Hieronymo causarum audiendarum status Ecclesiastici subditorum, ijsq; opportunè consulendi, & viarum, fontium ad aquarum cursum, restaurandarum, provincia demandatur. Is; ut paucis Albanum circumscribamus, vir fuit summæ gravitatis, & in voto dando immutabilis, & maximè liber, ac in salib. edendis facetus: sed non mordax; in sententia verò pronuncianda sapientissimus; qui obiit Romæ annorum ætatis 87. die Sabbathi 7. Kal. Maij, hora noctis 5. anno Pont. Grég. XIV. I. salutis 1591. relinquens posteris suæ doctrinæ monumenta, Commentaria super Bartholū in lege Ciuili; Consilia, & Tractatus de Cardinalatu: De Donatione Constantini Imperatoris Ecclesiæ Romanæ facta. De Ecclesiarum, atq; eorum, qui ad ipsas confugiunt, immunitate. De Concilijs, & summorum Pontificum potestate, quæ omnia; per manus hominum delata, eius singularem doctrinam; ut ipsius pietatem, Ecclesiarum restaurationes, eidem, & præsertim sacre Aedi Lauretanæ oblata munera, in omnem posteritatem sunt conseruatura. Corpus Albani ibi sepultum est in Ecclesia S. Mariæ de populo, cū hoc elogio.

Io. Hieronymo Albano Bergomensi Cardinali, I. C. generis nobilitate, morum elegantia, vitæ splendore, monumentis ingenij, doctrinæq; clarissimo. Reipub. Venetæ Collaterali Generali, matrimonio, ac cælibatu, asperis, & secundis rebus, æque probato, catholice Religionis egregiè dictis, ac factis assertori, ac vindici, ac ob eas res à Pio V. summo Pontifice difficillimis, populi Christiani temporibus in Collegium Cardinalium adscito, in sententijs dicendis, facundia, gravitate, sapientia singulari, extrema iam ætate, pios inter amplexus carorum, & oscula sensim extincto. Ioannes Dominicus Cas. Comes, parenti optimè merito P. C. Vixit annos 87. obiit 7. Kal. Maias, an. sal. 1591.

Z 4

IV. In

IV.

IN elogio HIPPOLYTI ex Illustrissima Rubeorū familia, Parmæ, nobilissimæ inter, Insubres Ciuitatis, cuius olim Principatum obtinuit; Petri Mariæ Sæcti Secundi Marchionis, Bercetiq; Comitis, ac Camillæ Gonzagæ filij anno 1532. nati, merito morem Lacedemoniorum retinuerimus, qui præclaros viros; dum nescirent tamen, quid nomen Diuini significet, diuinos appellitabant, nec absimili argumento Homerus suos heroas frequenter θεῶν κείας idest Deo similes dixit. Quæ nominis appellatio; si cui conueniat, Hippolyto conuenit, si .n. respicimus doctrinam; ecce humaniores literæ, Philosophia, Theologia, & leges pontificiæ, quibus operam dedit, quæ mirifice eum exornant; si verò descendimus ad res in Aula Romana gestas, quis ignorat, sub disciplina Ioannis Hieronymi patrui, ea tempestate inter Aulicos primas tenentis, cui Clemens VII. & Paulus III. cognita fide ac diligentia; præter minores dignitates, Abbatia Clareuallensem in ora Placentina; Clericatum Cam. & Episcopatū Ticinensem contulere; quam vis postea, æmulorum quorundam inuidia apud Pauli III. beneuolentiam naufragium sit passus, multaq; incommoda fortis animo, atq; æquo sustulerit, tanta excelluisse rerum in eadem aula pertractandarum solertia, vt patrum quodammodo superari visus fuerit. Educatus igitur, vt dicebamus, à Patru tam celebris institutione; cum nobilitatem suam admirabili quodam omnium virtutum genere magis, ac magis illustraret, Romam se transferens inter familiares Pij IV. eo ipso tempore, quo summus Pont. electus est, à secretis cubiculi recipitur, in quo munere exercendo, cum se eum eidem qualem tota Curia romana prædicabat, præbisset, summus Pont. Protonotarium Apostolicum; & paulò post anno 1561. electum Episcopum Ticini, renunciante patruo, qui se Florentiam contulerat, vt pacatius residuum vitæ transigeret, declaratum ad Concilium Tridentinum mittit, vbi Hippolytus. & in sententia

tia dicenda grauis; & in quæstionibus exagitandis, peracutus;
 & in orando eloquens, cæteros Patres in sui traxit admiratio-
 nem. Confecto porrò Concilio ad commissum sibi gregem cu-
 stodiendum concedens; in Concilij Decretis executioni man-
 dandis; in rebus Ecclesiasticis reformatione restaurandis; Se-
 minarijs, Xenodochijs, ac Cœnobijs erigendis nullā partē, quā
 boni Præsulis esse sciret, prætermisit. Relictis ergo his suæ pie-
 tatis, & religionis testimonijs, Ecclesia, ac Palatio Episcopa-
 li ad eam speciem formæ, quæ talem Præsulem addicebat, re-
 ductis, his, actionibus heroicis ita animum Sixti V. Pontificis
 ad illum cohonestandum commouit, vt anno 1585. Pontif. I.
 die Mercurij, 15. Kal. Ianuarij, secundo Comitij habitis, in
 Cardinalem Presbyterum tit. S. Mariæ in porticu crearet, qui
 tantæ dignitatis honor nihilum in eo mutauit mores; siquidē
 ea dignitas fuit firmissimus quidam cardo, quo hærens quo-
 tidie magis, ac magis redditus Ecclesiasticos pauperibus di-
 stribuens; viduis, ac pupillis, consilio, auctoritate, atq; opib.
 subueniens, charitatis officia exercebat. Vnde meritò sanctis-
 simi Præsulis, & digni Caroli Card. Borromæi societate, in-
 defessiq; eius virtutum imitatoris, nomen comparauit. Non
 multas Romæ moras protraxit, nisi quantum pilei sumptio, &
 Sedes vacantes duæ post mortem Sixti V. successē postulabāt.
 Creatis ergo Urbano VII. & postea Greg. XIV. in huius an-
 no Pōtificatus I. sal. 1591. die Lunæ 4. Kal. Maij, annorum 59.
 cum vniuersali omniū dolore, terrenas reliquit exuias; eiusq;
 corpus sepultum est in suo titulo S. Blasij de annulo, quem; lo-
 co S. Marię in porticu sub Sixto V. optarat, in quo ante Alta-
 re maius literis æneis insculptū in marmore, videre est sequēs
 epitaphium.

D.

O.

M.

*Hippolyto Rubeo Cardinali, auitæ nobilitatis splendore, summaq;
 virtutis laude clarissimo, qui Episcopus Ticinensis, Concilio Tri-*
dentia

dentino interfuit, in suaq. Ecclesia triginta annos regenda, paternam in populum sibi commissum, charitatem; perpetuum in retinenda Ecclesiastica disciplina studium, singularem; in omni vita integritatem prestitit. Ioannes Vincentius, & Scipio Cardinales Gonzaga testamenti executores affini, & collega optimo, posuere. Vixit annos 59. obiit 4. Kal. Maij 1591.

Præter gentilia Insignia, duos libros, veteris, & noui testamenti indices gestauit, cum hoc apophtegmate; *Regimen hinc animi. & Orthophili, recti amatoris nomine.*

*Birretum rubeum S. R. E. Cardinalibus
Regularibus datum.*

Anno Domini 1591. 7. idus Maij, die Dominico sanctissimæ Trinitatis, in solenni, quam vocant Capella, in Basilica Sanctorum duodecim Apostolorum habita, Gregorius Papa XIV. quatuor Birretis rubeis, solenniter benedictis, ea quatuor Cardinalium Regularium, eo tempore viuentium, capiti posuit; qui hi fuerunt.

- 1 Fr. Michaël Bonellus Ord. Prædicat. pronepos Pij Papæ V. Episcopus Card. Albanus. dictus Alexandrinus.
- 2 Fr. Hieronymus Bernerius de Corrigio eiusdem Ordinis Prædicatorum à Sixto Papa V. creatus, tunc S. R. E. tt. S. Mariæ super Mineruam Presb. Card. Asculanus nuncupatus.
- 3 Fr. Constantius Sarnanus, Sixti V. tt. S. Petri in Monte aureo Presb. Card.
- 4 Fr. Gregorius Petrochinus Montelparus Ordinis S. Augustini Eremitani, eiusdem Sixti Papæ V. tt. S. Augustini, Presb. Card.

Portabant de antiquo more Cardinales regulares eiusdem coloris cuius erat habitus religionis, in qua fuerant professi Birretum, neq; illis quidquam purpurei præter Pilcum pontificale concedebatur.

Mors


Mors Gregorij Papa XIV.

Anno Domini 1591. Idibus Octobris die Martis hora 7. noctis Romæ in Palatio S. Marci ætatis annorum 57. Gregorius Papa XIV. ab hoc exilio in cœlestem patriam euolauit. Eius corpus die sequenti 17. Kal. Nouembris in lectica ad Vaticanū, facibus accensis, comitantibus familiaribus, ac custodibus deportatum, ibi in Ecclesia S. Petri in Sacello gregoriano è regione monumenti Gregorij XIII. sepelitur.

Vacauit Sedes Apostolica dies 14.

Sextodecimo Kal. Nouemb. eiusdem anni de more maiorū in Basilica Vaticana parentalia Gregorij XIV. celebrata sunt, supremo honoris calculo accedente Pont. laudatore eloquentissimo Vincentio Blasio Garzia Valentino Hispano.

Eodem anno die Dominico 6. Kal. Nouembris Spiritus sancti sacrum ab Alfonso Gesualdo Episcopo Cardinale Ostiense, & Veliterno celebratur. Cardinales præsentis numero 56. conclaue, consueto loco ingrediuntur, & vnanimi voce summum sacerdotem die Martis 4. Kal. Nouembris, spatio duorum dierum, Ioannem Antonium Fachinettum Bononiensem tr. SS. quatuor Coronatorum Presb. Cardinalem, Innocentiū Papa IX. dictum, declarant.



INNO.

INNOCENTIVS IX.

PONT. MAX.



ANNO CHRISTI MDXC.

Innocentius Papa IX. non habuit signum.



Vot, quantæq; laudes Innocentij Papæ Noni, Ioan-
 nis Antonij antea nuncupati, nomen verendum, cla-
 rissimumq; faciant; summū Pontificatus maximi ho-
 norum omnium fastigium, ad quod diuini Numinis benigni-
 tas eum extulit, satis apertè declarat. Is Bononiæ è parentib.
 hone-

honestis, religiosissimisque Antonio Fachinetto à Nuce, & Fracisca Tita anno 1519. tertio decimo Kalendas Augusti ortus; honorarijs annis incuntis ætatis, in diuersis scientijs: sed præsertim in legibus insumptis, l. v. d. effectus, anno 1544. 5. idus Martij, Romam iter arripuit; Vbi Nicolai Ardinghelli Cardinalis, Pauli Papæ III. à secretis, seruituti se committens, per hunc, & in gratiam, & in familiaritatem Alexandri Cardinalis Farnesij Pontificis nepotis, venit, qui hominis dotes tacita quadam animaduersione venatus, eumque ad munera quæque obeunda aptissimum ratus. Auinionensis Ecclesiæ Vicariū, cuius ipse Archiepiscopatum moderabatur, eo mittit, vbi per quadriennium commoratus, Parmam ad illius status administrationem summa cum Farnesiorum approbatione, & populi voluptate flexit. Romam postea reuersus, v. s. Referendariatus toto Pauli IV. Pontificatus tempore, munere obito, à Pio IV. in ipsis Pontificatus primordijs anno sal. 1560. electus Episcopus Neocastrensis, Concilio continuando indicto, Tridentum, mittitur, vbi se virum, qui tam celebri cætu interesset dignum ostendens, anno 1566. à Pio V. Pont. Sedis Apostolicæ Nuncius Venetias legatur, quo celeberrimum illud fœdus contra Turcas, cum Hispaniarum Rege, & ea Rep. contrahendum; ea, qua pollebat & doctrina, & prudentia, tractaret. Ab hac Legatione Romam, anno, Greg. XIII. Põr. I. reuersus; inde ad residendum in Ecclesia sua cõcedit, vbi; & vitæ exemplo, & doctrina populum instruens, atque ad diuinum cultum inflammas, earum partium Episcopos, in recta Ecclesiæ administratione longè superauit. Hinc porrò Romam ab eodem Greg. accitus, ad dandum in Signatura, & S. Officio consilium, ac sententiam dicendam deputatus, renunciata Ecclesia Neocastrensi anno 1576. Patriarcha Hierosolymitanus declaratur, & eidem anno 1583. Pont. XII. S. R. E. Presbytero Cardinali. SS. quatuor Coronatorum creato, cum octodecim Cardd. sacra purpura defertur, in eademque S. Officij Congregatione relinquitur; ad Bannitos Ecclesiasticæ Ditionis remittendos; & ad

& ad res Signaturæ constitutus, quem Sixtus V. in Congreg. regularium adhibens, patrato illo summo scelere Hærico III. Galliarum Rege contra Cardinalem, ac Ducem Guisium, & Cardinalem Borbonium, de quo supra in ipsorum elogijs, Sixtus Papa V. in ea quinque Cardinalium Congregatione, ut cōsiliū daret, quidnam in tam arduo negotio agendum esset, elegit. A Gregorio XIV. cum propter infirmam valetudinem ipse Signaturæ interesse non posset, rerum in ea gerendarum prouincia tota illi demādatur, in cuius demortui locū etiā vniuersa Christiana Rep. applaudente, quod sibi summa de tā prudente, ac pio Pastore polliceretur, anno 1591. 4. Kal. Nouembris, die Martis, hora 23. à Cardinalib. in Conclauī duobus solummodo diebus commoratis, Innocentius Papa IX. dictus, suffectus est. Dominica proxima, 3. nonas Nouembris, ab Andrea Austrio Archidiac. S. R. E. Card. n. Coronationis insignia priuatim, quod ab alijs summis Pontificibus publicè, ac maxima pompa super gradus ante portam Basilicæ Vaticanæ fieri consuevit, in xisto, quod forum S. Petri respicit, & vbi Bulla Cœnæ Domini legi solita est, suscepit. Sedit in Apostolica Sede, Rodulpho II. electo Imp. duos menses tantum.

*Cardinales LXV. viui, quando Innocentius
Papa IX. creatus est.*

Episcopi Cardinales VII.

PIVS IV.

Alfonſus Geſualdus Epiſc. Card. Oſtienſis, & Veliternus, ſacri Collegij Decanus.

Innicus Aualos Epiſcopus Card. Portuenſis, & S. Rufinæ.

M. Antonius Columna Epiſcopus Cardinalis Præneſtinus.

Ptolemæus Gallius Epiſcopus Cardinalis Tuſculanus.

Gabriel

Innocent. Papa IX.

367

Gabriel Palæotus Episcopus Cardinalis Sabinus.

PIVS V.

Fr. Michaël Bonellus Episc. Card. Albanus.

Presbyteri Card. XLVI.

PIVS IV.

Marcus Sitticus, tt. S. Marię Transiberim S.R.E. Archipres.

Ludouicus Madrucius, tt. S. Laurentij in Lucina.

PIVS V.

Nicolaus de Pelleue, tt. S. Praxedis.

Iulius Antonius Sanctorius, tt. S. Bartholomęi in Insula.

Hieronymus Rusticuccius, tt. S. Sufannę.

IVLIVS III.

Hieronymus Simoncellus, tt. S. Priscę.

GREGORIVS XIII.

Petrus Deza, tt. S. Hieronymi Illyricorum.

* Gaspar de Quiroga, tt. S. Balbinę.

* Albertus ab Austria tt. S. Crucis in Hierusalem.

Io. Antonius Fachinettus, tt. SS. Quatuor Coronatorum.

Alexander Medices, tt. SS. Ioannis, & Pauli.

* Rodericus de Castro Basilicę SS. duodecim Apostolorum.

* Carolus de Vendosme, tt. S.

Franciscus de Ieyeuse tt. Sanctissimę Trinitatis in Monte Pincio.

Iulius Cananius, tt. S. Anastasię.

Ant. Maria Saluiatus tt. S. Marię de Pace.

Augustinus Valerius tt. S. Marci.

Vincentius Laureus, tt. S. Clementis.

Philippus Spınula, tt. S. Sabinę.

Georgius Radziuil, tt. S. Sixti.

Simcon Talliaur, tt. S. Marię Angelorum.

Scipio Lancellottus, tt. S. Saluatoris in Lauro.

Fr. Io. Vincentius Gonzaga, tt. S. Alexij.

SIX-

SIXTVS V.

Henricus Caëtanus, tt. S. Pudentiænæ S. R. E. Camerarius.

Io. Baptista Castrucius, tt. S. Mariæ de Aracoeli.

Dominicus Pinellus, tt. S. Chrysogoni.

Hippolytus Aldobrandinus, tt. S. Pancratij, S. R. E. maior Poenitentiarius.

Hieronymus de Ruuere, tt. S. Petri ad Vincula.

Philippus de Lenoncourt, tt. S. Onuphrij.

Fr. Hieronymus Bernerius, tt. S. Mariæ super Minervam.

Antonius Maria Gallus, tt. S. Agnetis in Agone.

Fr. Constantius Sarnanus, tt. S. Petri in Monte aureo.

Guilielmus Alanus, tt. S. Martini in Montibus.

Scipio Gonzaga, tt. S. Mariæ de Populo.

Antonius S., tt. S. Stephani in Monte Coelio.

Euangelista Pallottus, tt. S. Matthæi in Merulana.

Petrus Gondius, tt. S. Syluestri.

Ioannes de Mendoza, tt. S. Mariæ transpontem.

Io. Franciscus Maurocenus, tt. S. Mariæ in Via.

Marianus Perbenedictus, tt. SS. Marcellini, & Petri.

Fr. Gregorius Petrochinus, tt. S. Augustini.

GREGORIVS XIV.

Paulus Sfondratus, tt. S. Cæcilie.

SIXTVS V.

Benedictus Iustinianus tt. S. Marcelli.

Augustinus Cufanus, tt. S. Laurentij in Pane, & Perna.

Franciscus Maria de Monte, tt. SS. Quirici, & Iulite.

GREGORIVS XIV.

Octavius Parauicinus, tt. S.

Diaconi Cardinales XIII.

GREGORIVS XIII.

Andreas ab Austria S. Mariæ Nouæ S. R. E. Archidiaconus.

Fran-

Innocent. Papa IX.

369

Franciscus Sfortia S. Mariæ in via lata.

* Andreas Bathorius S. Angeli in Piscina.

SIXTVS V.

Alexāder Perettus S. Laurentij in Damaso S. R. E. Vice-
cancell. Papæ Summator.

Hieronymus Matthæius S. Eustachij.

Afcanius Columna S. Mariæ in Cosmedin.

* Fr. Hugo Leubenx S. Mariæ in porticu.

Federicus Borromæus S. Nicolai in carcere.

* Carolus Lotharingus S. Agathæ.

Guido Pepulus SS. Cosmæ, & Damiani.

GREGORIVS XIV.

Odoardus Farnesius S.

Octavius de Aquaiua S. Georgij in Velabro.

Flaminius Platus S. Mariæ in Domnica.

Prima creatio duorum Cardinalium.

*Anno Domini MDXCI. Pontificatus primo,
die Mercurij quatuor Temporū, decimo
quinto Kal. Ianuarij, Rome.*


INNOCENTIVS Papa IX. primò creavit duos
Cardinales, qui fuerunt.

1 **P**hilippus Segæ Bononiensis Episcopus Placentinus, Se-
dis Apostolicæ in Regno Galliarum Nuncius, Presbyt.
Card. tit. S. absens.

2 Antonius Fachinettus Bononiensis Papæ ex sorore Prono-
pos, utr. Sig. Refer. Diac. Card. S.

Az

Inno.



Innocentius Papa IX. vna tantum ordinatione Mense Decembri facta, duos Cardinales; Presbyterum vnum, & Diaconum vnum creauit.

Alexander Perettus S. Laurentij in Damaso Diaconus Cardinalis, S. R. E. Vicecancellarius sub Innocentio Papa IX.

*Cardinales tres; vnus sub Innocentio, duo verò
Sede vacante mortui.*

1. Fr. Io. Vincentius Gonzaga.

Mors Innocentij Papa Noni.

2. Ioannes de Mendoza.

3. Hieronymus de Ruere.

I. Quo-

I.

Q Vantum gentilitia nobilitas familiæ Gonzagæ, inter Italos serenissimæ Fr. Io. VINCENTIO, Ferrantis Molfetæ Principis, Equitis, inter Italos clarissimi Caroli Quinti Imperatoris, Mediolanensis Ditionis administratoris, Siciliaq; Proregis, necnon Isabellæ Capuanæ nobilissimæ filio, in ea Prouincia Panormi anno 1540. 7. idus Decembris, dum pater Proregem ibi ageret, nato, cōtulit ornamenti; tantum decori genti suæ, ac Italiæ ipsius eximia virtus fuit. Is, cum dotibus, quibus à natalitijs fuerat ditatus, & literarum, (Patauij. n. humanioribus se excoluit literis) & armorum (nam militaris virtus in illo eximia fuit) cognitione cōiuncta, adhuc iuuenis; ob merita patris de Rhodia Religione benè merentis Prioratu Baruli, vna cum habitu, & Cruce illius nobilissimæ militiæ donatus, cum Melitam, vt munere suo, cum Magno Magistro, ac Religione fungeretur, venisset, ab eodē perhonorificè excepto, sua singulari virtute demonstrata, multa perhonorifica munera; & præsertim Generalatus triemiū eiusdem Religionis, demandata sunt. Reuocatum postea à Guilielmo Mantuæ Duce consobrino, vt ei in Ducatus administratione; consilio, ac prudentia, opem aliquam ferret, eodemmet instante (duobus Cardinalib. eiusdem familiæ; altero anno 1563. ad Concilium Tridentinum, cuius pro S. Sede Apostolica Præfidentis erat, Ioan. Vincentij patruo Hercule; altero Francisco eiusdem Ioannis Vincentij fratre, Sede vacante; ob mortem Pij Quarti, mortuis) Gregorius Papa XIII. an. 1578. Pont. VI. in quinta Patrum promotione Romæ, die Veneris, 9. Kal. Martij, habita, Diaconum Cardinalem S. Georgij in Velabro; & paulò post S. Mariæ in Cosmedin creauit. qui sequenti Leonoram Austriam Ducis vxorem, in Germaniam; vt affines videret, & euntem, & redeuntem, comitatus est. Sub Sixto V. ex Diacono, Presbyter tt. S. Alexij factus, atque ad populi Ecclesiæ subditi aggrauati, causas audiendas, ijsq; con-

Aa. 2

sulen.

fulendum, deputatus, si non annorum grauitate; certè gloria, quam sibi viuens, propter virtutes, & præcipuè liberalitatem, qua familiaribus suis multos aureos quotannis distribuendos, iisdem impertitus est; 11. Kal. Ianuarij, hora 21. anno salut. 1591. Innocentij IX. Pont. I. nobilem hanc vitam, cum nobiliori commutauit; sepultumq; est eius corpus in ipsius titulari Ecclesia, cui pulcherrimas vestes sacras, & omnem suam ad rem sacram agendam supellestem, reliquit, atque ibi ad perpetuam ipsius memoriam insculptum est in marmore tale epitaphium.

D.

O.

M.

Io. Vincentio Cardinali Gonzaga, viro ad beneficentiam nato; genere, nobilitate, atq; animi dotibus, præclaro, maiorum suorum æmulatori H. P. C. Vixit annos 51. dies 15. obiit 22. Decembris 1591.

Mors Innocentij Papa IX.

Anno Domini 1591. 3 Kal. Ianuarij, die Lunæ, inter vndecimam, & duodecimam horam, quo tempore Luna eclipsim patiebatur, Innocentius IX. Romæ in Apostolico Palatio, ætatis annorum 73. summo cum omniū dolore; ex ipsius enim Pontificatu, maxima Reip. Christianæ emolumenta proditura fore, constanti omnium opinione credebatur, huius vitæ nostræ luminis defectum; vt æterno empyrei lumine frueretur, passus est, eiusq; corpus in Basilica Vaticana apud Urbanū Papam VII. socium, & eiusdem sortis participem, depositū est.

Vacauit Sedes Apostolica dies 31.

Pridie Kal. Ianuarij eiusdem anni, die Martis, inceptis exequijs, de more, in ipsius funere orauit P. Benedictus Iustinianus Societ. Iesu.

Eodem

Eodem anno, 4. idus Ianuarij, die Veneris; celebrata Spiritus sancti Missa ab Episcopo Cardinale Gesualdo, Cardinales praesentes numero 52. Conclauē, solito loco paratum, ingressi; post multas hinc inde difficultates superatas, Hippolytum Aldobrandinum Florentinum Presbyterum Cardinalem S. Pancratij, maiorem S. R. E. Poenitentiarium 3. Kal. Februarij, hora 19. die Iouis, in Innocentij IX. locum suffecerunt; qui sub Clementis Papae VIII. nomine nunc(atq; vtinam diutissime, ac felicissime) sedet.

II.

E Logio donare etiam licet hominem plenum officij, & ad omnium animos, ac voluntates deuinciendas. Ecclesiae ornamentum, firmamentum literarum, domicilium virtutis, & eruditionis IOANNEM de Mendoza Hispanum, ex illustrissima quinq; Cardd. Petro. f. Gondissaluo Sixti IV. Didaco Hurtado, Alexandri VI. Innico, Clementis VII. Francisco, Pauli Papae III. & ipso Ioanne, de quo nunc insignita familia in Ciuitate Caraca, vulgo Guadalagiara nuncupata quinquaginta millibus passum à Madrilio distante, ortum Ducis Infantus, inter Hispaniae Dynastas Principis filium; qui in Complutensi Academia Artibus liberalibus; sed praesertim artium, ac scientiarum regina Theologia sibi comparatis, Doctore Francisco Sanchies Theologo insigni vsus, Salmanticensis maioris Ecclesiae Canonatu a Petro Gonzalez de Mendoza, Ciuitatis eiusdem Episcopo ipsius patruo donatus, creatur Archidiaconus Talaueræ; & mortuo Didaco Castellano, Ecclesiae Toletanae Decano, ea dignitas post Archidiaconatum prima, Ioanni; multis, & nobilissimis, & doctissimis viris praeposito, concessa est. Hunc in gratiam Philippi II. Regis, à quo propter eximias virtutes summo opere diligebatur; an. 1587. Pōt. Tertio, 15. Kal. Ianuarij die Veneris; absentem, Presbyterum S. Mariae Transpontinae creatum, in sacrum Collegium Sixtus. V. Pont. Max. adscripsit, qui postea pridie Kalendas Fe-

bruarij, anno 1589. Romam veniens, & totam Curiam, præsentia sua (erat. n. summa corporis elegantia, præditus) recreans, in publico Consistorio cardineum pileum accepit, quam ipse, tunc, ob Decanatū, de quo supra, quod ei ex Concilio Tridentino residere in illa Ecclesia, ac ipsum coram administratore opus esset, alijs collatum, non mediocrem sensit animi cōmotionem. Postea verò, quam Ferdinandus Medices ob Francisci Magni Ducis fratris mortē, Cardinalitiā deposuit purpuram, ab eodem Rege, Hispaniarū Protector Ioannes declaratus est; mirūq; sanē fuit, quod tam brevi trium, scilicet annorum spatio, Romę commoratus, tribus Sedibus vacantibus interfuerit, ac bis Conclauē introierit; tertio etiā, ob Clementis Octauī D. N. creationem ingressurus, nisi; ex hac mortali vita; seu potius morte egrediens, ad æternam vitam, annorum ætatis 44. Sede vacante, ob mortem Innocentij IX. dum nouendalia celebrantur, die Mercurij 6. idus Ianuarij, anno 1592. hora 16. fuisset ingressus. Corpus eius depositum Romæ in Ecclesia Societ. Iesū, ab Alexandro Farnesio ædificata, in quodam sepulchro lateritio ad tempus, vbi infrascripta verba leguntur; postea in Hispaniā in Ecclesia Sancti Francisci Gualdagiaia eius patriæ, fuit translatum.

Ioñnes Cardinalis Mendoza Protector Hispania.

III.

IN Europa totius terrarum Orbis celeberrima parte, nobilissima est, & clarissima familia Ruuerea, & præsertim in Italia, vbi; præter Ducatus Urbini, Soræ, Senogalliæ, Pisauri, multas terras etiam in Pedemontana ditione, ab ea diuersis temporibus possessas, quibus etiam nunc in maiori parte dominatur, genuit viros; pace, belloq; illustrissimos, & inter hos 11. S. R. E. Cardinales; comprehensis tamen in hoc numero ijs, qui ex mulieribus eiusdem familię nati, & ad Cardinalitiam dignitatem euecti, Ruuereæ gentis insigne, & cognomen

men susceperunt; quorū primi duo, patruus, ac nepos, ad Pō-
tificatum assumpti sunt, sub Sixti IV. & Iulij II. nomine, Fr.
Franciscus, videlicet ex familia Pedemontana; quæ Sauonam
postea Ligurię Ciuitatem se transferens; ibi commorata est,
Pauli II. Cardinalis, cui immediatē in Pontificatu ipse succes-
sit, & Iulianus ipsius nepos Pij Papæ III. successor. Alij fue-
runt Christophorus, & Dominicus fratres, ex eadem gente Ru-
uerea Pedemontana, & Hieronymus Episcopus Recinetensis,
à Sixto IV. Cardinales creati: Galeottus Frangiottus Episco-
pus Lucæ; Fr. Sixtus Gara Archiepiscopus Beneuentanus; Fr.
Clemens Grossus, & Leonardus fratres Iulij II. Cardinales, &
Iulius, Vrbinas creatus à Paulo Tertio; & tandem HIERONY-
MVS à Sixto V. sacra purpura insignitus, cuius præclara gesta
summatim; vt nostri moris est, recensebimus. Filius is fuit Læ-
lij Equitis Taurinensis, & Ioannæ filiæ Comitis de Planzasco
in castro, Viconouo dicto, quod pater possidebat anno Do-
mini 1530. 13. Kal. Februarij ortus; qui in primis ætatis suæ
incunabulis, religiosissimè à parentibus educatus; ætate iam
grandis, in Ticinensi Gymnasio, vbi nouem annis cōmoratus
est; excellentis ingenij, incorruptorum morum, singularis elo-
quentiæ, qua dotabatur; & præsertim Legum ciuiliū cogni-
tionis, quibus postea in Patauino Studio diligentius operam
nauauit, mirificè signa præbens, ab Alfonso de Aualos Vuastij
Marchione, & ea tempestate Mediolanensis Ducatus Guber-
natore, vt vna cum filiis suis, inter quos alter (Innicus nomi-
ne, postea Cardinalis Aragonius) in studijs pernoctaret, inui-
tatus; paulò post instantius à Francisco I. Rege Galliarum ac-
cerditus, Parisium flexit; vbi ab eodem Rege splendidissimè
stipendio donatus, per sex annos in illa florentissima Acade-
mia totum se literis, & linguarum cognitioni dedit; quem in
Italiam reuersum, Guido Vbaldus de Ruuere Dux Vrbinas, Iu-
lio fratri suo (qui paulò post in sacrum Collegium adscitus
est) studiorum socium addixit, in cuius laudem; dum pileum,
Pauli Papæ III. nomine portatum à Ranuccio Farnesio Card.

nepote, Pisauri acciperet, eloquentissimè latinè orauit, quod prius fecerat in anniuersario coronationis Pauli Papæ III. & postea fecit, quādo idē Dux Iulio Papæ III. paulò ante ad Pōtīficatū assumpto, obediētiam pollicitus est, necnon & in morte Henrici II. & Francisci IX. Galliarum Regum in lingua Gallica, quorum primo multum se debere confitebatur, quod mortuo Cardinale Triuultio, ab eodem ad Cathedralem Ecclesiā Tolonensem nominatus fuisset, vt etiā apud alterum, & Carolum ipsius successorem Oratoris munus Emanuelis Philiberti Ducis Sabaudia exerceat, à quo, quia ei Taurinum cum multis alijs castris suæ Ditionis, quæ Galli possidebant, restitui curarat, grati animi ergo, Metropolitanam Taurinensem Ecclesiam; ob mortem Casaris Cibò vltimi Archiepiscopi Tridenti ad Conciliū demortui, vacantē, Hieronymo anno 1564. eādē renunciantē Cardinale Aragonio, de quo supra, cui cā Pius IV. tunc concesserat, ab eodem summo Pontifice impetravit. Dictis igitur, & integerrimè vitæ exemplo, sic egit, vt vno, & eodem tempore, & populum instrueret, clerum reformaret, & Decreta Concilij celebrati seruaret, vnde; non modo Pastoris optimi nomine: sed sacra purpura dignissimus prædicabatur, quā; instante quidem Carolo Serenissimo Sabaudia Duce, sed multò magis proprijs meritis, à Sixto V. anno Domini 1586. Pont. II. die Mercurij 16. Kal. Ianuarij, titulo S. Petri ad vincula accepto, cuius Templum ornamentis excoluit, & palatium huic contiguum, temporis vetustate dirutū, maxima pecuniæ impensa, restaurauit; & (propè dixerim) de nouo extruxit, insignitus fuit. Admissus postea ab eodem Pontifice ad sacram, quam vocant, Consultationem; patrocinio Fratrum Minorum Conuentualiū suscepto; cum ei vulgo propter singulares virtutes summum Sacerdotium deferretur, inclusus, cum alijs in Conclauī, ob Innocentium Nonū, vita functum, vitam cum morte commutauit (animam per quatuor horas commendante Hippolyto Aldobrandino Cardin. S. R. E. maiore Pœnitentiario) quamuis; vt ab hoc abstineret propter morbi

morbi contagiū, ei multi suaderent. Obijt Hieronymus 7. Kal. Febr. hora noctis 7. anno Domini 1592. legatis prius Ecclesie Taurinensi omnibus suis sacris vestibus, atq; ornamentis, necnon summa pauperibus, & familiaribus suis pecuniarū quantitate, cuius corpus extra Conclauē in sacellum Gregorianum, Basilicæ S. Petri portatum, & toto die Dominico populo commissum, in gentilitio sepulchro, in Ecclesia titulari S. Petri ad vincula sepultum est, vbi ad celeberrimam Iulij Pape II. memoriam, monumentum Hieronymi ex plastite confectum, atq; hoc elogio insignitum cernitur.

D.

O.

M.


Hieronymo de Ruere it. S. Petri ad vincula, Presbytero Card. Taurinen. Archiepiscopo, qui à pueritia; admirabilis ingenij, linguarum scientia, eloquentia, mox prudentia, ac doctrina, insigne dedit documentum, virtutisq; & nominis sui celebritate ita semper apud Magnos Principes, & Nationes claruit, ut nullo unquā honoris gradu non dignissimus haberetur. Lelius, & Iulius fratres patruo optimo PP. Vixit annos 61. menses 11. dies 26. obiit septimo Kal. Febr. dum Comitj Pontificj in Conclauē interesset.
1592.



CLE

CLEMENS VIII.

PONT. MAX.



ANNO CHRISTI MDXCII.
SIGNVM CLEMENTIS PP. VIII.

Protector noster aspice Deus.



N litore Hadriatico inter Pisaurum, & Senogalliam
non longè à Metauro amne situm est Fanum Civitas,
Ecclesiasticæ ditioni subiecta, in qua ortus est C I E-
MENS Papa VIII. tametsi antiqua familia Aldobrādina Flo-
renti-

rentina sit : in cuius panegyrico elogio vndiq; campum se mihi laudum latissimum video referare. Si.n.respicio parentes ; ecce mihi Syluestrum in legibus, & Ciuitatum administrationibus (Romæ.n.insignis Consistorialis Aulæ Aduocatus, rerumq; ciuiliū, ac capitalium multis in locis Præfectus fuit) non modo populorum confessione : verum etiam librorum in lucem editorum prædicatione celeberrimum. Si porrò oculos conuerto in matrem Lesam Detā, in ea angelicos mores elucere, ac eam suauissimum sanctissimæ vitæ odorem sentio exhalare. Quid fratres & alios alijs, breuitatis meæ non immemor relinquo, Ioannem tantum attingo, qui sibi, & vitæ sanctimonia, & legum sacrarum, ac imperialium cognitione adiutum ad Cardinalatum patefecit, de quo in ipsius elogio. Veniamus modo ad eum, quem nihilum gentis splendor illustrauit: sed ipse gentilium splendorem, splendore suo auxit, Hippolytum dico, qui ab ipsa ineunte ætate, quodammodo summum Pontificatum spirare visus est, quando post humaniores literas (Alexandro Cardinale Farnesio, qui ab ipsius adolescentia, quos senectutis euentus esset habiturus, præuidebat, ad literarum studia eum adhortante, fouenteq;) legibus animū in Ferrariensi Ciuitate instruxit, eundemq; postea in Bononiensi iisdē Doctore Gabriele Paleoto I.C. postea sacre Rotæ Auditore, Cardinale, & Archiepiscopo Bononiense, qui tūc temporis leges in ea Academia profitebatur, vbi Hippolytus lauream Doctoratus consecutus, in alias Italiæ partes, atque etiā in Hispanias migravit, vt; & cum diuersis nationibus agendo, & excellentissimos viros in omnibus scientijs in celeberrimis illis vniuersitatibus audiendo, maiorem sibi compararet legum cognitionem. Romam postea profectus à Pio V. Pōt. cui Syluester pater in Pauli Papæ Quarti Pontificatu fuerat gratissimus, cum summus Pontifex Ioannem fratrem ex Auditoribus Rotæ in purpuratorum numerum transtulisset Hippolytum Aduocatum Consistorialem; in locum Ioannis, in sacra Rota suffecit, maximo cum eorum Patrū applausu, quod
nam

tam religiosum, tam eruditū, & tam prudentē virum haberent collegā, quem idē Pontifex sequenti anno misso Fr. Michaële Bonello Card. Alexandrino pronepote ad Reges; in Hispaniā ad Philippū II. in Lusitaniā ad Sebastianū, & ad Carolū IX. in Gallias Legato, quò foedus contra Turcas initum confirmaretur, & vt Principes ad eos oppugnandos excitarentur, alijsq; de causis ad Ecclesiam, & Religionem catholicam spectantibus, inter eos Præsules, quos cum Legato misit, elegit, vt eum, consilijs in ijs legationibus adiuuaret, in quibus dandis Hippolytus nihil omnino opinionem summi Pont. fraudauit. Romam inde reuersus, Auditoris officium, ostendens se in sententijs dandis incorruptum; toto Pij Papæ V. & Gregorij XIII. Pontificatu, summa cum laude exercuit. A Sixto Papa V. ob signandis supplicibus libellis deputatus, ab eodem anno 1585 Pont. I. in secunda Patrum promotione die Mercurij 15. Kal. Ianuarij creatus Presbyt. tt. S. Pancratij; tota Cutia gestiente, ad maiore dignitatem euectus est. Sequenti in summi Penitentiarij munere Philippo Cardinali Boncompagno succedens, eiusq; opera in oblatione libellorum supplicantium vsus, sub nomine Prodaturij; ecce anno 1587. ob mortē Stephani Bathorij Transyluanie Principis, & Poloniae Regis; cum multi Regnum ambirent, res ad Maximilianum Austriū Archiducem, & Sigismundum Suetie Principem reducit, & cū populi in Rege nominando dissentirent, diuisi vtrinque manus, captiuo ducto Maximiliano à Magno Poloniae Cancellario cōseruere, cuius captiuitate; Principum, ac populorum civilib. discordijs commotus summus Pont. vt maximis, quæ Reipub. Christianæ imminebant periculis consuleret, anno 1588. 10. Kal. Iunij Hippolytum Legatū de latere declaratum, cum selecta minoris ordinis Patrum caterua, inter quos tu Laurenti Blanchette Cardinalis amplissime, tunc sacre Rotæ Auditor, adfuit eo mittit, quo Apost. auctoritate, ac prudentia sua tot procellis sedatis, in libertatem Maximilianū redigat, & populos tranquillitate, ac quiete donet; nulla mora, eo aduolat Hippolytus,

polytus, quo vbi peruenit, cum Rodulpho II. electo Imperatore, & cum Sigismundo Poloniae Rege colloqui, & cum alijs super hoc negotij deputatis publicè ac priuatim pluribus agere in congregationib. Bathoniæ, atq. Rêdizonij ad idem coactis, quibus omnibus felicissimè peractis, Deo benè adiuuante, & Hippolyti prudentia media, 7. idus Martij sequentis simultatum fluctus eleuantur, populorum tumultus sedantur, & Maximilianus libertate donat², Pôtifex de rei successu ab Hippolyto fit certior Cynthio Passaro ex sorore nepote iuvene optimè indolis, incredibilis doctrinæ, ac prudentiæ, cui familiæ insigne, ac cognomen, & sacram purpuram postea dedit, Româ misso, quo duodecim dierû spatio à Cracouiæ cōfinijs, vt etiâ post Cardinalis peruenit 5. Kal. Iunij, maximo cum honore à Pont. Max. ac Patrib. exceptus, qui ab eodè super Regulares, & immoderati vestitus, ac dotiû Ecclesiastici status reformationē, vt etiam à successorib. Urbano VII. Gregorio XIV. & Innocentio IX. in alijs negotijs deputatus; cum in sui beneuolentiam omnes Cardinales, eo maximè charitatis signo, de quo nos paulò ante, cum de Ruuereo, traxisset, ab ipsdè 3. Kal. Februarij hora 19. anno salutis nostræ 1592. ætatis 56. mirificè euectum; in demortui Innocëtij locum, ipsorû suffragijs summus Pontifex renuniatus 4. nonas Februarij die Dominico, Beatæ Mariæ Virg. Purificationis, ab Alfonso Gesualdo Ostiense, sacri Collegij Decano, assistentibus Ptolemæo Gallio Tusculano, Gabriele Palæoto Sabinensē Episcopis; Nicolao Pelleueo tt. S. Præxedis Presbytero, Francisco Sfortia S. Mariæ in via lata, Alexandro Peretto S. Laurentij in Damaso, & Odoardo Farnesio S. Hadriani Diac. Cardd. vniuersalis Ecclesiæ, Episcopus cōsecratus est; octauoq; post die priuatim coronationis insignia à Francisco Sfortia, primo inter Card. Romæ degentes, Diac. Card. suscipiens, Clemens Papa VIII. dictus sedet Rodulpho Austrio electo Roman. Imperat. In cuius laudes, ob gloriosa omniûq; seculorum dignissima in Pontificatu gesta facinora hucusq; certauit: ac in postèrû certatura est præclarorum Authorû industria.

Car-

*Cardinales viui, quando Clemens Papa Octauus
Pont. Max. renunciatus est, erant
numero LXIII.*

Ex quibus LII. Conclau interfuerunt.

Superfluum duximus ipsorum nomina apponere, cum iidem sint, qui supra in Innocentij Papæ Noni creatione positi sunt; exceptis eodem Innocentio Pontif. Fr. Io. Vincentio Gonzaga, Ioanne Médoza, Hieronymoq; Ruuereo Cardd. vita functis; cum eisdemq; connumeratis Filippo Segà inter Presbyteros tunc nouissimo, qui aberat; ac Antonio Fachinetto presente, ultimo inter Diaconos; Cardinalibus ab eodem Innocentio renunciatis.

Prima creatio quatuor Cardinalium.

Anno Domini MDXCIII. Pontificatus II.

die Veneris 15. Kal. Octobris Romæ.

Apud S. Marcum.

*CIEMENS Papa VIII. primò creauit qua-
tuor Cardinales, qui fuerunt.*

- 1 **L**vcius Saxus Nolanus ex Regno Neapolitano, Episcopus olim Ripæ, utr. Sig. Refer. Decanus, sacrosanctæ Lateranensis Basilicæ Vicarius, Papæ Datarius, Presbyter Card. tt. SS. Quirici, & Iulitæ.
- 2 Franciscus Toletus Cordubensis Hispanus, sacre Theolog. Doctor, Societ. Iesu, Papæ à sacris concionib. Presbyter Card. tt. S. Mariæ transpontem.

3 Petrus

Clemens Papa Octauus.

383

3. Petrus Aldobrandinus Romanus, Petri fratris Papæ filius, Protonotarius Apostolicus, Abbas SS. Vincentij, & Anastasij, Arcis S. Angeli Prefectus, Diaconus Cardin. Sancti Nicolai in carcere.
4. Cynthius Passerus Aldobrandinus Senogalliensis, Iuliæ sororis Papæ filius, vtriusq; Signaturæ Referendarius, Diaconus Card. S. Georgij in Velabro.



I.

II.




III.

III.



IV.



Secunda creatio sexdecim Cardinalium.

*Anno Domini MDXCVI. Pontificatus V.
die Mercurij nonis Iunij, Romæ apud
Sanctum Petrum.*

*CLEMENS Papa VIII. secundò creauit
sexdecim Cardinales, qui fuerunt,*

5 **S**iluius Sabellus Romanus Archiepiscopus olim Rossa-
nensis, deinde Patriarcha Constantinopolitanus, Pre-
sbyter Card. tt. S. Mariæ in via.

6 Laurentius Priulus Venerus Patriarcha Venetiarum, Presb.
Card. tt. S. absens.

7 Fran-

- 7 Frāciscus Maria Taurinus Politanus Tullus Congregatio-
nis Oratorij S. Mariæ & S. Gregorij in Vallicella Archie-
piscopus Avinionensis Presb. Card. tt. S. Bartholomæi
in Insula, absens.
- 8 Octavius Bandinus Florentinus Tuscus Archiepiscopus fir-
manus Presb. Card. tt. S. Sabinæ absens.
- 9 Franciscus Cornelius Venetus Episcopus olim Tarvisinus
Camere Apostolicæ Præsidens Clericus Presb. Card. tt.
S. Martini in Montibus.
- 10 Domnus Anna de Cars de Giuri Gallus Ordinis S. Benedi-
cti Episcopus Lexoviensis Presb. Card. tt. S. absens.
- 11 Franciscus de S. Georgio ex comitibus Blandratæ Casalen-
sis, Episcopus Aquisgranensis Presb. Card. tt. S. Clementis.
- 12 Camillus Burgheisius Romanus Camere Apostolicæ gene-
ralis Auditor Presb. Card. tt. S. Eusebij.
- 13 Cæsar Baronius Soranus ex Regno Neapolitano Congre-
gationis Oratorij S. Mariæ, & S. Gregorij in Vallicella,
Protonotarius Apostolicus de numero participantium
Presb. Card. tt. SS. Neræi, & Archillei.
- 14 Laurentius Blanchettus Bononiensis Rotæ Auditor Presb.
Card. tt. S. Laurentij in Pane, & Perna.
- 15 Franciscus Muxica de Auila Abulen. Hispanus Archidia-
c. Toletanus Commissarius Generalis Cruciatæ, & Consi-
liarius sanctissimæ Inquisitionis in Regnis Hispaniarum
Presb. Card. tt. S. Sylvestri absens.
- 16 Ferdināus Ninno d. Guevara Toletanus Hispanus Regni
Granatæ Præsid. Presb. Card. tt. S. Blasij de Annulo, absens.
- 17 Bartholomæus Cæsius Romanus V. S. R. ac Papæ Generalis
Thesaurarius, Diac. Card. S. Mariæ in porticu,
- 18 Franciscus Mantica Vtinenfis, Foroiulienfis Rotæ Auditor
Diac. Card. S. Hadriani.
- 19 Pompeius Arrigonius Romanus Rotæ Audit. Diac. Card.
S. Mariæ in Aquiro.
- 20 Andreas Perettus de Monte Alto Picenus Diac. Card. S.
Mariæ in Domnica. Bb V.

V.



VI.



VII.




VIII.




IX.

IX.



X.



XI.



XII.




Bb 2

XIII.


XIII.



XIV.



XV.



XVI.



XVII.

XVII.



XVIII.



XIX.



XX.



Bb 3

Tertia

Tertia creatio unius Cardinalis.

*Anno Domini MDXCVI. Pontificatus V.
die Mercurij 15. Kal. Ianuarij, Roma,
apud S. Petrum.*

CLEMENS Papa VIII. tertio creauit
unum Cardinalem, qui fuit,

21 **P**hilippus Vuilielmi Ducis Bauariæ filius, Episcopus
Ratisponensis, Presbyt. Card. tt. S. . . . absens.

XXI.



Clemens Papa Octauus ordinationibus tribus mensibus Iu-
nij, Septembris, & Decembris hucusq; factis, vnum, & viginti
Cardi-

Cardinales creauit, videlicet Præsbyteros quatuordecim, & Diaconos septem.

Alexander Perettus Diac. Cardin. S. Laurentij in Damaso, Sanctæ Rom. Ecclesiæ Vicecancell. sub Clemente Papa VIII.

Cardinales numero 25. hucusq; mortui sub Clemente Papa Octauo, & unus, qui dignitatem remisit.

- | | |
|------------------------------|-------------------------------|
| 1 Iulius Cananius: | 14 Io. Franc. Maurocenus. |
| 2 Philippus de Lenoncourt. | 15 Philippus Segæ. |
| 3 Vincentius Laureus. | 16 Franciscus Toletus. |
| 4 Scipio Gonzaga. | 17 M. Ant. Columna. |
| 5 Philippus Spinula. | 18 Gabriel Palæotus. |
| 6 Nicolaus de Pelleuè. | 19 Fr. Michaël Alexādrinus. |
| 7 Carolus Borbonius. | 20 Franciscus Cornelius. |
| 8 Guilielmus Alanus. | 21 Scipio Lancellottus. |
| 9 Gaspar Quiroga. | 22 Philippus Bauarus. |
| 10 Marcus Sitticus de Alta- | 23 Albertus Austrius, qui di- |
| emps. | gnitatem remisit. |
| 11 Fr. Hugo Verdala. | 24 Augustinus Cusanus. |
| 12 Io. baptista Castrucci. | 25 Guido Pepulus. |
| 13 Fr. Constantius Sarnanus. | 26 Siluius Sabellus. |

I.

NEmini, vt est in poetica fabula, ad Proserpinam iter patebat, nisi prius ramū aureum è luco decerpisset. Quod figmentum; meo sanè iudicio videtur esse hieroglyphicum eorum, qui ad dignitates aditum sibi patefaciunt; ijs. n. nunquam ad eas iter patere potest, nisi prius rami aliquem scientiarum ex luco Musarum decerpserint. Quod præter cæteros fecit IULIUS Cananius nobilis Ferrariensis, Ludouici, & Lucretiæ Brancaleonæ filius, anno 1520. natus, qui vbi ex in-

bb

4

cuna-

cunabulis excessit honorarijs ephebis in humaniorum literarum, atq; artis Rhetoricæ studio consumptis adolescentē ætatem legibus commisit, & lauream doctoratus consecutus, Romam flectit, vt in ea curia operam suam præstet, vbi non multa mora protracta; à secretis à Balduino Montio; nec multo post à Io. Maria Card. Balduini fratre excipitur, in quo officio exercendo promptum, ac diligentem se demonstrans, tantum Cardinali satisfecit, vt summus Pontifex renunciatus, illi res (insolita) Fiat, quod supplicibus libellis subscribitur, cōcederet, quod munus septē annis exercuit; plurimi apud Pontificem factus, qui ei Episcopatum Hadriensem detulit, eidem vt (dicebatur) sacram etiam purpuram daturus, nisi mors impedimento fuisset. Mortuo Pontifice, ad Ecclesiam suam se contulit Iulius, vbi in populo rectē instituendo, nullā boni Pastoris partem prætermittens, ad celebrandum Concilium Tridentinum sub Pio IV. cum alijs Patribus conuenit, ibiq; opinionem, quam de eo; tanquam de pio, erudito, atq; eloquente viro conceperant omnes, confirmauit. Huius opera, consilio, ac singulari prudentia in arduis status negotijs, Alfonso Ferrariæ Dux, Hippolytus Cardin. eius patruus, & Aloysius Card. Estensis Ducis frater vsi sunt, apud quem Aloysium aliquandiu Romæ cōmoratus, anno 1581. prouinciam ab eo suscepit, assistendi Fr. Ioanni Leuesque de la Casiera, Magno Religionis S. Io. bapt. Hierosolymit. Magistro, qui à cōsilio; inusitato exemplo, à Magisterio suspensus, Romam de Gregorio XIII. venia, quò illi causam suam patefaceret, fuerat profectus; ac regio apparatu hospitio ab ipso Card. Estensē exceptus, in cuius, & serenissimæ illius gentis gratiam; præter propria merita Iulius, ab eodem Gregorio XIII. in septima nouēdecim Cardinalium promotione Romæ, anno Redemptionis nostræ 1583. Pontif. XII. die Lunæ, pridie idus Decembris, creatus est Presbyter Cardinalis tt. S. Eusebij. Legatus bienio post à Sixto Papa V. Aemiliæ declaratus, recta ea Prouincia sapienter, ac iustē, ab eodem, ad accōmodandas vias, pontes,

ces, & cursus aquarū deputatus; in sacra super Episcopos, atq; alios Præsules cōgregatione annumeratur. A Gregorio XIV. Episcopus Mutinensis anno 1591. eligitur, ad quam Ecclesiā possidendam, creato prius summo Pontifice Clemente VIII. se conferens, cum paulo post Ferrariam ad Ducem inuisendū flexisset, ibi mortifero; nō benè à Medicis cognito morbo oppressus annorum 72. 4. Kal. Decembris, die Iouis, anno Domini 1592. Pont. I. in Ferrariæ Arce, vbi à Duce hospitio fuerat exceptus, ab hac ad meliorem vitam migravit. Eius corpus triduo in sacello eiusdem Ducalis Castri populo commissum, assistentibus assiduè quibusdam Religiosis viris, pro defuncto orantibus, qui singula quaque hora permutabantur, maximè solenni pompa Kal. Decembris ab omnibus Religionū ordinibus, Clero, ac Ciuitatis Magistratib. comitatus, ad Ecclesiam S. Dominici portatur, ibiq; in sacrarij pauimento cōtumulatur; exequiæ ipsius peramplæ (nam Ducis sumptu, vt etiam funus) factæ sunt.

II.

Apparet manifestum certamen Naturæ, & Principum beneuolentiæ in singularibus dotibus ditando PHILIPPO de Lenoncourt Gallo in quodam castro gentis suæ Copecuray nominato Parisijs non longè distante. Huius familia ortum traxit ex oppido Lenoncourt Ducatus Lotharingiæ, pater verò apud Regem Nauarræ Antonium Borbonium educatus nobilissimæ indolis filijs, tanti; ob seruitutem ingenuū fuit, vt ijdē in eius nobilissima familia, & Valesia, quæ tunc in Gallijs regnabat maximè confidentes inter vtramq; postea in tractationibus rerum, ac titulis participarint. Porro inter patris fratres fuit ille ipse Robertus, qui ad Cardinalitiam dignitatē à Paulo Papa III. euectus, cum Romam concederet Philippū hunc nepotem suum secum duxit, qui cum; præter nobilitatē familiæ, moresq; ingenuos, pulcherrima membrorum symmetria à natura donaretur, pulcherrimus eques Gallorum, qui in Italia degerent, dicebatur. Is in Galliam reuersus à Regibus; patruo

patruo Cardinale renunciante Prioratum, de Charitate dictū, in Niuernensi Dioecesi, & duas ditissimas Abbatias; mox Episcopatum Cathalaunensem; post Antisiodorensē, factus primus Regni Cancellarius, & status Gallici Consiliarius, obtinuit, atq; ab his aditum sibi ad Cardinalatum patefecit, quo eum Sixtus V. Pontifex in tertia octo Cardinalium promotione Romæ 16. Kal. Ianuarij die Mercurij anno Domini 1586. Pont. II. Presbyterū tit. S. Onuphrij declaratū, insigniuit; maximoperè, instante Hérico Tertio Galliarū Rege, à quo; præter alia, in quibus ipsum adhibuerat summi momēti seruitia, anno elapso fuerat missus ad Henricū Nauarrę, hodie Galliæ Regem, vt eū adhortaretur, ad se Catholicum declarandum, à quo tale respōsum accepit, vt si tunc armis renunciatum fuisset, totus terrarum Orbis multo ante ea consolatione, quam nunc ab ipso conuerso recognoscit, affectus fuisset, quæ omnia Cardinalis Romam veniens Sixto V. aperuit, qui nisi tam in tempestiuè obiisset; proculdubio Regem ipsum tunc Ecclesiæ reconciliaffet, à quo Philippus super Indicem librorum prohibitorū deputatus, vix vbi è Roma in Gallias peruenit propter rebellionem Lutetię Parisiorum, Rothomagum versus auferre, vna cum Rege cogitur, & fortè fortuna à Comitij Bleis indictis, quo Regnorum ordines cōuocabantur, vbi Guisiorum Cardinalis, & Ducis mors secuta est, absuit. Declarato postea ab Henrico Tertio Valesio in infelici morte sibi in Galliæ Regno Nauarræ Rege altero Henrico, successore, Cardinalis eidem intractā fidem (credens ipse firmiter, ac pro rato habens Regem futurum catholicum) semper conseruauit. verū in illis turbulētissimis bellorum, ac simultatum procellis, cum quædam dissensio esset exorta inter Cardinalem, & Comitē Suiffonensem, Cardinalis; vt pericula imminētia euitaret, ad Turones se confert, vbi dolore animi ob talem simultatē confectus anno Domini 1592. Pont. I. post idus circiter Decembris, annorum ætatis 65. ex hac vita eripitur, & scripto testamento; præter pias pijs locis legationes factas, corpus suum in no-

in nobilissimo familiae sacello, ab alio de Lenoncourt Roberto ædificato in Ecclesia Remensi, cuius ipse fuerat Archiepiscopus, sepeliri, mandauit: sed Canonici, & Ciues renuerunt, hi. p. fœderis inter Regni Proceres initi, hic Henrici IV. Regis partibus fauebant; mansit ergo apud Turones, & ibi honorificè sepultum est. Non me fugit, non deesse quosdam, qui Cardinalem multis ante mensibus obiisse dicant, ac in sepulturæ loco dissentiant: verum in hoc eos hallucinari ex eo mihi persuadeo, quod quæ de morte Philippi scripsi, per amicos Ioan. baptistæ Leonis patritij Veneti, viri literis ornatissimi, qui diu Card. à secretis fuit, ab eodem id esse accepi.

III.

Verissimum esse illud, quod aliquando protulit eloquentissimus quidam Orator, omnia, quæ homines in vita expetunt, cuiuscumq; tandem generis illa sint, nulla rectius, aut facilius, quam eruditione, ac literis acquiri, conseruari, amplificari posse; exemplo suo comprobauit **VINCENTIVS** Laureus ex Tropæa celebri inter Calabres Ciuitate, Antonelli, & Raymundæ Miliarisæ honestissimorum parentum filius, anno 1523. 5. Kal. Aprilis hora 6. post meridiem natus. Is à Ferdinando Carafa Nuceris (quam paganorum vocant) Duce (in cuius domo Dianoræ Condobettæ vxoris socia Beatrix Monaca ex tertio Ordine S. Dominici Vincentij soror vixit) Alfonso filio suo studiorum socius datus, & postea in conscribendis literis adhibitus, Neapolim, inde Patauium ad studium missus, talem operam linguarum græcæ, ac latinæ cognitioni, philosophiæ, medicinæ, ac sacræ Theologiæ præstitit, vt breui tempore simul Orator, Poëta, Philosophus, Physicus, & Theologus excellentissimus euaserit. Scribunt quidam Vincentium cum Romam ex itinere venisset anno 1542. 4. Kal. Iulij die Mercurij ipso Petri, ac Pauli Apostolorum peruigilio illæsum è feroci Tauro cornibus in altum fuisse, sine vlla noxa proiectum, quod manifestum illius magnitudinis indicium esse non-

se nonnulli censuerunt. Ea in Vrbe à Petro Paulo Parisio Cardinale Consentino in seruitutem receptus suam, quo cum etiam Hugo Boncompagnus habebat, cum hoc arctissimum amicitiae vinculum, quod postea, non nisi mortis falce dissolutum est, contraxit. Parisio intra paucos dies mortuo, in famulatum Nicolai Gaddij Card. Firmani; & post hunc in Francisci Card. Turnonij ueniens, duobus Prioratibus inter Aruernos in Gallijs cohonestatur, quò etiam ab eo ductus, in regiam introducitur, ibiq; defuncto Turnonio, cum eodem ob virtutes perbenignè ab Aulicis tractatum est, & fauente Regina Catharina, cuius beneuolentiam sibi conciliarat Episcopatum Campaniae, qui postea ipsi in Latriensem commutatus est Fr. Marco Ordinis Prædicatorij, vni ex fratribus suis (nam & Leonardum habuit alterum natu minimum, qui Abbas Murriualium inter Picanos factus est) obtinuit. Hunc Hippolytus Card. Ferrariensis à Pio Papa Quarto in Galliam Legatus missus, ipsa Catharina Regina, Antonius Nauarræ Rex, alijq; Proceres sibi quisq; ingenti contentione inter familiares suos expetiuerunt. At illum Dux Guisus, vt apud vnum Nauarræ Regem, quò ipsum ad auitam religionem amplectendam adhortaretur esset, enixè rogauit, authore etiam ad hoc illi suadendum adhibito, quodam Patre è Societate Iesù, qui sacras ipsius confessiones excipere solitus erat. Quo Rege intra septem menses è viuis sublato, Vincentius Hippolyto Cardinale Legato de quo supra, se addixit; quo cum Romam reuertitur, vbi paulò post creato summo Pontifice Pio Quinto ab eo, cui Vincentij virtutes innotescebant, & cuius opera in quodam morbo fuerat antea vsus, proprio viridi pileo, quem ante Cardinalatum gestare solebat donato, Montis Regalis Ecclesiae, quā ipsemet moderatus fuerat, Episcopus eligitur; Nuncius præterea ad Mariam Scotiae Reginam declaratus, quo non profectus est, propter Regni tumultus ab Anglis hæreticis excitatos; ad Ecclesiam suam veniens Clerum, & Populum ad decreta sacri Cõcilij Tridentini executioni mandanda deducens hæreti

reticam prauitatem radicitus euellens, conseruationi diuini cultus, Seminariorum institutionibus consulens, boni Pastoris opera non pauca reliquit. Ab eodem Pontifice Sedis Apostolicæ Nuncius ad Emanuele Philibertum Sabaudia Ducem missus eo munere donec Pontifex vixit, Pontifici, & Duci admirabiliter faciens satis, summa laude functus; à Gregorio XIII. vir in Legationibus admirabilis cognitus, eiusdem Sedis Nuncius ad Sigismundum II. Polonia Regem; & eo mortuo, ad Henricum Valesium electum successorem Legatus, vbi nonnullis comoratus annis, eo etiam, quo Stephanus Bathorius in locum Henrici, qui ad patrium Gallia Regnum possidendum diuerterat, successus est, in quo Regno, & Fidem catholicam amplificauit, amplificatam conseruauit, & Sedis Apostolicæ auctoritatem mirum in modum auxit, atque multorum hereticorum, & præcipue Suetia Regis studuit conuersioni, à qua Legatione Romam à Pontifice reuocatus, & congregationi ad annum corrigendum præfectus, mortuo Emanuele Philiberto Sabaudia Duce, ad Carolum; etsi adhuc puberem, eius filium: magnanimi tamen Principis animum inuictum gerentem, mittitur; ut ea, qua apud ipsum pollebat auctoritate, pacem, concordiamque seruandam; & quæ belli causam dare his in partibus videbantur sua prudentia leuanda curaret. Iam verò summo Pontifice numero Cardinalium augente noua nouemdecim Præsulū præstantissimorum promotione Romæ anno salutis 1583. Pontificatus XII. die Lunæ, pridie idus Decembris habita, in ea Vincentius creatus Presbyter tit. S. Mariæ in, via annumeratus est. Qui nuncio de Gregorij XIII. morte accepto, ab Ecclesia sua decedens, ut successoris creationi interesset, opportunè non peruenit, in itinere enim fit certior de noua ad Pontificatum Sixti V. assumptione, à quo Galero rubro publicè solenni ritu, tituloque S. Clementis accepto, Regni Scotia Protector declaratus, atque in multis Congregationibus præcipue sacrorum rituum, & cæremoniarum ecclesiasticarum, super Regulares, & ad consulendum; quid consilij capiendum esset, in negotio mortuus à

tis à Rege Gallia Cardinali Guisio illata, & ob Card. Borbo-
 nij, aliorumq; Ecclesiasticorum Præfulum mancipatione col-
 locatus, vt etiam post, Cōgregationi super res Germaniæ Præ-
 fectus, nullum vnquam alium sibi finem proposuit, quam vt li-
 berè sententiam suam dicendo omnia iustè, atq; honestè per-
 tractaret. Cum igitur his honorificis rebus summa cum lau-
 de, & omnium applausu gestis, eam de se peperisset expe-
 ctationem, vt nemo non eum summum Pontificem futurū qua-
 si pro rato haberet; mortuo tamen Sixto Quinto, atq; illi Vr-
 bano VII. & paulo post ei Greg. XIV. & post hunc Innocentio
 IX. atq; huic Clemente VIII. succedente, expectationem de
 eo conceptam, mors Aulæ Romanæ acerba, suis luctuosa, bo-
 nis omnibus grauis elusit, siquidem Vincētius septuagenarius
 Romæ anno 1592. 17. Kal. Ianuarij, hora 22. immaculatum
 suum spiritum Domino, à quo à natalibus acceperat, religio-
 sissimus, restituit; relictis facultatum suarum hæredibus Reli-
 giosis (qui vulgò infirmorum ministri nuncupantur) quos an-
 tea in fidem acceperat, primumq; ipsorum institutum à Sixto
 Quinto; mox à Gregorio XIV. procurauerat, approbandum;
 familiaribusq; ea pecunia, quæ ex domestica immēsi prætij su-
 pellectili vendēda extraheretur, ac Collegio Romano Socie-
 tatis Iesu donata propria bibliotheca, quibus etiam cum ijs
 Lugduni in Gallijs antea erectum Collegium intellexisset, Ab-
 batias, quas ipsi Cardinalis Turnonius apud Aruernos dede-
 rat; ea conditione renunciauit, vt saltem duos Concionato-
 res in eo Collegio alerent, quo facilius ij populi Sedi Apo-
 stolicae obsequentes Fidem catholicam amplecterentur; & in
 ea iam recepta, diutissimè perseuerarent, quam renunciatio-
 nem Pontifex tunc confirmauit. omnesq; in ea Card. pietatē
 summoperè cōmendarunt. Corpus suum ad Ecclesiam San-
 cti Clementis sine pompa, atq; ibi, cum hoc epitaphio, quod
 sibi viuens fecerat, sepeliri mandauit.

D.O.M.

D.

O.

M.

*Hic iacet Vincentius Laurens st. S. Clementis S. R. E. Presb
Card. Montis Regalis nuncupatus, obiit 17. Kal. Ianuarij 1592.
Religio ministrantium infirmis haec optimè de se merenti, ex te-
stamento posuit.*

IV.

Vera quædam Romanorū illorum Scipionum imago fuit
nostra tempestate Scripto ex nobilissima familia Gon-
zaga, Caroli Gazoli, S. Martini ab Aggere, aliorumq;
oppidorum Marchionis, & Domini, Aemiliæq; de eadem fa-
milia, mulieris religiosissimæ filius, Fr. Francisci quondā Mi-
norum obseruantium Generalis Ministri, nunc Mantuani Epi-
scopi, Pyrrhi, Ferdinandi, & Iulij Cæsaris earundem Ditionū
Dominorum, & sacri Romani Imperij Principum frater anno
Domini 1542. 11. Kal. Decembris natus, qui non minori in-
genij acumine quam corporis forma à natura dotatus maxi-
mæ expectationis spem exhibens, ita literis humanioribus rhe-
toricæ, poëticæ, mathematicis disciplinis, ac philosophiæ Bo-
noniæ, ac Patauij se dedit, vt cum illis modestiam, ac mansue-
tudinem coniungens; non potuerit ab omnibus non amari, ac-
coli. Multis deinde diebus in Curia Imperiali commorato, v-
bi huic multiplici doctrinæ etiam rerum ad statum pertinentiū
cognitionem adiunxit, in Italiam exornatissimo omnium di-
sciplinarum, venienti, ecclesiastico habitu suscepto, ab omni-
bus vnica voce, vt dignissimo, sacra purpura deferrebat, præ-
sertim quando eius nobilissima familia ob mortem magnorū
illorum luminum Herculis, Clementis Papa VII. Francisci, &
Federici Pij Papæ IV. Cardinalium, qui ante trium annorum
spatium, vniuerso Ecclesiæ detrimento, nobis fuerunt prære-
pti, obtenebrata est. quam, non ab re à summis Pontificibus
Pio V. & Gregorio XIII. in tempus dilatam, Sixtus V. qui cū
antea

antea amplissimo Patriarchatus Hierosolymitani munere insigniuerat. Anno 1587. Pont. Tertio, die Veneris 15. Kal. Ianuarij in quinta promotione Presbytero Cardinale tr. S. Mariæ de populo renunciato, contulit; eo tempore, quo vitam pacatam Parauij degere cogitabat; à quo etiam politus in cōgregatione super Episcopos, atque alios Præfules aliquandiu Vincentij Mantuani Ducis loco, Montem Ferratum, moderatus, ijs populis, maximoperè satisfecit, siquidem cum iustitia commixam solebat adhibere humanitatem, qua amico quodā beneuolentiæ vinculo omnium animos sibi deuinciebat. Hic mortuo Vespasiano Gonzaga Sablonetæ Duce nepote, vna cū fratribus in multis eius status ditionibus succedens, parocinatus est Patrib. Eremit. S. Augustini; & vita functo Fr. Io. Vincentio eiusdem familiæ Cardinale, à Clemente Octauo summo Pontifice, Baruli Prioratum Religionis S. Ioannis baptistæ Hierosolymit. obtinuit; sed fructus non percepit, nam in castro S. Martini ab aggere suæ ditionis die dominico, tertio Idus Ianuarij anno humani generis redempti 1593. Pont. primo inter viuos esse desiit; corpore in celeberrimo S. Crucis Sacello posito in Ecclesia S. Sebastiani propè Castrum olim extructo ab ea Illustrissima gente, & anno 1577. rursus egregiè ædificato, vna cum Cœnobio pro fratribus minoribus obseruantibus humi dato, vbi in marmore tale epitaphium.

D.

O.

M.

Scipioni Gonzaga S. R. E. Presbyt. Card. Patriarchæ Hierosolymitano, Imperij Principi; vitæ integritate, literarum scientiarum usu, liberalitate, officio, atq; elegantiâ singulari, mortalitatem; omnium laude conclusit, sui apud omnes ordines incredibili desiderio relicto. Vixit annos 50. mensem 1. dies 21. obiit 11. Ianuarij 1593. Franciscus Episcopus Mantuanus Ordin. Minorum de obseruantia, Ferdināus, & Iulius Caesar heredes fratri amantissimo posuerunt.

Quanta

Quantā iacturā fecerit vniuersus Orbis terrarū ob mortē Scipionis Gonzagæ satis apertè declarat Equitis Guarini epistola Ferranti Gonzagæ Scipionis fratri, qua ipsi indolet, scripta, quæ in epistolis variorum scriptorū, à Bartholomæo Zucchio collectis secunda parte, Capite de Dolore reperitur, quā lectori legendam, relinquimus.

V.

Quamuis multi fuerint armis conspicui viri, qui Genuensem Rēp. nobilitarint (bellicis.n.artibus, ac naualibus studijs Ciuitas illa perpetuò intenta nomen suū toto mari Mediterraneo celebre, Regibus, & Ciuitatibus accolis verendum imprimis, atq; formidabile fecit) non defuerunt tamen, qui eandem, literis insignes illustrarint; inter hos autem fuit ille ipse PHILIPPVS Augustini, Clementis VII. Cardinalis S. R. E. Camerarij, gētilitius, ex illustrissima illa Spinula familia; tum ob pacis, belliq; artes, ob togæ studia, ob claros viros multis honorum, & rerum gestarum titulis insignes ex ea oriundos, quæ olim Archiepiscopatum Genuensē obtinuit; tum ob Principes Italiæ diuersis temporibus sibi affinitate coniunctos, nobilissima, qui anno 1535. pridie Kalē. Decēbris natus, vel in ipsis ætatlæ tenerioris crepundijs maximo flagrasse literarum desiderio visus sit, in quas postea adulescente ætate incumbens; ab his ad Remp. administrandā se conferens; multis honorificis oneribus susceptis, Romā concedit, vbi Beretrensis (vulgo Bisinianensis) in magna Græcia, postea inter Cumanos Nolanus electus Episcopus, maximè apud Pium V. fuit, qui eum Cardinalem creare cupiebat, ad quam dignitatem postea, in gratiam electi Imperatoris Rodulphi II. cuius pincerna erat Octavius frater, propter merita, & ipsius, & gentis suæ peruenit, quando Gregorius XIII. in septima promotione nouemdecim Cardinalium Romæ anno 1583. Pontif. XII. die Lunæ, pridie idus Decembris habitaeundem S. R. E. Presbyterum tt. S. Sabinæ declarauit. Hunc

Cc

Six-

Sixtus Papa V. anno Pont. I. Legatum Perusiæ, Vmbriæ, & Ducatus Spoletani designatum, idem Pont. ille, vtpotè, qui sibi maxima de summa doctrina, iustitia, & in rebus forensibus pertractandis experientia Philippi pollicebatur, constituens eundem Præfectum Ecclesiasticarum Triremium, in congregationibus super Regulares, & pro reparandis vijs; in multis alijs muneribus, & negotijs semper adhibuit; qui absente Ludouico Card. Madrucio, viceprotectionem sacri Rom. Imperij gerens; à Clemente Octauo congregationi circa res Vngariæ, atq; Germaniæ, ob bellum inter Imperatorem, ac Turcas Præfectus, Pontificatus eius anno secundo, sal. humanæ 1593. die Veneris 13. Kal. Septembris, hora 19. Romæ ex calculo expirauit; cuius corpus in Ecclesia S. Sabinæ depositum est, Genuam postea in gentiliū sepulchrum transferendum, in cuius depositi loco in sancta Sabina hæc scripta leguntur.

D.

O.

M.

Philippo Spinula Genuensi ex Episcopo Nolano, tt. huius sacraedis, S. R. E. Presbytero Cardinali, summa integritatis, ac innocentia viro, Perusia, ac Vmbriæ Legatione Sixti V. Pont. Max. auctoritate functo, de sacro Imperio, ac Germanorum rebus semper optimè merito. M. Ant. Fabricius, Hector, ex testamento hæredes, fratri optatissimo mærentes posuerunt. Vixit annos 57. mens. 8. dies 20. obiit 13. Kal. Septembris 1593.

Floret nostra tempestate nobilissimum illud eiusdem Spinulæ familiæ germen; Horatium intelligo vtr. Sig. Referend. Bononiensis Ciuitatis Prolegatum, quasi alterum Horatium Coclitem, qui vnus rebus Ciuitatis tam prudenter prouidet, tanta doctrina, ac religione, iustitiam, & nobilibus, & populo indifferenter administrat, vt multorum Præfectuum laudes, quorum pietas, & prudentia, in ea vrbe regenda enituit, profectò superauerit, dignus (vt paucis me expediam) qui Philippo in sacra purpura succedat.

VI. De

DE Repub. literaria; vt etiam de sancta Sede Apostolica benemeritus fuit NICOLAVS de Pelleuè anno 1518. 15. Kal. Nouembris die Lunæ, è parentibus nobilissimis in quodam Castro, nuncupato de Iouy, cuius, & tresdecim aliorum pater erat Dominus, inter confinia Gallia Belgicae, & Lugunensis in Diocesi Rothomagi sito, nat us; qui data opera Pontificijs legibus, ac sacrae Theologiae, quas nonnullis annis in Bituricensi Vniuersitate publicè professus est, hincq; ad Regiam Curiam se cōferens in ea se exercuit in parlamento (quod vocant) Parisino, cuius postea Regiae à consilijs factus id muneris indefesse Ecclesiae immunitatem defendendo, eiusdem Sedis auctoritatem amplificando ita obiuit, vt religiosissimi viri nomine sibi comparato; propter singulares dotes Henrico II. Galliae Regi gratus, Episcopatu Ambianensium sit donatus. Anno 1559. tumultuantibus Scotiae populis, Iacobo praecipuè S. Andreae Priore notho Iacobi V. Regis filio incitante, qui quod ægreferret, Mariam Reginam sororem Francisco Delphino Galliae Regi nupsisse, ob idq; Regnum ad Gallos postea deuenturum; haeretica, qua ipse laborabat peste, multas ipsius Regni partes inficiens, sacra, profanaq; promiscere tentabat. Rex; vt ijs malis consulatur à Paulo Quarto impetrat, vt Nicolaus Pontificius Nuncius ad Mariam Reginae matrem, Regni tunc pro ea habenas moderantem legaretur, qui eò à Rege cū Labrochio regij equestris ordinis torquato, ac Regis Consiliario, magna nobilium, & militum ceterua comite missus, matrem primum ob eas procellas perturbatam, ea qua pollebat eloquentia consolari, ab ea modū tantarum seditionum accipere, atq; accepto sic agere, vt & consilio, & vi hostes populsarentur, haeretica labes extirparetur, & Fides catholica ab ijs populis illibata conseruaretur, quos; tum ipse, tum per Theologos, quos secum Parisijs duxerat adhortabatur, vt quantum maximè possent catholicos se preberent, fidemq; conseruantes, de haeticis vindictam sumerent.

Quo facto, cum in Gallias ad Ecclesiam, quā ei Pius Papa IV. post in Metropolitanam Senonensem cōmutauit; factus Galliae Par reuertisset, ab eodem Pontifice ad Concilium Tridentinum mittitur, quo venit; non tam, vt Archiepiscopus; quā Regis iussu, vt Cardinali Lotharingo (cuius familiae aliquando Oeconomus fuerat) praesto esset. Alenconij postea Ducis Caroli IX. Regis fratris, omnib. negotijs Praefectus, ex ea praefectura ad Sigilli Coronae Regiae custodiam translatus, Magni Cancellarij Regni munus biennio sub eodem Rege exercuit, quo instante Pius V. anno 1570. Pont. V. die Mercurij 16. Kal. Iunij, Nicolaum Presbyterum Cardinalem tt. SS. Ioannis, & Pauli renunciavit, qui ipsius tituli Ecclesiam postea restaurans, meruit preciosissima eorundem Sanctorum corpora diu abdita reperire, & eo in loco, vbi nunc maxima veneratione coluntur collocare. Idē Romam anno 1572. veniens in publico Consistorio, cardinalitio pileo 13. Kal. Iulij suscepto a Gregorio XIII. ab eodem in multis congregationibus; vt Episcoporum, quibus deinceps praefuit, atq; in alijs arduis negotijs, in quibus pertractandis se prudentissimū semper, vt etiam acerrimū iustitiae, ac fidei propugnatorem ostendit, eius opera adhibita est, & propterea quo plura prudentiae, ac iustitiae signa dabat, eo pluribus dignitatibus cohonestabatur, nāque optato titulo S. Praxedis, & patrocinijs Regnorum Scotiae, Hyberniae, & Clericorum S. Hieronymi susceptis, anno 1591. a Gregorio XIV. ob mortem Cardinalis Guisij, vt supra. nefarie a Rege occisi, Archiepiscopus Remensis, illius status Dux, & primus Galliae Par creatur, ad quam Ecclesiam cum anno sequenti tenderet, vix ob bella, quae passim in illis partibus grassabantur hostium manus euasit. Comitibus tandem Parisijs coactis anno 1593. ad quae Regni ordines conuenerunt, ibi Primas tenēs, multa de honore Dei differēs pro noui Christianissimi Regis electione eos, qui aderant ad haeresim extirpandam, Fidemq; catholicam in illud Regnum introducendā, atq; introductam conseruandam cohortatus est, quae omnia,
quia

quia ab alijs ad perpetuam huius Cardinalis memoriã, ac laudem posteritati sunt commendata, nos singulatim recensere desistemus. Obijt tantus Præful Parisijs in Archiepiscopali Senonensis Ecclesiæ Palatio die Sabbathi 5. Kal. Aprilis 1594. ætatis annorum 76. hora circiter 13. cuius corpus in Ecclesiã Cœlestinorum depositum est, donec de extrema eius voluntate ad Ecclesiam Remensem transferatur.

VII.

Celeberrimum quoq; Galliæ: sed immaturè extinctū germen fuit *CAROLVS* ille de Vendosme dictus, ex serenissima familia Borbonia in Gallijs nunc regnante, nepos Antonij Nauarræ Regis, & Caroli Card. Borbonij, frater Henrici Principis, & Francisci Marchionis Condensis, ac Caroli Comitis Soissonij, filius Aloysij Condensis Principis, & Leonoræ de Royæ Roussi Dominae, anno 1564. in auras editus, quem, renunciante Cardinale patruo Archiepiscopū Rothomagensis electum, Greg. XIII. in Diaconum Cardinalem, postea S. R. E. Presbyterum: sed sine titulo anno 1583. Pontificatus XII. die Lunæ, pridie idus Decembris, in septima nouemdecim Cardinalium creatione promouit, cuius virtus turbulentissimis temporibus, quibus domesticis bellis Regnum Galliæ ardebat oppressa, eum splendorem; cuius antea radios fide eo in Regno virente, emittere cœperat, non potuit demonstrare: quapropter nemo vlla rapiatur admiratione, si pauca præclare gesta, huius hic apponamus; certum. n. est Carolum propter virtutes singulares, & multa egregia facta, & Archiepiscopatum, & sacram purpuram meruisse. Obijt is dū Regnum maioribus bellorum fluctuaret procellis, in S. Germani Castro apud Parisios, die Mercurij pridie Kal. Augusti, anno 1594. Pontificatus Tertio, sepultusq; est Gallioni apud Carthusianos.

VIII.

Felicissimum profectò infelicissima illa Nouerca Anglia pignus edidit in Lancastrìa Yorch Diœcesi Eboracensi GVILIELMVM .f. Alanũ, filium Ioannis, viri ; & ob nobilitatem, & ob pietatem in pauperes in illis oris celeberrimi; qui cum Philosophiæ, ac sacre Theologiæ studuisset, in ijs Doctoris gradum sumpisset, factus Canonicus Yorch; post Remensis, publicè sacras paginas Duaci, quæ Flandriæ Ciuitas est, in Galliæ confinibus inter Cameracum, & Tornacum sita, professus est, quo in loco anno 1562. Philippus II. Hispaniarum Rex Academiam publicã erexerat, vbi Guilielmus cum Gabriele fratre, & Thoma nepote patriam, ac proprias facultates; religionis ergo deserens, cum Regnum videret hæresi infectum, & Catholicos exosos, voluntarium eligens exilium, magna in paupertate voluit vitam degere, & quia eo cõcurrebant multi Anglorum catholici, ipse in Pij V. Põtificatu, quo aliquem modũ inueniret fidei eo in Regno conseruandæ, quibusdam prudentibus viris, & honorem Dei zelantibus, elemosynis Seminarium erigendum proposuit, quo iuuenes alerentur, qui sibi succedentes catholicũ nomen amplificarent, quod cum erectum fuisset, ei ipse; cuius author fuerat, præficitur; opus istud celebre numero alumnorum, incredibili religionis fructu amplificato, Philippus Rex multa liberalitate, ac Gregorius XIII. summus, & religiosissimus Pontifex, summis prouentibus fouerunt, quod postea, eodem Pont. ita disponente, cum in Gallias in Ciuitatem Remensem translatus esset, summo religionis beneficio amplificatum est. Caterum cum munificentissimus Pontifex, aliud etiam Romæ in hospitali eiusdem Nationis antiquo instituisset, & ditissimis dotatum prouentibus Patribus Societ. Iesu, moribus, ac disciplinis instruendum commendasset, vt ex eo Sacerdotes religiosi, atq; eruditi exeuntes, in Regno Anglicano animos catholicorum erigerent, hæreticorum eleuarent, & Fidem catholicam vbiq; vel in ipsa

in ipsa Regia prædicarent, hæretici iniuriam, ac damnum, quod sibi illatum iri ab horum Seminariorum alumnis præfagebatur, Reginam de tanto Regni detrimento comonefacere, eam etiam, atque etiam, ut tantis malis consulat, exorare, quibus Regina arridens anno 1580. edicta seuera in lucem edidit, Pontificem, Iesuitas, Collegiorum alumnos, aliosque viros religiosos Collegiorum authores grauitè increpat, Anglos catholicos Iesæ Maiestatis reos declarat, his omnibus; tanquam Regni seductoribus, aquam, & ignem interdicit, quibus edictis, & falsis, Dei seruis illatis calumnijs S. Iustinum Martyrem, S. Athanasium, atque alios id genus Patres imitatus, ut respondeat, Guilielmus pulcherrimum Apologeticum librum componit, quo graphicè summi Pontificis institutorum Collegiorum finem nullum alium fuisse, quam ut, & Patres Societatis Iesu, & Sacerdotes eorum alumni in Angliam concedentes illud Regnum ad veram catholicam Fidei cognitionem, & Sedis Apost. obedientiam deducant ijs rationibus monstrat, ac probat, ut illis postea hæretici, quid responderent, non habuerint. Vnde catholici Sacerdotes animis erecti, alacrius fidem defenderunt, quos idem religiosissimus vir pro Fide vexatos, scriptis libris, ut omnes miseras coeleste sibi præmium proponentes, æquo animo, ut Christianos decebat, ferrent adhortatus est. Quoniam verò hæretici Anglicani librum quendam Iustitiam Britannicam inscriptum, in lucem ediderant, quo nullum catholicum pro Fide tamquam Martyrem eo in regno mortem obijisse: sed omnes, ut regni rebelles ostendere conabantur; Ecce Alanus librum componens ijs ita respondit, ut aperta veritate, eorum mendacia; tanquam adueniente Sole, nocturnæ tenebræ euanuerint, cuius suscepti labores pro Fide catholica, & præclara gesta, præter libros lingua Angla contra eosdem hæreticos compositos, Biblia è latino in Anglicum idioma conuersa; & præsertim opus quoddam de Purgatorio; aliaque de Sacramentis in genere, talem de eius religione famam sparserunt, quam Romanam vocatus à Gregorio XIII. Pont. ad nouum Seminarium

erectum melius confirmandum, corroborauit, vt summi Principes in eo cohonestando certasse quodammodo visi sint, siquidem Philippus II. Rex Catholicus Abbatia inter Calabres, & quasdam super Panormitanum Archiepiscopatum pensiones ei detulit; & Sixtus Papa V. anno 1587. Pont. III. 7. idus Augusti, die Veneris, Cardinalem S. R. E. Presbyterum tt. Sancti Martini in Montibus promouit, quam illi dignitatem; vt auebat Greg. XIII. propterea non contulit, quod nimia paupertate laborans Alanus eam sustinere non posset, quem ab eodem Pontifice inter eos Cardinales annumeratum, qui librorum prohibitorum indici præerant, mortuo Antonio Card. Carafa, Greg. XIV. Bibliothecarium Apostolicum declaratum ad reformationem sacrorum Bliibliorum, sub Sixto inceptam, cum Card. Columna, deputauit. Guilielmus postremo Archiepiscopus Maclinensis in Belgis electus, non annis grauis: sed ob labores pro Fide exatlatos valetudinarius, anno 1594. Pontificatus Clementis Octauus, tertio, die Dominico 17. Kalé. Nouembris Romæ terrestres has exuuias, spiritu ad æterna gaudia properante, reliquit, ibiq; in Ecclesia Sanctissimæ Trinitatis Nationis Anglicæ, vbi super sepulchrū ea, quæ in fine elogij apponemus, affixa sunt, humi contactus est. Est præterea, quod ipsius summam religionem, & odium contra eum, hæreticorum patefaciat, nā effigies ipsius inuenta ab hæreticis Anglicis in domo Elisabethæ à Rosseal viduæ, olim Guilielmi fratris vxoris, quæ cum tribus filiabus; relicta patria, ac facultatibus, exilium voluntarium passa, aufugerat, qui foeminam catholicam carceri mancipandam inquirebant, multis iniurijs ei, quem referebat, illatis, strictis pugionibus, ac cultellis transfixa, & ad maiorem rabiem ostendendam pedibus conculcata, in puluerem redacta est.

DEO TRINO, ET VNO:

*Guilielmo Alano Lancastrienti S. R. E. Presbytero Card. Angliæ,
qui extorris à patria persunctus laboribus diuturnis, in orthodoxa
religio-*

reiligtione tuenda, sudoribus multus in seminarijs ad salutem patriæ instituendis, fouendis, periculis plurimis, ob Ecclesiam Romanam opera, scriptis, omni corporis, & animi contentione defensionem, hic in eius gremio scientiæ, pietatis, modestiæ, integritatis fama, & exemplo clarus ac p̃ys omnibus carus occubuit 17. Kal. Nouembris anno ætatis 63. exilij 33. sal. humana 1594.

IX.

Quid ille GASPAR de Quiroga ex nobili familia in castro Madrigale Veteris Castellæ in diœcesi Abulensi sito anno 1504. natus, quamuis parentes ortum duxerint apud Gallecios in ea ora, quam Vallem de Quiroga, vocant, an nō & ipse sæculi huius nostri ornamentū fuit qui Collegij S. Crucis Vallisoleti à Petro Gonzales de Médoza olim Car. instituti alumnus; opera legali sapientiæ, data, & in ea excellens, Vicarius generalis Compluti euadit, quo officio, dum fungeretur, non aduertens, quædam Apostolica diplomata frangit, vnde ad absolutionem obtinendam Romam ire, & ad pedes Iulij III. procidere cogitur, à quo pro Hispanis, Philippo II. Rege instante Rotæ Auditor eligitur, quod munus; vt erat iustissimus optimè exercens, & in ea curia versatus, arctissimum amicitiaæ vinculum cum Patre Ignatio Loyola societatis Iesu institutore contrahit, cui societati, cum faueret, Talaueræ, & Toleti, maximo sumptu duo Collegia ædificauit. Factus postea Ecclesiæ Toletanæ Canonicus, & Maiestatis regiæ consiliarius in Hispaniam proficiscens in ea regia talem se præbuit, vt consilij, & Inquisitionis Præsidens factus anno 1571. 16. Kalen. Ianuarij à Pio Papa V. Episcopus Conchen-sis sit electus; qui cum ad Archiepiscopatum Toletanum (Hispaniarum Primas, hæreticæ Prauitatis supremus Inquisitor, totius regij status Italiæ Præses, & summus Castellæ Cancellarius declaratus) translatus esset; à Gregorio XIII. anno Domini 1578. Pontificatus VII. die Lunæ 18. Kal. Ianuarij solus in Cardinalem Presbyterum S. R. E. tt. S. Balbinę promotus est.

est. Qui cum Hispaniam anno 1587. è Flandria, opera Alexandri Farnesij Parmæ Ducis, de Regis mandato translatum fuisset corpus S. Leocadiæ Toletanæ, quæ sub Diocletiano Imperatore floruit, ipsam, comitante Rege, Imperatrice, Principe, atq; Infante, clero, ac populo obuiâ sexto Kal. Maij, maxima, ac solenni pompa procedens, in Archiepiscopali Toletana Ecclesia obtinuit, vt nobilissimo sepulchro donaretur. Anno 1594. Albertum Card. Austrium Archiducem in secreto Consistorio Patrarum Archiepiscopum electum, in Archiepiscopatu Toletano cum futura successione Coadiutorē habuit, quo anno Pontificatus III. Gaspar tertio decimo die post expeditionem Coadiutoris electi, bonis operib. plenus, iam ætate grandæuus, 12. Kal. Decembris, die Dominico, hora decima Madrilij in coelū aduolat millies, millenis, ac quadringētis millibus aureis in pecunia numerata relictis, quorū maiore partem pauperibus distribuendam commisit; legati sui ministris Castellæ Præsidente Gil de Quignones curiæ Inquisitore, Ioanne Borgia supremo Imperatricis Oeconomo, Serrano Tolitano Canonico, & Quiroga suo familiare, cōstitutus; qui statim sexaginta millia aureorum Toleti, Madrilij, & Compluti in pauperes diuiserunt. Corpus in eius patriam translātū in Ecclesia pulcherrima S. Augustini Eremitani ab ipso, vna cum amplo Coenobio, quo vt plurimū ipsius Ordinis Synodus Provincialis conuenit, quibus etiam Patrib. quotānis bis mille aureos reliquit, vt pro anima rem sacram assidue haberent in nobilissimo sarcophago, vbi est tale epitaphium, consēpultū est.

Hic iacet Gaspar de Quiroga Card. & Archiep. Toletanus, Hispaniarum Primas, supremus Castellæ Cancellarius, & aduersus hereticam prauitatem Inquisitor generalis, Italia Præses, Philippi II. Catholici Regis Status Consiliarius. Obijt nonagesimū ætatis annum agens 12. Kal. Decembris, anno Natiuit. Domini 1594. Supradictō Rege regnante in Hispania, &

X. Sxpè

X.

S Aepè Hesiودي sententiam, qui laborem, & industriam nemini, languorem, & ignauiam omnibus turpem esse confirmat, secutū fuisse videtur MARCVS Sitticum ex nobilissima illa in Germania Altaëmpfiorum Comitum familia parentibus, Vuolf Theodorico, & Clara Medicea nobili Mediolanense religiosissima muliere, Pij IV. sorore, 14. Kal. Sept. die Dominico 1533. in Empfia Ditione ortum, qui inuita matre, quæ eum ad habitū Ecclesiasticum, summas illi dignitates prædicens, adhortabatur, arte militari sub auunculo Io. Iacobo Mediceo, armorum gloria eo tempore, omnium inter Italos longè Principe, se dedit, in ea admirabiliter excelluit, præsertim in bellis Hetruscis, quando idem Io. Iacobus Cosmo Mediceo Magno postea Duci seruiens, eo duarum Turmarum germanarum Duce cum Petro Strozio conferuit manum anno 1554. quo victo salutē domus Mediceæ, & simul totius Hetru-riæ consuluit. Ommitto alia egregiè acta, quæ apud Senas reliquit quatuor milliū Germanorum militum curam gerēs, & contra Turcas apud Populoniam, vbi in prælio ita decertauit, vt sub eo duo equi cōfoderentur; Card. verò Mediceo, altero ex auunculis ad supremū humanæ dignitatis fastigiū euecto, Eques S. Iacobi Hispaniensis factus; cum Pontificis, qui eū ad Ecclesiasticum statum hortabatur, dicto non obsequeretur, in propria sententia persistens, quadam die apud S. Petrum ad vincula, curru non sine vitæ discrimine super eum cadente ensis fractus est, qua re commotus, cum, voluntatem Dei esse videret, vt habitum clericalem indueret, Pontificis voto obsecundauit, quem, quanta prudentia dotaretur, cognoscens, anno 1561. Episcopum Cassanensem electum, Sedis Apostolicæ Nuncium ad Ferdinandum Imperatorem mittit, & 4. Kalen. Martij eiusdem anni, die Mercurij in numerum Cardinalium secundo in sacrum Collegium cooptatorum S. R. E. Diacon. S. Angeli; mox SS. duodecim Apostolorum, cuius Basilicę
postea

postea Præsbyterum fecit, adscribit; cui collato etiam Constantiensi nobilissimo inter Germanos Episcopatu; perpetua Auinioni Legatio, de qua postea, Archipresbyteratus S. Ioannis Lateranensis, Capranicæ Gubernatio, Legatio item Picensi, quod spatio trium mensium ab exulibus illud vexantibus liberavit, demandata est. Et cum idem Pontifex iterum indicto Concilio Tridentino, eoq; Legatis Præsidentibus missis Hercule Gonzaga Mantuano, Hieronymo Seripando Neapolitano, Stanislao Hosio Polono S.R.E. Cardinalibus timeret, ne Patres, ob hæreticos inde discederent, vt alias factum fuerat, cum Ludouico Simoneta Mediolanense Cardinale, Marcum Sitticum misit ea auctoritate, vt etiam, si opus esset, milites cogeret, qui eo profectus omnem Patribus timorem, & timoris causam abstulit. Idem ad Constantiensem Ecclesiam reuersus, Imperatorem hospitio excepit, & ad t. S. Georgij in Velabro translatus, Anno 1565. vt Imperij Princeps Comitiss ab eodem Imperatore Augustæ celebratis, interfuit; ad eandemq; Ecclesiam reuersus, sub Pio V. Synodum, qua populū, ac clerum Decretis Concilij Tridentini reformaret, celebravit, atq; vbi Greg. XIII. Romæ Collegiū Germanorū à Iulio III. inceptū, amplificauit, ab eodem eiusdē Marcus patronus, cum Cardd. Ioanne Morono, Alexandro Farnesio, Ptolemæo Nouocomense, & Ludouico Madrudio declaratus est, sub quo Pontifice titulum S. Clementis; postea S. Mariæ Transtiberim optauit. Quanti Altempsium faceret Sixtus V. anno I. Pōt. in Ruberto eius filio aperuit, quem S. Petri Burgi Gubernat. excubiarumq; propriarū; & paulo post Auinionen. Ditionis generalem Ducem declarauit, cuius legationem, mortuo Cardinale Borbonio vacantem, Clemens VIII. Pont. anno 1592. in Viterbiensem, & Patrimonij Cardinali permutauit. Fuit hic primus, qui Altaëmpsiā Domū in Italia in matrimoniū Ruberto, de quo supra cum Cornelia Vrsina coniuncto collocavit, quam innumeris honorum titulis in AEmilia, Hetruria, in Latio, Romæq; atq; alijs in locis multis Castris, Pagis, Comitatus

mitatibus, Ditionibus, Vinetis, Viridarijs, ac Palatijs peramplis emptis, ædificatisq; insigniuit, copiaq; bonorum omnium confirmauit. Et; vt à profanis ad sacra deueniamus, minime nobis reticendum erit liberalem illam pietatem, qua Ecclesiam S. Mariæ Transiberim instaurauit, ornauit, atq; in ea splendidissimum facellum dotauit, & Domum Piam Romę, cuius Pius IV. author fuerat, donis amplissimis afficiens, conseruauit, Palatiumq; Constantiensis Ecclesiæ summa impensa restituit, & vestes sacras, vasa argentea pretiosaq; alia dona, quę sacrę eđi Lauretanę, ac titularibus suis Ecclesijs, Abbatijs, Episcopatibus, & proprio facello legauit, Abbatiamq; propè Mediolanum de Mirasole nuncupatam, qua se, de Sedis Apostolicę venia priuauit, vt Collegium erigeretur, quò præ ceteris, Germani adolescentes sacris literis institueretur, & Rempub. Christianam adiuuarent. Hic cum esset S. R. E. Cardinalium Presbyterorū primus, ætatis annorum 62. sal. 1595. Pont. IV. die Mercurij 15. Kal. Martij Romę moritur, eius corpus contumulatum est in facello ab ipso extructo in Ecclesia Transiberina, quod facellum Concilij dictum est, eo quod illud Tridenti celebratum, ipse in eo depingi curasset.

XI.

Naturæ quasi insigne portentum ob multas dotes fuit Fr. HVGGO Verdala Gallus in castro Loubenx gentilitio in Narbonensi Gallia sito anno 1531. natus; is. n. vtraq; & literarum, & armorum laude floruit. Altera ob humaniores literas, quibus talem operā nauauit, vt Demosthenes alter ob eloquentiā quasi dictus sit. Altera, qua Eques Rhodiæ Militiæ factus, Fr. Ioāne de Homedes tunc illius magno Magistro, annonę præsidēs, & (vt ipsi dicunt) horrei Gubernator, bellici cōmeatus præfectus, in Prioratu Tolosano Præceptor, & Religionis apud Gregorium XIII. Orator, cui pergratus extitit, euasit. Huic ob eximiam vtramq; peritiam, Commenda maior Galliæ Narbonensis vacans, quę non nisi præsentibus conferri sole

solet absenti data est, & ob id infra annū Melitā, vt sunt Religionis statuta petere, ob similtates vertentes inter Fr. Ioannē Leuesquē de la Cassiera, à magisterio postea suspensū, & Fr. Maturinum de Lescourt Tolosanum Priorem Romagassum dictum, electum postea Promagistrum, cum vereretur, ne alicui parti hærere cogeretur, tentabat à Gregorio XIII. spatium temporis residendi sibi extendi, sed Pont. quia hoc militiē legibus repugnabat, quæ honestum ducit, vt qui eius honoribus, & commodis fruuntur, consilium dando, & suæ Ditionis milites in Religionis deuotione conseruando eidem operam suam debeant præstare, nihil ei concedente, in Insulam se contulit, vbi magnam crucem accepit, & cum neutri parti adhereret, ecce Pont. Romam accersit Magnum Magistrum, ac Romagassum, vt illis similtatibus finem imponat, sed ambo-
bus, 24. horarum spatio mortuis antequam similtatum causæ Romam peruenirent, mittendæ à Gaspare Vicecomite Rotæ Auditore, postea Mediolanensē Archiepiscopo, qui eam ob causam, & vt absente Magistro, eam Religionem, summi Pontificis nomine moderaretur, Melitam venerat; Equites vna coacti, vt successorem eligerent, Verdalam, præter omnium opinionem, Pridie Idus Ianuarij anno 1582. Magnum Magistrum declarant, qui; etsi in Magisterij principio, seuerum, clementem postea se omnibus ostendit, & religionem exiguo temporis interuallo ad felicissimum statum reduxit, & quoniam Gregorius XIII. vt omnibus patefaceret præcedentem Magistrum non iure suspensum, sed legitimū Principem, ac magnū Magistrū obijisse, Aloysio Estēsi Cardinali mandarāt, vt panni, ornamenta, insigniaq; ipsius in funere, cum Corona depingerentur, cum prius demissionis ergò, circa Religionis umbo nem esset tantum torques granibus ex corallo, vulgò Pater noster dictis, contextus, sine corona. Melitam postea misso corpore, atq; insignibus, ineunte Verdalæ Magisterio, de Equitum consilio, vt Pontificis summum beneficium, quod in Religionem contulerat agnosce se demonstrarent, insigne cum-
Coro-

Corona, Magnus Magister retinuit. Volenti postea Sixto V. in infideles animaduerrere, cum cogitationem suam, cui confidentius crederet ignoraret, in mentem tandem venit Hugonis virtus, cum quo sæpius in Cardinalatu Romæ, dum ipse Religionis Orator commoraretur, egerat, cuius incredibilem prudentiam, & singularem in omnibus rebus (sed præcipuè militaribus) experientiam, secum ipse considerans ad se vocare statuit, diplomate Romæ anno 1587. 4. Kal. Maij dato, per fratrem Ioannem Ottū Bosiū Melitā misso, quo eam precatur, ut quā primum se Romam conferat. Accepto Verdala diplomate, & hoc Hispaniæ, & Galliæ Regibus communicato, quinque triremibus Religionis, octo magnæ Crucis Dominis, & trecentis Equitibus comitantibus itinere maritimo flectit Romā, quā 6. idus Decembris ingressus; non priuata Patrum, ut alij Magistri congregatione: sed publico Cardinaliū consensu, à Pontifice in proprium Palatium excipitur, quem, ubi cum eo priuatum, ac publicè egit, qualibet dignitate dignum ratus, dum quintò Cardinales promoueret anno 1587. Pont. III. die Veneris 15. Kal. Ianuarij, cum his Hugonē Diac. Cardin. S. Marię in porticu creat, præficiens cum alijs Patribus classi maritimę triremium, quam ad maria Statui Ecclesiastico contigua defendenda, & ad hostes Fidei catholicæ propugnandos parauerat, qui ad Insulam reuertens, in ea Patribus Capuccinis Cœnobium ædificat, & Ciuitatem munit, statuta, & leges Religionis reformat; ut ipsius Militiæ egregiè acta posteritati consecrentur, author est, ducentum millia aureorum debitorum, qui eam paulatim consumeabant, soluit; nec propterea rumores euitat; nam multis de rebus, & præcipuè, quod ararium Religionis consumpserit, accusatur, quibus de rebus, ut se apud Clementem VIII. Pontificem expurget, nepotem suū mittit Romam, sed dum à Pont. Max. in congregatione ad id deputata ad rem cognoscendam, partes vtrinque exaudiuntur, Magnus Magister in Insula, in Valletæ vrbe die Iouis 4. nonas Maij, Ascensionis Domini solennitate, anno 1595. Pont. Quar-

Quarto, relinquens in ærario magnam auri vim, hac, rationē confilij sui reddēs, in Domino obdormiuit. Eius corpus à Religione in Ecclesia maiori sacra Diuo Io. baptistæ nobilissimo sepulchro, cum hoc elogio, donatum est.

Illustrissimo Domino Fr. Hugoni de Loubenx Verdala Cardin. amplissimo, Hierosolymitanæ militiæ, cui annos 13. mens. 3. dies verò 21. honorificè præfuit dignissimo Magno Magistro, Principi inuictissimo, prudentissimo, barbaris hostibus tremebundo, catholica Religionis studiosissimo, in aduersis forti, in prosperis circumspecto, moderato, prouido, 64. ætatis sue anno vita functo. Vniuersa Religio mærens hoc supremum pietatis officium ultro, libensq; reddidit, obiit 4. nonas Maij anno Domini 1595.

XII.

Occurrit Io. BAPTISTA Castruccijs, filius Vincentij, & Angelæ Liliæ; sanguine, & virtutibus nobilium Lucæ in Hetruria anno 1541. natus, qui in celeberrimis Italiæ Gymnasijs animo scientijs expolito, lauream Doctoratus anno 1565. consecutus, cum in patriam se recepisset, inter Senatores cooptatus, in administrandis Reipub. Ditionibus diu, & summa cum laude se exercuit. Romæ postea se conferens, inter familiares Fr. Felicis Cardin. de Monte Alto recipitur, à quo iam ad summum Pontificatum assumpto, omnibus dignitatibus à Pontificatu; primo. n. supplicibus Tabellis recipiendis; mox Canonicatu Basilicæ Vaticanæ; post Archiepiscopatu Theatino; tandem sacra purpura anno 1585. Pontif. I. die Mercurij, vna cum alijs septem 15. Kal. Ianuarij Presbyter tt. S. Mariæ in Araceli creatus, fuit insignitus, & Signaturæ Iustitiæ, ob mortem Alexādri Card. Riarij, Præfectus, ac in maximis negotijs, congregationibusq; adhibitus, qui sedente Clemente Octauo summo Pont. ad tt. SS. Ioannis, & Pauli translatus, anno 1595. Pont. IV. cum Roma in Hetruriam ad Pisarū balnearia, atq; inde in patriam se contulisset, ex iecoris malè affe-

le affecti morbo, vt perperam iudicabatur ibi 17. Kal. Septembris die Mercurij spatio septem dierum anno ætatis 54. consumptus est. Eius corpus apertum inuento iecore, atq; extis nihilum affectis in Ecclesia S. Francisci, vbi cælatum est epitaphium, quod apponemus collocatum est, cuius memoria à Re- pub. patria honorata est amplissimo funere ære publici posito, in quo eleganti oratione, Cardinalis encomia Tegrinus Tegrinus explanauit.

*Ioanni Baptiste Castuccio, tt. SS. Ioannis, & Pauli Presbytero
Cardinali Signatura Iustitie S. D. N. Prefecto.*

XIII.

SI verum est, quod scripsit Aristoteles magis expetendam esse quantulamcunq; præstantium rerum, & remotarum à captu vulgi cognitionem, & intelligentiam, quam communium, qua laude cohonestandum censemus, Fr. CONSTANTIVM Buccafocū è Castro Sarnano inter Picenos sito honestis ortum parentibus, qui relicto sæculo in fratrum Minorum Cōuentualium Ordinem receptus; nō animi modo, cognitionem: sed omnium rerum sublunarium, cœlestium, & ipsiusmet diuinæ essentia cognitionem (Philosophiam intelligo, ac sacram Theologiam) sibi comparauit? qui Laurea doctoratus sumpta, eas disciplinas Perusiæ, Patauij, Romæ, atq; in alijs Academijs Italiae professus, & in multis Ciuitatibus dominico verbo prædicato, magnam sibi omnium literarum candidatorum, & populorum beneuolentiam cōciliauit. Is cum primis magni semper fuit apud fratrem Felicem de Monte Alto, qui ad prima magisteria eiusdem ordinis euectus munerum suorum semper Sarnanum participem faciens; cum ad summum Sacerdotium assumptus fuisset, eundem inter octo Cardinales, quos tertio creauit anno 1586. Pont. II. 16. Kal. Ianuarij, præter omnium opinionem Presbyterum Cardinalem tt. S. Vitalis postea S. Petri in monte aureo declaratum adscripsit, Ecclesiae Vercel-

D d

lenfi

lenſi præfecit, in congregationibusq; ſanctiſſimæ Inquiſitionis, ſuper regulares, ſuper typos impreſſionis Vaticanæ, & S. Hiacyinthi canonizationem collocauit. Eruditionem Sarnani teſtantur Commentaria ipſius in Prolegomena Porphyrij; Conciliationes S. Thomæ Aquinatis, cum Doctore ſubtiliſſimo Ioanne Scoto in ijs præcipuè quæſtionibus, in quibus inter ſe maximè diſſentire videntur, in quibus oſtendit nullā, vt vulgus opinatur, eſſe cōtrouerſiam inter eos Doctores, ſi bene intelligantur; Amplificatio lecturæ, & ad lucem reſtitutio fratris Ioannis Valloni ſuper formalitates Scoti; Aureolus, cum Capreolo conciliatus typis mandatus, & omnia opera Scoti, & Franciſci Mayronis, quæ impreſſa proculdubio circumferrentur, niſi ei vitā mors Romæ hora 17. die Dominico pridie Kal. Ianuarij ſal. 1595. Pōt. IV. ætatis 64. improuiſo quodā accidente, quāuis paulò ante, cum ſe laborare ſentiret ſumptis Eccleſiæ ſacramentis, ad mortem ſe præparauerat, correptus, quod vix ei tempus conceſſit hæc verba pronunciandi. In te Domine ſperauī, non confundar in æternum S. Franciſcæ præſto mihi ſis, ad æternam felicitatem, vt piè creditur, migravit. Eius corpus portatum ad Baſilicam SS. duodecim Apoſtolorū Ordinis Minorum Conuentualium, orta lite de eodem humano inter Conuentuales, & Obſeruantes; iſti. n. in Eccleſia S. Petri in Monte Aureo, cuius titulum optarat ſepeliri debere dicebant; illi in Eccleſia SS. duodecim Apoſtolorum, quod eiufdem ordinis eſſet contumulandum eſſe, aſſeuerabant; in eadem Eccleſia deſiſtum eſt, donec ab Obſeruantibus victa lite ad Sanctum Petrum in Ianiculo delatum eſt. verum paulò poſt in patriam translatum in Eccleſia S. Franciſci, quam cum Ceno- bio, & ſi pauper erat, ædificarat ſplendide, dotaratq; terrę mandatum eſt. De his autem ſi quis latius audire velit extat oratio funebris Danielis Alſuorti Angli Theologi, in qua breuiter, & dilucidè tanquam in tabula vita, mores, & facta præclara Sarnani depiſta referuntur.

P Andoram quasi alteram ob dona, seu ob omnes virtutes à superis donatas meritò appellarim IOANNEM FRANCISCVM Maurocenum Clarissimum Venetum è nobilissima præ cœteris; præsertim ob splendorem illius magni Petri Cardinalis Gregorij XII. propter doctrinam, & res præclarè pro Sede Apostolica gestas celeberrimi, & parentum Petri illius ferenissimæ Reip. Senatoris, & matris, Aloysij, Iulij III. & Federici, Sixti V. Cardinalium Corneliorum sororis, illustriq; propagine natum; qui ijs disciplinis operam nauans, quæ ad Rempublicam rectè gubernandam conducebant; istis adiuncta morum grauitate, & Christiana disciplina in Senatum ante alios coæuos cooptatus, ab eo multis muneribus, & Legationibus Reip. insignitus; in Sabaudiam, Poloniam, Galliam, Lusitaniam, Hispaniâ, consilij sapiens declaratus, honor summus in eo; tandè Constantinopolim ad Turcarû Tyrânû Orator (Baliû hunc vocant) missus, in his Legationib. tâ honorificè se gessit, Reip. amante, religionis defensorè, humanû, ac benignû, magnaimû, in negotijs pertractâdis prudentè, ac iustû se omnib. ostendès, vt cum ob mortè Episcopi Delphini, Brixie. Ecclesia vacaret; Gregoriusq; XIII. multarû Religionû Principib. Patribus Venetias scribens separatim magis pios, & ad res spirituales moderandas; præsertim Ecclesiâ Brixien. Senatores sibi literis notatos mitti, curasset, Io. Francisci Mauroceni nomen; non modo in omnibus: sed etiâ primo loco positum est, quod videns Pontifex Episcopû Brixien. cum elegit; Cardinalè etiam creaturus; sed ei mortuo, succedens Sixtus V. diplomata collatæ Eccl. nondû conflata confecit, eû cohortatus, vt ad gregè cômmissum pascendû concederet, quod fecit, quando eâ esse Dei voluntatè vidit, cum antea se indignissimû ecclesiastica Dignitate multis indicasset, & summû Pontificè rogasset, vt acceptis excusationib. eam administrationè digniori conferret; in quo Episcopatu postea moderâdo, quotidie rē sacram agendo, ieiunijs, castitate, pietate, animarû de-

fiderio, & aliarū virtutū episcopaliū ea gloria floruit, vt alijs Episcop. splēdidissimū exemplar esset. Quibus omnib. virtutibus cognitis Sixtus V. qui finē imponere rebus Gallię adflētis, easq; eleuatas erigere, ac funditus bella, & simultates ab ea, & hāresim ammouere p̄cupiebat, aliquo Præsule præsātissimo eō misso; Ep̄m Brixien. quò nullum aptiorē inuenit, quia Regis curiæ valdē gratus erat, propter Legationem, quam obiebat, & quia omnes Galliæ partes singularis eius doctrinæ fama peruaferat, Sedis Apost. Nunciū ad Henricum III. mittit, qui, dum omnib. neruis intendit, vt pacē componat, honorē Sedis Apost. cōseruet, & illud Regnum in pristinum statum restituat, ab eodē Pōtifice, vt ipsius virtuti aliqua auctoritas adderetur an. 1588. Pont. IV. idibus Iulij, die Veneris in 6. promotione solus in Presbyterū Card. tt. SS. Neræi, & Archilęi promotus, pileo, ac Cruce missa, Legati Apostol. eo in Regno, titulo insignitur; sed cum ibi adesset, quando Rege mandante, occisi sunt Card. & Dux Guisij, nō potuit æmuloꝝ calūnias euitare, quę tales fuerūt; vt Italiā reuersum, Pōtifex subiratus audire renuerit; quo viso, nōnulli primarij Curie Præsules eū adhortantur, vt insimulato negligētiæ crimine, ad pedes Sāctiss. supplex procidat, quib. ille suæ sibi innocētiæ conscius, & veritati fidens; malle se quasuis iniurias perpeti, quā simulare adulationē aliquam, respondit. Superatis postea & patientia, & virtute falsis criminū insimulationib. in gratiā Pontificis rediens, ad tt. S. Mariæ in via translatus, seuocare se à Curie, ac status negotijs, & pacatē viuere Ecclesiæ suæ administrationi dūtaxat intētus cupiēs, se ad eā recipit; sed nō multo post Romā, ob crebra cōclauia, & negotia Germaniæ, & Vngar. quarū cōgregationib. ēt p̄gerat, reuocatur; qui circa finē anni 1595. ex improviso Brixia veniēs, inibi ex apoplexia; liberaliter pauperib. supellectili, familiaribusq; multis facultatib. legatis, spatium 5. dierū, annorū 59. 4. idus Ian. die Merc. hor. noct. 5. an. sal. 1596. Pōt. 4. animus ex hoc corporis carcere post multa, quatuor humorū cōtētiōe, ad triumphādum in omnē æternitatē

non

non sine ingenti bonorum lactu commigrauit. Eius corpus in Cathedralis Ecclesiæ cœmeterio depositum, Venetias in sepulchrum maiorum translatum est. In eadem Ecclesia eius exequiæ, ac iusta solenni pompa ducta sunt, orante in ipsius funere Marcello Tolosa Clerico Regulari Theatino, ex cuius eleganti oratione ea, quæ de Ioanne Francisco diximus summam collegimus.

XV.

ET doctrinæ studijs, & ciuilibus artibus; quæ laus raro vni, eidemq; contingere solet, etate nostra excelsit **PHILIPPVS** Segæ Ioannis Andreæ filius, patria Bononiensis, & origine Rauennas, cum ipsius familia (vt fertur) eadē sit cum Raualda in ea Ciuitate nobilissima. Is. n. in patria Academia legibus talem operam dedit, vt Doctoratum anno 1560. 9. Kal. Octob. consecutus, ad primos peruenerit; idemq; post, Romam profectus sub Pontificib. Pio 4. & Pio V. omnes ferè Aemiliæ Ciuitates prudēter, summaquē sui cum laude rexit, cuius Ditionis à Gregorio XIII. cui aliqua affinitate coniungebatur anno 1572. renunciatus Præsident, mox Piceni Gubernator, Ripanæ Ecclesiæ Episcopus electus, vtpotē qui ad res ciuiles pertractandas maximè aptus videbatur, cum Flandri intestino bello exercebantur, neq; collum superbū suauissimo Philippi II. Hispaniarum Regis iugo submittere vellent, Pont. pacis amicus, vt illud sedaretur anno 1577. Nuncium Sedis Apostolicæ Philippum ad Ioannem Austrium Regis fratrem, qui pro eo illorum populorum habenas regebat misit, & ex Flandria in Hispaniam ad eundem Philippum Catholicum Regem, vbi ei mutata est Ripana in Placentinam Ecclesiam, ad quem ab eodem Pont. secundo missus, cum intellexisset in ijs partibus multos Carmelitarum primam ordinis vitā, quæ fuerat mitigata denuo instituisse, seuerioriq; victu ad carnem edomandam vsos, excalceatos, quo postea nomine sunt nuncupati incedentes, in eo Regno ira creuisse, vt ex ijs XXII.

Dd 3

Cœno-

Coenobia essent extracta; ijq; à mitigatis Carmelitis vexarentur, horum Vicarium generalem fratrem Angelum Salazarium deputauit, donec de Pontificis mandato à mitigatis separati, atq; in vna Prouincia collecti electum sibi Priorem Prouincialē, qui tamē Generali totius ordinis Priori obtemperaret haberent. Qui in Italiam reuersus Sixti V. Pontificis nomine ad Rodolphū II. electum Imp. Nuncius mittitur; ipseq; & frater; Hieronymus item Aguchius V.S. Referen. vir in Romana Aula conspicuus, alijq; nepotes multis priuilegijs ad amorem, quo Philippum prosequabatur ostendendum ab eodem donati sunt. Sed prætermisissis legibus, ac Canonibus, eodem Sixto Pont. mandate à Philippo, pro recta administratione Collegij Picentium Bononiæ erecti constitutis, veniamus ad illas, post mortem Henrici III. bellorum Galliarum procillas, quibus commotus Pontifex anno 1589. Legato de latere in eas oras Henrico Cardinale Caetano, & sanguinis nobilitate, & rerū ad statum pertinentium vsu, vitæ, & morum integritate celeberrimo; præter alios selectos Praefules; inter quos tu Laurēti Blāchette, tunc Rotæ Audit. nunc S. R. E. Cardinalis (alios taceo) Philippum Prolegatum dedit, qui pro Religione catholica eo in Regno propaganda, hæretica labe delenda; quæ discrimina, quos labores, & qualem egestatem in Lutetiæ Parisiorum obsidione pertulerit, vna tecum, Cardin. Amplissime, & cum alijs, qui cum Legato aderant Praefulibus, tu ipse omnium particeps non ignoras. Qualem autem se gesserit eodem Cardinale Legato, vobisq; in Italiam reuersis, quam cumulatè Legationis munus impleuerit; volumina de his confecta, summusq; honor absentis ab Innocentio Nono post Greg. XIV. ad Pontificatum assumpto habitus satis aperte declarāt, qui, Philippum, vt de Sede Apostolica optimè meritum, anno 1591. Pōt. primo, 15. Kal. Ianuarij, die Mercurij, in sacrum Senatū legit, amplissimi Ordinis pileo; ac Cruce Legationis, insignibus ad illū in Galliā missis, vt in illis conspicuus inter Regni Proceres esset, quo in munere cum Clemens VIII. postea

stea confirmauit; ex qua Legatione in Italiā reuersus, quò nūquam per quinquennium venerat, anno 1594. 17. Kal. Decēbris die Martis Romam ingrediens, obuiam procedentibus, solenni pompa 37. Cardinalibus, quamplurimis Præsulibus, ac tota Curia, à Pontifice, publico Consistorio, & vt Cardinalis; qui creatus, nunquam Romæ fuerat, & Legatus de latere, titulo ei S. Onuphrij dato, & rebus Germaniæ Præposito exceptus est, qui dum se dignum præbet Cardinalitia, & etiā Pontificia dignitate, quæ vulgò ei deferebatur, in quodā pago Equitis Cecchini Nerij, extra Portam Pincianam Romæ posito, quo aëris mutandi causa concesserat; obiit anno 1596. Pontificatus V. die Mercurij 4. Kal. Iunij hora 11. eiusq; corpus eodem die Romam portatum, in Ecclesia S. Onuphrij sepultum est; cuius morte audita Bononiæ Pompeius frater, & dolore animi, alijsq; de causis confectus, item obiit, relicta in magna solitudine familia.

XVI.

FRANCISCVS Toletus, in nobilissima illa vtriusq; Senecæ, & Lucani patria Hispaniæ Bethicæ Ciuitate Corduba anno Domini 1522. 4. nonas Octobris, è parentibus ciuilibus ortus, ab ijsq; in teneriori ætate, atq; etiam adolescenti sanctissimis morib. & præcipuè Dei timore instructus, Philosophiā ita apprehendit in celebri illa Salmanticensis Gymnasij Academia, vt laurea magisterij sumpta annorum tantum 23. Philosophiæ cathedra, quæ non nisi viris ætate grandioribus, & celeberrimis dari solet, illi; præ cæteris electo, concessa sit, in qua biennio cam professus, omnes illius candidatos insigni affecit admiratione, quo exacto, cum in Hispania Societ. Iesu altas egisset radices, atq; in ipsa Salmanticensi, & Cordubensi, alijsq; Ciuitatibus, ac locis Collegia, ac domos erexisset, à Domino Deo interius commotus, extrinsecus illorum Patrum vitam, religionem, ac charitatem admiratus, vt animæ suæ, atq; aliorum consulat illi nomen dat, in qua Societ.

Dd 4

ciet.

ciet. sensibus mortificandis, atq; animo; summa primum Religione, deinde sacris disciplinis instruendo deditus, breui Philosophiam, & sacram Theologiam; cum vno, eodemq; tempore confessiones etiã audiret, summa cum laude publicè professus est, & cum aliquando Romæ Patres Societ. in Gymnasio virum aliquem celebrè electuri essent, cognita Toleti singulari scientia, sæpius instare, vt Romam ille concedat. At Imperatrix Regis Hispaniarum soror, cui Toletus maximè carus erat, discessum nunquam voluit concedere, nisi quando febre quartana assiduo biennio Franciscum vexante, Medici aërem mutandum, consuluerūt. Ex Hispania igitur Romã, Pontifice Paulo IV. profectus, publicè sacras disciplinas profiteri, Seminaria administrare, studijs præesse, Collegium Germanicum regere, & præ cæteris admirabiliter sermocinari cœpit, quæ omnia cum Pius V. summus Pontifex, & præsertim sermocinandi excellentem quẽdam modũ Francisci, auribus imbibisset, idẽq; Ioan. Aldobrandinus, tunc sacrę Rotæ Auditor, postea Cardinalis, Toletum amicissimus, multa de eius religione, & doctrina prædicans, apud summum Pontificẽ confirmasset; post Benedictum Palmium, & Alphonsum Salmeronẽ eiusdem instituti Patres, meruit Franciscus à summo Pontifice eligi, qui coram eodem, & sacro Cardinalium Collegio concionaretur, in quo munere tandiũ se exercuit, donec (vt dicemus) ad Cardinalatũ fuit assumptus. Legato postea ad Imp. Maximilianũ II. Io. Francisco Card. Cõmendono, propter negotia coronati Cosmi Medicei, titulo Magni Hetrurię Ducis ei adhibito, cumq; in fœdere contra Turcas coniungendi, atq; in Poloniam etiam misso, summus Pont. Cardinali Toletum voluit præsto esse, quo cum in magnis illis negotijs consilio, ac prudentia adiuuaret, quæ legationes felicissimum exitum sortitæ sunt, & quia negotia ad optimum finem perducta fuere, & quia admonente Francisco multi Hæretici Poloni ad veram fidem conuersi sunt. Mortuo porrò Pio V. atq; illi Gregorio XIII. succedente, cum felicem Germanę Polonęq; Legationũ euentum

tum percepisset, Toletum idoneum ratus Pont. qui in Flan-
driam mitteretur, quo excellentissimum, & eruditissimum
quendam publicum Louaniensis studij lectorem ad veritatis
lumen deduceret, qui lector cum quadā opinione erronea ni-
teretur ad Pōt. scripsit, se summo veritatis habendæ circa hoc
desiderio flagrare, siquidem inter plurimos Theologos, qui-
buscum disputarat, neminem qui sibi faceret satis adhuc inue-
nerat, quod si quem virum doctum mitteret, qui efficacibus
rationibus eum vicisset, se libenter veritatem Christianam am-
plexurum: sin secus, se in illa opinione permansurum. mitti-
tur ergo Toletus, eoq; (quod sanè res mira visa est) duorum
mensium spatio peruenit, hæreticum vicit, victique, & (quod
caput est) conuersi, literas Romam portat, quibus ille se effi-
cacibus Toleti rationibus acquieuisse testatur, quod sanè ma-
gnæ lætitiæ fuit Vniuersæ Ecclesiæ Dei, quandoquidem cum
Hæreticus ille magna præditus esset eruditione, multosq; alu-
mnos haberet; vt quāplurimos à vero tramite seduxerat; ita
postea multo plures ad eundem tramitē perduxit, vnde pro-
culdubio multo maius emolumentum, quam detrimentum ha-
buit Resp. Christiana. Hoc igitur facinus tam gratum Gre-
gorio XIII. Toletum redidit, vt in Italiam redeunti diploma;
quo facultatem extra Societ. commorandi, dabat, à superio-
rum obediētia absoluebat, ei concesserit; vnde postea in Apo-
stolico Palatio commoratus, munus concionandi exercuit, in
multis alijs negotijs eius operam summis Pontificibus adhibē-
tibus, vt Sixtus V. in reformandis sacris Biblijs, in quo, vt in
omnibus, sic omnibus satisfaciens, assumpto ad Pontificatum
Clemēte Octauo, cuius à confessionibus, & à consilijs in maxi-
mè arduis, & periculosis Christianæ Reip. negotijs, fuit. Anno
Domini 1593. Pont. II. in prima quatuor Cardinalium pro-
motione Romæ die Veneris 15. Kalē. Octobris, ab eodem in
sacrum Collegium fuerit cooptatus, maximè repugnantibus
Patribus Societ. Iesu, asserentibus Patres Religionis Canoni-
bus, omnib. Ecclesiasticis dignitatibus interdici, adhibita etiā
permul.

per multos menses continua oratione, atq; etiam multos Principes supplicantibus, vt Pontificem ab instituto proposito dimouerent: sed frustra; Pontifex. n. Presbyterum Cardinalem et. S. Mariæ Transpontinæ creauit, ponens eū in Congregationibus rerū Germaniæ, Vngariæ, & summorū Pontificatus negotiorum, & præsertim de rursus benedicendo, & reconciliando cum S. R. E. Henrico Quarto Galliarum Rege, à qua postea vniuerso terrarum Orbi; & summum gaudium, & vtilitas emanauit, atq; indies magis, ac magis emanaturam sperandū est, quod bonum Francisco potissimum arrogandum est, qui enixè opportunam esse eam benedictionem probauit; quinq; ; præcæteris rationibus his capitibus. Ex Euangelico præcepto. Ex iure naturali. Ex iure Canonico. Ex argumentis à ratione sumptis. Et ex argumentis moralibus, quapropter ei; post Pontificem, tota Resp. Christiana propter istud egregium facinus, gratias debet habere immortales. Cæterum iste cum illi summus Pontifex quædam ditissima Sacerdotia aliquando vellet conferre, contentus nonnullis paucis pensionibus, quæ ad victū, & exiguam familiam sufficerent, sic eadem repudiavit, dicens, quod si in vno, summo Pontifice sic volente instituta Religionis suæ excesserat, in eo paupertatis nullatenus intēdebat excedere, qui patrociniū Canonicoꝝ S. Saluatoris suscepto, vt suam erga pauperes pietatē ostenderet; multas Virgines Festo B. Virginis à Niue, proprijs sumptibus an. 1596. in matrimonium collocari iussit; quo anno mortali correptus morbo, summo Pontifice, inaudita beneuolentia, eundem visitante, annorum ætatis 74. 18. Kal. Octobris, die Sabbathi, hora 23. Festo Exaltationis S. Crucis, in Apostolico Palatio, vbi commorabatur, spiritū emisit. Hærede facultatum suarum instituto B. Virg. Altari in S. Mariæ maioris Ecclesia posito, earatione, vt tot Sacerdotia instituerentur, quæ quotidie in honorem eiusdem Virg. & pro animabus defunctorum rem sacrā haberent, quot pecuniæ ex supellestilibus recipiendæ postularent, cui Ecclesiæ antequam vlla exornaretur dignitate, duodecim

decim lampades argenteas, & postea multa ornamenta, & sacras vestes donauit, maximè veneratus illam Basilicam, quod nominis celebritate alias excelleret, & prima in Vrbe dicata fuisset B. Virgini, cuius in omni statu mirum in modum fuerat deuotus, in cuius præcipuis diebus festis, Cōceptione, Annunciatione, & Assumptione ante consueuerat quadraginta diebus, & octo ante alios, præter Quadragesimam, Aduentum, & tres dies hebdomadis ieiunare, corpus castigans, eleemosynas impertitus, & noctu pedibus Ecclesias suas in illis solennitatibus inuisens; relicta Societati Iesu Bibliotheca, & familia optimè remunerata. Vir in summa dignus longiori vita, ad christianæ Reip. beneficium, atq; vtilitatem, propter religiosissimæ vitæ exemplum, prudentiam, & summam doctrinam, vt multa ipsius opera testantur, inter quæ sunt (si in nomen nō cadit æquiuocatio) Epistola contra Ioannem Rochezanam hæreticum scripta. Cōmentaria super S. Ioannis Euangelia. Super introductionem Dialecticæ, ad Logicam, In libros Physicorum, in libros de Anima, de generatione, & corruptione Aristotelis typis mandata. Summa. Commentaria super Epistolam Sancti Pauli ad Romanos. Super Lucam à primo, vsque ad duodecesimum caput. Conciones latinæ, & alia ipsius scripta, nondum in lucem edita. Eius corpus sequenti Dominica 17. Kalen. Octobris ad Ecclesiam Societatis portatum; postquam illi parentatum fuisset, ad Sanctam Mariam Maiorem delatum est, ibiq; in pauimento sepultum, non longe à superioribus Basilicæ foribus; vbi in pariete à Canonicis nobili sepulchro donatur, in quo sequens elogiū legitur.

D. O. M.

Francisco Toletio Cordubensi S. R. E. Presbyt. Card. qui doctrina, prudentia, religione, sacra eloquentia, meritis, summorum Pontificum gratia, ad extremum purpura Clementis VIII. beneficio clarui, Deipara Virgini apprime deuotus, cui vivens omnem
animam

animum, moriens omnem hereditatem consecrauit, & iuge sacrificium in eius honorem, amplo annuo censu duodecim Sacerdotibus distribuendum decreuit. Vix. annos 73. menses 11. dies 10. obiit anno 1596. die 14. Septembris. Huius Basilicæ Canonici, & Capitulum viro amplissimo, & optimè de se merito posuere.

XVII.

EX illustrissima Columna familia; vt Romę, sic in tota Europa; & antiquitate, & titulorum splendore, & virorum insignium ex ea emanantium clarissima, inter quos vnus summus Pont. Cardinales duodecim, & innumeri (propè dixerim) Præsules connumerantur, vt Principatu Salernitano, ac Ducatibus Venosæ, Traiecti, Amalphitano, Palliano, & Tallyacotio; ac Cotronensi Marchionatu insignitos, belloq; illustres viros taceamus; exiuit nostra tempestate M. ANTONIVS Camilli, & Victoriæ Columnarum filius, qui iuuenis; post humanitatis, & Philosophiæ studium, in quo maximum ingenij acumen ostendit; dum postea se sacris disciplinis dedit Romę anno 1554. audiuit à Fr. Felice de Monte Alto Ord. Minorum postea summo Pont. Scoti formalitates, in quibus studijs, summa cum laude consenuit, coniungens cum disciplinis morum integritatem, qui eum talem in Curia romanâ reddiderunt, vt ex Abbate, Archiepisc. Tarentinæ Ecclesiæ à Pio IV. cuius Pastor olim fuerat Pet. Frâciscus frater Pompeij, Leonis X. Card. eiusdē gentis electus, ad sacram Trid. Synod. sit missus, cui finē imposito, Præsul; vt fama erat integerrimus, & maximè doctus ab eodem Pontifice anno 1565. Pont. VI. die Lunę 4. Idus Martij in quarta 23. nobilissimorum, & maximè præcipuorum Præsulum creatione Presbyter Cardinalis Basilicę SS. duodecim Apostolorum declaratus est. Sub Pio V. Pont. Archiepiscopatum Salernitanæ Ciuitatis rexit, quem anno 1574. sedente Gregorio XIII. Marco Antonio Marfilio nob. Bononiensi Cornelij, & Lauiniæ Columnæ filio renunciavit, à quo Pont. anno 1581. 8. Kal. Nouēb. Legatus de latere Piceni, & Cam-

Campaniæ declaratus, eam Legationem prudentissimè moderatus est, donec vixit Gregorius, à quo etiam ad titulum S. Petri ad Vincula translatus est. Cæterum succedente in Pontificatu Sixto V. ab eo; à quo multum diligebatur, statim Legatione Campaniæ, Maritimæq; insignitus, in Congregationibus Indicis librorum prohibitorum, & Canonizationis Sancti Dydaci positus; relicto Sancti Laurentij in Lucina titulo, Episcopus Cardinalis Prænестinus, Protectorq; Flandriæ eligitur. Mirum est, quod omnes Pontifices ei aliquam dignitatem certarint deferre, Greg. quippè XIV. tertio Capaniæ Legatū, & Clemens VIII. mortuo Card. Alano, Bibliothecariū Apostolicum declarauit. Fuit hic vir tantę virtutis, & expectationis, vt in crebris illis, ob morte Vrbanī VII. Gregorij XIV. & Innocentij IX. Pontificum Sedibus vacantibus, ab omnibus summus Pontifex expectaretur, qui in Zagarolæ castro in Diœcesi Palestinæ sitū, quò; die ante mortem se contulerat valetudinarius, vt ibi tota æstate cōmoraretur, tertio idus Maij die Martis, hora 15. anno 1597. Pont. VI. vitam cum morte cōmutauit; ibiq; in Ecclesia Sanctæ Mariæ apud Franciscanos sepelitur.

XVIII.

Singularis profectò exempli virum, ex multorum seculorū memoria fuisse GABRIELEM Palæotum nobilē Bononien. Alexandri I. V. D. & patriæ Senatoris, ac Gētilis Voltæ filium, anno 1522. 4. nonas Octobris, die Lunę ortum; oēs, ad quos rerum ab eodem gerendarum fama peruenerit fatebuntur. Huic ea animi, & ingenij indoles fuit, vt à primis annis in literas humaniores, & legalē sapientiā incumbens, breui excellens Orator, & I. C. disciplinis, mores Angelicos, pietate Christiana comitāte cōiungens, euaserit. Et annorū 24. gradu Doctoratus sumpto per decenniū in nostro Gymn. Bononien. multis nobilissimis viris audientib. inter quos fuit Hippolyt. Aldobrandinus nunc felicissimus Eccl. Cathol. Pastor, leges sum-

summa cum laude fuerit professus. Iam verò virtuti Gabrie-
lis, quæ potest par oratio inueniri? Quid est, quod quisquæ,
aut dignum illo, aut Lectori nouum, aut cuiquam inauditum
possit afferre? Non enim illæ sunt solæ virtutes Christianæ,
pietas in rebus sacris, fortitudo in periculis, industria in agen-
do, celeritas in conficiendo, consiliū, ac prudentia in prouidē-
do, quæ tanta sunt in hoc vno, quāta in omnibus reliquis Præ-
sulibus, quos aut vidimus, aut audiuius, non fuerunt. Testis
est Bononia, in cuius maiori Ecclesia mortuo Galeatio fratre
Canonicatu donatus, cum ob doctrinam, & integram vitam
Ioānes baptista Campegius vir omnium virtutum genere, quæ
in Præsule desiderari solent: sed præsertim in pauperes libera-
litate insignis, ei Maioricensem Cathedralem Ecclesiam vel-
let renunciare, eam repudiauit. Testis est Roma, quò anno
1556. mortuo Peregrino Fabio Episc. Vestano, à Paulo I V.
cui Gabrielis dotes Hippolytus Aldobrandinus per Syluestrū
patrem aperuerat, vocatus, vbi sacre Rotæ Auditor designa-
tus est, in illo Tribunali, virum se ea dignitate, & maiori di-
gnum, propter morum integritatem, singularem doctrinam,
inauditam humanitatem, & admirabilem animi demissionem,
ac diuipum quoddam rerum ad religionem spectantium desi-
derium, quæ omnia in illo excellebant, demonstrauit. Testis
est Tridentina synodus, in qua à Pio IV. anno 1561. missus, ta-
lem operam præstitit, vt inde anno 1565. Pont. VI. in 4 pro-
motione Romæ 4. Idus Martij sacra purpura Diaconus SS. Ne-
ræi, & Archillæi, postea Presbyter tt. SS. Ioannis, & Pauli
creatus, meruit cohonestari. Quid? quanta iustitia, & reli-
gione Ecclesiam Bononiensem rexit, quam ob mortem Ranu-
tij Farnesij Cardinalis Sancti Angeli vacantem Pius V. primo
Pōt. mense ei contulit electo Episcopo, & Imperij Principe
quo titulo Henricus V. Imperator anno 1191. huius Ciuita-
tis Pastores donarat, ad quam moderandam 6. Kal. Martij an-
no 1566. venit, in cuius administratione à primo vsq; ad vl-
timum diem ita se gessit, vt proprio exemplo tacitus, qua ra-
tione

tionem gregē sibi commissum possent pascere alijs Episcopis demonstrarit. Et quando verbis non opus est, ubi res ipsa quodammodo loqui videatur, pretereamus assiduos illos labores, quibus nūquam pro grege pepercit, ardentissimum illud animarum ad Deum conuertendarum desiderium, mores populi, ac clerici ad uitam Ecclesię disciplinam ad Concilij Trid. decreta, ab eo reformatos. Missas faciamus restorationes illas templorum Ciuitatis, & Diocesis, Episcopalis Palatii, & in maiori Basilica, Chori, ac confessionis, sacelliq; quod Palæottę familię Iuspatronatus est Deiparę Virg. dicati, regio (propē dixerim) sumptu, substructiones excitatas, preciosissimis SS. Zamę, & Faustianiani primorum Ciuitatis Episcoporum corporibus, Vitalis, & Agricolę martyrum Bononiensium, alijsq; Sanctorū Reliquijs, partim ē Gallia Cisalpina, ac Taurino translatis (quō, cum Carolo Cardinale Borromæo peregrinatus fuerat ad inuiscendam sanctam D. N. Sydonem, quę ad æternam Sabaudię serenissimorum Ducum gloriam in ipsorum Ditione conseruatur; super qua quisq; in lucem videre poterit piam Explicationem Alfonso Palæoti Archiepiscopi Bononiensis) partim ab eodē Alfonso, de quo infra, summo labore, & longo temporis intervallo collectis exornatas. Sed veniamus ad Greg. XIII. item Bononię. & collegam Gabrielis, a quo cū alijs Cardd. super Indicē librorū prohibitorū deputatus, titulo SS. Io. & Pauli, in S. Martini in Mōtibus mutato; cū Bononiensis Ecclesia Archiepiscopali Dignit. ei suppositis septē nobilissimis Ciuitatibus, Mutina, Rhegio, Parma, Placētia, Crema, Foro Cornelio, ac Ceruia aucta fuisset, Gabriel Cardinalis, cui propria manu plenitudinis potestatis Pallium Pontifex dedit, primus ipsius Archiepiscopus declaratus est; sub quo Pontifice, piē Eremū Camaldulensem inuiscens, ad perpetuum Archiepiscoporum Bononiensium illac transeuntium ibi receptaculum S. Petronio Episcopo dictum, ædificauit. Sedente porrō Sixto V. prima Synodo Prouinciali celebrata in Congregationibus super ritus sacros, & cęrimonias Ecclesiasti-

fiasticas, nec non pro electione Ecclesiarum cathedralium, & prouisionibus Consistorialibus collocatus, à S. Martini in mōtibus, ad S. Laurentij in Lucina titulum translatus; mox Episcopus Cardinalis Albanus electus, in sede Urbani VII. vacante collocabatur, nisi vnum tantum votum defuisset, à qua summi sacerdotij dignitate tantum abfuit; vt eam à diuina prouidentia sibi non hominum beneuolentia, quam nunquam, ob eam causam sibi conciliare studuit, voluerit deferri, quem creationis obicem tanta animi pertulit tranquillitate, vt eum; non modo, quod illud æquo animo pertulisset; sed etiam, quod vota illis ipsis, qui ei contradixerant, daret, summopere admirarentur. In Urbani VII. locum suffecto Gregorio XIV. ex Albano factus Sabinensis Episc. eum populum, & Clerū ad perfectam disciplinam restituens in ea ditione nobilissimum seminarium extruxit, quod ante ipsum: sed frustra alij Cardinales Episcopi prædecessores necessitatem inspicientes facere tentarant, & quia idem Pont. optimè cognoscebat vtilitatem, quæ ex eo emanabat, quod Gabriel Romæ commoraretur; particulari Bononiensis, vniuersale Ecclesiæ Dei beneficium antepponens, vt maiori animi quiete eum detineret, eidem concessit Coadiutorem cum futura successione Alfonso Palæotum ipsius consanguineū, virum; vt in legibus Ciuilibus, & Canonicis, sic in sacra Theologia eruditissimum, quem; postquam per aliquot annos in publico patriæ Gymnasio legisset, & munus Aduocati Romæ exercuisset Cardinalis Canonicum; mox Archidiaconū, quæ primadignitas post Archiepiscopalem in Ecclesia Bononiensi est, celebrisq; quod qui ea cohonestantur sint Cancellarij sacri Romani Imperij, & Doctoratus gradum in quouis scientiarum genere conferant, fecerat, incredibili omnium applausu, qui præter singularem doctrinam, & rerum vsum, continentis vitæ integritatem, castos mores, Ecclesiasticam libertatem, & coeteras ad optimum Pastorem requisitas virtutes, admirabantur, quo etiam in eiusdem Ecclesiæ administratione vsus fuerat per multos annos hunc Pontif. anno

1591. Pont. I. die Mercurij, idibus Februarij, in secreto Confistorio, eadem de causa Archiepiscopum Corinthi, & dignū, vt est Gabrielis in Bonon. Ecclesiæ administratione successorē, cui etiam; tum ob egregias animi dotes, Ecclesię. ac sanguinis nobilitatem, tum ob tanti Cardinalis merita, omnes vno ore maiora repromittunt, declarauit. Verumenimuerò ne videar rem meam agere, proprioq; & seruitutis, & consanguinitatis vinculo commoueri, vt præclaras Alfonso dotes extollā, ad Gabrielem reuertar, qui ab eodem Pontifice inter eos Cardinales, qui quibusdam Pontificijs diplomatibus reformandis præerant annumeratus, & à Clemente VIII. pro canonizādo B. Hiacynto, & in alia multa deputatus, eam in dicendis sententijs libertatem, cum grauitate coniunctam semper tenuit, vt sine vlla assentatione, aut timiditatis labe: sed magna modestia, & libertate, quod conducere putabat, loqueretur, quod omnibus alijs in rebus, tum præcipuè notum fecit, quo tempore de alienandis Ecclesiæ Romanæ bonis aliquando ageretur; vehementer. n. illi consilio, nulla prorsus maximorum principum, siue aliorū, qui repugnabant, ratione, habita obstitit, qui an. Dom. 1597. Pōt. VI. in fine mensis Aprilis in mortiferū incidens morbū, qui eū trib. ferè mensib. in mortis agone detinuit, in quo semper ille, & fortem, & patientē se ostendit, familiaribus suis, & animæ pijs legatis, officijs, ac sacrificijs perpetuis consulens, Ecclesia Bononiensi, quam moribundus successori Epistola, propria manu scripta, summa animi sollicitudine commendauit; aliqua ex parte hærede instituta, & sacello in eadem erecto, de quo supra, dorato; sacris vestibus, vasis argenteis, ad rem sacram agendam spectātibus, maximaq; pecuniarum summa ad pios vsus relictis, vniuersæ Ecclesiæ dolore, Curia totius lachrymis, & præcipuè Patriæ meæ vehemēter exclamantis, luctu; sanctissimè, vt vixerat, Romæ die Martis 11. Kal. Augusti, quarta sequentis noctis hora, annorum ætatis 75. ad æterna præmia properauit. Iam verò, ne à breuitate degenerantes in doctrina demonstranda in longum protrahamur,

Ee

tan-

tantum hoc nobis de Lectoris humanitate concefferimus, vt Tractatum de Nothis, & Spurijs, Episcopale Bononiæ varias ipsius constitutiones continens, ad rectam Ciuitatis, & Diœcesis administrationē elegantissimè conscriptum. Duos libros de sacris, ac profanis Imaginibus, ex quinq; , quos fuerat pollicitus. De sacri Consistorij consultationibus. Archiepiscopale Bononiæ, siue de Bononien. Ecclesiæ administratione, & de bono senectutis volumen, eloquentiæ, eruditionis, ecclesiasticæ dignitatis æterna monumenta, referamus. Restant etiã nonnulla alia imperfecta, vt ipsius Decisiones dum sacræ Rotæ Auditor esset. Acta omnia Concilij Tridentini nondum in lucem edita. Eius corpus depositum Romæ in Ecclesia Sancti Ioannis Euangelistæ Bononiensium; in Patriam translatus, in Cōfessione Ecclesiæ Metropolitanæ sub Altari Crucifixi, in priuato simplici sepulchro, quod sibi viuens posuerat, sepultum est. Eius funeralia in eadem Ecclesia postea celebrata sunt; orante in ipsis funere, summa eloquentia Carolo Caprara Iure consulto eiusdem Metropolitanæ Ecclesiæ Canonico, & eo tempore, quo iusta preparabantur, ad mortē ægrotante Bornino Blanco Iur. Vtr. Doctore, & eiusdem Ecclesiæ Canonico, Aduocato celeberrimo, qui multa fam. Romæ spatio viginti, & amplius annorum multos labores susceperat, cui antea orādi prouincia fuerat demandata.

XIX.

Sicut in agricultura primò terram esse fecundam oportet, deinde semina bona, & agricolam diligentem; sic Plutarchus educationem tribus potissimum rebus egere existimat, natura, doctrina, & exercitatione; quam educationem quanti esse duceret Lycurgus, exemplo duorum canum Lacedæmonijs ostendit, quæ omnia, qui in summo gradu reperta sint in Fr. MICHAELE Bonello anno Domini 1541. in oppido Boschi Dertonensis Diœcesis, ex honestis parentibus orto,

to, Fr. Michaëlis Alexand. postea Pij V. Pont. ex Gardina so-
rore pronepote, sapiens Lector poterit tacita cogitatione ri-
mari, nam hic sub eiusdem magni Auunculi disciplina educa-
tus, postquam aliquanto temporis spatio aliud profiteretur,
ad statum sublimiorē à Deo vocatus, religione media, Romæ
in Cœnobio S. Mariæ super Mineruam habitum Patrum Præ-
dicatorum induens; adhuc iuuenis in studia liberalium disci-
plinarum, moribus proprijs corrigendis, Ordinis institutis ob-
seruandis incubuit, vnde breui se dignum eo habitu, quem ge-
rebat, ostendens; ab omnibus ei honor habebatur, tum ob vir-
tutes, quæ in ipso mirificè elucebant, tum quia Auunculo ipsi-
us honores quotidie adiungebantur; ex Commissario enim
sancti Officij Nepefinus, & Sutrinus Episcopus; post S. R. E.
Cardinalis, ac tandem summus Sacerdos renunciatus, quo tē-
pore pronepos Perusiæ, vt sacræ Theologiæ operam nauaret,
commorabatur, instantibus sacri Collegij Patribus, vt aliquē
ex consanguineis suis Cardinalem crearet, quò in negotijs per-
tractandis Principibus satisfaceret, ipsorum votis Michaël ido-
neus iudicatus, qui inter ipsos assumeretur, Romam accersitus,
ea dignitate ab eodem in prima promotione anno 1566. Pon-
tificatus Primo, pridie nonas Martij, die Mercurij creatus Pre-
sbyter tt. S. Mariæ super Mineruam, cum proprio pileo, Ale-
xandrini cognomine, & prouincia vniuersi status Apostolici
administrandi annos tantum natus vigintiquinque donatus est,
in quibus dignitatibus, ac muneribus Auunculum imitatus, ta-
lem se gessit, vt potius hæc animum eleuarint, quam inflarint,
quandoquidem in audiendis negotijs facilem, in honoribus re-
cipiendis humilem, in causis expediendis sollicitum, in tractā-
dis prudentem, erga ministros, ac familiares, perhumanum,
ac clementem, erga pauperes pium, ac liberalem se ipsum sem-
per demonstrauit. Sed, vt clarius eluceant eius virtutes ope-
ræ præteritum est meminisse, quod anno 1568. mortuo Vitello-
tio Cardinale Vitellio, Sanctæ Rom. Eccl. Camerario, acci-
dit; cum enim Camerariatum vacantem, munus in Romana

Curia per amplum ipsi idem Pius Pontifex contulisset ; ac paulò post, deficiente pecunia propter impensas, quas succurrens Rhodiæ Militiæ, Imperatori, Regi Galliæ, Reginae Scotiæ, & exulibus Anglicis fecerat, deficiente inquam pecunia, ad bellum contra Turcas suscipiendum secum iam coniunctis Rege Catholico, & Venetis in eo celeberrimo fœdere, cui inter cæteros Cardinales præpositus est etiam ipse Alexandrinus, quadam die eum de Michaële quæsiuisset, placet ne illi eundem Camerariatū concedere, quò pecunia ex ipsius venditione cū alijs, ad illud bellum eliceretur ; inuenta summa animi alacritate in eo, qui respondit se eidem multo magis debere, quod illum ab eo, pro illo bello suscipiendo petiisset, quam cum sibi contulisset, Camerarium Aloysio Cardinali Cornelio septuaginta millibus aureis, qui pro bello impensi sunt, vendidit Pontifex, nepoti q; Prioratum Romæ Religionis S. Ioannis Hierosolymitani, ob mortem Fratris Bernardi Cardinalis Saluiati vacantem, contulit. Veniamus modo ad Legationes, quas anno 1571. Legatum de latere declarans Pontifex ad Philippum II. in Hispaniam ; ad Sebastianum in Lusitaniam, & ad Carolum IX. in Gallias demandauit, vt fœdus initum cōfirmaret, & augeret, atq; etiam alia negotia ad Catholicā Religionem spectantia pertractaret, quibus Regibus literis ad eos scriptis, quam graue esset priuare se Michaële, qui ipsi tã carus erat, & coniunctus ; & cui summam negotiorum Sedis Apostolicæ commiserat, in cuius virtutibus se aquiescere affirmabat, alterum se ipsum eundem vocans, patefaciens, se maximi facere ea, pro quibus Cardinalis ad eosdem legabatur ostendit, quæ ijs in itineribus, summisq; negotijs à selectis Præsulibus comitari voluit inter quos, ne acruū hic velle cogere videamur, paucos hic, scilicet Hippolytum Aldobrandinum tunc sacræ Rotæ Auditorem, Alexandrum Riarium Camera Apostolicæ Auditorem Patriarcham Alexandrinū, Matthæū Contarellum, & Franciscū Mar. Taurusiū Cardinali Camera Magistrū datū, quorū primus nunc felicissimè in Apost. Solio sedet,

Edet, ceteri Cardinales extiterunt, apponemus. Nimis longum esset hic recensere quanta humanitate in omnibus Regni partibus; sed præcipuè in Regia fuerit à Philippo exceptus, & quanta beneuolentia excultus, quæ inde colligi potest, quod ea omnia, quorum causa in Hispaniam concesserat ab ipso; nō difficili negotio vnus mensis, ac dimidij spatio impetrauit. atq; , vt aliquid etiam de alijs Legationibus dicamus, expeditis in Hispania negotijs, in Lusitaniam flexit, Regemq; Sebastianum, vt se cum alijs Christianis Principibus in foedere contra Turcas coniungat, & Margheritam Valesiā Caroli IX. Regis Galliarum sororem in matrimonium ducat, disponit. In Gallias postea, quo se Cardinalis, quam celerrimis itineribus, & periculis; propter hæreticorum insidias se contulit cum venisset, vt Carolo idem, quod Sebastiano suaderet, quoad foedus, & matrimonium nihil; multa autem, quæ ad rerum Ecclesiasticarum eo in Regno reformationem attinebant, obtinuit. Romam inde reuersus, cum non multo post summus Pontifex ad mortem laborans, ei sacrum foedus grauiter comendasset, atq; vt quamprimum nouum Pontificem eligeret, cum tot Cardinales ab eo creatos haberet, qui ei votum debebant exorasset: Cardinalis vniuerso Reip. Christianæ dolore, ac detrimento mortuo auunculo, ne sacrū illud foedus destrueretur, vix clauso Conclau, non modo in Greg. XIII. consensit: verum & alios Patres incitauit, vt summus Pontifex renunciaretur, à quo cum; vt par erat magni fieret, ab eo, vt etiam à successoribus in summis negotijs, & Congregationibus, vt Regularium, cuius postea Præsidentis fuit, & rerū Vngariæ sub Clemente VIII. in quibus nomen religiosissimi, & prudentissimi semper conseruauit, adhibuit. Omitto ob mortem Ioannis Card. Moroni Ordinis sui, & Confraternitatis S. Bernardi Romæ, & post Philippum Card. S. Sixti Sabaudiarum patrociniū ab eo susceptū. Quid sub Sixto Quinto? Non ne ab eo ad Canonizationē Sancti Didaci deputatus, relicto S. Mariæ super Mineruam titulo, ad S. Laurentij in Lucina translatus est; Episcopus postea Cardina-

dinalis Albanus, ex Presbyt. sedente Gregorio XIV. renuncia-
 tus, quis nescit, qua modestia Legationis munus anno 1591.
 sibi à Pontifice demandatum in Galliâ pro noua Regis electio-
 ne se excusans, repudiarit? Iam verò attingamus etiam Mar-
 chionatum Boschij Patriæ suæ, quo à Philippo II. Cardinalis,
 ob singularem beneuolentiam, qua Rex Pium V. semper obser-
 uarat, & Michaëlem ob præstâtes animi dotes, & mutuas ami-
 ci animi significationes, donatus est, ad quem possidendū, Ro-
 ma discessit anno 1596. 5. idus Martij die Lunæ, ex quo Ro-
 mam reuersus, dum comitem se summo Pontifici iter Ferrar-
 iam versus paranti, ad formandum nobilissimum illum Duca-
 tum, sine sanguine, paulò ante sua prudentia, Petriq; Cardin.
 Aldobrandini nepotis vigilantia, ad Pontificij Imperij propa-
 gationem, recuperatum se præbet, Hebdomade sancta, quod
 septē Ecclesias inuisens incaluisse, laborans morbo, quem Me-
 dici Perermiâ vocant, spatio septem dierum, die Veneris, ho-
 ra noctis 6. anno 1598. 6. Kal. Aprilis, Pont. VII. annorū æta-
 tis 57. ab hac infelici religiosissimè, ad felicem vitam trāsmi-
 grauit; remuneratis prius splendide familiaribus, pecunijsq;
 multis pauperibus legatis, qui eum miserorum, & egentium
 parentem nuncupatum, diū, multumq; , quod quotannis, mul-
 ta aureorum millia in ipsorum inopia subleuanda impēderet,
 luxerūt. Corpus eius funebri pompa ad Ecclesiam S. Mariæ su-
 per Mineruam portatum, ibi sepultum est.

XX.

CUm de familia Cornelia Venetijs, & in tota Europa cla-
 rissima, deq; S. R. E. magno Cardinalium numero, qui
 exiguo temporis interuallo, auitum splendorem in eā-
 dem confirmarunt, & magna ex parte auxerunt, supra in elo-
 gijs Aloysij Iulij III. & Federici Sixti V. Cardinalium, qui
 FRANCISCI, de quo modo sermonem instituere tentamus, Pa-
 trui fuere; si non abundè, satis certè quantum ad institutū no-
 strum attinet, seruata breuitate, quam ab initio proposuimus,
 scripse-

scripserimus, nihil aliud nunc nobis dicendum erit, quam ex eadem clarissima Cornelij sanguinis propagine satum fuisse Franciscum, ad omnes virtutes sibi comparandas natū, comparatas dignitatibus exornandum, qui honesta in educatione, incorruptis moribus primū, deinde humanioribus literis Philosophia, ac sacra Theol. fuit institutus atq; vt taceā honores, quos iuuenis in florentissima Patria Rep. consequi cōperat, hoc vnum dicā, quod ab heroicis ipsius virtutibus motus Gregorius XIII. cum anno 1578. ob mortem Georgij patrui, Cathedralis Ecclesia Taruifina vacaret, applaudente sacro Cardinalium Collegio, & Repub. Veneta, Francisco eam contulit, ad quam regendam 5. Kal. Aprilis eiusdem anni profectus, nulli labori pepercit, vt eam in eo statu conseruaret, in quo Patruus, & ante illum Franciscus Card. Pisanus, qui longo temporis interuallo in ea pascenda confederat, posuerant. Qui à Sixto Papa V. postea Camera Apost. Clericatu cohonestatus, renunciata Ecclesia, quam moderabatur, Romam profectus, in negotijs tractandis prudentem, in expediendis celerem, in familiaribus colloquijs humanum, & vt vno verbo complectar, omnibus se virtutibus exornatum in Curia ostendens, ea se habuit ratione, vt Clemens VIII. Pont. Max. quō virtutes, quas summoperē tot, ac tantas in eo admirabatur, magis, ac magis elucerent, & eisdem multum accederet auctoritatis, in secunda promotione 16. Cardinalium anno 1596. Pont. V. nonis Iunij Presbyterum Cardinalem tit. S. Martini in Montib. creauit; in qua dignitate, dum se ad vniuersum Ecclesiæ beneficiū exercet, & itineri se accingere parat, quō eundem Pontificem comitetur Ferrariam, valetudinarius incidit in pestiferam febrem, qua spatio septem dierum confectus Romæ 18. Kalen. Maij, die Martis, anno 1598. Pont. VII. hora noctis sexta, in Domino obdormiuit, eiusque corpus in Ecclesia S. Syluestri Clericorum Regularium Theatinorū in Monte Quirinali propē locum, quo depositum est corpus Federici patrui, Sixti V. Cardinalis, sepultum est.

XXI.

EA fuit **SCIPIONIS** Lancellotti nobilis Romani virtus Horatij Art. & Med. Doctoris. & Antonie Aragonie filij anno Domini 1527. 10. Kalendas Decembris, die Iouis, hora noctis quarta nati; ea iuris peritia, literarum, ciuiliūq; rerum tractandarum cognitio; vt quem cum illo conferas haud facile reperies. Is à primordio ætatis Bononiæ legalis sapientiæ studio animum appulit, doctorq; iam in ea disciplina factus Romam reuertens à Paulo III. Aduocatus Cōsistorialis declaratus, eo in munere per annos octodecim multa sui cum laude se exercuit, quo tempore à Paulo IV. in Aemiliam, & Venetias ob quandam in Rota agitatā causam; & à Pio IV. ad sacram Tridentinam Synod. missus, necnon à Concilij Præsentibus anno 1563. ad Maximilianū II. Romanorum, & Boemiæ Regem, & ad Albertum Bauariæ Ducem propter res ad Cōcilium spectantes Legatus; anno 1565. à Pio IV. Rotæ Auditor declaratus; Carolo Borromæo Mediolanense Archiepiscopo anno 1565. vt primo Prouinciali Concilio assisteret, quod idem Carolus in Ecclesia sua eodem anno celebrabat: socius datur; Augustam item mittitur, vt Conuentui Imperatorio adesset, qui haberi debebat apud Io. Franciscum Card. Commendonum; qui è Polonia ab eodem Pontifice eò Legatus missus fuerat. Et cum inter Archiducem Ferdinandū Austrium, & Ecclesiam Tridentinam non nihil dissidij, maximi tamen momenti esset exortū, Pius V. qui tunc in Solio Apostolico sedebat, Scipionem, ad Christophorum Cardinalem Madrucium Tridentinum Episcopum, ad Capitulumq; . ad Bauariæ Ducem, ad ipsum Archiducem Ferdinandum; & Maximilianum II. electum Imperatorem diplomatibus efficacissimis misit, quibus, ac verbis, virtute, doctrinaq; comitantibus sic egit, vt nihil inde illa Eccl. acceperit detrimenti. Quid Gregorius XIII. non ne eundem Rotæ Auditorem Flauio Cardinali Vrsino dedit, quando Cardinalem Legatum ad Carolum Nonum

Nōnum Regem Galliaē misit? Vnde Romā reuersus, hinc Neapolim, & Aemiliam ob causas, eiusdem Rotæ vrgentissimas concessit, quem postea idem Gregorius; vt aliquo laborū susceptorum præmio afficeret anno 1583. Pont. XII. dum septem Cardinales promoueret pridie idus Decembris, die Lunæ Diaconum; postea Presbyterum Cardinalem et. S. Simeonis creauit, eundemq; Sixtus V. anno 1585. cum alijs Cardinalibus ad audiendas conqueſtiones populorum Ecclesiæ subiectorum, ijsq; consulendum, & in ea Congregatione, quam instituit pro immoderatis sumptibus, qui Romæ, & per totā Ecclesiasticam Ditionem, in dotibus, pompis, ac vestitu fiebant, reformandis, ac super vniuersum Studium romanum deputauit, qui ab eodem an. 1586. Bononiam, ac Ferrariam missus, vt differentias inter Alfonsum Ducem, & Bononienses circa confinia, & aquarū cursum accommodaret, ab eodē Breuium signaturā ob mortē Matthæi Cōtarelli Greg. XIII. Card. vacante, & et. S. Saluatoris de Lauro obtinuit, qui in Curia negotijs ob singularem doctrinam, prudētiam, ac rerum vsum adhibitus, nulli Cardinali auctoritate secundus, immo Pontificia dignitate à multis dignus iudicatus: à qua non multum in crebris illis Pontificijs interregnis absuit, studio laboribusq; grauis, cū in lætale morbum incidisset anno 1598. Pontif. VII. ætatis 70. 6. nonas Iunij, die Martis, hora 17. Romæ, diem extremū clausit. Eius corpus in Ecclesiam S. Simeonis portatum, in Basilica S. Ioannis Lateranensis in sacello S. Francisco dicato, quod ipse extruxerat, ac dotarat, collocatum est.

XXII.

Restat iam PHILIPPVM ex Imperiali sanguine, serenissimaq; ac nunquam satis celebrata Bauariæ Ducum familia, Guilielmi illius Prouinciæ Ducis, & Renatæ Lotharingæ filium Maximiliani Principis, & Ferdinandi Archiepiscopi Colonienſis, sacri Romani Imperij Electoris fratrem, solita elogiorum exornatione condecorare, qui à patre, viro, qui

qui in prudentia, ac pietate Christiana multos quidem eiusdem Ordinis Principes se imitantes; neminem verò superantē, aut etiam adæquantem habet, cum potius vitam priuati Religiosi, quā Principis secularis, sub Patrum Societ. Iesu institutione agat, educatus, adhuc iuuenis ab Erneste patruo Archiepiscopo Colonienſe, Præposituram maioris Ecclesiæ in eadem Ciuitate obtinuit; electus paulò post Episcopus Ratisponensis, creato summo Pontifice Clemente Octauo; vt pedes sanctissimi deoscularentur, sacra loca Romæ viferent, ac Italiæ pulchritudinem viderent, anno Domini 1592. ipse, & Ferdinandus frater tunc Treuirorum Canonicus à patre Romam missi sunt, quo peruenerunt die Martis 6. idus Septembris eiusdem anni, obuiam procedentibus, sacro Cardinalium Senatu, summi Pontificis Nepotibus, Principum oratoribus, totaq; Curia, quouis honoris genere serenissimorum titulis insigniti, à Pontifice excepti, Aulæis sericis, & Conopæis aureis, quod in eodem Palatio nemini pter Pōtifici præstari solet, quib. Pōtifex post priuata colloquia, die Veneris sequenti, tertio. scilicet idus eiusdem mēsis, præsentibus 28. Cardinalib. atrētas aures præstitit, orate elegantissimè Philippo. Ijdē Romæ 8. mensib. cōmorantes, cum se ætatē, senili quadam prudētia, ac doctrina superare ostenderent, mandante summo Pontifice in Congregationem Germaniæ admissi sunt, ac ipsius assistants, publicè in sacello facti sunt. Cum porrò natu maior frater Princeps Maximilianus, vt eadem humanitatis, & obseruantię officia præstaret, Romam venisset, & inde Neapolim visum se transtulisset; Romam reuersus, ipse, cum alijs benedictione, à summo Pontifice habita, à quo preciosissimis muneribus, Crucifixi Imaginib. aureis, multisq; Sanctōrū Reliquijs in oras suas dimissi sunt, eorumq; virtus tam alta Pontificis mēte reposta est, vt anno 1596. Pont. V. 15. Kal. Ianuarij die Mercurij, cum in secreto Consistorio Ferdinandum eorum tertium ad Coloniæ Archiepiscopātum, quem Ernestes patruus renunciarat, admisisset, Philippum secundogenitum S. R. E. Diaconū Cardina-

dinalem solum in tertia promotione, vniuersa Curia exultante, pronunciarit. Erat is Cardinalis talis euasurus, cui vix vnaquā nostra tempestate parē vllum sacrū Collegiū habuit, p̄p̄dotes animi, corporis, ac fortunæ, & ob summam religionem, quam cum lacte materno suxerat; & qui Romam versus iter parabat, quando in principio tam felicitatis cursus, vniuerso Ecclesiæ detrimento, nobis immatura morte ereptus est. Obijt anno Domini 1598. ineunte Mense Iunio, in Ciuitate Stambergh; vnde paulo ante nuncium Ferrariam miserat ad benedictionem, quam obtinuit ab eodem summo Pontifice, postulandam. Cuius corpus Monachum portatum, ibi depositum est; ad Ecclesiam fortasse Ratisponensem transferendū.

XXIII.

Quantos inimicus ille Martis bellicus Auster in Galliā, Belgasq; hisce annis elapsis ingessit lachrymarum imbres, tantas lætitiæ pluuias eisdem in partibus postea intulit serenissimus ille ALBERTVS Austrius Maximiliani II. electi Imperatoris, & Mariæ eiusdem Austriæ familiæ filius, quæter maxima potest nuncupari, cum ex Carolo V. Imperatore nata, & Maximiliano II. Cæsari desponsata, inter filios suscepit Rodolphum II. qui nunc Imperium obtinet Alberti fratrem, de quo sermonem instituimus, qui anno Domini 1559. die Lunæ idibus Nouembris, Neustot natus, à sacro Baptismatis fonte à Vratislao de Berstein aurei Velleris Equite, & supremo Boemiæ Cancellario, & à Maria Manriques eius vxore, Ioannis Manriques de Lara secreti Cæsariæ Maiestatis Consiliarij rerum bellicarum Catholici Regis Præfecti sorore, susceptus est. Is annos natus 18. propter summam pietatem, quam adhuc iuuenis spirabat, à Gregorio XIII. anno 1577. Pontif. Quinto, die Lunæ 4. nonas Martij creatus Diaconus Cardin. postea, ex privilegio, Presbyter tt. S. Crucis in Hierusalem, instante Philippo II. Hispaniarum Rege eius patruo, Lusitani Regni; secuta morte Henrici Cardinalis, & vltimi illius Portugal-

tugallensis familiae Regis Castellae vniti, Legatus de latere, iustitiae facultatib. declaratus, amplissimo eiusdem Legationis munere, Gregorio XIII. Sixto V. Urbano VII. Greg. XIV. Innocentio IX. atq; etiam Clemente VIII. summis Pontificibus perhonorificè, & cum laude perfunctus, Regnum ipsum (ab eodem Philippo Prorex, & Gubernator anno 1583. declaratus) summa iustitia, ac prudentia, eorumq; populorum applausu spatio decem annorum rexit, quibus exactis, in Hispaniam vocatus collega Cónsiliorum Principi Philippo filio à Rege, datus; ipse. n. ætate iam grauis, à negotijs, & à curis tot Regnorum paulatim abstinēbat; anno 1594. 7. idus Nouembris die Lunae proponente in secreto cónsistorio ipso summo Pontifice Clemente VIII. Patrarum Archiepiscopus electus, Coadiutor cū futura successione Gasparis Cardin. Quirogæ Archiepiscopi Tolletani, temporis interuallo sacris se initiandi imposito, renunciatus est; cuius Archiepiscopatus tertiodecimo die post expeditionem Coadiutoris declarati ob mortem Cardinalis Archiepiscopi vacantis, vt suo loco diximus, pro Alberto Cardinale, Episcopus Segobiensis 4. idus Aprilis anno 1595. possessionem inijt, quo anno, à Rege Catholico Cardinalis Flandriae Gubernator declaratus, dum eo proficiscens Saonā peruenit; Romam; ad Pontifici humanitatis, & obseruantiae officia praestanda, misit Principem Orangensem, qui cum eo redibat in Belgas, in cuius Ditionis administratione, quia ea facinora praecleara patrauit, quibus se ipse vicisse visus est, cum nullo labori; & pacis, & belli tempore pepercerit, impigrum se; tam ad arma in belli necessitatibus, quam tempore pacis in Ecclesiasticis dignitatibus, muneribusq; fungendis venerandum praebēs, & quo medio celsiores Europae Reges Philippus. II. Hispaniarum, & Henricus IV. Galliarum pacem inter se composuerunt, ex qua Belgarum item tumultus reuocantur; cuius pacis ipse mediator fuit, & proprio religionis desiderio commotus, & vt faceret satis Clementi VIII. summo Pontifici, qui eius opera apud Regem Catholicum, vt nunquam satis celebrati

brati Card. Alexātri Medicei apud Henricum Galliae Regem Legati utebatur, quæ egregia facinora, cum aliam eloquentiā requirant, ea alijs describenda relinquam, vt elogio superfedeam, dicens Albertum; postquam ab eodem summo Pontifice potestatem obtinuit vxoris ducendæ, dimissa Toletana Ecclesia pro Garfia Loaysa Regis Hispaniarum Philippi Tertij olim à morum institutione, simul dignitatem etiam Cardinalitiam, & administrationem tt. S. Crucis in Hierusalem, aliarumq; Ecclesiarum, quas prius obtinebat, per Fanandriū Driū Archiepiscopum Bisuntinū, hac de causa Ferrariam missum, corā summo Pontifice, & sacro Patrum Senatu in secreto Cōsistorio 4. Kal. Augusti 1598. die Mercurij celebrato, submissē renunciaſſe, quo annuente, consentientibusq; Patribus. Ipse à iureiurando absolutus publica sic vtilitate exposcente, à sacro Galero ad celebrandas nuptias cum Isabella Clara Eugenia Philippi III. Hispaniarum Regis sorore, immortalis ipsius cum, gloria vocatus est.

XXIV.

CLaræ Cusanæ gentis splendorem, spectata virtute multū augeat AVGVSTINVS ex eadem familia nobilis Mediolanen. Aloysij, & Constantiæ Addæ filius, qui tāta; ad magnas res, iam inde à prima adolescentia indole fuit, vt Aui-nioni, Bononiæq; , vbi Angelo Papio in legibus doctore vsus est, ac Ticini Pontificij, Ciuilisq; Iuris studio se committens breui earundem disciplinarum, diuinarumq; scripturarū, quibus incubuit, præstans, sublimisq; interpres euaserit. Hic sub disciplina Caroli Cardinalis Borromæi Mediolanensis Antistitis in moribus excelluit, numerisq; omnibus absolutus, redditus Romam inuitus, magno Dei consilio, ob domestica negotia veniens in ædibus B. Marię in Vallicella, Congregationis, Oratorij cum Francisco Maria Taurusio, Cæsareq; Baronio, nunc Sanctæ Rom. Eccl. Cardinalibus, alijsq; Sacerdotibus diuertit; vbi vtr. Sig. Refer. mox Sixto V. Pontifice sedēte, Apo.

te, Apostol. Camera Generalis Auditor electus, ad magnasq; Reipublicæ deliberationes adhibitus, ingenio, consilio, prudentia, grauitate, & sanctissimis moribus, quibus illustrabatur, fideq; , ac constantia in iustitiam, & oppressorum defensione suscipienda, quorum firmissimum præsidium, & columen semper fuit; voluntatem, ac studia summi Pontificis, ita ad sese attraxit, vt ab eodem anno 1588. Pont. IV. die Mercurij 19. Kal. Ianuarij Diaconus Card. S. Hadriani electus sit, duabusq; summis Congregationibus; alteri super Concilij Tridentini emergentibus quæstionibus; alteri pro grauaminibus subditorum subleuandis adscriptus sit; alijs item duabus extra ordinem indictis, & quæ pro compilatione libri septimi Decretalium, & pro rebus ad Regnum Galliarum spectantibus; & præter hæc, & alia munia non pauca, Fratrum Minorum Conuentualium cura ab eodem demãdata sit, à quo integritate, ac religione insigni, zeloq; , & spectata pietate, vt virtute præclaro, corpora Sanctorum Marij, & Marthæ, olim in sua Diaconia condita, cum alijs plurimis Sanctis Martyribus inuenta, vna cum S. Hadriano, Flauia, Domicilla, Neræo, & Archilæo, tribus pueris, Pappia, & Mauro martyribus, quorum omnium plumbea, & lapidea tabula scriptæ indices erant, ab eodem in confessione honorificè collocata sunt; ex quibus SS. Pappiæ, & Mauri sacra corpora, de summi eiusdem Pontificis venia; singulari amoris studio, curante eodem religiosissimo Card. qui etiam iussu Sanctissimi eandem conceptis verbis, tradidit B. Philippo Nerio instituti Fundatore, ac Præposito; ex eadem Diaconia in Ecclesiam S. Mariæ, & S. Gregorij in Vallicella dictam Congregationis Oratorij de Vrbe, translata sunt; vt etiã postea in gratiam Cæsaris Cardin. Baronij anno 1597. permittente Clemente Octauo Sanctissimo D. N. corpora SS. Flauiæ, Domicillæ, Neræiq; & Archilæi, ex ipsamet S. Hadriani Diaconia, ad titularem Ecclesiam eorundem martyrum à præfato Card. Baronio, summa impensa eleganter restituta, & ornata, asportata sunt, ad augendam populi deuotionem. Sed ad Augusti-

num

num reuertamur, qui à Gregorio XIV. Pont. auctus Presbyte
ratu titulū S. Laurentij in Pane, & Perna; & sedente Clemente
Octauo SS. Ioannis, & Pauli accepit, quo, cum Ferrariam an-
no 1598. venisset, eòq; Mediolanum; visendæ Patriæ causa,
ibi in summa, & vitæ, & gloriæ inter alios sui Ordinis Patres
clarissimus, & qui ad Apostolatus fastigium fore, vt perueni-
ret aliquando ab omnibus existimabatur, morbo inter paucos
dies consumptus, ad æterna præmia eodem anno, & Pontifi-
catus tertio decimo Kalē. Nouēb. die Martis, hora 13. prope-
rauit, bonorum omnium hærede sibi instituto Mediolanense
magno Xenodochio, legatisq; multis aureorum millibus sum-
ma liberalitate in familiarium, & amicorum vsum, & pro sa-
cra Cella in Ecclesia S. Mariæ in Vallicella, de qua supra, sub
inuocatione S. Augustini extruēda, amplisq; vectigalibus do-
tanda, & ad alias pias causas. Sacerdos summa grauitate, san-
ctissimis moribus, & religionis fama in primis clarus, cuius
corpus priuatim, absq; pompa, elatum in Templo S. Barnabæ,
vt iusserat, conditum est.

XXV.


AD rei militaris splendorem, quo familia Pepula; innu-
meris stemmatibus, immensis opibus, amplissimisq;
ditionibus, tum verò quondam pro S. R. E. dominatu
ipsius Patriæ inter Bononientes clarissima, nobilissimaq; oēs
Europæ æquat, multas anteiuit, togæ quoq; laudes, præter cæ-
teros addidit G v i d o Comitum Cornelij, ac Sulpitiæ Insula-
næ filius, anno redemptionis humanæ 1560. die Veneris, sex-
to Kal. Maij. hora quarta natus, qui literis eruditus, ac in mo-
ribus maximè excellens, à Gregorio XIII. summo Pont. inter
Protonotarios Apostolicos, quos de numero participantium
vocant, anno 1580. annumeratus; legali scientiæ strenua ope-
ra Senis in Hetruria data, vbi etiam gradum doctoratus nonis
Decembris 1583. sumpsit; anno sequenti ab eodem Pontifice
vtr. Sig. Refer. renunciatus, Clericatus Apostolicæ Cameræ
munc-

munere insignitus est. Cum autē Sixtus V. anno Pont. I. Theaurariatus eiusdem Camerae, ac Collectoriae spoliiorum officii simul annexa, in officium perpetuum ad instar Clericatuū, cum multis emolumentis, ac priuilegijs erexisset; illudq; Benedicto Iustiniano nobilissimo Genuensi contulisset; eodē ad Cardinalatus fastigiū euecto, Guido multis alijs, eo in munere an. 1587. Præfectus, Protectorq;, & administrator Mōtis Camerariatus deputatus; biennio post, anno Pont. V. die Mercurij, 13. Kal. Ianuarij in octaua quatuor Patrum electione, ab eodem Diaconus SS. Cosmi, & Damiani renunciatus, in sacrum Senatum lectus est. Hic sedente Clemente Octauo summo Pontifice, ad Diaconatū S. Eustachij translatus; mox ex Diacono factus Presbyter, tt. S. Petri in Monte aureo; dū animi nobilitate, morum facilitate, ac vitæ castimonia cōspicius, propriaq; potissimum virtute insignis, maiorum suorum mirū in modum auget ornamenta, quæ maiora ipse illis, hoc nouo, atq; amplius honoris titulo primitus in gentem suam illato reddidit, quam quantum ipse ab illorum splendore acceperit commendationis; Romæ ad S. Agatham in Quirinali, immatura morte ereptus, anno humanæ sal. 1599. Pōtificatus Septimo, die Veneris 18. Kal. Februarij, hora 17. ætatis 39. ad meliorem vitam se transtulit; cuius corpus ibi in S. Blasij de Annulo, cui Ecclesiæ nonnulla piē legauit, in eodemmet religiosorum monumento sepulturæ demandatum est.

XXVI.

SILVIUS è gente Sabella inter Romanos illustrissima, nobilissimo, ac peruetusto stemmate oriunda, summorum Pontificum, & S. R. E. Cardinalium longa serie, aliorūq; belli artibus, ac togæ studijs clarissimorū virorum, quos per multos diuersis temporibus tulit, per amplis ditionibus, ac populorum dominatu, rebusq; præclare gestis, immortalitati cōsecrata, Camilli equitis strenuissimi Aritiæ Domini, necnon Isabellæ Ursinæ filius, vel in ipso adolescentiæ suæ flore, eius fructus

fructus præmonstrauit inditia; quò postea adultior ætate ad splendidissimos denominationis titulos conscendit; educatus enim ingenue, ac literis addiscendis traditus, liberalibus artibus, necnon V. I. scientiæ auidè incumbens breui effecit, vt nò multum illi esset ad sui nominis commendationem de domestica nobilitate petendum. Is à Greg. XIII. cui famulatus est, Basilicæ Principis Apostolorū de Vrbe Canonatu donatus; Neapolim Sed. Apost. Internūcius missus; Archiepiscopaliq; Rossanensis dignitate cohonestatus; ijs, multisque alijs diuersis temporibus eiusdem Sedis muneribus summa cum integritatis, prudentiæ, ac industriæ laude obitis; à Clemente VIII. summo Pont. anno 1592. Auinionē Prolegatus, vniuersa Gallia tunc intestino bello tumultuante, mittitur; quam Ditionē summa populorum beneuolentia moderantem idem Clemens Constantinop. Patriarcham anno 1594. renunciatum, Romā ad se venire iussum, vt de Christiana Rep. optimè meritū, anno sal. 1596. Pont. V. die Mercurij, nonis Iunij in secunda 16. Cardin. electione, Presbyterum tt. S. Mariæ in via creatum, in amplifs. Collegiū cooptrauit; & ad Germaniæ, Vngar. aliarumq; maximarū rerum deliberationes adhibuit; ac sequenti 15. Kal. Decembris Perusiæ, Vmbriæq; Legationis titulo insigniuit; quò in munere, dum summa innocentiae existimatione publicum opus implet; Perusia Aritiam veniens, ibi subita morbi vi oppressus, inter viuos esse desijt die Iouis 12. Kal. Feb. anno 1599. Pont. VII. maximo bonis omnibus sui relicto desiderio; vir. n. erat placidi ingenij, ac mitis; mira comitate, morumq; suauitate omnibus carus, magnæ fidei, ingentis animi, nec minoris grauitatis; sumumq; inter Patres religionis, ac modestiæ exemplar. Eius corpus ibi depositum est, donec Romam transferatur, in nobilissimo familiæ sacello in Ecclesia S. Mariæ de Aracoeli posito, contumulandum.



CARDINALES LVII.

VIVI ANNO DOMINI

M D I C.

Quinto idus Februarij in Anniversario Corona-
tionis Sanct. Dom. N. Clementis VIII.

ineunte anno Pontificatus Octauo.

Episcopi Cardinales VI.

PIVS PAPA IV.

I.



ALFOVSVS Gesualdus Illustris. loco inter Neapolitanos natus, Comitæ Consæ filius; ex Prototario Apost. à Pio IV. Pont. inter Patres relatus, Archiepiscopatu Consano; & sub Sixto V. Piceni Legatione prudenter administratis; à Clemente VIII. Pont. Neapolitanâ Eccl. moderandam accepit. Pater sapientissimus, cuius modestiam, integritatē, & fidem, Curia Rom. nouit; maiestatemq; in eodem reueritur. Episcopus Card. Ostien. & Veliternus, primum in Collegio locum tenens; Regnorumq; vtriusq; Siciliæ, & Lusitaniæ Protector.

II.

INNICVS Aualos de Aragonia Neapolit. nobilissimis Italiæ, & Hispaniæ familijs sanguine iunctus, Alfonsi toto Orbe terrarū clarissimi viri Vastij Marchionis filius, ex S. Iacobi Hispaniarū Equite, Neapolitaniq; Regni Cācellario, ab eodem Pio IV. Cardinalitia dignitate insignitus, Archiep. primo Taurinensis; post Episc. Militenis electus, sedente Clēmente VIII. summo Pont. dum Ferrariam venit, summa innocentie existimatione difficilē Legationem Romæ administravit, boni publici fidelis minister, diligēs curator, & assiduus defensor, romanæ Curie splendor. Episcopus Card. Portuen. & S. Rufinæ.

III. Pro-

III.

PTOLEMAEVS Gallius Nouocomensis, summi ingenij, summæq; eloquentiæ vir artis oratoriæ, & ciuilis sapien-
tiæ peritissimus, in quo faciles loquendi cursus, mentisq; ex-
plicatio in promptu est, Episcopus olim Martoranen.; post
Archiepiscopus Sypontinus; ex ea dignitate ad Cardinalatū
ab eodem Pio IV. assumptus, eidem à secretis, & Greg. XIII.
summis Pontificibus fuit. Vngariæ Regni, Religionis Camal-
dulensium, & Collegij Germanorum de Vrbe Protector. Epi-
scopus Cardinalis Tusculanus.

IV.

LVDOVICVS Madrucius nobiliss. Tridentinus, ac ipsius
Ciuitatis, necnon Brixinæ. electus Episcopus, sacri Ro.
Imperij Princeps, Christophori Pauli Papæ III. Card. ex fra-
tre nepos, ingenij magnitudine, rerum publicarū administra-
tione, & morum probitate conspicuus; vir grauis in verbis,
rebusq; superbia, ac iactantia carentibus, & cuius sententia sa-
piens, ab eodem Pio IV. purpura & ipse donatus; clarus Le-
gationibus tribus diuersis temporib. ad Germanos pro S.R.E.
& Christi fide; Germanorum; Collegijq; eiusdem Nationis in
Vrbe Protector; supremus hæreticæ prauitatis Inquisitor. Epi-
scopus Cardinalis Sabinensis.

Pius Papa V.

V.

IVLIUS ANT. Sanctorius Casertanus, vir Theologica do-
ctrina celebris, vitæ castimonia, ac relig. cultu illustris; ex
Archiep. S. Seuerinæ à Pio V. Pōt. ad Cardinalatū assumptus,
& inter sanctiss. Inquisit. Patres annumeratus; operam suam
eo in officio laudabiliter præstitit, vnde à Clemente VIII. me-
ruit maioris Pœnitentiarij munere insigniri; Collegij Græco-
rū de Vrbe Protect. in quo rerū peritia, oīum beneuolētia lo-
quendiq; libertas sunt tria Cardinali ad recta, recteq; consu-
legendum necessaria. Episcopus Card. Prænестinus.

Ff 4

VI. Hic.

VI.

HIERONYMVS Rusticuccius nobilis Fanensis, à secreta-
riatu Pij Papæ V. ob fidem, ad Cardinalatus apicem ab
eodem euectus; Episcopusq; Senogalliensis renunciatus; sub
Sixto V. & successorib. vsq; nunc in officio Vicariatus Urbis,
maxima sui cū laude se gerit; Sed. Apo. summā obseruantia,
fidele, & liberum ministerium exhibēs; Senator vsu peritus,
prudētia, & rerum cognitione præstans. Episc. Card. Albanē.

*Presbyteri Cardinales XXXIX.**Iulius Papa III.*

VII.

HIERONYMVS Simócellus Vrbeuetanus, Iulij Papæ III.
ex Christophora Balduini Montani filia, pronepos, ab
eodem in sacrum Senatum lectus; & post, Patriæ Episcop. ele-
ctus; Primas (si promotionis tempus respicias) inter purpura-
tos Senatores tenens. Vir innocens, cuius religio, non admi-
rationis minus, quam laudis meretur tituli S. Marię Transti-
berim. Presbyterorum item primus.

Gregorius Papa XIII.

VIII.

PETRVS Deza nobilis Hispanus ex Ciuitate Tauri vete-
ris Castellæ, V. I. D. Vallisoleti, ac Granatæ Præsidens,
à Greg. XIII. rubro Galero insignitus; inter Cardinales, qui
sanctiss. Inquisit. Officio præsunt, relatus est. Vir sincerus, nul-
la aspersus macula, in quo par mentis, & sanguinis certat no-
bilitas, præcipuus Sedis Apostolicæ, & communis vtilitatis cu-
rator, & defensor, regiam quandam auctoritatem in loquendi
libertate retinens. Presbyter Cardinalis tit. S. Laurentij in Lu-
cina, ac Collegij Hispanorum Bononiæ Protector.

IX. Ale-

IX.

ALEXANDER Medices Florentinus Clarissimo stemmate natus, è familia, quæ Magno Hetruriæ Ducatui feliciter dominatur; ex Pistoriensi Præsule, Patriæ Archiepiscopus declaratus, dum Francisci Medicei Magni Hetruriæ Ducis apud Gregorium XIII. Pontificem, Oratorem gerit, ab eodẽ in sacrum Senatum esse iussus, summæ animi æquitatis, temperantiæ, lenitatis, prudentiæ, humanitatisq; Princeps, à Clemente Octauo Pont. Max. Galliam ad Henricum IV. Legatũ missus, ab ipso Rege, frequenti nobilitate comitante; nouo more Regibus Galliæ inusitato, eidem multa millaria obuiam procedente exceptus, cohonestatusq; , religionem auitam eo in regno restituit, ac pace, quæ inter ipsum, & Philippum II. Hispaniarum Regem, illius opera secuta est, illud florentissimũ reddidit, è qua Legatione reuersus, Cõgregationi Episcoporum Præfectus est. Pater sapientissimus diuini cultus religiosus obseruator, in dicenda sententia liber, in proposito cõstas, reuera sapiens Cardinalis, suiq; gradus, & dignitatis retinens. Presbyter Cardinalis tt. S. Praxedis.

X.

RODERICVS de Castro, ex oppido Lemos paternæ ditionis in Galletia, ex Lemos Comitibus, Sariæq; Marchionibus, summa claritate maiorum inter Hispanos præstans, Decretorum Doctor, sanctæ, & generalis Inquisitionis Consiliarius, ex Episcopo Zammorensi; post Concheni, ad Hispalensem Archiepiscopatum translatus, inter Senatores ab eodẽ Gregorio XIII. annumeratus, ad hunc gradum celsissimũ non nisi virtute, & laboribus sibi viam strauit. Pater prudentissimus, cuius vita generi conuenit. Presbyter Cardinalis Basilicæ Sanctorum duodecim Apostolorum.

Ff 3

XI. Fran-

XI.

FRANCISCVS Ducis de Ieyeuse filius, summo genere in Gallias ortus, olim Archiepiscopus Narbonensis; post Tolosanus, sacra purpura à Gregorio XIII. insignitur; Abbas maioris Monasterij, Galliarum Protector, doctrina, consilio, morum integritate, ac vitæ exemplo conspicuus, penes quem religio, & laudem, & gratiam merita est, nam semper pro veritate, pro iustitia, pro bono publico, pro ædificatione populorum, pro pace, & Sedis Apostolicæ auctoritate sententiam dixit. Presbyter Cardinalis tt. S. Petri ad vincula.

XII.

ANT. MARIA Saluiatus nobilis Romanus, origine Florentinus, Ioannis, Leonis Papæ Decimi Cardinalis ex fratre nepos, à Paulo IV. Episcop. S. Papuli electus; à Pio IV. ad Concilium Tridentinum; sub Pio V. ad Italos Principes pro fœdere; mox Galliam apud Carolū IX. Regem Internunciarius Sedis Apostolicæ missus; ex Clerico Præsidente, Decanoq; eiusdem Cameræ à Greg. Tertio decimo S. R. E. Card. renunciatus; sub Sixto Quinto Legationem Bononiensem, secunda fama, administravit. Pater integerrimus, præcipuus, Romanæ Sedis, ac cōmunis vtilitatis curator, & defensor, quo nullus in dicenda sententia iustior, in interpretationibus iuriū verior, in suo cuiq; reddendo minus personarum acceptator est. Presbyter Cardinalis tt. S. Mariæ de Pace.

XIII.

AVGVSTINVS Valerius Patricius Venetus ciuili sapientia, Theologiæ, ac Philosophiæ studio, morum probitate, ac in religione colenda conspicuus, cui & prosa eleganter scribere, & naturalia, diuinaq; interpretari pròptissimum est, ad labores, & vigilias, immo ad oēs optimas artes natus, vt eius multa scripta testantur; Bernardo Cardinale Nauagerio

rio ipsius anunculo renunciante, Veronensis Præfectus Ecclesiæ, in ipsa regenda, moderandaq; ea virtutis signa dedit, vt à Gregorio XIII. delectus sit, qui suis legibus, ac institutis corruptas Dalmatiæ, totiusq; ferè Græciæ Ecclesiasticas res emendaret, ac Sacerdotum mores corrigeret; à quo etiam ad Cardinalatus fastigiū assumptus est. Vir nostri seculi decus; siue pietatē, siue eruditionē, siue facundiā requiras, & q in cōsilijs, votisq; explicandis solum Deū præ oculis habet. Presb. Card. tt. S. Marci.

XIV.

GEORGIVS Radziuuil nobilissimus Lituani Dux in Olike, & Niesuiz, tamquam rosa ex spinis nata, & ex tribulis ficus colecta, parentum, ac præceptorum de religione errores non solum reliquit: sed animum ad ordinem Ecclesiasticum adiecit, in quo sustinendo Episcopus Vilnensis electus; mox in celeberrimum vniuersalis Ecclesiæ Senatum per Gregoriū XIII. agregatus, post Cracouiensis Eccl. Administrator, sub Clementeq; VIII. ad Nuptias Poloni Regis Legatus declaratus, ita se, per Dei gratiam adhibet, pietate, liberalitate, vigilantia, nullum vt veri Pastoris officium aut optimi Cardinalis munus prætermittere videatur, quod non exequendum suscipiat, & quem omnis fatetur historia, etiam, antequam ad Cardinalatum conscenderet, virtute, ac sapientia inter eos, qui mirandi sunt annumerandum fuisse, Presbyter Cardinalis tt. S. Sixti.

XV.

SIMEON Talliaua de Aragonia siculus clarissimo sanguine, ex Carolo Castri Vetrani Principe, Terrenouæ Duce, Auolæ Marchione, pro Philippo II. Rege Catholico olim Barcinonensis ditionis Prorege, bis Siciliæ præsidente, Ducatusq; Mediolani Vicario; natus, Petri Panormitani Archiepiscopi Iulij III. Cardinalis nepos, à Gregorio XIII. inter Patres, relatus est. Vir placidissimæ conuersationis, & qui in Cardinalatu ea ingenij industriæ, doctrinæq; documenta de-

dit, vt appareat illū Petro Cardin. patruo, atq; tanto parēte dignum filiū, & succēforem fuisse, cum ad ea, quæ sunt præcipuagradus huius tam excelsi munia, totus exardescat. Presbyter Card. tt. S. Hieron. Illyricorum.

Sixtus V.

XVI.

HENRICVS illustriss. inter Romanos, Neapolitanosq; ortus Caetana familia, Nicolai Pauli III. Cardinalis patruī memoriæ nō minori ornamēto virtute sua fuit, quā quantum ipse ab illius gloria commendaretur; ex Abbate. n. ac vtr. Signat. Referē. Patriarcha Alexandrinus; & à Sixto V. inter Ecclesiæ Cardines connumeratus, amplissimōq; Camerariatus officio auctus; tres operosas Legationes gessit pro S. R. E. Bononiensem sub eodem Sixto V. Gallicanam interregni durissimō tempore, vigente bello, vitæ, salutisq; immemor, in qua quod admodum generoso animo egit, minimè prætereundum duximus; nam Lutetia Parisiorum obsessa; cum iam vrbs rerum omnium inopia laboraret, ingentis animi vir, ac verè liberalis, impensa omni pecunia, quam è suo habebat, argenteam supellectilem inter pauperes diuisit. Nouissimam ad Polonos, sedente Clemente; Octauo, summa Procerum beneuolentia tulit, præstans ingenio, moribusq;, & vitæ facilitate insignis. Presbyter Cardinalis S. Pudentianæ, tt. Pastoris.

XVII.

DOMINICVS ex nobili, ac vetusta gente Pinella inter Genuenses natus, Baptiste Cōsentini olim Archiepiscopi pronepos, in Romana Aula Magister supplicum libellorum, Cameraq; Apostolicæ Clericus Præsidens, ijs ab ipsa adolescentia, prudentiæ, consilij, pietatisq; documentis cohonestabatur, vt à Sixto V. Firmanus Episcopus, & Princeps creatus, sacra purpura, Flaminiae Legatione; vt etiam sub Greg. XIV. ac Innocentio IX. Perusiæ, Umbriq;, necnon S. Mariæ maioris Archipresbyteratus munere ab eodem donatus, ad maxima-

ximarum rerum S. Officij Inquisitionis deliberationes adhibi-
tus fuerit; Præful laboriosus, & iustitiæ minister intrepidus,
probitate, multiplici rerû cognitione, alijsq; virtutib. insignis.
Presbyter Cardinalis tt. S. Cryfogoni; Cartusienſium, Car-
melitarumq; Protector.

XVIII.

FR. HIERONYMVS Bernerius de Corrigio integerrimus
eruditissimusq; Pater, Theologica doctrina celebris, vî-
tæ exemplo, Ecclesiasticæ disciplinæ zelo admirabilis; ex ordi-
ne Prædicatorum, ad Asculanæ Ecclesiæ administrationem as-
sumptus, à Sixto V. cum Principibus Ecclesiæ ad cōsiliū vni-
uersalis Ecclesiæ, & inter eos Cardinales, qui Sanctissimæ In-
quisitionis Tribunali præfunt, positus, tanta apud omnes cla-
ret æstimatione, vt maiora etiam ipsorum iudicio, & spe illi de-
stinentur; Præbiter Card. tt. S. Mariæ super Mineruam.

XIX.

ANT. MARIA Gallus nobilis Auximanus Picenus, à fa-
mulatu Sixti Papæ V. ad Canonicatū Basilicæ Vatica-
næ; mox ad Episcopatū Perusinū euectus, Cardinaliumq; Col-
legio ab eodē adscriptus, ac in Flaminia Legatus missus, sacre
Lauretanæ Domus Protector, ac Patriæ Episc. declaratus; re-
ligionis, integritatisq; non parua signa dedit. Presbyter Car-
dinalis tt. S. Agnetis in Agone.

XX.

ANTONIVS Saulius Genuensis ex gente, opibus, & ma-
iorum splendore florente annos octuaginta ante Car-
dinalitia; post non leuia Curia romanæ munera præclare o-
bita; propter excellentem virtutem ex Referendario, ad Ar-
chiepiscopatum Patriæ, cuius Ecclesiæ fuerat Coadiutor, Car-
dinalatumq; à Sixto V. assumptus, virtute, doctrina, pruden-
tia, se tantorum munerum dignum omnibus præbet acrem se
osten-

stendens, vt publicæ turpitudini, ac fœditati legibus occurratur. Presbyter Cardinalis tt. S. Stephani in Monte Cœlio, Eremitarumq; Protector.

XXI.

EVANGELISTA Pallottus de Calderola Camertis Diocesis Picens, domestico, ac longo experimento Sixto Quinto, cui famulatus est, ministrum impigrum, atq; in multis vtilem se præbens, Canonicus Basilicę Principis Apostolorum de Vrbe; mox ob signâdis libellis præpositus, Archiepiscopus Consentinus; ac S. R. E. Cardinalis; eiusdemq; Vaticanę Ecclesię Archipresbyter ab eodem renunciatus, nullū vnquā implendi, quæ sui muneris erant tempus omisit. Presbyter Cardinalis tt. S. Matthæi in Merulana.

XXII.

PETRVS Gondius nobilis Florentinus olim Episcop. Lingonienfis, ac Caroli IX. Gallię Regis à confelsione, elemosynisq; post perpetuus administrator Episcopatus Lutetię Parisiorum, per omnes forensium honorum Aulę regię gradus, in quibus eius doctrina, ingenium, industria, multos annos elaborauit, sub Sixto V. ad amplissimum Ordinem peruenit. Vir præpositi tenax, & ad omnem posteritatis memoriã memoranda patientia insignis, & qui dicendi libertate laudè meritus est, cū à libero animo profecta; ratione, modoq; nō caruerit. Presbyter Card. tt. sanctifs. Trinit. in Monte Pincio.

XXIII.

MARIANVS Perbenedictus Camers Picens, sacrarū literarum, atq; Iuris scientia, Romanęq; Curię Magistratuum administratione insignis, ex Episcopo Martoranen. ac almæ Vrbis Gubernatore, cuius Tribunalis abusus reformatione, quæ extat, Dei timore, virtutis, ac iustitię zelo ductus, tulit, à Sixto V. inter purpuratos Patres relatus, strenuè, & fideliter.

deliter, quæ boni Cardinalis vires sunt gerens, talis euasit, vt multorum consensu, ipsius meritis, & spectatæ virtuti summus etiâ locus destineretur. Presbyt. Card. tt. SS. Marcellini, & Pet.

XXIV.

FR. GREG. Petrochinus de Montelparo Picenus, diuinarum scripturarum scientia, vitæq; castimonia clarus, per omnes procurationum gradus ad S. Augustini Eremitani Ordinis Generalē Prioratum peruenit, & ex eo ad Cardinalatus munus, sedente Sixto V. Pontifice, quo in ordine suis admirabilibus virtutib. efficiet aliquando, vt Cardinalis nomen paruum momentum ad illum commendandum habeat; vir adeo grato, venerandoq; aspectu; vt ex ipso tantum venerationis, maiestatisq; secum ferat, quantum ex ingenti doctrina, innocentia vitæ coniuncta. Presbyt. Card. tt. S. Augustini.

Gregorius XIV.

XXV.

PAULVS Sfondratus Mediolanensis clarissimis ortus natalibus Gregorij Papæ XIV. ex fratre nepos, iuris scientia insignis, ex Abbate à Patruo ad Cardinalatum assumptus, Ciuitatisq; Bononiensis legatione, ac Signaturæ gratiæ præfectura, nec non Inquisitionis munere cohonestatus, in eum auctoritatis locum summa prudentia, ac grauitate apud eundem Pontificem peruenit, vt maxim aquæq; Pōtificij Solij negotia, ipsius item Patruī voluntas in illius administratione, & arbitrio, versaretur. Presbyter Card. tt. S. Cæcilie.

Sixtus V.

XXVI.

BENEDICTVS Iustinianus nobilissimus Genuensis ex Dominis Insulæ Chij Fr. Vincentij Pij Papæ V. Cardinalis
ex so-

ex sorore Nepos Pontificij Cæsarei; Iuris doctrina, consilio, morumq; integritate celebris, ex Vtr. Sign. Refer. Apostolicus Thesaurarius electus; mox inter Patres; Sixto V. sedente relatus, in consiliumq; pro rebus arduis adhibitus, Firmanam, Asculanamq;, nec multo post totius Piceni legationes summa Prouincialium beneuolentia rexit, Sacerdos prudentissimus, religiosissimusq; acer iurium Ecclesiæ propugnator, pietatis fama in primis clarus, virtutis magnitudine inter clarissimos Cardinales annumerandus Presbyter Card. tt. S. Marcelli.

XXVII.

FRANCISCUS MARIA ex Marchionibus Montis S. Mariæ Pisarenensis clarissima Borbonia latus 'propagine', propter excellentem virtutem, & Principum commendationem, ab ordine Referendariorum, S. R. E. Cardinalium Collegio ab eodem Sixto V. adscriptus; ea humanitate aduentium desideria excipit, vt propemodum sua ferè illa videantur, cuius vita, nobilitati; vt animi magnitudo, corporis pulchritudini responderet, frontis. n. honos, atq; oculi indices animi in rebus agendis singularem integritatem præferunt, Presbyter Cardinalis tt. S. Mariæ de Araccoeli.

Gregorius XIV.

XXVIII.

OCTAVIUS Parauicinus nobilis Romanus, moribus, & scientia illustris, ex maximi sacelli Sacerdotis Vicario in Aula Philippi II. Hispaniarum Regis, ad Episcopatum Alexandrinum assumptus, post laboriosam apud Heluetios administratam legationem, comprouincialiumq; Ecclesiarum Apostolicam visitationem illi demandatam à Gregorio XIV. Pöt. Cardinalis creatus, nouoq; Legationis munere in Galliam ad leuandum intestinum bellum, Regemq; creandum, insignitus est, quò secuta morte Pontificis, minimè iuit, præclaræ virtutis

Clemens Papa Octauus.

461

tis Antistes, dignusq; Cæsaris Cardinalis Baronij tanti Patris, Oratorijq; Cōgregationis alumnus, optimi Card. dignū exemplar, qui respondet ingenuè, loquitur fideliter quod sentit. Presbyter Cardinalis tt. S. Alexij.

Sixtus Papa V.

XXIX.

HIERONYMVS Matthæius & ipse nobilis Romanus Iuris scientia clarissimus Vtr. Sign. Refer. Camera Apostolicæ Præsident clericus, eiusdemq; Generalis Auditor. Vir laboriosus, & iustitiæ minister intrepidus, fidei, & integritatis suæ tale specimen Sixto V. Pontifici dedit, vt ad amplissimum Cardinalatus ordinem merito sit euectus, qui maximis pluribusq; muneribus præpositus, omnibus integrè, sapienterq; fungitur. Pater præcipuus religionis cultor, & qui omnibus virtutum meritis ita fulget, vt nihil prorsus ad cumulandam Cardinalatus perfectionem in eo possit desiderari. Presbyt. Cardin. tt. S. Pancratij, Abbas Nonātulanus, & Protect. Hiberniæ.

Gregorius Papa XIV.

XXX.

OCTAVIVS Aquaiua nobilissimis maiorib. inter Neapolitanos ortus, Io. Hieronymi Atriæ Ducis filius, Io. Vincentij, Pauli III. Cardinalis ex fratre nepos, Iulijq; Pij V. item Cardinalis germanus frater, V. I. D. ob eximias animi dotes, post prima palatina munera, Viterbiensemq; Præsidatum, domestico experimento integerrimus, & qui mores faciles haberet à Greg. XIV. Pōtifice inuentus, ad Clarissimū Purpuræ dignitatis honorem euectus; Campaniæq; Legatus designatus, sub Clemente Octauo Pont. Opt. Max. Auinionensi Legatione (tota Gallia intestino bello flagrante) summa cum laude functus, quo vno sanè vniuersa Romana Curia prædicat, nihil naturā produxisse ex cultius, nihil elegantius, nihil omni
ex par-

ex parte perfectius, & qui; quò excelsiore in gradu positus est, insignioreq; tum munere, tum habitu, ac titulo decoratus, eo longius ab omnibus vitiorum suspitionibus abest; ita vt virtutum suarum splendore vniuersorum in se oculos, atq; admirationem conuertat. Presbyter Cardinalis tt. S. Mariæ de Populo.

XXXI.

FLAMINIVS Platus Mediolanensis nobilitate sanguinis, clarissimeq; Sfondratæ gentis affinitate; sed maximè propria virtute, ac ciuili Doctrina præfulgens, ex Aduocato Consistoriali, Romanæ Rotæ Iudex factus ad amplissimum ordinem à Gregorio XIV. affine aduectus est, integritatis, & cōtinentiæ specimen singulare, & qui sanctissimis moribus præditus, dicendi libertate cum summa grauitate, prudentiaq; coniuncta mirifice floret; Presbyter Card. tt. S. Onuphrij.

Sixtus V.

XXXII.

FEDERICVS Borromæus Mediolanensis, Caroli sanctæ memoriæ, tt. S. Praxedis Cardinalis, ex fratre nepos; ipsius virtutum æmulus, clarissimæ gentis suæ stemmata, probitate, ac doctrina haud dubiè cumulat; in ipso. n. Angelici mores sunt, summa religio, linguarum, scientiarumq; omniū, humanarum, ac diuinarum ingens cognitio, ingenium singulare, admirabilis eloquentia, studium ad publica; non modo continuum; sed supra ætatis sortem etiam pertinax; qui annorum curriculo inferior à Sixto V. ex ipsius familiaribus, adlectus inter Senatores, moribus atq; ingenio ætatem antecedens maximum sacro Cardinalium Collegio ornamentum affert; à Clemente Octauo summo Pontifice Mediolanensis Ecclesiæ præfectus, renitensq; pro Imperio sacrosanctæ potestatis impositum onus accipere coactus, talis in Sacerdotum dignitate, ac Ecclesiastica libertate tuenda, propagandaq; extat, vt quem fami-

Clemens Papa Octauus.

459

familiz decus, atq; optimi, sanctissimiq; Patru Cardinalis venerabile nomen conspectum faciant, eundem probitatis, & ingenij fama longè faciant conspectiorem. Presb. Card. tt. S. Martiz Angelorum in Thermis.

Clemens Papa VIII.

XXXIII.

L VCIUS Saxus nob. Nolanus inter Cumanos ortus, Hieronymi Veralli Pauli III. Card. olim Auditor, vtr. Sig. Referendarius, multis Præsidatibus, nouissimè Perusino Pio V. sedente, præfectus; mox Episcop. Ripanus electus; ac sub Gregorio XIII. sacrosanctæ Lateranensis Basilicæ Vicarius, Pœnitentiariæq; Regens, obsignandis libellis sub Urbano Septimo præpositus, à Clemènte Octauo in numerum Cardinalium relatus; Prodaturusq; electus est; cuius primâ iuuentus ingressa Urbem in extremum nunc senium perseverat; vir laboriosus, & qui diuersis temporibus cunctos penè Rom. Curiz Magistratus solus administravit; & cuius gesta omnifariam singularem abstinenciam, animiq; magnitudinem ostendunt. Presbyter Card. tt. SS. Quirici, & Iulitz.

XXXIV.

L AVRENTIUS Priulius Clarissimus Venetus, inter suos admodum celebris, humanarum, diuinarumq; literarû, necnon Reip. gerendæ scientia illustris, post laboriosam administrationem omnium ferè Magistratuum Patriæ, cui olim ea Respub. iustitiæ administrandæ diuersis in locis, Oratorisque muneris exercendi; primo apud Franciscum Magnum Hetruriæ Ducem; mox apud celsissimos Philippum II. Hispaniarû, ac Henricum III. Galliarum Reges; post apud summos Pont. Greg. XIII. & Sixtum V. regendiq; consilij primum apud se locum concessit, electus Patriarcha Veneriarum, in Sacerdotum moribus emendandis, lapsaq; Ecclesiæ disciplina restituenda, ea prudentiæ, consilij, pietatis, ac religionis signa præ se tulit, vt à Clemente Octauo Pont. Max. dignus visus sit, qui sacra

cra purpura cohonestaretur; Sacerdos præpositi tenax, & seuerus cultor iustitiæ, qui iuuenis téperatissimus fuit, senexq; insigne se virtutis, ac modestiæ exemplum omnibus præstitit. Presbyter Card. tt. S. Mariæ Transpontinæ.

XXXV.

FRANCISEVS MAR. Taurusius nobilis Politianus Hertruscus, in Aula Rom. perhonorificè à primis annis versatus, maximisq; Præsulibus famulatus, cum Fr. Michaële Bonello Card. Alexandrino, ipsius cubiculi Præfectus, in Hispaniam, Lusitaniam, ac Galliam venit, qui humanos postea casus, fallacesq; huius vitæ caducæ spes secum reputans, mente diuinitus monita, rationeq; vitæ cōuersa, fastui, & ambitioni se subtrahens, curialibus muneribus, contentionibusquē, plurima salute dicta; Beato Philippo Nerio instituti Auctori, Cæsariq; Baronio nunc Cardinali amplissimo in cōgregatione quæ Oratorij dicitur socius adiunctus, diuino cultui totum se dedit, ex qua societate à Clemente VIII. S. D. N. à secretis congregationi Episcoporum electus, mox Auinionensis Metropolitane Eccl. renitens, renūciatus Archiepiscopus, Collegio Patrum purpuratorum absens, paulo post adscribitur, & ad pacandum inter Serenissimos Vincentium Mantuæ ac Ranutium Parmæ, & Placentiæ Duces oriturum forte disfidium Caduceator mittitur, ac postea Senensi Archiepiscopatu præficitur. Vir egregius ad maxima quæq; pertractanda aptus longo rerum usu, vbertate linguarum, sacrarum, humanarumq; literarum multiplici eruditione conspicuus, sermocinandi gratia in primis elegantis, & magnæ doctrinæ, atq; in dictis suis non minus sententiarum grauitate, quam ornatu insignis, & qui frequenter scripturæ sanctæ verbis, & SS. Patrum exemplis utitur; is vtpotè, qui dignitati suæ conuenire plurimum existimat, summo Sacerdotio dignus ab omnibus habitus Presbyter Cardinalis tt. S. Bartholomæi in Insula.

XXXVI. Octa

XXXVI.

OCTAVIUS Bandinus nobilis Florentinus; Iurisprudentia in florentissimis Gallia, Hispania, ac Italiae Academicis sibi comparata Protonotariatus Apost. titulo insignitus; Bononiensi Praesidatui à Clemente VIII. summa Civium benevolentia praefectus, Archiepiscopus Firmanus, ac Princeps electus, quam Urbem sub Sixto V. ut etiam uniuersam Picentum Prouinciam rexerat; mox in sacrum Senatum ab eodem adoptatus; Legatusq; Flaminiae declaratus, magna constantia nunc Piceni Legationem gerit. Pater eloquentissimus, cuius doctrinae, ac consilio, summus Pontifex tribuit multum, animo ingens, ingenio promptus, rerum cognitione, illarumq; usu excellens, & qui multarum virtutum aetate nostra exemplum extitit. Presbyt. Cardin. tt. S. Sabinae.

XXXVII.

DANNA Decars Claudij de Giuri Clementis Septimi Cardinalis ex sorore pronepos Gallus, Monachus, Abbasque Monasterij S. Benigni Diuionensis in Burgundia Ord. S. Benedicti à Gregorio XIII. ob vitae meritum Episcopus Lexouienfis factus; à Clemente VIII. Pontifice, propter Religionem catholicam, Apostolicamq; Sedis auctoritatem interregni tempore apud Gallos defensam, inter Cardinales relat^o est. Vir Theologica doctrina celebris, summa innocentiae existimatione illustris, & qui aliquando è Gallia Romam missus pro rebus Ecclesiae, ad eam, qua pollet facundiam, insignem etiam in dicenda publica sententia libertatem addidit, curans in consulendo non quod maximus Princeps vellet, sed quod Christianae Reipub. utilitas postulare. Presb. S. R. E. Cardinalis; sed adhuc sine titulo.

XXXVIII.

FRANCISCUS de Sancto Georgio ex Comitibus Blandratae Casalensis, clarissimo sanguine ortus, ex Referen-

G g

dario

dario Apostolico ad Ecclesiam Aquensem vocatus, & mox; sedente Clemente Octauo Pontifice, Cardinalis creatus; Piceniq; & post Ferrariæ, ac Romadiolæ Legatus cõstitutus, Præses omnium penè Prouinciarum Ecclesiæ diuersis temporibus factus, prudentiæ, & integritatis specimen clarissimum dedit; in periculis. n. fortitudine, in dubijs iudicio, in certis constantia, in aduersis acrimonia, in prosperis moderatione ita præstitit, vt meritò possit cum tota antiquitate comparari; & cui plurimum pro eius sapientia, ac rerum vsu alij Patres tribuunt. Presbyter Card. tt. S. Clementis.

XXXIX.

CAMILIVS Burghesius Romanus, origine Senensis, Ciuili sapientia, generisq; nobilitate conspicuus, vtriusq; Sig. Referend. Patriarchalis Basilicæ S. Mariæ maioris de Vrbe Vicarius, ad Prolegationem Bononiensem administrandã; Legato Alexandro Cardinale Peretto anno 1588. missus, Ciuitatem, Ditionemq; durissimo Pontificij Interregni ob mortem Sixti V. & Urbani VII. tempore biennio, summa prudentia moderatus est, ex quo præsidatu ad Cameræ Apostolicæ Auditoris munus, post obitum Horatij fratris à Greg. XIV. vocatus; à Clemente VII. in Hispaniam Sedis Apostolicæ Nuncius missus, purpura non multo post condecoratus; Eximium Episcopatum moderandum suscepit. Pater in omni vita verax, ac integer, singularis prudentiæ habitus, qui boni Cardinalis nomen; ex consilijs liberè, & sincerè datis, est consecutus. Presbyter Cardinalis tt. S. Eusebij.

XL.

CÆSAR Baronius nobilis Soranus, humanarum, diuinarumq; scripturarum sublimis interpres, Ecclesiasticarum antiquitatum clarissimus indagator, vitæ, ac morum probitate celeberrimus, summæ eloquentiæ vir, in omni scriptorũ genere, nulli ætate nostra secundus, vtpotè qui priscorum in dicēdo lau-

do laudem; si non superauit, eis minimè inferior, æquare saltem visus est. Ex primo Præfecto post B. Philippum Neriũ institutorem Congregationis Oratorij de Vrbe, cuius fuerat alumnus sola virtute, doctrinaq; adiutus, ob conscriptos Annales Ecclesiasticos, quibus Ecclesia catholica summoperè honoratur, rerum celeberrimarum in eadem gestarum memoria conseruatur; multæ quæstiones aperta Apostolicarum traditionũ ex purissimis fontibus veritate soluuntur; & falsa hæreticorũ mendacia acerrimè confutantur, à Beatiss. Dom. N. Protonotarius Apostolicus de numero participatium; mox Sanctę Romanę Ecclesię Cardinalis renitens, & inuitus creatus est; magnę integritatis, modestiæ, fideiq; Pater; eiusdem Sanctissimĩ à confessionib. & S. R. E. Bibliothecarius. Presbyt. Cardinalis tt. Sanctorum Neræi, & Archilæi.

XLI.

LAVRENTIVS Blanchettus Bononiensis nobilissimis, ac Christiana præsertim pietate illustribus, ortus parentib. Vtr. Iur. Doct. atq; ante annos virilem grauitatem gerens, ob conspectus venerationem, mansuetosq; mores, atque ingentẽ virtutem à Gregorio Tertio decimo Rotæ Iudex factus, ad ipsius Tribunal, quod est in Ecclesia maximum, sic per annos quatuor, & viginti sedit, vt documẽta futurę laudis notissima omnibus daret, à Sixto Quinto in Galliam cum Henrico Cardinale Caetano Legato vigente bello; mox in Poloniam cum Hippolyto Cardinale Aldobrandino, nũc vniuersalis Ecclesię Pastore, missus; labori nõ pepercit, cumq; de re communi ageretur, nihil timuit; nihil non sperauit; vno, eodemq; tempore sudauit sæpè, & alsit, cuius præclaras virtutes admiratus idẽ summus Pastor, præcipua Bononiẽsium, ac totius Romanę Curię lætitia, inter Orbis Senatores retulit. Pater, in quo semper summa religio enituit, summa vitę integritas, singulare ingenium, doctrina ingens, morum grauitas, ingenij acumen; longq; rerum vlu maxima peritia, ac humanitas tanta, quãta nec

Gg 2

exper.

experti antehac sumus, & desideraturi forsitan in posterū erimus. Presbyter Cardinalis tit. S. Laurentij in Pane, & Perna.

XLII.

FRANCISCVS clarissimo sanguine, è familia de Muxica inter Hispanos nobilissima ortus, Abulësis, de Aula nūcupatus, cum mos sit in Hispania secundo genitos Heroum cognomen ab auo materno assumere, ex Collegio S. Iacobi Vniuersitatis Salmanticensis, Conchensi dicto, vbi literis operam dedit, in Canonicū Archidiaconumq; maioris Toletanæ Ecclesiæ assumptus; mox eiusdem Ciuitatis Apostolicus Inquisitor, Commissariusq; generalis Cruciata, & de Consilio sanctissimæ Generalis Inquisitionis in Regnis Hispaniarū electus, ob egregias virtutes, doctrinamq; in sacris literis, cuius nonnulla monumenta posteritati consecrauit, à Clemēte Octauo summo Pontifice in numerum Patrum adscriptus, præ oculis omnium maxima resplendet claritudine, non tam ex nobilitate generis, & ex dignitatis splendore, quam ex virtutum radijs longè, latèq; fulgentibus comparata. Presbyter Cardinalis tit. S. Crucis in Hierusalem.

XLIII.

FERDINANDVS Ninno de Gueuara nobilissimis, & ipse Toleti in Hispania parentibus natus, & ex gente, quæ per uetusto de Onnate Comitum titulo, antequam Castellæ Regis nomen in Hispaniā perueniret, insignita est, vir sine cōtrouersia magnus, eiusdem Collegij alumnus, studijs literarum, religione, maximisq; alijs virtutibus, & singulari præsertim liberalitate elucens, Regni Granatæ Præsides, ab eodem Sanctissimo Dom. N. ob consilium, humanitatem, innocentiamq; in Senatum allectus; Romam vnā cum Francisco collega adscitus, breui quantum ingenio valeat aperuit: in magnis enim, arduisq; rebus tractandis perpetuò versatus; in quibus magnum vsum, & intelligentiam consecutus est; eum se in sententia de eisdem
expo.

exponenda ostendit, vt illud planè constet ætate nostra pacis artibus, naturæ præfidijs, inter Hispanos instructiorem esse neminem; quò nil habet ipsius Natio, quò gloriari amplius possit; nil quod ad suum patrociniū efficacius inueniatur. Presbyter Card. tt. S. Martini in Montibus.

XLIV.

FRANCISEVS Mantica nobilis Vtinenfis Foroiulienfis, præstans Pontificij, Ciuilisq; Iuris interpret, inter duodecim Patres litibus iudicandis, maxima prudentiæ, ac integritatis laude sedens, ob summam virtutem, summam in Ecclesia fidem, præstantem animum, sapientiæq; , ac consilij, cuius non obscura extant monumenta singularem opinionem à Sanctissimo Pontifice Clemente Octauo in sacro Cardinalium Collegio annumeratus est, Parentinæq; Ecclesiæ præfectus; vir inter I. Conf. ætate nostra longè princeps, in cuius domo id, quod præcipuè fulget, atq; enitet, est illius virtus, innocentia, affabilitas, liberalitas, sanctitas, ac perpetua laborandi, otiumq; fugiendi cupiditas, quem nec vana ratio, nec tecta fallere potest ambitio. Presbyt. Card. tt. S. Thomæ in Parione.

XLV.

POMPEIUS Arigonius nobilis Romanus, & ipse inter vtriusque Iuris scientia clarissimos nostra ætate viros annumeratus, cum magnum solertiæ, pietatis, ac sapientiæ præconium, inter Rota Iudices adeptus fuisset, ab eo ipso Clemente Octauo Pontifice in amplissimū sacre Purpuræ honoris statū collocatus est; integerrimus, eruditissimus, probatissimusque Præsul, grauitate, iustitia, ac fide insignis, in omni re, verboq; suo prudentissimus, qui cum se ostendit, quem omnes mirètur. Presbyter Cardinalis tt. S. Balbini.

*Diaconi Cardinales XII.**Gregorius XIII.*

XLVI.

ANDREAS ab Austria Imperiali sanguine ex Ferdinando Austriae Archiduce natus Germanus, admodum iuuenis vehementi in catholica Religione spiritu, futuram animi sui magnitudinem, religionemq; declarans, inter purpuratos Patres relatus, eum honorem in tenera aetate à Gregorio Tertio decimo Pontifice tulit, quem raro senes virtute praestantes assequuntur, à quo paulo post honorifico totius Germaniae Legationis titulo insignitus, ut Truchesium Colonensem Archiepiscopum ad sanæ mentis intelligentiam adduceret, ipse sedulus ad summi Pontificis mandata fuit, circuiuit, quæsiuit, pulsauit, expectauit, sibiq; non pepercit, & si frustra; electus Episcopus Constantiensis, Brixinensisq; . S. Mariæ nouæ Cardinalis, Diaconorum primus.

XLVII.

FRANCISCVS Sfortia Romanus ex Marchionibus Sanctæ Floræ, Guidonis Ascanij Pauli III. & Alexandri Pij IV. Cardinalium ex fratre nepos, summo genere, summaq; claritate maiorum præstans, adolescens à Gregorio Tertio decimo Pontifice inter Patres esse iussus; sub Gregorio XIV. Innocentio IX. & Clemente VIII. summis Pontificibus laboriosam ijs temporibus Flaminiae Legationem constantissimè, ac summa prouincialium beneuolentia gessit, cuius fuit, & domi, & foris summa commendatio, nam opibus, consilio, atq; sui corporis oppositu, nullo vnquam loco Christianæ Reip. defuit. Vir, qui propter excellentem ingenij vim, in rebus publicis obeundis neminem parem habet, cum in eo prudentia præuenerit iuentutis annos; & quod alij; non nisi longo usu, & experientia
asse

assequuntur, hic summa indolis præstantia, iudiciijq; validitate
breui tempore comparauit. Diac. Card. S. Mariæ in via lata.

XLVIII.

ANDREAS Bathorius de Sôlio Trâsylvanus, Stephani Po
loniæ Regis religiosissimi ex fratre nepos, adolescens præ
stans ingenio, ac pietate, magnis animi, ac corporis ornamen
tis præditus, ab eodem Rege Orator ad Gregorium XIII. mis
sus, à quo Cardinalitia dignitate donatus est, ea prudentiæ, in
tegritatis, castimoniæ in ipsa Romana Aula, atq; ante annos
virilis grauitatis signa præ se tulit, vt magno Senatui Purpura
torum facta visa sit accessio, siue actione queras, siue consilium;
Diac. Card. S. Angeli in Piscina, electusq; Episc. Varmienfis.

Sixtus V.

XLIX.

ALXANDER Perettus Romanus, Sixti V. summi Pon
tificis ex Camillæ sororis filia pronepos, rubro Galero
ab eodem Pôfice donatus, nobilissimisq; Italiæ familijs san
guine iunctus, Legationem Bononiensem sub eodem, ac seden
te Clemente Octauo vsq; nunc annis nouem, & ultra, pruden
ter administrauit; Summator Papæ, S. R. E. Vicecancellarius.
Qui opum magnitudine, & apparatus magnificentia excedere,
necdum multos æquare Reges putatur, cuius; vt reliquas virtute
tes omittam, regia in omni magnificentiæ genere liberalitas
tum erga familiares, quotidianiq; cultus splendorem se se co
piosè ostendit, tum verò maximè in egenorum inopia subleuā
da, ac in præclaris artibus fouendis, veluti clarissimum lumen
elucet. Cardinalis amplissimus, & apud summos Pontifices
magnæ auctoritatis, de quo Curia semper benè sensit, & locu
ta est cum honore. Diaconus Cardinalis S. Laurentij in Da
maso, Regni Poloniæ Protector.

L.

ASCANIVS Columna nobilissimus Romanus, M. Antonij Palliani, Talliacotijq; Ducis rebus præclare gestis, domi, forisq; clarissimi Herois filius, ea stirpe prognatus, quæ vetustate originis, quæ perpetua serie honorum; quæ præclare gestorum gloria florentissima est, & cuius maiores in sacro Collegio virtutem, singularemq; prudentiam suam probarunt; gentilitij decoris æmulus, studijs literarum in celeberrimis Hispaniæ Academijs ita se dedit, vt græcis, latinisq; literis eruditus; sui temporis in eloquentia Principis nomen sit cōsecutus, in quo tanta ad magnas res iam inde à prima adolescentia indoles fuit, vt in familiaritatem Philippi Secundi Hispaniarum Regis adscitus, breui omnium oculos in se conuerterit, Rexq; ipse adolescentis ingenium, consilium, prudentiam, gravitatemq; admiratus, vt in sacrum Senatum cooptaretur; etiā, atque etiam apud Sixtum V. summū Pōntificem iasteterit. Princeps multiplicis virtutis titulo insignitus, regijq; cultus, ac splendoris magnificentia in primis clarus. Diaconus Cardin. S. Mariæ in Cosmedin, Prior Venetiarum Ord. S. Ioānis bapt. Hierosolymitani; Archipresbyterq; S. Lateranensis Basilicæ.

L I.

CAROLVS Caroli III. Lotharingiæ Ducis filius Lotharingus, Canonicus Ecclesiæ Colonienfis, sacram purpuram à Sixto V. accepit. Huic electo postea Metensi Episcopo, consilio, prudentia, vitæ exemplo, abstinentia, gravitate, iustitia, religione, cæterisq; virtutibus clarissimo, Clemens Octauo Argentinensem Ecclesiam administrandam, resistentibus hæreticis, qui alium Episcopū sibi similem assumpserant, mandauit, corruptissimæ ditioni, in qua lutherani principē sedem sibi constituerant, vtilitati, & saluti hoc præstanti, maximèq; apto remedio consulens. Diaconus Card. S. Agathæ.

Gra-

Gregorius Papa XIV.

LII.

ODOARDVS è gente Farnesia Romana, multis stemmatibus, tum verò Pontificatu maximo, perpetuaq; , ac continuata serie Procerum, & ecclesiasticorum, & secularium illustrissima Alexandri Parmæ, & Placetiæ Ducis, qui Orbem terræ vniuersum, sui nominis fama impleuit, Mariæq; è stirpe Regum Lusitanie sanctissimæ foemine, prudentiæ, pietatis, ac religionis singularis exempli filius, Ranutij Serenissimi earumdem Ditionum Ducis, paternæ gloriæ hæredis, factorumq; imitatoris celsissimi, frater, cum ipsius præclara indoles in dictis, factisq; maximè eluceret, à Gregorio XIV. summo omniū applausu S. R. E. Cardinalis creatus est. Iuuenis, qui; vt cum fratre pari voluntatis conspiratione in parentum laudum æmulatione concordat, Ranutio, vt clarissimam Alexandri patris in bello, sic ipse, vt amplissimam Alexandri Cardinalis patrui dignitatem in toga minus desideretur, efficit. Diaconus Cardin. S. Eustachij, Regniq; Aragoniæ Protector.

Innocentius Papa IX.

LIII.

ANTONIVS Fachinettus Bononiensis, Innocentij Noni Pontificis ex sorore pronepos, Cæsaris Vianini Marchionis filius, à magno Auunculo super annos ex Protonotario Referendarioq; Apostolico, cum ipsius virtutis specimen, prudentiæq; semina agnosceret, proprio Cardinalitio pileo donatus, super subsellium Diaconale positus, tanta auiditate literarum studia, id natura cooperante sectatur, vt quicquid temporis à rebus publicis subtrahi potest, literis impendat, in quo ea est animi, ac ingenij indoles, vt si iusta vitæ spatia illi contingant (quod Deus facit) vnicum inter suæ ætatis Cardinales eua
surum

surum, constanti omnium opinione credatur, qui in Consistorio breuiter, parcèq; in respondendo se gerens, magnum modestiæ, & studij argumentū præbet. Diaconus Cardinalis Sanctorum quatuor Coronatorum.

Clemens Papa VIII.

LIV.

PETRVS Aldobrandinus nobilis Romanus, origine Florentinus, Petri Clementis Papæ Octauī fratris filius, viuidi ingenij, prudentis consilij, maturæq; grauitatis adolescens à Patruo Summo Pontifice; ex Abbate Sanctorum Vincentij, & Anastasij ad aquas saluias; Arcisq; Sancti Angeli Præfecto; ac Aduocato Consistoriali; amplissima Cardinalatus dignitate cohonestatus; quò maiorem virtutis exercendæ, ampliorèq; proficiendi campum nactus est, eò præclarius munus suum præstitit, feliciusq; absoluit; totius. n. Ecclesiastici exercitus; imminente bello ab eodem Patruo Præfectus designatus; ita quæ eiusdem muneris erant prudenter, ac cumulatè adimpleuit, ut ipsius virtuti, orationibusq; Pontificis adscribendus sit rerum Ferrariensium felix successus, ut. s. ante illatum, confectum bellum audiretur; tamquè amplæ Ditiones Ferrariensis, Comacensis, & Romandiolæ illius studio sine sanguine recuperatæ, perpetuò Iuri, & Imperio Romanæ Ecclesiæ, fugatis teterrimi belli nubibus, & perpetua pacis serenitate redacta dicarentur. Qui Ferrariensis Legatus declaratus; mox ad comitandā Margaritam Austriacam Ferraria (quo venerat) ut coram Sanctissimo Dom. N. sponsalia celebraret cum Philippi III. Hispaniarum Regis Procuratore Alberto Austriæ Archiduce, qui, & ipse tunc matrimonio coniunctus est cum Isabella Clara Eugenia sorore eiusdem Regis, ipsius Oratore medio, Mediolanū missus; ut foris inuictus, ita domi in Præsidatuq; grauis, & constantis animi habetur. Iuuenis, cuius nomē tot, tamq; eximiæ virtutes commendant, ut difficilius sit in suis laudibus exitum, quam

quam principium inuenire. Diaconus Cardinalis Sancti Nicolai in carcere Tulliano, Signaturæ Breuium Prefectus, Protectorq; Sabaudia.

LV.

CYNTHIVS Passerus Aurelij Art. & Med. Doctoris filius nobilis Senogalliensis, stemmate, cognomineq; Aldobrandini, ab eodem Clemēte Octauo Sanctiss. Domino Nostro Iulia, ipsius matris fratre donatus; cum solertis cuiusdam mētis aciei ad quæuis ardua expedienda multis in muneribus in celeberrimo totius Orbis theatro insignia documenta dedisset; tum verò maximè in Polonica Legatione, in qua idem Auunculus, tunc Legatus ipsius operam magnopere adhibuit, eiusdem ingenio, ac literis tribuens omnia, ab eodem debiram purpuram accepit. Egregius vir doctrina, ingenio, ac diuina quodā modo prudentia præstans, qui pectus suum iustitiæ, honestatis, innocentia, religionisq; lorica vndiq; tectum, atq; armatum esse contendit; & qui adeò graues in Senatu sententias dicit, vt etiam cum veteranis Patrib. dicendi grauitate, copiaq; cernet. Cardinalis Diaconus Sancti Georgij in Velabro.

LVI.

BARTHOLOMAEVS Illustrissima gente Cæsia inter Romanos Cardinalitio, ac ciuiliū rerum decore; bellicaq; laude clarissima, ortus, honorificentissimo Clericatus Camerae honore perfulgens, eiusdem Camerae Apostolicæ Generalis Thesaurarius electus, ex eo munere sibi ad sacram purpuram sub Clemente Octauo Pont. Max. gradum fecit. Vir ad publicam vtilitatem semper intentus, cuius acre iudicium, & mens premptra, ac voluntas ad bonum festinans absoluit maturè quæq; difficilia crebrò illi à summo Pontif. iniuncta sunt, consilia sincera præbens, pro fide, pro iustitia, pro veritate peruigilans. Diaconus Card. S. Mariæ in porticu.

LVII. An-

LVII.

ANDRÆAS Perettus de Monte Alto Picenus, Sixti Quinti gentilitius, à Clemente Octauo Pontifice grati animi causa erga familiam Perettam; à qua Cardinalitium pileum acceperat, ex Protonotario Apostolico amplissima dignitate insignitus, literarum studijs, singulari morum facilitate, miraq; naturæ comitate, ac sermonis affabilitate, alijsq; virtutibus, cū formæ dignitate coniunctis, studia, voluntatesq; hominū ita ad se adtrahit, vt apud cæteros Cardinales in gratia, & in honore semper sit; hoc adolescen-
tiæ suæ flore eius fructus ostendens signa;
qui postea adultiori ætate optimi Senatoris nomen ei pariat. Diaconus Cardinalis Sanctæ Mariæ in Domnica.

F I N I S.



677

*Errata subnotata, si quandoq; in eorum locis emendata reperi-
ries, ne mireris, Lector, nam dum in paginis sub ipso prelo
partim impressis, ac partim imprimendis perlegerentur,
perspecta, tunc correctæ sunt. Quæ autem non hic apposita
reperies iudicio tuo corrigenda commissa sunt.*

Pag. 5. dies viginti quatuor lege viginti sex. p. 12. XIX. l. XV. p. 15. XXXI. l. XXIX.
p. 43. frauri l. tratri. p. 45. alumno l. alumni. eadem dilectus l. delectus. p. 53. doctos
l. doctor. p. 54. Setembris l. Septembris. p. 55. ptesidens l. ptesidens. p. 62. Paulus Pa-
pal. l. Pius p. 74. Calisti l. Calixti. p. 75. Sisti l. Sixti. p. 87. ipfis l. ipsius. p. 59. l. 95.
p. 96. numeris l. muneris. p. 97. pietats l. pietas. p. 107. pio l. pro. p. 113. & 114. non. n. in
terras missus l. non. n. in terris genitus, sed e celo in terra missus. p. 125. 2383. l.
1583. p. 128. sres vi l. res sui. p. 147. Florentinam l. Florentina. p. 150. ornatissimo
l. ornatisimo p. 156. pecunis l. pecunijs p. 157. eleuenrur l. eleuentur p. 164. ἀεθα-
vur l. ἀεθαvur. p. 174. Archiprebytero l. Archipresbytero p. 176. Hieronymu l. Hie-
ronymus. ead. admiratione l. admiratione. p. 190. Velus aureu l. Velum aureum.
p. 202. Decembri l. Decembris p. 206. 106. l. 206. p. 207. 107. l. 207. p. 216. Kalendass
l. Kalēdas. p. 227. quæ de venio instante diximus accidisse nocte quadam, alijs placet euenisse
in meridie p. 259. periculufis l. periculofis p. 265. quod l. quod p. 308. translatm
l. translatum. ead. inscriptipne l. inscriptione. p. 324. ratione Cardinalatus adde
præstita. p. 337. Apostolica l. Apostolica p. 339. perpexisset l. perspexisset. p. 346.
246 l. 346. p. 356. Pernisæ. l. Perusæ. p. 381. renunatus. l. renunciatus. p. 392. mulat.
l. multa. p. 402. congregationi l. congregationi. p. 410. constitutus. l. constitutis p.
418. controurfiam. l. cōtrouersiam p. 419. magnaimum l. magnanimum p. 450. 454
l. 450. p. 451. 455. l. 451 p. 462. 458. l. 462. p. 463. 459 l. 463.




REGISTRVM.

† ABCDEFGHIKLMNOPQRST
VXYZ. Aa Bb Cc Dd Ee Ff Gg.

Omnes sunt Duerniones.





2-3247
Bononiæ apud Hæred. Io. Rofsij. MDIC.
Superiorum permissu.



M
L

123247









005646052

h